

IO. PAVLI PALANTERII

A' CASTRO BONON. MIN. CON.

SACRAE THEOLOGIAE DOCT.

AD ILLUSTRIS. ET REVERENDISS.

D. D. Antonium Mariam Saluiatum. S. R. E. Card.

FIDE, PIETATE, ET RELIGIONE INTEGERRIMVM.

LECTVRA IN QVATVOR LIB. MAGISTRI SENT.

NYPER ADITA.

*Pertinet ad
S. Bonaventuram*

*Contum
de Virbe*



Herculanus Bartholus excudebat Regij. M. D. XCIII

D. D. Superiorum assensu.

DEPT. OF THE ARMY

WASHINGTON, D. C.

OFFICE OF THE ADJUTANT GENERAL

ADJUTANT GENERAL'S OFFICE

WASHINGTON, D. C.

ADJUTANT GENERAL'S OFFICE

WASHINGTON, D. C.

ADJUTANT GENERAL'S OFFICE

WASHINGTON, D. C.

ADJUTANT GENERAL'S OFFICE

WASHINGTON, D. C.

ILLVSTRISS. ET R.^{mo} D.

D. ANTONIO MARIAE SALVIATO,

S. R. ECCLESIAE CARDINALI,

FIDE, PIETATE, ET RELIGIONE

integerrimo,

DOMINO SVO COLENDISSIMO.

FRATER IO. PAVLVS PALANTERIVS

à Castro Bononiensi, in Celeberrimo Conuentu

Monachorum D. Io. Euangelistæ Parmæ,

SACRAE THEOLOGIAE, DEI GRATIA LECTOR,

S. P.



VIDAM animis nostris Illustriss. Cardinalis amor insitus, & innatus interiores partes ad meliora erigens, sensusq; ad sublimia promouens est, quo oēs homines scire desiderant, quod Peripatetica disciplina Princeps, & sensuum humanorum egregius indagator Aristoteles in libris ad hanc rem editis clarissimè testatur. Noua audire, videre, discere, cognitionemq; rerum occultarum simulq; admirabilium secretorum ipsius natura assequi incundissimum homini soli accidit res in terris caelestes indaganti. In cogni-

tione verò summi Dei excellere optatissimum, atq;
pulcherrimum in primis habitum fuit. Hic contem-
plandi locus fructus mirabiles, ut in frugiferis, & flo-
retissimis, copiosisq; maxime capis Philosophia uber-
rimus, ac seracissimus praesert. A quo constat inter,
honesteq; viuendi praecepta vera, & salubria dicun-
tur, quae nos primum ad animi cognitionem commo-
uent, hinc ad modestiam impellunt, ad pietatem in-
formant, & erudiunt. Quibus omnibus allectus in
animum dudum induxi meum, Lecturam hanc, &
considerationem in quatuor Magistri sententiarum
libros à me, quapotiui breuitate contractam, & colli-
gatam edere, Amplitudiniq; tuo merito, & libenti
animo dicare. Eia ergo Illustriſs. CARDINALIS,
quodcumq; hoc munusculum est accipe, fruiere, posside,
totum tuum tibi ascribito. Si quid boni in libris erit,
Deo Optimo Maximo assignemus; sin secus (quod
nolim) meum id totum, non ex voluntate, sed ex in-
genij imbecillitate, fuerit. Vale, diuq; viuere, tibi, &
omnibus in Christi fide, pietate, & religione viuenti-
bus. Parma Cal. Iulij. M. D. LXXXXII.

Franciscus Zaua ad Lectorem.

A Decurrunt Cerui quesita ad flumen aquai,
Vt sedent illa dulci fluente sumi.

Hic fons verus aqua demissus vertice sacro,

Est ubi mellifluus, perpetuusq; liquor.

Quatuor hic fontes exundant flumine ab vno,

Omnes qui tollunt rore salubre sumi.

Sermo Dei primo referatur in ordine libro,

Suaue bonis semper, dulcecq; colloquium.

Qua perfecta Deus perfecit Maximus ipse,

Qua bonitate sua ponit habenda Deus.

Inde Creator adest magnus, mirusq; secundo

Hic totus libro, grandia dona ferens.

Tertius, ut Christus Diuino semine cretus,

Factus homo, monstrat, edocet atq; liber.

Ad quartum venias, resonabit nomine pleno,

Quàm bonus, & clemens, quàm pius omnipotens.

Quatuor hec breuiter complere volumina tanta,

Ergo lege, & dicas, quàm bonus iste liber.

Hic fons ille fluens elara, lymphaq; perenni,

Ad quem Cernorum currere more vacas.



AD PERERVDITVM FRANCISCANVM
F. lo. Paulum Palanterium in Cēnobio D. Ioannis
Euangelistæ, quod est Parmæ, rem Theo-
logicam Prælegentem.

HIERONYMI ALEXANDRINI PARMENSIS
cognomento in innominatorum Academia
Abconditi, Carmen.

M Ira Canis, Paule: omnes hæc miramur, & unà
Te sequimur celeres atria ad alta Dei.
Quid Deus est, aperis: corpus quod sumpserit olim
Humanum, ut tutos redderes inde suos:
Vt pius immensum dederit mortalibus orbem.
Commoda quæ caris protuleritq; viris.
Qualia; gna sui nobis largitus amoris,
Ac fuerit quali flamine totus amor.
Tanta, Deo plaudente, refers: Deus intima pandis.
Vt tibi sic omnes sit super ire viros.

INCERTI AVTHORIS.

P Alladis interpres quidquid celsaret Olympus.
Descripsit quondam Petrus, & occuluit.
Interpres Petri modo Pallanterius Alter,
Arcani pandit quidquid, ubique latet.



Typographus ad Lectorem.

A Duertas benigne Lector, in his libris quędam inter componendū litteras incurrisse errata leuia, quę in calce cuiuslibet libri cum suo foliorum, & linearum numero, quo modo corrigenda sint, apposita reperies. Nec te lateat, quędam etiam nescio qua incuria fuisse prætermissa verba, quę ibidem hoc signo † sunt adnotata. Ea tu suo loco sic tibi præmonstrata reponere facilè poteris, quo puriorem ipsorum quorundam locorum sententiam percipere valeas. Id verò te admonitum volui, tum vt rem æquā, boniq; consuleres, tum vt studio tuo commodiùs posses satisfacere. Vale.

INDEX LECTIONVM, DISTINCTIONVM, ET QVAESTIONVM LIBRI PRIMI.

<i>Lectio I.</i>	
V Arias sacre Theologiæ acceptiones continet. fol.	1.
<i>Lectio II.</i>	
Sacre paginæ necessitatem dedit. fol.	4.
<i>Lectio III.</i>	
Eiusdem doctrinæ sufficientiam manifestat. fol.	7.
<i>Lectio IIII.</i>	
Subiectum sacre Theologiæ, & varia huius termini Deus, nec non subiecti significata comprehendit. fol.	9.
<i>Lectio V.</i>	
Num sit scientia, & alia pulchra scitu digna docet. fol.	12.
<i>Lectio VI.</i>	
Vtrum sit vna, & vtrum sapientia. fol.	14.
<i>Lectio VII.</i>	
Num practica, vel speculativa. fol.	16.
<i>Lectio VIII.</i>	
Circa Prologum versatur, vbi tria benevolentia docilitas, & attentio tanguntur. fol.	18.
<i>Lectio IX.</i>	
<i>Distinctionis I.</i>	
Quibus rebus fruendum sit, & quid sit frui, respectu obiecti declarat. fol.	20.
<i>Lectio X.</i>	
Inter frui, & vti discrimen, nec nō multa noratu digna narrat. fol.	22.
<i>Lectio XI.</i>	
Nū Deus vtaī, vel nobis fruaf, & quot frui possimus insinuat. fol.	24.
<i>Lectio XII.</i>	
In qua de tribus; de rebus primò, quibus fruitiones actus competere videtur, de amore secundò, quo nos diligit Deus, tandem de fruitionis obiecto est sermo. fol.	26.

INDEX

Lectio XIII.

Distinctionis II.

In qua modus inquirendi unitatem, & trinitatem in diuinis primò; Authoritatibus essentiae diuinæ vnitas probatur secundò; Trinitatisq; vnitas detegitur tertio. fol. 31.

Lectio XIII.

In duo vsurpatur quæsitæ: Nam inquitur primò; Num vnus sit Deus. Insuper, Num tres tantum sint diuinæ personæ, quæ duo in caput, corpus, & pedes distributa. In capite sunt argumenta; In corpore notanda; In pedibus argumentorum solutiones. fol. 34.

Lectio XV.

Distinctionis III.

In puncta quatuor distribuitur. In primo argitur de unitate diuinæ essentiae naturalibus rationibus; In altero de personarum pluralitate per similitudinem vestigij; In tertio vtrunque per assimilationem imaginis, & mentis creatæ enodatur; In quarto omnes creaturarum assimilationes ad Deum illuminantur. fol. 39.

Lectio XVI.

Tria continet, vestigium trinitatis primò; Modum unitatis diuinæ essentiae secundò; Intentionem principalem tertio. fol. 41.

Lectio XVII.

Similitudinem creaturæ ad Deum docet, cum dissimilitudine. fol. 43.

Lectio XVIII.

In quinque partes est distributa, iuxta illa quinque Deum representantia, vt vestigium, vt imago, vt ad imaginem esse, vt similitudo, & equalitas. fol. 45.

Lectio XIX.

In duo segmenta secatur. In quorum primò quæritur, Vtrum imago Dei habeat esse magis in Angelo, quàm in homine. Authoritas illa genesis, Faciamus hominem ad imaginem, &c. exponitur secundò. fol. 47.

Lectio XX.

Circa vnum versatur, Vtrum scilicet à nobis humana ratione sit Deus cognoscibilis. fol. 49.

Lectio XXI.

Circa duo, & primò, Vtrum de Deo, quid est, cognosci possit. Insuper, Vtrum sit per se notus. fol. 53.

Lectio XXII.

Inquirere duo docet, Num in omni creatura sit vestigium primò, & Vtrum

LIB. PRIMI.

Virum trinitatis imago sit in homine secundò. fol.

57.

Lectio X XIII.

Distinctionis IIII.

Tria continet, quæstionem primò de Deo, contra determinata; oppositum secundò; Demùm, quæ sit inutilis, declaratur opinio. fol. 60.

Lectio X XIII.

Completur duo, Num in diuinis primò sit concedenda generatio, Insuper, quid tenendum de veritate huius propositionis, Deus est Pater, filius, & Spiritus sanctus. fol. 62.

Lectio X XV.

Distinctionis V.

In tria distribuitur puncta: nam queritur primò, Verum in diuinis essentia diuina terminus dici possit generationis. Instantiæ in oppositum adducuntur secundò; Authoritates quædam p. determinatione productionis filij, & Spiritus sancti exponuntur tertio. fol. 64.

Lectio X XVI.

Continet tria; Dubium primò, Vtrum scilicet paternæ generationis essentia diuina sit terminus; notanda secundò; Argumentorumq; solutiones tertio. fol. 66.

Lectio X XVII.

Partitur in duo puncta: nam queritur primò, Vtrum essentia diuina generet, aut generetur. Præterea, Vtrum filius de substantia Patris generetur. fol. 68.

Lectio X XVIII.

Distinctionis VI.

Tria habet, & primò, quod nec necessitate, nec voluntate Pater filium genuit; Insuper, huic veritati opponitur; Postremo ad principale intentum reuertitur. fol. 70.

Lectio X XIX.

Tripartita est: nam in primis dubitatur, an Pater filium necessitate genuerit; Deinde, argumenta pro parte negatiua ponuntur; Postremo diluuntur. fol. 72.

Lectio X XX.

In qua considerantur tria; Num Pater natura filium genuerit; argumenta secundò; tandem responsio. fol. 74.

Lectio X XXI.

Distinctionis VII.

In qua tria proponuntur, Num generandi potentia sit in filio, declara-

I N D E X

72 tur secundò; In filio non posse generare, nullam impotentiam dicere; Tertiò ponitur conclusio de potentia generandi in Patre, & filio; quæ aliquo modo eadem est, & aliquo modo non. fol. 76.

Lectio XXXII.

In qua, Num generandi detur in diuinis potentia, primò queritur; Secundò arguitur; Tertiò noranda; Quartò argumentorum solutio ponitur. fol. 78.

Lectio XXXIII.

In qua queritur, an generandi potentia dicat quid, vel ad aliquid. Secundò, Num in verbo concedenda sit. fol. 79.

Lectio XXXIII.

Distinctionis V III.

In qua fit sermo de tribus, de diuinæ essentia veritate primò; De eiusdè immutabilitate secundò; Postremo de eius simplicitate. fol. 82.

Lectio XXXIV.

In qua Theoria est de duobus: nam primò queritur, Vtrum esse Deo propriè conueniat; Insuper, Vtrum esse, & essentia in solo Deo, realiter sint idem. fol. 84.

Lectio XXXVI.

In qua de duobus est sermo, & primò, an Deus sit omnino simplex; Deinde, an solus immutabilis. fol. 87.

Lectio XXXVII.

Distinctionis V IIII.

In qua tria tanguntur, coeternitas Patris, & filij primò; Secundò propositio; Tertiò ambigua questio diluitur. fol. 90.

Lectio XXXVIII.

In qua dubia tria ponunt, Num Pater sit alius à filio; Insuper, Nū Pater prior filio; Tertiò, Num Pater, & filius sint plures æterni. fol. 92.

Lectio XXXIX.

Distinctionis X.

In qua de tribus est mentio, & primò, de amore, siue de charitate, quæ licet Spiritui sancto attribuat, communis tamen est scilicet toti trinitati. Secundò de charitate personali, quæ soli Spiritui sancto conuenit. Tertiò manifestatur, quòd iure merito Spiritus sanctus hoc nomine sit vocatus ratione originalis principij. fol. 95.

Lectio XL.

In qua de duobus agitur: nam primò queritur, Vtrum hoc nomen Spiritus sancti, tertiæ sit proprium nomen personæ. Præterea, Vtrum

in

LIB. PRIMUS.

in diuinis sint tres tantum personæ. fol.

97.

Lectio XLI.

Distinctionis

XI.

In qua tria habemus; Primò, quòd Spiritus sanctus à Patre, & filio sit pductus; Tangitur secundò circa materiam hanc Græcorum opinio; Tertiò, & Latinorum, & Græcorum loco cõuenientia declarat. fol. 100

Lectio XLII.

In qua primò queritur. Vtrum Spiritus sancti principium sit diuina voluntas; Insuper, Vtrum à solo Patre, vel à solo filio, vel ab utroq; procedat. fol. 102.

Lectio XLIII.

In qua tria proponuntur, & primò, an Pater, & Filius, sint vnum Spiritus sancti principium productiuum; Deinde, an Pater origine prius spiret, quam Filius. Vltimò, an si Spiritus sanctus non procederet à filio, adhuc distinguereur ab eo. fol.

105.

Lectio XLIIII.

Distinctionis

XII.

In qua tria continentur: nam primò, in Spiritus sancti productione temporum ordo excluditur. Insuper, dignitatis ordo; Ponitur tamen naturalis originis ordo tertiò. fol.

107.

Lectio XLV.

Continet dno, Nū Pater, & Filius, natura sint Spiritui sancto priores, & utrū Spiritus sanctus perfectius pcedat à Patre, q̃ à filio. fol. 109.

Lectio XLVI.

In qua de tribus fit sermo, & primò, an Spiritus sanctus sit à Patre per filium; Secundo argumeta pponunt; Tertiò responsiones. fol. 112.

Lectio XLVII.

Distinctionis

XIII.

In qua tria manifestantur. Primò quòd Spiritus sanctus, à Patre, & filio non vt eorum filius procedit; Secundò discrimen, inter generationem, & processionem; Tertiò vnum, quòd scilicet Spiritus sanctus non est genitus. fol.

113.

Lectio XLVIII.

In qua duo queruntur, Vtrum scilicet in diuinis, sit aliqua concedenda processio. Insuper, Vtrum filij generatio, & Spiritus sancti processio sint emanationes distinctæ. fol.

116.

Lectio XLIX.

Distinctionis

XIIII.

In qua est sermo de tribus, & primò, quo modo Spiritus sanctus procedat

I N D E X

cedat à Patre, & à filio temporaliter. Insuper, euo modo in dono-
rum suorum communicatione detur; Quod tertio, a nullo alio, nisi
à Deo detur. fol. 119.

Lectio L.

In qua de duobus fit sermo, & primò de dubio, dum queritur, Vtrum
in diuinis, temporalis processio sit concedenda. Insuper, Vtru talis
cum eterna in numerum ponat. fol. 121.

Lectio LI.

In qua duo queruntur, & primò, Vtrum per temporalem processionē,
Spiritus sanctus detur, vel eius dona solum; Insuper, Vtrum à viris
sanctis dari possit Spiritus sanctus. fol. 125.

Lectio LII.

Distinctionis XV.

In qua tria considerantur, Vtrum Spiritus sanctus, primò à se ipso de-
tur, vel mittat; Insuper, quo modo mitti ipsi filio cōueniat; Tertio,
quòd nec Pater sit missus, nec mitti possit. fol. 127.

Lectio LIII.

In qua queruntur duo, primum est, Num alicui diuina personæ mitti
conueniat; Insuper, Num soli Spiritui sancto. fol. 130.

Lectio LIII.

In qua de duobus pertractatur; Primò enim inquiritur, Vtrum in Deo
relationes reales concedenda; Deinde, Vtrum missio actiua im-
manens, vel transiens dici debeat. fol. 133.

Lectio LV.

Ex qua colligit, Nū missio qđ notionale, vel essenziale dicat. fol. 137.

Lectio LVI.

Ex qua declarantur duo, Num primò aliqua persona à se ipsa mitti
possit, vel ab alia, à qua non procedit. Deinde, Vtrum missio inui-
sibilis filio competat. fol. 138.

Lectio LVII.

Distinctionis XVI.

In qua tria tanguntur; Primò, quòd Spiritus sanctus visibiliter sit mis-
sus. Insuper, Spiritus sancti missio, & filij adinuicem comparantur,
vt cognoscamus, quo modo addinuicem se habeant. Tertio, quo
modo filius, & Spiritus sanctus, secundum has missiones se habeant
ad Patrem. fol. 143.

Lectio LVIII.

Ex qua duo colliguntur, Vtrum sanctet visibilis missio Spiritui sancto
competat.

LIL. PRIM.

competat; Insuper, Vtrum eiusdem Spiritus sancti debuerit Christo fieri visibilis. fol.

144.

Lectio LIX.

Duo continet, Vtrum species in quibus apparuit Spiritus sanctus, fuerint veræ res; Alterum, Vtrū Pater filio maior dici possit. fol.

147.

Lectio LX.

Distinctionis XVII.

Septem continentis, Ienima primò; Instantiam secundò; Positionem tertio; Conclusionem quarto; Dubium quintò; Nouam instantiam sextò; Quæstiones duas septimo. fol.

150.

Lectio LXI.

Ex qua duo eliciuntur; Primum est, Vtrum charitas debeat poni habitus creatus; Insuper, Num gratia habitualis ad merendum sit ponenda. fol.

154.

Lectio LXII.

In qua duo habemus, Num charitas secundum proportionem naturalium detur; Præterea, Num quis pro comperto habere possit, esse in charitate. fol.

158.

Lectio LXIII.

Tria complectitur, Vtrum charitas augeatur, Vtrum per quemlibet actum meritorium, & vtrum in infinitum. fol.

161.

Lectio LXIIII.

Distinctionis XVIII.

In qua tria proponuntur; Primò, quòd Spiritus sanctus sit donum, & datum; Secundò, vnde donum, & datum dici habeat; Tertiò ad quos, vt donum, & datum referri debeat. fol.

163.

Lectio LXV.

In qua dubitatur, Vtrum in diuinis, donum sit quid essenziale, vel notionale. fol.

166.

Lectio LXVI.

In qua dubitatur, Vtrum Spiritus sanctus eo donum dici possit, quo Deus; Præterea, Vtrum Spiritus sanctus conuenienter noster sit appellandus. fol.

168.

Lectio LXVII.

Distinctionis XIX.

Ex qua tria colligi habent, diuinarum personarum equalitas primò; earundem identitas in essentia secundò; Nec maioritas, nec minoritas tertio. fol.

170.

Lectio

INDEX

Lectio LXXVIII.

In qua duo quærentur, & primò, Num in diuinis detur equalitas; Insu-
per, Vtrum Deo competat eternitas, siue æternum esse. fol. 174.

Lectio LXXIX.

In qua quatuor proponuntur; Primò, Num vna persona sit in alia; Se-
cundò, Num in diuinis totum, & pars sint concedenda; Tertiò, Vt-
rum veritas sit ens reale; Quartò, an habeat esse in rebus, vel in in-
tellectu. fol. 178.

Lectio LXX.

Distinctionis XX.

In qua de tribus est sermo, de personarum diuinarum equalitate; Primò
quantum ad potentiam; Secundò quæritur, an filius in diuinis possit
dici omnipotens; Tertiò, Num ibi ordo naturæ concedendus. fol. 181.

Lectio LXXI.

Distinctionis XXI.

Tria continet: nam primò quæritur, Vtrum de Deo exclusiue dictio-
nes prædicentur; Secundò, Num termini essentiales, de personali-
bus, cum exclusione pronuntientur; Demum generalis modus ad
prædicta intelligenda ponitur. fol. 182.

Lectio LXXII.

In qua de duobus est sermo, & primò de dictione exclusiua: nam
quæritur, Vtrum talis vni relatiuorum addita, reliquum excludat;
Insuper, Vtrum dictio exclusiua verè termino essentiali respectu
personalis prædicati addi possit. fol. 187.

Lectio LXXIII.

Distinctionis XXII.

In qua loquendum est de duobus, & primò, de diuinis nominibus;
Insuper, de regulis ad veras horum nominum, in diuinis prædica-
tiones cognoscendas. fol. 191.

Lectio LXXIIII.

In qua duo quærentur, & primò, Vtrum Deo aliquod propriè conue-
niat nomen; Deinde, Vtrum nomina de Deo secundum substan-
tiam dicantur. fol. 193.

Lectio LXXV.

Distinctionis XXIII.

In qua tria tanguntur: nam primò, hoc nomen persona à regula su-
perius data de his, quæ substantialiter in diuinis prædicantur, vt per-
bellè patet intuenti, excipitur; Deinceps, hoc nomen persona plura-
liter

LIL. PRIM.

liter de tribus dici personis declaratur; Postremo concluditur, quod in diuinis, nec diuersitas essentialis, nec personalis singularitas ponenda sit. fol. 199.

Lectio LXXVI.

In qua duo queruntur, & primò, Vtrum hoc nomen persona substantialiter, vel relatiuè dicatur; Deinde, Num hæc nomina, substantia, substantia, essentia, & persona, in diuinis identificent. fol. 200.

Lectio LXXVII.

Distinctionis XXXIII.

Quæ secatur in tria puncta. In quorum primo, per terminos numerales in diuinis, excluditur multiplicitas substantialis; In altero per eosdem amouetur solitudo personalis; Insuper, per eorum distinctionem, confusio personalis rejicitur. fol. 203.

Lectio LXXVIII.

In qua duo queruntur, & primò, Num termini numerales in diuinis, ponant aliquid; Secundò, Vtrum vnum addat aliquid ultra vnum, quod cum ente conuertitur. fol. 204.

Lectio LXXIX.

Distinctionis XXV.

In qua tria declarantur, & primò, quid significet, cum dicitur, tres personæ, vel duæ personæ; Secundò, quid importetur per hoc, dum dicitur, alia persona Patris, alia Filij, alia Spiritus sancti. Tertiò, quid sibi velit hoc, dum dicitur, alius est in persona Pater, alius filius, &c. fol. 207.

Lectio LXXX.

In qua duo queruntur, & primò, Vtrum persona ad Deum, & creaturam vniuocè se habeat; Secundò, Vtrum in diuinis persona sit quid commune. fol. 209.

Lectio LXXXI.

Distinctionis XXVI.

In qua de personarum proprietatibus est primò sermo. Preterea, in specie esse Dei filium, secundæ cōuenire personæ declaratur; Tertiò, nomen Spiritus sanctus, tertiæ in diuinis appropriatur personæ. fol. 212.

Lectio LXXXII.

In qua duo habemus, Vtrum scilicet, diuinæ personæ per relationes distinguantur; Insuper, Vtrum tales relationes sint reales. fol. 214.

Lectio LXXXIII.

Distinctionis XXVII.

In qua de tribus loquitur Magister, de proprietatibus personalibus, secundum quod significant terminis equiualentibus personalibus; Insuper, de nominibus relatiuè se habentibus ad Patrem. Tertiò de nominibus essentialibus pluribus, in diuinis personis conuenientibus. fol. 217.

INDEX

Leſſio LXXXIIII.

In qua tria habemus, & primò, Vtrum actus notionales priores ſint, relationibus; Inſuper, Vtrū verbū in nobis ſit ipſemet actus intelligendi; Tertiò, Vtrū verbum in diuinis eſſentialiter, vel perſonaliter dicatur. fol. 219. *Leſſio* LXXXV.

Diſtinctionis XXXVIII.

In qua tria declarantur; Primò, quo modo hoc nomen ingenuus, ſe habeat ad alias notiones; Deinde, quo modo, eſſe Patrem, & eſſe filium, ſe habeant adinuicem; Poſtremo, quòd imago, quandoque eſſentialiter, & quandoque perſonaliter ſumitur. fol. 223.

Leſſio LXXXVI.

In qua tria quæſuntur, & primò, Vtrum ingenuus ſit notio Patris. Inſuper, Vtrum proprietas Patris conſtitutiva; Tertiò, Vtrum imago in diuinis perſonaliter, vel eſſentialiter dicatur. fol. 224.

Leſſio LXXXVII.

Diſtinctionis XXXIX.

In qua tria declarantur, quo modo tota Trinitas in diuinis, vt principium ſe habeat ad creaturas primò. Preterea, quo modo adinuicē, per hoc nomen principium; Norandum tertiò. fol. 228.

Leſſio LXXXVIII.

In qua tria proponunt, Num in diuinis vna perſona alterius principium dici poſſit. Deinde, Vtrum Pater, & Filius ſint vnum Spiritus ſancti principium; Poſtremo, Vtrum Pater, & Filius ſint plures ſpiratores. fol. 229. *Leſſio* LXXXIX.

Diſtinctionis XXX.

Tria continet; Primò, quòd Deus ex tempore ad creaturas refertur; Secundò, quòd ob id non mutatur; Tertiò exemplo deſumpto à Spiritu ſancto declaratur. fol. 233.

Leſſio XC.

In qua tria quæſuntur, Num primò, quid de Deo ex tempore dicatur; Secundò, Nū relatio in creaturis realiter differat à ſuo fundamento; Poſtremo, Vtrū relationes, q̄ de Deo dicunt, ſint reales. fol. 235.

Leſſio XCI.

Diſtinctionis XXXI.

Continet tria, nomina quædam primò, communia aliquibus perſonis appropriabilia. Inſuper, quorundā aliorū nominum appropriabilium ſignificata; Demum, rationem prius dictorum appropriatorum fol. 239. *Leſſio* XCII.

In qua tria proponuntur, Num primò equalitas in diuinis relatio ſit realis.

LIB. PRIM.

realis. Insuper, Num positiuè, vel priuatiuè sumatur; Tandem, Num essentialia attributa diuinis debeant appropriari personis. fol. 241.

Lectio XCIII.

Distinctionis XXXII.

Ex quatria eliciuntur, & primò, quo modo Spiritui sancto personæ secundum proprium, & appropriatum comparentur; Insuper, quo modo circa filij appropriatum; Tertiò, quo modo circa vtrunque simul. fol. 245.

Lectio XCIII.

In qua duo ponunt; Primò, Vtrum Pater, & Filius diligant se Spiritui sancto; Insuper, Vtrum filius sit sapiens sapientia genita. fol. 249.

Lectio XCV.

Distinctionis XXXIII.

In qua fit sermo de tribus; Primò de vnitatem proprietatum personarum diuinarum; Insuper de rationibus contrarijs diluendis; Tertiò de modo obuiandi authoritatibus contrarijs. fol. 257.

Lectio XCVI.

In qua queritur, Vtrum proprietates relatiuæ sint in essentia, & in personis, & quo modo. fol. 255.

Lectio XCVII.

Distinctionis XXXIII.

In qua est sermo de tribus; Primò de identitate diuinæ essentia cum personis; Insuper de comparatione essentia ad personas; Tertiò de attributorum recapitulatione. fol. 257.

Lectio XCVIII.

In qua de duobus fit sermo, & primò, Vtrū in creaturis suppositum, & natura differant realiter; Deinde, Vtrū in diuinis suppositum, & essentia idem fol. 259.

Lectio XCIX.

In qua dubitatur primò, Num conuenienter dicatur, quod tres sint personæ vnius essentia; Deinde, Vtrum aliqua nomina conuenienter dicantur translatiuè de Deo. fol. 261.

Lectio C.

Distinctionis XXXV.

In quatria enodantur, & primò, quo modo Dei scientia multipliciter dicatur; Insuper, Num à rebus factis, talis Dei scientia pendat; Proximo qualiter, & quæ à Deo facta sint. fol. 263.

Lectio CI.

In qua agitur primò, de Dei præscientia, quantum ad differentiam per comparationem ad attributa in diuinis. Secundò de præscientia exigentia;

I N D E X

- exigentia; Tertiò, de propria præscientiæ materia. fol. 265.
Leſſio CII.
- Ex qua quatuor ſeliguntur; Primò, quòd Dei præſcientia non efficit;
 Secundò, quòd non cogit; Tertiò, quòd non deficit; Quartò, quòd
 nec rerum cauſa fit. fol. 268.
Leſſio CIII.
- In qua tria proponuntur, Num Dei præſcientia ſit rerù cauſa; Inſuper,
 Num rebus neceſſitatem imponat; Demum, Vtrum certitudinem
 habeat. fol. 270. *Leſſio CIIII.*
- Ex qua quatuor colligi poſſunt: nam primò de proprietate præſci-
 entia Dei agitur; Secundò, quo modo in rebus præſcitis neceſſitate
 excludat, declarat; Tertiò eiufdè infallibilitas deregitur; Poſtremo,
 quo modo cum præſcientia Dei ſit et arbitrij libertas. fol. 274.
Leſſio CV.
- In qua tria conſiderantur, an Dei ſit providentia primò; Argumenta
 ſecundò; Argumentorum ſolutio tertiò. fol. 276.
Leſſio CVI.
- In qua non magno verborù apparatu, de Dei providentia, quo ad quid ſit
 fermo fit. fol. 278. *Leſſio CVII.*
- In qua de duobus eſt intentio. Quorum ſit Dei providentia primò;
 Dubium ſecundò cum ſolutione, Num Deus providentiam habeat
 de homine. fol. 281. *Leſſio CVIII.*
- In qua quinque conſiderantur, & primò de Dei providentia quatuor;
 Dubium ſecundò cum ſolutione; Tertiò quo modo, & fienda, &
 facta diuinæ ſubiſciantur providentiæ; Quartò, quo modo per ſe
 ipſum Deus de creaturis omnibus providentiam habeat; Demum,
 quòd quandoque per bono bonis Deus providet, & quandoque
 bonis per malos, & quid melius ſit. fol. 283.
Leſſio CIX.
- In qua primò de modo providentiæ Dei loquemur; Deinde provi-
 dentiæ ſeptem differentias ponemus; Tertiò perpendemus, aliud
 eſſe ordinare bonum in malum, & aliud facere malum propter bo-
 num, & aliud permittere. fol. 286.
Leſſio CX.
- Hec diuinæ, ſcilicet providentiæ effectus in genere, & in particulari cõ-
 plectitur. fol. 290. *Leſſio CXI.*
- In qua duo quærantur, & primò, Vtrum Deus cognoscat ſe ipſum tan-
 tum, aut etiam alia à ſe; Præterea, Vtrum diſtinctam habeat à ſe de
 alijs cognitionem. fol. 292.
Leſſio

LIB. PRIMUS.

Lectio CXII.

In qua duo in dubium reuocantur, & primò, Num Deus singularia distinctè cognoscat; Insuper, Num Dei scientia vniuersalis, vel particularis sit appellanda. fol. 297.

Lectio CXIII.

Distinctionis XXXVI.

In qua tria continentur, & primò, quòd non omnia sunt in Dei essentia, vt in eius scientia; Insuper, qualiter Dei scientia se extendat ad bona, & ad mala; Tertiò, quòd non omnia, quæ sunt ex Deo Patre, queant de ipso dici. fol. 300.

Lectio CXIII.

In qua de duobus est sermo: nam primò queritur, Vtrum Deus mala cognoscat; Insuper, Num creatura sint in Deo. fol. 302.

Lectio CXV.

In qua duo proponuntur, & primò, Num Ideas concedenda in Deo; Deinde, Num harum pluralitas admittenda. fol. 306.

Lectio CXVI.

Distinctionis XXXVII.

In qua primò de veris modis agitur, quibus Deus dicitur esse in rebus; Secundò falsi modi, quibus in ipsis minimè esse dicitur, semouentur. Tertiò qualiter de nouo incipiat Deus in creaturis esse, & definat declaratur. fol. 311.

Lectio CXVII.

In qua duo queruntur, & primò, Num Deus in omnibus sit rebus; Insuper, Num vbique. fol. 313.

Lectio CXVIII.

In qua de duobus loquendum, & primò, Num Angelica natura competat esse in loco; Insuper, Num moueri localiter. fol. 315.

Lectio CXIX.

Distinctionis XXXVIII.

In qua tria tangunt, dubium primò, Vtrū Dei scientia sit rerū causa; Insuper dubij terminatio ponitur; Postremo ex prædictis oritur noua dubitatio, Vtrum scilicet cum ineffabili Dei præsentia sit indifferens, vel libera futurorum effectuum contingentia. fol. 317.

Lectio CXX.

In qua duo tanguntur, & primò, Vtrum Dei scientia sit rerum causa; Insuper, Vtrum enunciabilia Deus cognoscat. fol. 319.

Lectio CXXI.

In qua duo proponuntur, & primò, Vtrum Deus futura contingentia sciat;

I N D E X

sciat; Insuper, determinatio veritatis apparet. fol. 322.

Leſſio CXXII.

Diſtinctionis XXXIX.

In qua tria conſiderantur, & primò, Num Dei ſcientia augeri poſſit; Deinde, Num Deus ea, quæ modo nescit, ſcire poſſit; Demùm dubium cum ſolutione. fol. 326.

Leſſio CXXIII.

In qua duo quæruntur, & primò, Vtrū Deus valeat nescire, quæ ſcit; Insuper, Num infinita cognoscere. fol. 328.

Leſſio CXXIII.

In qua de duobus fit ſermo, & primò, Num oīa diuinæ ſubdantæ providentiæ; Inſup videndū, Num prudentia, & fatū ſint idem. fol. 332.

Leſſio CXXV.

Diſtinctionis XL.

In qua tria; Quid prædeſtinatio primò; Secundò comparatio prædeſtinationis ad prædeſtinatos; Tertiò, viriſque effectus, & prædeſtinationis, & reprobationis tanguntur. fol. 335.

Leſſio CXXVI.

In qua de actibus quinq; neceſſarijs ad prædeſtinationē concurrentibus agitur. fol. 338. *Leſſio* CXXVII.

In qua de duobus eſt ſermo, de prædeſtinationis cauſa primò; Inſuper declaratur, quo modo quilibet plus debeat præſumere de ſua prædeſtinatione, quam reprobatione. fol. 341.

Leſſio CXXVIII.

In qua de duobus agitur; Primò enim, quid ſit reprobatio dicitur; Secundò, quo modo prædeſtinatio; & reprobatio præſcientiam differenter includant, enodatur. fol. 344.

Leſſio CXXIX.

In qua de tribus fit ſermo; De reprobationis decētia primò; Cur Deus reprobet aliquos, inquiritur ſecundò; Demùm, quo modo trium, & quorum cauſa ſit reprobatio. fol. 346.

Leſſio CXXX.

In qua de quatuor diuinæ reprobationis effectib⁹ eſt ſermo. fol. 348.

Leſſio CXXXI.

In qua duo quærunť, & primò, Num certitudinem habeat prædeſtinatio; Inſuper, Num ad Deum reprobare aliquem pertineat. fol. 351.

Leſſio CXXXII.

Diſtinctionis XLI.

In qua tria declarantur; Primò cauſa prædeſtinationis; Inſuper falſitas

L I B. P R I M I.

tas excluditur; Tandē inquiritur, Nū Dei scientia mutet. fol. 354.

Lectio CXXXIII.

In qua dubia duo pponuntur, & primò, Vtrum electio p̄destinatio-
nē p̄cedat; Insuper, Vtrū p̄destinationis sit aliqua causa. fol. 355.

Lectio CXXXIIII.

Vnum continet tantum, Num scilicet sanctorum precibus p̄destina-
tio iuari possit. fol. 357.

Lectio CXXXV.

Distinctionis XLII.

In qua tria declarantur, & primò, Num Deus sit omnipotens; Secun-
dò veritas ponitur; Tertiò confirmatur. fol. 360.

Lectio CXXXVI.

In qua quęsta duo proponuntur, Num in Deo potentia primò; Dein-
de, Num se ad omnia extendat. fol. 361.

Lectio CXXXVII.

Distinctionis XLIII.

In qua tria, quanta scilicet Deus possit, inquiritur primò; autoritas
ponitur secundò; veritas concluditur tertiò. fol. 364.

Lectio CXXXVIII.

In qua duo quęruntur, & primò, Vtrum Dei potentia sit infinita; De-
inde, Vtrum quid actū infinitum Deus facere possit. fol. 366.

Lectio CXXXIX.

In qua tria excitantur dubia, & primò, Vtrum creaturę omnipotentia
communicari possit; Insuper, Vtrum Deus ex necessitate naturę
agat; Tertiò, Vtrum ex necessitate iustitię. fol. 369.

Lectio CXL.

Distinctionis XLIIII.

In qua tria considerant, & primò, Nū Deus, res valeat meliores facere,
quam prius fecit; Deinde, Num eas meliores facere possit, meliori
modo; Tertiò, Num modo oīa possit, quę prius potuit. fol. 374.


Lectio CXLI.

In qua de duobus est sermo, & primò, Vtrum Deus potuerit aliquam
vnā, & eandem creaturam meliorem facere, quam fecerit. De-
inde, Vtrum data quacunque creatura, Deus aliam perfectiorem
secundum speciem producere possit. fol. 376.

Lectio CXLII.

In qua duo tanguntur, & primò, Vtrum Deus, vniuersum melius fa-
cere possit, quam fecit; Insuper, Vtrum aliquid perfectius Virgine
Maria facere potuerit. fol. 379.

Lectio



I N D E X

Lectio CXLIII.

Distinctionis XLV.

In qua tria tanguntur, quid sit Dei voluntas primò; Quid possit Deus secundò; Et quot modis Dei voluntas accipiatur tertio. fol. 381.

Lectio CXLIIII.

In qua diuinæ voluntatis significata exprimuntur. fol. 382.

Lectio CXLV.

In qua tria querunt, & primò, Vtrū Deus velit alia à se; Insuper, Num Deus immediatius agat per intellectū, q̄ per voluntatē; Demū, Nū voluntas cōgruē distinguat i voluntatē signi, & beneplaciti. fol. 383.

Lectio CXLVI.

Distinctionis XLVI.

In qua est sermo de tribus; Primò de voluntatis diuinæ effectu respectu bonorum; Secundò de eodem respectu malorum; Tertiò de quarundam autoritatum determinatione. fol. 389.

Lectio CXLVII.

In qua dubia duo proponunt, primū est, Vtrū Dei voluntas efficaciter semper impleatur; Deinde, Vtrum mala fieri Deus velit. fol. 392.

Lectio CXLVIII.

Distinctionis XLVII.

In qua tria narrant, & primò, qđ Dei voluntas semp̄ implet; Secundò subditur, quòd ē, quo ad eos hanc impugnant, impletur; Tertiò, quo modo Deus secundum eam diuersimodè præcipiat. fol. 394.

Lectio CXLIX.

In qua duo quæstia examinantur, & primò, Vtrum aliquid fieri possit contra, vel præter Dei voluntatē; Insuper, Vtrum illud, quod sit cōtra Dei voluntatem, diuinæ dicatur obsequi voluntati. fol. 396.

Lectio CL.

In qua est sermo de duobus, & primò, Num Deus, qđ non vult, præcipere possit; Deinde, Nū Deus malū fieri præcipere possit. fol. 399.


Lectio CLI.

In qua tria habemus, & primò, qđ nra voluntas non semper in voluto diuinæ voluntati conformatur; Secundò, qđ aliquando sic; Tertiò ex prædictis notandum. fol. 401.

Lectio CLII.

In qua duo in dubium reuocantur, & primò, dum queritur, Vtrum voluntas nostra diuinæ possit conformari voluntati; Insuper, Vtrū oēs teneantur ad suam conformandū voluntatem diuinæ. fol. 403.

F I N I S.



FRATRIS

IO. PAVLI PALANTERII

A CASTRO BONONIENSI
SACRAE THEOLOGIAE DOCTORIS.LECTIONES IN PRIMVM
*librum Magistri sententiarum.*DE SACRAE THEOLOGIAE VARIIS
ACCEPTIONIBVS.

Lectio I.



INVOCATO (Nobilissimi Auditores)

Spiritu sancto, ut nobis det seruatorem in
corde, lumen in intelligentia, veritatem in
eloquentia, eodem ipso duce ad eam par-
tem, quae Theologia dicitur, deuenimus;
quae sui prima diuisione in duas diuidi ha-
bet partes: duplex enim est, altera vera,

altera falsa. Theologia vera nihil aliud est, quam recta ratio disc-
rendi de Deo; & haec fuit Dionisij Arcopagita opinio. Secundum
verò D. Aug. sic finitur. Theologia est sermo de Deo. Vnde ter-
minus iste Theologia graecus est, & deriuatur à Theos graecè, quod
est Deus latine, & logos graecè, quod est sermo latine. Theologia

A

ergo

ergo est sermo de Deo. Theologia falsa duplex est Poetica, & naturalis: Poetica est illa cognitio, quam habuerunt Poetae de Deo, ut Virgilius, & Ovidius inter Latinos, Homerus verò inter Græcos. Naturalis autem illa cognitio, quam naturales philosophi habuerunt somniantes, Deos esse à natura, quod omnino falsum est. Theologia adhuc vera duplex est, communis, & propria. Illa communis est nuncupanda, quam habuit Philosophus in sua Metaphysica per communia principia desumpta ex his communibus. Sed dicetis, si prima Philosophia Theologia est dicenda: quo igitur modo à Theologia propriè sumpta distabit? Ad hanc difficultatē dici poterit: differre penes modum. Nam diuina Philosophia humano procedit modo, altera verò more diuino. Theologia propria adhuc triplex est. Scholastica, textualis, & moralis. Scholastica dicitur illa perfecta cognitio, quæ per speculationem, puta per inuestigationes, per argumentationes, & huiusmodi subtilitates habetur, præsupposita tamen fide. Textualis Theologia, seu literalis illa est cognitio, quæ secundum literam sacri Canonis Biblia, seu in Canone Biblia habetur. Hanc sequentes Theologi nuncupantur scripturales, siue literales, sed non scholastici. Moralis Theologia illa dicitur cognitio, quæ tradita fuit in Homelijs à Patribus orthodoxis, ut puta à D. Aug. & ceteris, qui conati sunt ducere nos in Dei cognitionem per moralia, seu per mores, ex quibus discimus, Theologos triplicis esse generis. Alij enim scholastici sunt, & subriles, alij textuales, alij morales. Quod si velitis hanc triplicem diuisionem ad duplicem reducere, ita dicetis: Theologiam esse, vel narratiuam, vel inquisitiuam. Narratiua in Biblia habetur. Inquisitiua adhuc
duobus

duobus considerari pōt modis, vel enim inquisitiua est per viam auctoritatis, idēst assumendo Biblię auctoritates, & doctorum originalium, ut in Magistro sent. patet, vel est inquisitiua per viam rationis, & argumentationis, fide non despecta, sed supposita, tunc scholastica hęc censenda. Si verò Theologia habitualiter sumatur, sex modis dici posse, pronunciabitur. Primò pro habitu Prophetarum, & eorum, quibus sacra scriptura reuelata fuit. Secundò pro fide in baptismo infusa. Tertiò pro fide acquisita de fidei articulis, quam simplices Christiani habent. Quartò pro habitu acquisito ex simplici sacra scriptura studio, ut cū quis optimē textus nouit. Quintò pro habitu, quo quis scit unum ex alio deducere articulum; insuper unum scriptura passum per alium declarare. Sexrò pro habitu, quo quis per argumenta, & artes nouit defendere fidem. His potest addi, quòd Theologia quandoq; sumitur pro sacra scriptura in se, & aliquando pro actū intelligendi eā, qui duplex est, unus certus, alter incertus. Certus in Moyse, & Prophetis fuit, quibus sacra reuelata fuit scriptura, q̄ ex hoc certi fuerunt, quoniam Deus infudit intellectibus eorum actus intelligendi, & assentiendi, & conseruauit actus illos, & noluit cooperari ad actus oppositos, scilicet infidelitatis, & erroris. Alter verò actus incertus intelligendi solet poni in fidelibus alijs, qui & certus, & incertus censetur. Certus, q̄ a sine dubitatione ponitur, incertus deinde dicitur per comparisonem ad primum, cum non sit ita certus, ut primus. Pręterea adhuc Theologia videtur esse triplex Dei, beatorum, & viatorum. Prima est respectu intellectus diuini, secūda respectu intellectus beatorum, tertia respectu

nostri intellectus. Quæ adhuc duplex est: Nam quædam appropriatè vocatur Theologia, ut vetus testamentum, quædam Theurgia. i. deificè operatiua, ut nouum testamentum. Datur quædam alia, quæ dicitur propriè Theologia, à qua quis propriè Theologus denominatur, & hæc est habitus discursiuus, & deductiuus conclusionum Theologicarum ex scripturis, & alijs probabilibus: Et hæc satis pro presenti.

DE SACRAE PAGINÆ NECESSITATE

Lectio II.

IN proximo præterito nostro sermone de multiplici huius nominis Theologiæ significatione sumus loquuti, consequenter nunc inquirendum erit. Vtrum homini viatori pro hoc statu sit aliqua doctrina supernaturalis necessaria, ut Theologia. Hic primò titulus questionis examinandus, secundò argumenta in oppositum adducenda, tertio veritas detegenda, quartò rationes soluentur adductæ. Circa primum queritur. Vtrum, &c. ly utrum questionem denotat, questio verò est dubitabilis propositio, & hæc quadruplex est, querimus enim de subiecto, de prædicato, de materia, & de modo, ut hic, dùm dicitur. Vtrum, &c. necesse vel necessaria sit, &c. homini. ly homo quandoque sumitur pro demone, aliquando pro Deo, tertio pro animali rationali, quartò pro tertia entitate, ut hic, & sic finitur. Homo est animal rationale, habens discursum, beatitudinis capax. Viatori: Varij vario modo viator è describere consueuerunt, ego autè a: sim dicere: illi esse

esse viatorem, qui non est in termino beatitudinis, sed tendit ad ipsum per fidem, & spem precipuè, ita ut beatificetur in Deo, qui est obiectiua, & formalis beatitudo. Pro hoc statu nostis vos quadruplicem inueniri statum: Innocētiā scilicet, in quo Adam, & Eva positi fuere; Natura destituta, in quo fuerunt primi parentes post peccatum. Gratia, in quo nos sumus. Gloria tandem, in quo sunt modo beati. Hic questio intelligēda venit de statu naturæ lapsæ, qui status est via. Quartus terminus declarandus est necessarium, quod sumitur quadrupliciter, primo dicitur necessarium, sine quo non contingit animal esse, ut anhelitus, & nutrimentum respectu vitæ animalis. Secundo, sine quo non contingit bene esse, ut potio amara, respectu hominis infirmi, & sic capitur hic. Tertio illud dicitur necessarium, quod fit per violentiam, ut impetus in hostes. Quarto dicitur necessarium simpliciter, & illud est, quod non potest aliter se habere, ut Deus, & entia sempiterna secundum Arist. Quintus terminus est doctrina, & est notitia communicata per aliquem doctorem extrinsecum, & per hoc excluditur doctrina acquisita per inuentionem virtute propria intellectus, qui intellectus dicitur doctor intrinsecus. Sextus terminus est specialis, dum dicitur aliqua doctrina, specialis quidem in eo, quod habet speciale obiectum, puta Deū sub ratione Deitatis. Vltimus terminus est ly supernaturalis, ubi venit notandum, qđ ueritates Theologica dicuntur doctrina specialis supernaturaliter tradita. Insuper illæ ueritates Theologica dicuntur, quæ sunt necessaria, ad uitā eternam consequendam, & hæc pro tituli questionis declaratione sint dicta satis primò. Nunc argumenta in oppositū se-

cundo loco apponēda, arguunt enim quidam, ut probent; aliquantū doctrinam supernaturalem nobis nō esse necessariam, dicentes; cū notitia cuiuscunq; obiecti naturaliter dicitur acquisibilis à nobis: non igitur doctrina supernaturalis necessaria. Antecedens primò sic manifestatur, quia ens in communi, ut patet per *Auicennam*, naturale obiectum nostri intellectus ponitur, at sub tali comprehenditur *Deus*, ad quid ergo doctrina supernaturalis? Præterea in anima nostra, ut per *Arist.* in 3. de anima patet, principia illa duo ponuntur, actiuum, & passiuum: actiuus est oīa facere respectu cuiuscunq; cognitionis: passiuus autē oīa fieri: igitur nulla doctrina supernaturalis nobis necessaria. Pro ueritate tertio loco ponenda, quid dicat *Apost.* ad *Thi.* 2. audite, habet enim hæc uerba: Omnis doctrina diuinitus inspirata utilis est ad docendū, & ad arguendum: quare, &c. Nunc quarto loco rationes in contrarium formata soluenda, deinde erit finis; illud tamen silentio non inuoluam consideratione dignum, quod pertinet ad intellectum, qui vel ad agens supernaturale, vel naturale, vel ad notitiam pōt comparari: si hoc ultimo modo, id est quātum ad notitiam, nulla ei dicitur esse supernaturalis cognitio necessaria, quoniam naturaliter dicitur informari notitia cuiuscunq; intelligibilis, ad quam naturaliter inclinatur. Si uerò compareretur ad agens imprimens notitiam, tunc illa diceretur naturalis notitia, quæ ab agente naturali imprimeretur pro statu isto. At si ad agens supernaturale compareretur, respectu cuius ponitur in potentia obedientiali, hoc modo licet capax sit intellectus, nihilominus eget doctrina supernaturali ad perfectam sui ultimi finis cognitionem habendam, ad quā nullus unquam Philo-

phorum

sophorum distinctā sui finis deuenit, nec ē Arist. ipse: nobis itaq; doctrina, &c. necessaria. Demum rationes diluenda, & primò prima. Dū ergo concludebatur, ens nostri intellectus esse obiectum, ad hoc pōi dici, hoc duobus posse considerari modis, uno modo quantum ad inclinationem, alio modo quantum ad attingentiam: argumentum ab aduersario adductum primo modo conceditur, at secundo modo negatur. Ad alteram in ordine secundam rationem de intellectu actiuo, & passiuo debet dici: hec duo, ut partialia in anima inueniri principia: ulterius verò requiritur obiectum, quod pro hoc statu, cum nostri intellectus facultatem excedat, ideo uia natura non potest in ipsum: aliqua ergo supernaturalis doctrina uiatori necessaria.

DE SACRAE PAGINAE SVFFICIENTIA.

Lectio III.

EX quo satis abundè verba fecimus de sacra Theologia necessitate propterea, iure merito in presenti parte pertractanda, & examinanda erit illa questio de sufficientia. Presens igitur lectio in puncta quinq; diuidetur, in quorū primo ponetur questio. In altero argumenta pro parte negatiua. Tertio loco veritas per D. Aug. patebit. Quarto notanda. Quinto argumenta diluentur. Quātum ad primum solet queri. Vtrum doctrina supernaturalis sufficienter sit tradita in sacra scriptura. Mihi primo aspectu videtur esse dicendum, q̄ non. Nam si sufficienter tradita, proculdubio in lege natura fuisset, at tunc temporis non

erat : ergo, &c. Deinde in sacra scriptura multa inueniuntur, de quibus certa non extat notitia, an sint peccata mortalia, aut non, nihilominus hoc saluti hominum expedire videtur, non ergo talis doctrina sufficienter in sacra pagina est tradita. Hic D. Aug. tertio loco in oppositū se habet, dūm dicit de scriptura Canonica. Hanc fidem habemus de his rebus, quas ignorare non expedit, nec per nos scire idonei sumus. Quarto loco pro maiori, ac vberiori doctrina notanda quinq; premittenda sunt, quorum primum est prophetarum vera narrantium. Secundum respicit scripturarum concordiam. Tertium est autoritas scribentium. Quartum est diligentia lib. Canonicos recipientium. Quintum est rationabilitas contentorum; quid enim rationabilius, quā Deum tanquā finem ultimum super oīa diligere, & proximum sicut se ipsum, idest ad id, ad quod se ipsum? cum itaq; tot signis, ac tantis sint hęc confirmata, & maximè miraculorum claritate, dicendum erit non potuisse fieri, nec esse, nisi à Deo Opt. Max. Abeant igitur pagani suarum manuum opera colentes, quia stulti. Abeat secta Machomet suis disciplinis promittens felicitatem porcinam, gulam videlicet, & coitum. Sed quid inanius, quā error Iudecrū, nouum damnantium testamentum, quod tamen in suo veteri continetur, ut apertè declarat Paulus Apost. in Epistola ad Hebr. Est igitur doctrina supernaturalis sufficienter tradita in sacra pagina, ipsa enim ostēdit, quis sit ultimus finis hominis in particulari, videlicet visio, & Dei fructio. Docet in super media ad hunc finem nos ducentia. His igitur in hunc modū positis argumentis satisfaciemus, & erit finis. Ad primum iam formatum, cuius minor erat suspecta, sic dicendum,

dum, quòd lex naturæ paucioribus erat contenta, & hoc, quia in naturalibus erāt magis instructi, quapropter modica doctrina illis diuinitus inspirata sufficiebat. Altera ratio concludens multa in sacra scriptura inueniri, de quibus non sumus certi, an sint peccata mortalia, nec ne; poterit in hunc modum dilui. Si primo dixerimus, nullā scientiam oīa scienda explicare, sed benè illa, ex quibus alia sufficienter possunt elici, atq; deduci. Vnde dantur multe veritates necessaria, qua licet expressè non ponantur in sacra scriptura, ibi tamen virtualiter includuntur, & licet supposita sacra scriptura, ac et̃ expositionibus eius, remaneant aliqua dubia, an sint mortalia, nec ne, via salutis nō ob id remanet dubia: à talibus enim tanquā à periculosis debet homo cauere, ne se periculo exponendo incidat in peccatum. Hęc in tantum sint dicta.

DE SACRAE THEOLOGIAE SVBIECTO.

Lectio IIII.

Hodierna die statui verba facere de subiecto totius sacrae Theologiae, quod se solet habere veluti ianuam in domo volentibus ipsam ingredi; Nos quoq; aditum facilem ad Theologiam quærentes, prius de illo genere circa quòd versetur, loquemur. Diuidatur itaq; præsens lectio in segmenta sex: in dubium primo. In argumenta pro parte negativa secundo. Veritas tertio apponetur loco. Significata diuersa nominis Dei quarto. Insuper acceptiones multe nominis Subiecti. Tandē ultimo rationes adductæ soluentur loco. Circa primum quærunť scholastici Doctores.

Flores; utrum Theologia su de Deo, tanquàm de subiecto primo.
 Hic Boetius libro de trinitate videtur unico medio pro parte ne-
 gatiua argumentari, sic dicendo. Forma simplex subiectum esse
 non pòt, at Deus sic se habet, non igitur hic poni poterit subiectum.
 Preterea subiectū scientia debet habere principia, partes, & pas-
 siones, at Deus non habet principium, quia est simpliciter ens pri-
 mum, neq; partes subiectiuas, quia est singulare, neq; passionēs,
 quia in ipso nulla datur imperfectio: igitur non erit hic subiectum.
 Deinde nonne Theologia est de credibilibus? certè sic; credibile
 igitur hic subiectum, & non Deus. Postremò Christus à quibus-
 dam ponitur hic subiectum, non ergo Deus D. Aug. ut habetur in
 hoc tertio puncto, in oppositum se habens ait, quòd Theologia est
 sermo, vel ratio de Deo: Deus itaq; hic subiectum erit, qui Deus,
 ut habetur in quarto loco, quatuor capi solet modis, nā primo Deus
 dicitur à Theon grecè, quòd latinè sonat ardere, & hoc propter
 eius intensam charitatem, efficacissimamq; operationem, quā circa
 creaturas habet, & exercet. Secundo dicitur à Thein grecè, qđ
 est fouere latinè propter creaturarum conseruationem. Tertio à
 Theastè, quod idem est, quòd contemplari, siue considerare, videt
 enim, ac oīa Deus intuetur. Quarto solet dici à Theo verbo græco,
 quod idem est, quod curro, & hoc propter eius sempiternam, &
 velocem actionem, qua simul oīa pòr, ut alias patebit. Deinceps ab
 alijs Deus septem solet considerari modis; primo naturaliter, &
 hoc dupliciter: vno modo essentialiter, ut puta, pro hoc Deo sin-
 gulari, qui realiter tribus diuinis personis communis est; alio modo
 personaliter, & hoc dupliciter: primo p tota Trinitate, ut quādo
 dicitur:

dicitur: Deus creat. Secundo sigillatim, ut cum dicitur: Deus genuit Deum. Ly Deus capitur pro persona Patris, & ly Deum pro Filio. Quando verò dicitur, quòd Pater, & Filius spirant Deum: ly Deum capitur pro Spiritu sancto. Secundò adoptiue, ut legitur Psal. 81. Ego dixi Dij estis. Tertiò nuncupatiue, ut Dij gentium Demonia. Quartò dignificatiue, ut habetur Exodi. 32. Dij non detrahes. Quintò potestatiue. Exodi. 7. Constitui te Deum Pharaonis. Sextò pro sacerdote Exodi. 21. Offerat cum dominus Dij. Septimò sumitur sollicitudinaliter, ut quorū Deus venter est. Nunc quinto loco significata subiecti diuersa perpendamus, nam solet hoc nomen subiecti decem capi modis; primò ꝑ subiecto propositionis: Secundò pro subiecto locationis, ut scabelum: tertiò pro subiecto, de quo passio demonstratur: quartò pro predicato minus communi respectu cōmunioris, ut homo respectu animalis: quintò ꝑ famulo, vel famula: sextò pro re in quantum cognoscitur, vel appetitur: septimò pro subiecto accidentis: octauò pro ente positiuo, ut habetur Physicorum quinto, cum dicitur: Mutatio quēdam est à subiecto in nō subiectum: nonò ꝑ subiecto mutationis realis, V. g. quando ab uno ente reali abijcitur una forma, & alia inducitur: ultimò pro subiecto scientia, qđ aliquādo vocatur materia, circa quam: aliquādo genus, respectu suarum specierum: postremò obiectum, respectu potentia, qua fertur in illud, ut visua in lucem, vel colorem. His ita positis in quinque segmētis: in sexto, & ultimo nostri sermonis difficile minimè erit rationes adductas diluere. Ad illam ergo Boetij in ordine primam dici poterit, quòd Boetius loquebatur de subiecto accidentis, quo modo

modo argumentum dicebatur bonum, sed nos hic sermonē facimus de subiecto considerationis, sub quo sensu forma simplex pōt poni subiectum. Ad illud verò argumentum de partibus, & principijs, respondetur: id intelligi debere de subiecto scientiæ humanitus tradita, non diuinitus inspirata, ut hic nos loquimur, dūm verò probabatur, quòd sit Christus subiectum in sacra Theologia: dicatis hoc esse verum, loquendo de materia proxima, sed non de formali. Ad ultimum de credibili dico, quod datur subiectum duplex, vniuersale, & radicale: primo modo de subiecto vniuersali currit argumentum, at secundo modo nullum est, & hæc satis ordine præpostero respectu penultimi argumenti dicta sint.

AN SACRA THEOLOGIA SIT SCIENTIA.

Lectio V.

CUM unaquęq; facultas proprium habeat subiectū circa quod versetur, ut Theologia, quæ Deum pro subiecto habet: iccirco nunc querēdum erit. Vtrum sit scientia, nec ne. Præsens itaq; sermo noster diuidi poterit in puncta quinque. Primò in dubium. Secundò in argumenta pro parte negatiua. Tertiò in quesiti veritatē. Quartò in notandū de scientia. Quintò, & ultimò in solutionem argumentorum. Quantum ad primum dubitari solet. Vtrum Theologia sacra sit scientia. Quantum ad secundum pro parte negatiua formantur tres principales rationes: quarum prima desumitur ex Arist. lib. primo Post. dicente: scientiam esse de necessarijs, at Theologia dicitur ēē esse de contingentibus.

gentibus, nō igitur sub nomine scientia contineri poterit. Præterea
 oīs scientia procedit ex principijs per se notis, sed sacra Theologia
 ex articulis fidei non per se notis procedit, cum non ab oībus con-
 cedantur: non ergo sacra doctrina potest dici scientia. Postremo,
 Scientia est uniuersalium, non singularium, sed sacra doctrina
 pertractat de singularibus, puta de gestis Abrahæ, Isac, & Iacob,
 & similibus: igitur non debet vocari scientia. In oppositum se ha-
 bet Aug. xiiii. de Trin. ubi aperte fatetur, sacram doctrinam esse
 scientiam, & hæc pro tertio segmento. In quarto uerò notandum
 habetur de scientia, quæ secundum nonnullos tripliciter capitur.
 Primò generaliter. Secundò specialiter. Tertiò pro ut diffinitur
 ab Arist. capite secundo lib. primi Post. Primo modo sumitur pro
 quacunq; certa notitia, sub quo sensu ē de contingentibus est scien-
 tia. Secundo modo pro notitia certa, & euidenti, sub quo sensu de
 aliquibus contingentibus pōt esse scientia. Tertiò pro ut diffinitur
 ab Arist. & ita non est de cōtingentibus, sed tantum de necessarijs
 secundum uerò Franciscum de Maironis, Theologia quadrupli-
 citer capitur, vel p̄ habitu generato ex studio sacre scripturæ, se-
 cundo pro habitu conclusionis deducto ex his, quæ in sacra doctri-
 na sunt, quibus duobus modis Theologia dicitur fides, & non sci-
 entia. Tertiò sumitur pro habitu defensiuo eorum, quæ sunt fidei.
 Quartò pro habitu, qui natus est haberi de subiecto Theologia co-
 gnito, quibus duobus modis secundum istum uirū Theologia dici
 pōt scientia. Nunc quinto loco argumenta pro parte negativa di-
 lucenda, & erit finis. Ad primum igitur dicitur, quòd cōcludebat
 de scientia, pro ut est à Philosopho diffinita, non generaliter capta.

Ad

Ad secundum minor propositio venit glosanda, licet ergo sacra doctrina procedat ex principijs non per se notis lumine naturali, tamen lumine supernaturali per se nota dicuntur, & hoc sufficit ad nostrum intentum manifestandum, vel glosetur sic maior, quod ois scientia humanitus tradita, procedat ex principijs per se notis lumine naturæ, cuiusmodi non est Theologia. Ad ultimum dicitur: in sacra Theologia pertractari de singularibus non principaliter, sed solum introduci in exemplum vitæ, sicut euenit in moralibus scientijs. Possumus insuper dicere id fieri ad declarandum auctoritatem virorum, per quos reuelatio diuina ad nos accessit, siue processit. Et hæc satis.

AN SACRA THEOLOGIA SIT VNA.

Lectio VI.

EX quo docuimus, sacram Theologiam esse scientiam, consequenter videndum erit primò. *Verum sit vna. Insuper, Verum sapientia nuncupanda. Quæ situm primum diuidi in tres poterit partes, in caput, in corpus, & pedes. Circa caput versaturi pro parte negatiua auctoritate Philosophi libro primo Post ita arguemus. Scientia vna debet esse vnius generis subiecti, at sacra Theologia non sic se habet: igitur vna dici non poterit. Minor ut dubia, sic manifestatur, nam in sacra pagina de Deo, & creatura pertractatur, quæ non videntur contineri sub vno genere subiecti: non ergo vna scientia. Insuper in sacra pagina pertractatur de Angelis, de creaturis, & de moribus hominum, quæ ad*
uarias,

varias, ut bene norunt, periti pertinent scientias: itaq; sacra doctrina una nō uidetur: oppositū tamen legitur apud sapi. x. Dedit illi scientiam sanctorum, sequitur ergo, quod sacra doctrina sit scientia, & una, ut habetis in corpore questionis: post qđ sequuntur pedes argumentorū solutiones continentes. Dicit igitur ad primum poterit: sacram doctrinam non determinare de Deo, & creaturis ex quo, sed principaliter de Deo, deinde de creaturis, secundum qđ referuntur ad Deū, ut ad principium, vel finē, & ita scientia unitas ob id minimē impeditur. Ad alterum formatum argumentum pōt dici, qđ sacra doctrina pertractet de pluribus, & diuersis pertinentibus ad scientias diuersas, sed sub ratione una, scilicet ut diuinitus reuelabilia, ita ut sacra doctrina sit uelut quēdā impressio diuinæ scientiæ, quæ una est, & simplex oīum. Explanato in hunc modum primo quesito, accedit alterum, dūm queritur; Vtrū sacra doctrina meritō censenda sit sapientia. Hic eodem modo pcedere volentes, ut fecimus in examine superioris questionis, arguemus primò ad partem negatiuam dicentes; sapientia cū Spiritus sancti donum sit, per infusionem habetur, sed Theologia per studium acquiritur, non ergo sapientia. Insuper arguitur sic. Illa doctrina, quæ aliunde uideatur supponere sua principia, nō meretur appellari sapientia, teste Arist. libro primo diuinæ Philosophiæ, at hæc doctrina uidetur sic se habere: non igitur sapientia. Ex alio latere oppositum dicitur cap. 4. Deut. quod hæc est sapientia, propterea argumenta pro parte negatiua adducta soluenda, & ita erit finis. Ad primum ergo distingo de duplici sapientia de diuinus iudicatiua, una enim iudicat per modum inclinationis, & hæc Spiritus sancti

sancti donum dicitur. Altera iudicat per modum cognitionis, & hæc per studium acquiritur, de qua argumentum currit. Ad secundum breuibus dicitur, quod sacra pagina sua non supponit principia ab aliqua humana scientia, sed bene à scientia diuina, à qua sicut à summa sapientia omnis nostra cognitio ordinatur. Et hæc de promissis.

AN SACRA THEOLOGIA PRACTICA.

Lectio VII.

Questis prædeclaratæ duo alia hodierna die addemus, deinde ad expositionem primi lib. Magistri sent. accedemus. Queritur ergo primò, Vtrum sacra doctrina debeat dici practica. Insuper, num speculatiua. Pro parte affirmatiua solent rationes quedam formari: quarum prima desumitur à fine: finis enim practica dicitur operatio, ut habetur apud Arist. lib. secundo Metaphysices, at sacra Theologia ordinatur ad operationem: igitur debet dici practica. Minor propositio, ut suspecta per illud I. a. primo, sic habet probari. Estote factores verbi, & non auditores tantum: sacra ergo doctrina practica. Insuper solet diuidi sacra doctrina per legem veterem, ac nouam, sed lex ad moralem scientiam pertinet, qua practica est: igitur, &c. Pro determinatione primi quesiti unum supponendum venit, quod practica sit dicta à praxi, sue operatione, de operabilibus ab homine, cuiusmodi non sunt ea, qua in sacra Theologia habentur. Nunc ad primum, & ad secundum argumentum unica responsione satisfaciam dicendo, quod, quamuis sacra doctrina utranq; sub se comprehendar,

dat, non ob id magis practica censenda, quia principalius de rebus diuinis, quàm de actibus humanis agit, & hæc de primo dubio, ut necitur alterum dùm quæritur: Vtrum speculatiua sit. Commentator celestis Ierarchiæ, diuidens scientiam in speculatiuam, & practica, ponit Theologiam speculatiuam: igitur, &c. Deinde illa facultas speculatiua censenda, cuius obiectum necessarium est, at obiectum Theo'logicum necessarium est: speculatiua ergo hæc scientia. Demùm, si non esset speculatiua, tunc diceretur practica, & de operabilibus à nobis; at sempiterna illa sunt, de quibus est sacra Theologia, nec à nobis operabilia: speculatiua ergo Theologia. Pro intellectu huius difficultatis primo sciendum est, qd finis legis est dilectio, quæ praxis dicitur. Praxis autem proprie nuncupatur operatio alterius potentie, quàm intellectus, à recta ratione regulabilis: ex quo sequitur, qd volitio primo sit praxis, quia actus imperatus à voluntate non est regulabilis à ratione, nisi mediante actu elicitio. Insuper duplex practica, factiua, & actiua: factiua est dirigens in opus, qd in materia extra recipitur, ut ars domesticatiua, & huiusmodi. Actiua verò illa, quæ actum suum non dirigit ad materiam extra, sed recipitur in ipso operante. Post practica qd si speculatio dicatur, nihil enim aliud est, quàm operatio intellectiua, quæ ulterius non ordinatur ad aliam operationem regulandam, bene dicitur ordinabilis ad ultimū finem amandum, vel attingendum. Nunc conclusiones quatuor sunt ponendæ, deinde argumenta soluentur. Sit igitur hæc prima. Theologia in nobis est practica, quoniam est directiua nostræ voluntatis circa diuina docendo, quibus fruendum sit, quibus uè utendum. Secunda con-

B

clusio.

clisio. Theologia beatorum practica est, quoniam habet prioritatem, & conformitatem respectu actus uoluntatis tendentis in obiectum beatificum. Tertia conclusio. Theologia Dei de necessarijs practica est, quoniam Deus sic se diligit, ut se precognoscit esse diligendum, & ita in sua scientia est prioritas, & cōformitas. Quarta conclusio. Theologia in Deo de contingentibus, puta de verbo incarnato, & huiusmodi, non est practica, quia non est uoluntatis regulatiua circa talia obiecta: cum enim intellectus diuinus sit regula determinatissima, uoluntas autem sit indifferens ad opposita, posset peccare à regula deviando. Nunc rationes diluenda, deinde erit finis. Dicitur ergo ad primam: Commentatorem accepisse scientiam speculatiuam largè loquendo. Ad secundam dicitur, q̃ sufficit contingentia actionis ad scientiam practicam. Ad tertiam, & ultimam respondetur: sempiterna non esse à nobis operabilia hoc duobus posse considerari modis, vel simpliciter, vel sub hoc sensu quatenus diligibilia sunt à nobis. Primo modo currit argumentum, at secundo modo nullum est.

CVPIENTES ALIQUID, ETC.

Prologus.

Lectio VIII.

PRelibatis his, quæ pro introductione sacre Theologiæ prelibanda erant, tandem superest, ut ad Magistri sent. textum festinemus: diuisionem totius operis primo considerantes, secundo libri inscriptionem, siue titulum, tertio diuisionem, quarto

quarto singularum partium declarationem. Quantum ad primum. Opus Magistri sent. in quatuor diuidi solet partes iuxta lib. quatuor. In quorum primo est sermo de Deo in se. In secundo de Deo creatore. In tertio de Deo uiuificatore p Christū, qui ut nos uiuificaret natura nostra uitam assumpsit. In quarto verò, & ultimo de Deo curatore per sacramenta, & hæc de materia horū librorū quatuor. Quam ad secundū propositū. Titulus, siue libri inscriptio intuenti patet, est enim iste liber dictus sent. eo quia antiquorū patrum Doctorū sent. de catholicis veritatibus hinc inde collectas breuibus cōprehendat. Quam ad tertium, lib. iste primus in tria solet diuidi puncta, iuxta illa tria, q̄ pollicetur Mag. prohemium scilicet, tractatū, & epilogū. Nos circa primū versaturi tria perpendemus; beneuolentiam in primis. Secundo docilitatē. Tertio attentionem; Nam Magister sent. primo adeo beneuolus ad traditionem huius doctrine extitit, ut causas ipsum ab hoc negotio retrahere ualentes, non considerans, nec ponderans hunc librum maximè compillauit. Cause uerò ualentes Magistrum sent. ab hoc opere remouere erant quatuor, multorum loquacitas primo, detractorum inuidia secūdo, defectus ingenij tertio, materie difficultas quarto. Quæ deinde inuitabāt ad scribendum, hæc, premium apud Christum, & charitas circa Ecclesiam, quam quatuor fluminibus aqua, idest doctriina horum librorum quatuor, quos compillauit, irrigare uoluit, & id totū ad fidei defensionem, catholicæ ueritatis explanationem, & sacramentorū manifestationem. Studeat igitur unusquisq; uestrum tantū beneuolentiæ alicuius doctrine studio impendere, quantum Magister suus studet beneuolum tradere.

Capitai proinde *Magister sent. docilitatem à persona auditorum* causarum genera quatuor proponendo, ex quarum cognitione, *discipulus magis docilis efficitur*. Primo igitur *causa efficiens tangitur*, quæ duplex est, principalissima, & minus principali, siue *instrumentalis*. Prima *Deus est*, altera *Magister sent. materialis*, est *authoritas sacri canonis, nec non sanctorum Patrum sententia*. Finalis verò duplex, scilicet *destructio erroris, & manifestatio veritatis*, quæ duo maximè aggredi opus hoc *Magistrum sent. compulere*. Causa formalis similiter duplex, *tractatus, & tractandi*. Forma tractatus respicit lib. *diuisionem in distinctiones, & capitula forma tractandi idem est, quod modus diuidendi, vel exempla ponendi*. Tertio tandem loco, *discipulus attentus constituitur primo, ex doctrinae necessitate, secundo ex eiusdem breuitate, eia ergo Nobil. Audit. librorum numerositatem omittere, breuibus ea percurrentes verbis, quæ collecta sunt, & quæ vobis promptè, quasi sine labore in hoc lib. à Magistro sent. proponuntur.*

DE MYSTERIO TRINITATIS.

Distinctio I.

Lectio VIII.

DE terminato prohemio, *Magister in presenti parte, tractatum suum incipit in lib. quatuor partiales diuidere, cuius ratio est, quia ut dicit Philosophus scientia secantur quemadmodum, & res, de quibus sunt. In quorum primo lib. agitur de Deo in se, & absolute, secundum rationem naturalis sue*
perfe-

perfectiōnis. In secundo, de Deo in quantum eius potentia recludet in effectu creationis. In tertio, de ipso in quantum claret eius sapientia in opere redemptionis. In quarto, & ultimo de eodem quantum eius bonitas, atq; clementia refulget in fructu glorificationis. Quantum ad librum primū, duo nobis prestare videtur Magister sent. unum respiciens, quasi totius operis prægambula, alterū verò intentionem, ut patebit in initio secunda distinctionis. Nos primū declaraturi, tria faciemus; nam primo circa, qua sacra versetur pagina dicemus. Insuper, quibus fruendum sit rebus manifestabimus. Tertio distinctionem Epilogo terminabimus. Quantum ad primum segmentum, dicimus sacram scripturam circa res, & signa versari, ut apertè fateatur D. Aug. de doctrina Christiana cap. sexto dicens: oēm doctrinam vel esse rerum, vel signorum. Sed hic notetis, quòd per signa terminos ad placitum instituentis significantes intelligere nō debetis, sed res quasdam exteriores ex diuina ordinatione aliquid signifi. ātes, cuiusmodi sunt sacramenta cum suis materijs tam veteris, quàm nouæ legis. Insuper per res velim vos res intelligere absolutas per terminos signifi. abiles, quæ ita cadere dicuntur sub determinatione considerationis sacrae pagina, ut Deus, Christus, & creatum. Quapropter primo de rebus agendum, postea de signis. Et hæc pro primo puncto. In altero secundo in ordine Magister sent. manifestare intendit, quibus rebus fruendum sit, dantur enim res, quibus fruendum, & quibus utendum, nec non, q̄ utuntur, & fruuntur. Sola ergo Sanctiss. Trinit. propriè fruendum est, in qua finaliter consistit nostra beatitudo; frui. n. est amore alicui inherere propter se, at quia per se Sanctiss.

Trinitas diligibilis, ipsa ergo fruendum. Hoc idem confirmari potest per verba textus, ubi dicitur: res quibus fruendum: sunt Pater, & Filius, & Spiritus sanctus. Tres res personaliter, una tamen res essentialiter. Quibus verò rebus viuendum sit, mundus est, & in eo cuncta creata, per quæ intellecta conspiciuntur. Res deinde, quæ fruuntur, & viuuntur sumus nos, quasi inter utrasq; constitui, & Angeli, & Sancti, & hæc de duabus partibus presentis distinctionis, tertiam, & ultimam in sequenti audietis. His interim pro presenti estote contenti.

ITEM QUID INTERSIT INTER FRUI, ET

VTI, QVAM SVPR. TEX.

Lectio X.

Quid esset frui propriè loquendo in superiori meo sermone docebam, erat enim inherere amore alicui propter se; uti uerò inherere alicui rei amore, non tamen finaliter propter se ipsam, sed in quantum erat ordinata ad illam rem, quæ sit propriè fruendum: de abuti nil dicam, nam frui utendis in hoc mundo ausus est, & maxima peruersio in utendo fruendis, & frui utendis. His ita positis, antequàm ad tertiam, & ultimam partem huius primæ distinctionis festinemus, inutile minimè erit declarare quid intersit inter uti, & frui, aliter tamen, quàm superius factum sit. Diuidatur itaq; hodierna lectio in segmenta tria, in quorum primo inter frui, & uti, discrimen inquiritur aliter, quàm factum sit supra. In secundo ponitur eorum determinatio, quæ prædictis

predictis aduersari videntur. In tertio, & ultimo dubium proponitur de frui, & uti, an scilicet hominibus sit utendum, vel fruendum. Quo ad primum D. Aug. lib. decimo de trinitate videtur aliter accipere uti, & frui, quam fecerit supra, nam inquit, quod uti nihil aliud est, quam aliquid assumere in facultatem sua uoluntatis, frui aut cum gaudio non adhuc spei, sed iam rei quantum ad possessionem. Vnde uidetur uelle innuere D. Aug. illos tantum frui, qui in re gaudent, non iam in spe: quare in hac vita non uidemur frui, sed tantum uti, quia gaudemus in spe. At quia superius diximus, quod frui est alicui rei propter se amore inherere, qualiter est hic multi Deo adherent, propterea in uerbis D. Aug. apparet pugnantia non leuis, ut uidere est in hoc primo segmento. In altero uero in ordine secundo, ne tantus doctor uti nota posse uideatur, dicemus nos hic, & in futuro posse frui, sed cum discrimine. Nam ibi proprie, & perfecte, nec non plenè, quia ibi in patria per speciem propriam id quo fruemur uidebimus, at hic in via, dum in spe ambulamur; fruimur quidem, sed non plenè, quoniam per speculum in enigmate uidemus, nostramque peregrinationem ardentius finire cupimus. Dicimur ergo frui, dum cum delectatione re aliqua in hac vita utimur, qua in Deum eleuamur. Verum, quia ob id beati non efficiuntur, nec proprie sumus ipsis rebus inherentes, ideo frui hoc modo communiter debet capi, & ita nulla in uerbis D. Aug. contradictio apparebit. Nunc tertio loco dubium quæso excitetur de frui, & uti. Quæritur ergo, Num hominibus sit utendum, vel fruendum. D. Aug. in lib. de doctrina Christiana uidetur ad partem negatiuam declinare, dum ait: si homo propter se diligen-

us est, fruimur eo, at si propter aliud, tunc utimur eo; sed homo propter se non est diligendus, quoniam in eo non ponitur vita beata, sue felicitas nostra, & ultimus finis: quare, &c. At video vos hic dubitare posse, occasionem nacti ex verbis Apost. ita loquentis ad Philemonem. Ita frater ego te fruar in domino: igitur hominibus fruendum. D. Aug. huic difficultati volens satisfacere sic procedit: si Apost. dixisset tantum te fruar, & non addidisset in domino, significasset, se spem, nec non finem dilectionis constituisse in eo, verum quia addidit in domino, se finem posuisse in Deo ostendit, nam dum dicitur fruar te in domino, hic est sensus: fruar domino ultimo fine meo, qui est in te per gratiam: non ergo quicuit in ipso, sed in Deo. Et hec satis.

HIC QVAERITVR, AN DEVS FRVATVR,
 AN VTATVR NOBIS. TEX.

Lectio XI.

VT extremam imponamus manū huic prima distinctio-
 ni, existimo non inutile esse quasdam difficultates exfrui,
 & uti nascentes proponere, illasq; e medio tollere, ha-
 bita prius lectionis presentis in tria puncta diuisione. In quorum
 primo queritur, num Deus nobis uti, vel frui dicatur. Insuper, nū
 utendum sit, aut fruendum virtutibus. Tertio Epilogo distinctio
 terminatur. Quantum ad primum; cum certū sit nos diligī à Deo,
 ideo uidetur posse meritò queri una cum D. Aug. quo modo dili-
 gat, an ut utens, aut ut fruens. Si ut fruens, bono uidebitur egere
 nostro,

nostro, quòd nemo sana mētis dicere audebit, propheta enim dicit: Bonorum meorum non eges, nam cō bonum nostrum, vel ipse est, vel ab ipso, quapropter non est dicendum, quòd nobis fruatur, sed quòd utatur. At dicetis: si Deus nobis utitur, & nos rebus, num eodem modo id euenire pōt? ad hoc facile responderi pōt, quòd nō eodem modo, nam nos rebus, quibus utimur, ad id referimus, ut Dei bonitate perfruamur: Deus uerò vsum nostrum ad suam bonitatem refert: quare vsus ille, quo nobis utitur Deus, nō ad eius, sed ad nostram utilitatem refertur, & ita patet, quo modo nobis utatur Deus, & nos alijs rebus. Consequenter in secundo segmēto solet de virtutibus dubitari, num illis utendum sit, vel fruendum. Hic D. Aug. docet non esse fruendum, nisi trinitate, id est summo, & incommutabili bono, at virtutes non sunt ipsa trinitas, nō ergo illis fruendum. Quidam alij censent virtutibus esse fruendum, cum sint per se amāda, & expetenda, habet enim D. Ambr. super illū locum Epistola ad Gal. Fructus autem spiritus, est charitas, pax, patientia, &c. Igitur his fruendum erit. Pro intellectu huius difficultatis, quibus, & quot fruendum sit, scire debetis. Primo ergo voluntate frui possumus, ut mouente, & imperante, non tamen ut beatificante: hoc enim modo solo Deo fruendum. Deinde charitate, ut prēmium eliciente, & perficiente. Tertio homine iusto, ut representante Deum per gratiam. Tandem virtutibus dispositiue, quatenus nos disponunt ad beatitudinem obtinendam. Post hęc epilogus ponitur his verbis. De rebus, quibus fruendū sit, & quibus utendum, diximus: similiter, quæ res utantur, & quæ fruantur. Insequenti, si quid aliud consideratione erit dignū, non omittetur.

H Eri verba fecimus de rebus, quibus fruendum, nunc quibus actus fruitionis competere uideatur, primò docebimus. Secundò diximus Deum nos diligere, propterea, quo modo, & quo amore dicemus. Tertiò de fruitionis obiecto, quæsitum excitabimus. Quantum ad primū, quinque uidentur esse, quibus actus fruitionis, siue frui competat: bruta, peccator, iustus, beatus, & Deus. Pro cuius rei intellectu debetis notare, quot fruitio importet. Nam primo cognitionem includit, defectu cuius insensibiles creatura cum non cognoscant delectari nequeunt, neque frui. Insuper fruitio delectationem quandam importat in ultimo siue, & quia bruta finem ultimum non apprehendunt, nec finem proximum ordinare ualent, in ultimum finem cum cognitione careant, cuius est ordinare, propterea non propriè, sed impropriè bruta frui dicuntur, in quantum delectantur in fine aliquo ab eis apprehenso, non tamen in ultimo fine simpliciter. Propterea fruitio solet delectationem in fine importare, verum quia peccator finem verum non habet, cum ultimum finem ponat ubi non est, ideo non verè fruitur, sed impropriè, ut existens in mortali crimine. Deinde fruitio perfectà esse non pòt, nisi perfectà sit delectatio, nec perfectà esse pòt ante finis cōsecutionem, ideo iustus homo quam diu est uiuator, uerè frui dicitur, & propriè, non tamen perfectè, quia in spe fruitur, & delectatur sub spe habendi Deum, quo nos fruimur, ut beatos effectiue nos faciat; fruimur ei Dei uisione, siue affec-

affecutione inquā ū ipsa uiſio dicitur Dei affecutio quēdam. Beati
 uerò, qui iam finē sunt conſequuti ſuum, & propriē, & per ſictē
 frui dicuntur, cum ſint in cōpleta delectatione, & quieti finis iam
 habiti. Demūm Deus frui perfectius quacūq; creatura dicitur,
 & ratio assignatur, nam in creatura fruens, & id quo fruitur in
 eſſentia diuerſa ſunt, at in Deo, ſiue in Dei fruitione, nō ſic euenit:
 igitur, &c. Explanato iam primo puncto, ſequitur ſecundum in
 ordine, ubi apertē declaratur, quo modo nos Deus diligit. Pulsat
 enim primo Deus ad attritionem, ſecundo ad cōiritionem, ſtatim
 gratiam conferendo. Eccleſia hinc ſancta Romana canit: Miſe-
 reris oīum domine, &c. diſſimulans peccata hominum, &c. Nos
 igitur, ut auditis Deus diligit. Verum quia non adhuc certi ſu-
 mus, quo nos amore diligit, propterea uelim uos ſcire: Dei amo-
 rem quadruplicem eſſe: generalem, eternalem, virtualem, inēqua-
 lem, uel ſpeciale. Primo, amor Dei ad creaturas generalis nun-
 cupatur, quia generaliter oēs diligit creaturas, uolendo eis bonum,
 quod eſt amare. Insuper, quantum ad creationem, quia oēs crea-
 uit. Deinde quantum ad conſeruationem, nam quia dedit eſſe, de-
 inde informauit eſſe, conſequens erat conſeruare. Preterea per locū
 à ſufficienti amoris diuiſione Deum oēs creaturas diligere oſtendo;
 oīs enim amor, uel eſt beneuolentia, uel amicitia, uel concupiſcen-
 tia, uel charitatis. Primo amore, Deus diligit creaturas, quia oībus
 creaturis uult aliquod bonum. Secundo amore amicitia oēs crea-
 turas rationabiles, cuius ratio eſt, quia amor amicitia requirit re-
 damationem, & cōmunicationem in operibus uitae. Tercio amore
 concupiſcentia Deus oēs creaturas animatas, & inanimatas, ra-
 tionales,

tionales, & irracionales ordinando inanimatas, & irracionales ad rationales, & creaturas rationales ad se ipsum. Secundus amor Dei ad creaturas est eternalis, nam Deus ab eterno oēs creaturas dilexit, ratione notitiæ, quā de ipsis habuit. Insuper ratione gratiæ, & gloria. Tertius amor ad creaturas virtualis, seu causalis dicitur, quatenus Dei amor rerum bonitatem causat. Quartus Dei amor ad creaturas inequalis uocatur, & talis dupliciter consideratur. Vno modo ex parte diligentis, & sic Deus oēs equaliter diligit. Alio modo ex parte dilecti, quo modo quædam magis, & quædam minus diligere dicitur: sicut quando magis bonum, & minus bonum vult huic, & non illi: tunc sic amando secundum affectum amor iste specialis nuncupatur: omnes ergo diligit Deus creaturas; sed dicetis. Vnde inequalitas Dei amoris ad creaturas pendet? Respondeo, quod ex parte creaturæ, nam ut aer, qui à Sole deberet illuminari, non illuminatur propter interpositum corpus Opacum, ita homo obicem in se ponendo minus dignus amari dicitur: nec illud obstat, quod Deus de se sit semper gratiam dare paratus oībus, nam de potentia ordinaria adhuc quid aliud ex parte rationalis creaturæ requiritur, scilicet dispositio ad gratiam, siue preparatio, & hæc de segmentis duobus. In tertio, & ultimo quatuor continentur. primo de obiecto fruitionis quesitū. Argumenta pro parte negatiua secundo: notanda tertio: solutiones argumentorum quarto. Quantum ad primum, queritur, Vtrum fruitionis obiectum, per se, sit ultimus finis, id est, ut res absoluta. Proposito quesito, nunc secundo loco pro parte negatiua ratiocinijs quatuor sic arguendum. Nam D. Aug. 83. questionum 9. 30. ait: Bonis inuisibili-

inuisibilibus esse fruendum, sed bona inuisibilia plura sunt: igitur non erit fruendū tantum ultimo fine. Insuper finita natura, finito habet satiari obiecto, at fruēdis capacitas sic se habet: igitur aliquo bono finito poterit satiari, non itaq; ultimo fine infinito fruendum. Deinde, illo fruendum esse videtur, per quod cūa possunt haberi, at per pecuniam omnia habere possumus, ipsa ergo, & non alio fine fruendum. Denūm illo tanquā verò fine fruendum, quod cū appetunt, sed honor sic se habet: igitur honore, ut fine fruendum. Pro intellectu huius difficultatis non nulla hic notanda sunt primo, quot modis sumatur fruitio, duobus enim capi solet modis: uno modo in communi: alio modo in speciali. Fruitio in communi illa dicitur, quando voluntas, siue potentia non determinatur ad actum ordinatum ex se, & secundum debitas circumstantias, circunstātia verò fruitionis ordinata istę videntur, V. g. qđ idem sit efficiens, & finis, qđ plenitudo perfectionis obiecti insit ipsi, quod sit perfectē quietatiuum, & quod tanquā primo, & incommutabili bono sit ei assentiendum. Sine quibus fruitio in communi, & inordinata dicitur. Preterea, quia hic est sermo de frui, quod est amore alicui rei inherere ppter se, ideo duplicem dari amorem sciendum: scilicet benevolentia, & concupiscentia. Amor benevolentia dicitur ille, quo voluntas fertur in Deum cognitum obiectiue, & hic amor est unus actus voluntatis. Alter actus amorem concupiscentia respicit, qui dicitur actus, quo concupiscimus Deū, ut bonum, & quo voluntas fertur in Deum cognitum, & in cognoscere ipsum obiectiue. Tercio notandum, quod sicut duplex amor, ita nostra fruitionis duplex obiectum, proximum, & remotum,

motum, siue ultimum. Proximum obiectum, vocatur finis ultimus quo, & est rei affectio. Remotum verò dicitur finis ultimus, qui est res affecta, sub quo sensu Deus dicitur noster ultimus finis; si verò primo modo sumatur, tunc dicendum erit, quod aliud à Deo possit esse finis ultimus, & hæc de notandis. Super sunt modo rationes soluenda, deinde erit finis. Quantum ad primam de bonis inuisibilibus dici potest: minorem duobus posse considerari modis, nam in diuinis bona inuisibilia dupliciter capi possunt, uno modo essentialiter: alio modo perfectionaliter. Si primo modo argumentum negatur, at si secundo modo, conceditur: ibi enim sunt plura bona pluralitate perfectionum, non tamen pluralitate essentialium. De ergo Aug. debet intelligi sub primo sensu, non sub secundo. Ad alteram rationem in ordine secundam, minor distinguenda venit, nam capacitas fruuentis subiectiue quidem est finita, & sic ab intrinseco bono habet satiari finito. At obiectiue infinita est, quia ordinatur ad obiectum infinitum, quod est Deus, & ita ab extrinseco eget bono infinito, ut satiatur. Ad tertiam rationem, ut respondeamus ad minorem dicemus: nos omnia per pecuniam posse habere, duobus posse id concipi modis: uno modo loquendo de venalibus: alio modo de spiritualibus: primo modo argumentum conceditur, at secundo modo negatur. Ad ultimam rationem de honore, quem omnes appetunt, potest dici, quod frui capitur dupliciter: ordinatè, & inordinatè. Argumentum currit, de frui communiter loquendo, & inordinatè non de frui ordinatè, & per se. Honor enim huius vitæ presentis non terminat, nec terminare potest nos, ut ultimus finis, licet quodam modo sit via ad ultimum finem. A

Deo,

Deo, ergo nullo, ut verè quietatiuo, ac perfectiui obiecto fruendum; Et hec satis.

DE MYSTERIO TRINITATIS, ET VNITATIS.

Distinctio II.

Lectio XIII.

HAec est distinctio huius libri primi in ordine secunda, circa quam versaturi, quo modo à prima dependeat, primo docebimus, insuper ad diuisionem accedemus. Inuenta igitur materia, de qua in hoc volumine est agendum: Magister sent. aggreditur secundum ordinem promissum in presenti pertractare de rebus fruibilibus, insuper de rebus utilibus in secundo loquetur: praeterea de rebus ordinantibus utibilia ad fruibilia, demum in quarto de signis. Nos in presenti distinctione tria perpendemus: modum in primis inuestigandi unitatem in Trinit. nec non Trinit. in unitate. Secundo loco Trinit. unitatem testimonio veteris testamenti probabimus. Tertio, & ultimo noui testamenti autoritate eiusdem Trinit. unitas declarabitur. Quantum ad primum. Oēs fatentur, pia, veraq; fide tenendum eternam Trinitatem in unitate esse. An uerò hoc affirmandum sit, in hunc modum doceo. Illud fide Nobil. Audit. affirmandum uenit, quòd nec sciri, nec inuestigari pòt, nisi fide, & credendo, atqui eterna Trinitas in summa unitate sic se habet: igitur eternā Trinitatem in summa unitate quemlibet catholicum pia fide oportet affirmare, atq; tenere. Hoc idem autoritate D. Aug. capite 2. de Trinitate confirmari

confirmari pōt: ubi habetur, quod Trinitas est unus solus Deus, Pater, & Filius, & Spiritus sanctus, quæ Trinitas unus, & eiusdem substantiæ, uel essentiæ dicitur, creditur, & intelligitur. De hac itaq; summa, & excellentissima re cū modestia, & cum timore agendum uenit, nec non attentissimis auribus, atq; deuotis audiendū, ubi queritur unitas Trinitatis, Patris scilicet, Filij, & Spiritus sancti. Nam nec periculosius alicubi erratur, nec laboriosius quid dicitur, nec fructuosius aliquid inuenitur. Ingrediamur igitur simul charitatis uiam tendentes ad eum, de quo dictum est, querite faciem eius semper. Hoc uēs Catholici tractatores, ut D. Aug. lib. primo de Trinitate testatur, intendebant secundum scripturas docere, quod Pater, & Filius, & Spiritus sanctus unus sint substantiæ, nec non inseparabili equalitate unus sint Deus, ita ut unitas in essentia cōcedenda sit, & in personis pluralitas. Pater ergo, & Filius, & Spiritus sanctus sum unus Deus naturaliter, non tamen Pater est Filius, nec Filius est Pater, neq; Spiritus sanctus pōt dici Pater, uel Filius: personaliter enim distinguuntur, non tamen essentialiter. Sed dicetis: quisnam ordo seruandus, cum de Trinit. agetur? Docet hic D. Aug. lib. primo de Trinit. primo sacrarum scripturarum auctoritates premitendas, insuper aduersus garrulos catholicis rationibus, & congruis similitudinibus ad fidei defensionem fore utendum, & hoc maxime, ut curiosè inquirentibus satisfaciamus. Explanata iam huius distinctionis prima parte: altera in ordine secūda accedit, ubi per testimonium sanctorum ueteris testamenti unitas, & personarum Trinit. suadetur; Nam Exodi xx. legitur. Audi Israel dominus Deus tuus

unus

Unus est. Rursus. Ego sum Deus tuus, q̄ eduxi te de terra Egypti. Preterea secundum Ambr. Deus est nomen natura, & dominus potētia: igitur unus. Insuper Deus charitas est, &c. Ergo unus. Deinde dicitur dominus Deus Sababot, ecce unitas essentia, unus est ergo Deus. Trinitas deinceps, siue personarum pluritas detegitur Genesis, capite primo, ubi hæc uerba leguntur: Faciamus hominem ad imaginem, & similitudinem nostram: ibi faciamus, tangitur pluralitas diuinarum personarum, scilicet Patris, Filij, & Spiritus sancti, & per imaginem, essentia unitas. Solet quoq; hoc uerbum, faciamus hominem, &c. quinq; alijs modis exponi: primò secundum glosam, qua dicit, quòd imago penes naturalia attenditur, similitudo uerò penes gratuita. Secundum Aug. in lib. de anima, imago attenditur in cognitione, similitudo uerò in dilectione, qua duo Damascenus Doctor egregius terigisse uidetur, dixit enim, hominem factum esse ad imaginem Dei quantum ad intellectum, & similitudinem, quantum ad liberum arbitrium. Tertio secundum Hugonem, homo dicitur ad imaginem, quatenus in ipsa anima per sapientiam, siue secundum sapientiam sunt oīa. Ad similitudinem proinde, quia una, & simplex est anima secundum essentiam. Quarto secundum Cassiodorum, imago penes immortalitatem attenditur, nam anima rationalis est immortalis. Similitudo deinde penes simplicitatem. Denique, anima dicitur ad imaginem Dei, quia ratio naturalis, ad similitudinem uerò, q̄a spiritalis. Vnus ergo Deus essentialiter, & trinus personaliter, sicut i declaratum fuit in secunda distinctionis parte. Post quam tertia in ordine subsequitur, ubi noui testamenti testimonia addu-

C

cuntur.

cuntur, & primò illud Moysis, in primò Genesis super illa uerba: *In principio creauit Deus celum, & terram.* Ibi per Deum intelligit Patrem, & per principium Filium, de Spiritu sancto, tertia persona in diuinis extant testimonia, nam Genesi legitur: *Spiritus domini ferebatur super aquas,* & David dicit: *Quo ibo à Spiritu tuo?* Insuper apud Esaiam dicitur: *Spiritus domini super me.* His additur Saluatoris nostri dictum, dùm Apostolis præcepit dicens. *Ite baptizate oēs gentes in nomine Patris, & Filij, & Spiritus sancti.* Vbi aperte personarum Trinitatem edocuit, nec non essentia unitatem dùm dixit: *In nomine,* non in nominibus, ut in expositione huius loci scriptum reliquit Ambr. multo plura pro hoc veritate confirmanda essent adducenda, sed pro presenti hæc pauca sufficiant.

AN DEVS SIT VNVS, ET TRINVS.

Lectio XIII.

IN presenti sermone pro maiori intellectu eorum, quæ dicta sunt à Magistro sent. in superiori, duo quesita excitabimus; unum de unitate; alterum de Trinite. Primum in segmenta tria diuidetur, & secundū similiter in tria: scilicet in argumenta, in notanda, & solutiones argumentorū. Circa primum, queritur, *Vtrum Deus sit vnus.* Hic ut video, extant nonnullæ rationes p parte negatiua, quarum prima sic formatur. Nulla quantitas uidetur posse dici de Deo, at vnum est quantitatis principium: igitur de Deo non pōt prædicari. Præterea, nulla priuatio debet poni in Deo,

Deo, cum dicat imperfectionem, at unum dicit multitudinis priuationem, non ergo Deus debet dici unus. Tertio arguitur Apost. auctoritate ad Cor. Si quidem sunt Dij multi, non ergo Deus est unus. Insuper magis tale, & minus tale videntur dici per relationē ad aliquid, qđ summe tale, at in rebus est dare magis malum, & minus malum: igitur & summū malum: sed summe malum causari nequit à summo bono: igitur duo Dij erunt, unus bonus, & alter malus. Demum sic arguitur. In creaturis perfectionis est naturā in pluribus suppositis reperiri, multo magis hoc idem in diuinis concedendum: si sic, non igitur unus Deus, sed plures erunt. In oppositū se habet illud Exodi xx. Audi Israel dominus Deus tuus unus est. Similiter illud Athanasii in Symbolo Deus Pater, Deus Filius, Deus Spiritus sanctus, non tamen tres Dij, sed unus est Deus. Deinde secundum Ambr. Deus est nomen natura, & dominus potentia: igitur unus Deus. Ibi quoq; dominus Deus Sabahot, tangitur unitas essentia, similiter dū dicitur, Ego sum qui sum. Est ergo unus Deus purgans nos lumine gratia, & perficiens in gloria; de quo Author Arist. in sua diuina Philosophia dixit: entia nolunt malè disponi, unus ergo princeps. Pro determinatione igitur huius difficultatis velim primò uos cōsiderare, quot modis sumatur unitas: mihi enim uidetur, qđ duobus modis capi possit: uno modo limitatè, alio modo illimitatè, & transcendēt. Insuper notetis, quòd esse natura in multis perfectioris est, at plurificari imperfectionis dicitur esse, ut in solutione ultimi argumēti audietis. His ita dispositis supersunt modo rationes in tertia parte nostri sermonis soluende: dū ergo in prima dicebatur ratione,

quod unum est quantitatis principium, &c. concedi pōt argumē-
tum de uno limitato, non de illimitato, & formali, de quo nos in-
tendimus loqui, vel dicatis, qđ unum, ut est considerationis Ma-
thematica, & pendens à materia, benè dicitur principium quan-
titalis discretæ, at unum, ut conuertitur cū esse Dei, nullamq; ha-
bens pendentiam à materia secundum esse, nequaquam dici poterit
in proposito quantitatis principium. Erat secundum argumentum,
qđ unum dicat priuationem, qua nō ponitur in Deo: igitur Deus
non unus. Ad hoc dici pōt, quod unam dicere priuationem duobus
potest cōsiderari modis: uno modo ex parte nostra apprehensionis,
modi uē apprehendendi: alio modo ex parte rei: primo modo nullū
sequitur incommodum, ut hic; at si ex parte rei sumeretur, tunc so-
naret imperfectionem, & curreret argumentum. Ad illud Pauli
pro tertio argumento adductum dicitur, quod ibi loquebatur de
Dij; nuncupatiue, non essentialiter. Ad quartum de magis tali, &
minus tali, paucis respondeo uerbis, dicendo, quod maior ppositio
habet locum solum in effectibus positiuis, non priuatiuis, & huius
rei ratio assignari potest, nam unumquodq; habet reduci in suam
causam, à qua procedit, at effectus positiui, causam habēt positiuā,
& influentē, propterea positiue in eam habent reduci. Ideo magis
tale, & minus tale si positiue capiantur: tunc oportebit dare ali-
quid summe tale: priuatiua uerò, cum causam non habeant positi-
uam, & influentem, sed magis deficientem: ideo in causam po-
sitiuam deduci non habent. Ad ultimum argumentū de perfectio-
ne nature in pluribus suppositis, &c. habet concedi, quod esse in
pluribus, signum sit perfectionis quantum at ad esse nature, quo ad

pluri-

plurificari, nequaquam: hoc enim secundum imperfectionis est, nec non limitationis, at primum est signum illuminationis: quare hoc admittendum, & alterum contemnendum. Explicato primo quesito, alterum subsequitur in tres distinctum partes; in quarum prima queritur, *Utrum in diuinis tres sint concedenda persona.* In altera notanda ponuntur. In tertia, & ultima argumenta formata diluuntur. Ex quo ergo vidimus, quo modo sit unus Deus essentialiter, nunc inquirendum est, *Utrum Trinus, id est, Utrum sint ibi concedenda plures persona.* Mihi sanè videtur posse dici, quòd non, nam in diuinis tantum sunt due persona, non ergo tres; assumptum si negetur in hunc modum probabitur: Pater enim totum, quod habet, & quod potest, dat Filio, at qui dat totum, qd potest, amplius dare non potest: igitur nec aliam producere personam, cum illud sit dare: sunt ergo due persona, nō tres in unitate essentiæ. Arguitur secundo ad probandum, quòd ibi non sint tres persona in diuinis, sed potius quatuor. Filius emanat per generationem, & non per processionem, ideo quamuis non generet, spirando tamen producit, hac eadem ratione videtur posse dici, qd Spiritus sanctus quamuis spirando non producat, possit generare, vel quòd generet, cum nō generetur: quatuor ergo in diuinis erunt persona, non tres, nec due tantum. In oppositū se habet Achanasius dicens. *Alia est persona Patris, alia Filij, alia Spiritus sancti.* Rursus. *Tres sunt, qui testimonium dant in cælo, Pater, Verbum, & Spiritus sanctus, & ij tres unum sunt: unus ergo Deus essentialiter, & trinus personaliter.* Pro determinatione huius questionis velim notetis, in hac secunda parte multiplicem dari trinitatē, ut in sacris

scripturis inuenitur. Est enim Trinitas increata, de qua in Synbolo suo Athanasius ait: Increatus Pater, Increatus Filius, Increatus Spiritus sanctus, & hæc summa, & ineffabilis est, de qua hic nos intendimus. Alia Trinitates sunt creatæ, inter quas una est, quæ cecidit, scilicet rationalis, concupiscibilis, & irascibilis. Alia est, per quam homo cecidit, scilicet suggestio diaboli, delectatio sensualitatis, & consensus rationis, quæ tria significata sunt per Serpentem, Mulierem, & Virum in paradiso. Tertia est, in quam cecidit, scilicet ignorantia veri, impotentia boni, & concupiscentia mali. Quarta est, per quæ resurgit, scilicet, Fides, Spes, & Charitas. Insuper datur Trinitas, per quam ad gratiam reparamur, scilicet, triplex substantia, quæ est in Christo, V. g. diuinitas, anima, & caro. Deinde est alia, per quæ regeneramur, scilicet, Spiritus, Aqua, & Sanguis. Spiritus inquam sanctificationis, aqua ablutionis, sanguis redemptionis, ut legere est apud Io. in Epistola sua cap. 5. Est quoq; alia Trinitas, per quam ad gloriam reformamur, ut sunt tres animæ dotes, V. g. Cognitio, Dilectio, & Comprehensio, de quibus hic non est sermo, sed tantum de illa increata, & ineffabili diuinarum personarum, quæ sunt tres cum unitate diuinæ essentia, & tot credendas nobis fides catholica proponit. Nunc argumenta soluenda tertio occurrunt loco, deinde erit finis. Ad primam ergo quando probabatur, duas tantum esse diuinas personas, eo quia Pater det Filio totum; quod potest respondetur: hoc dupliciter posse accipi, uno modo absolute, alio modo cum addito. Si primo modo argumentum curreret, at secundo modo nullum est, nam Pater licet det filio totum, quod potest, non tamen

tamen dat ei omni modo, quo pōt: idco in illatione est accidēs, dūm dicitur, quod non potest amplius dare, ergo nec aliam personam producere: hoc enim non est amplius dare, sed alio modo. Ad secundum argumentum, quo probari videbatur quaternitas, in diuinis per illud, quod Spiritus sanctus debeat generare, facile respondetur. Nam non est simile, quia persona filij p̄cedit spirationē: idco habet rationem primitatis: persona autē Spiritus sancti sequitur generationem: idco non generat. Vnus ergo Deus, & in personis trinus.

INCIPIT OSTENDERE, ETC.

Distinctio

III.

Lectio XV.

EXposituri tertiam in ordine huius lib. primi distinctionem, de nexu primo uerba faciemus: insuper distinctionem diuidemus. Quantum ad primum. Is nexus dicitur esse, ex quo enim Magister sent. in p̄cedenti distinctione, ostendit diuinarum personarum Trinitatem, & unitatem per sacras scripturas: consequenter hoc idem per rationes, & creaturas manifestare intendit, & hec de nexu una cum intentione Magistri in presenti. Nunc ad diuisionem festinantes, dicimus in puncta quatuor hodiernam consummi posse distinctionem: in quorum primo rationibus naturalibus diuinæ essentia unitas ostenditur; Insuper similitudine desumpta à uestigio diuinarum personarum pluralitas inquiritur. Tertio utrunq; per assimilationem imaginis mensus

creata. Quarto detegitur, ac depronitur oīs assimilatio creaturarū ad Deum. Circa primum de quatuor propositis, duo vobis polliceor: axioma primo, insuper eiusdem declarationem, axioma sit tale. Diuina essentia unitas, vjs quodammodo naturalibus indagaripōt. An ita res sese habeat, audite: Apost. enim ita fatur: inuisibilia Dei per ea, quæ facta sunt, intellecta cōspiciuntur: homo igitur creaturarum inspectione; nec non rationis auxilio in Dei cognitionem eleuari potest. Insuper, rationibus quatuor hoc idem manifestari posse videtur: quicunq; enim fecit, qđ nulla creatura pōt, ille potentissimus, atqui Deus celum, & terrā ex nihilo fecit, solus igitur potentissimus Deus. Pro cuius rei confirmatione, extat testimonium Ambr. dicentis, quod Deus, qui natura inuisibilis est, ut à visibilibus posset sciri opus fecit, quod visibilitate sui opificē manifestauit: Deus ergo cognoscibilis, qui fecit, qđ ab homine impossibile erat fieri. Præterea, qui oīa mutabilia fecit, solus immutabilis est, at nullus hoc fecit, nisi Deus: solus igitur immutabilis. Hęc ratio uerbis D. Aug. in lib. de ciuitate Dei confirmari pōt, nam inquit ipse: summi Philosophi viderunt nullum corpus esse Deum: hinc cuncta corpora transcenderūt quærentes Deum, & videntes nullum mobile posse esse sumum bonū, omniumq; principium, sed oē tale oportere esse ab alio, hinc mente humana Deum cognoscere potuerunt; Præterea, qui oīa bona, & meliora fecit, is optimus est. At à Deo ipso, nullus hęc potuit, siue spīritualia, siue corporalia facere: solus ergo Deus optimus. Tandem, qui omnia pulchra, & pulchriora fecit, ipse pulcherrimus est, sed solus Deus, is est, pulcherrimus igitur, & sic ex dictis potest concludi, diuinæ essentia

essentia unitas. Nam Deus solus potentissimus est, immutabilissimus, optimus, & pulcherrimus, atqui impossibile est dare plures immutabilissimos, optimos, & pulcherrimos: solus ergo Deus talis, & unus essentialiter. Quod si duo tales ad minus cōsiderarentur, procul dubio unus superfluus foret, & alter diminutus, sed virūq; dissonum est: unus ergo Deus. Et hęc de duobus punctis satis.

QVO MODO IN CREATURIS APPARET
VESTIGIVM TRINITATIS. TEX.

Lectio XVI.

H*æc est secunda pars principalis huius distinctionis, qua in tres subdividi pōt, in quarum prima apparebit uestigium Trinitatis in creaturis, in altera modus diuinæ essentia unitatē contemplandi, in tertia uerò ex dictis principale intentū concludetur. Quantum ad primum. Videtur, qđ Trinit. diuinarum personarum quodammodo per uestigium creaturarum inuestigari possit, quæ enim diuina virtute sunt facta, & arte: unitatem quandam præferunt in se: ordinem deinde, atq; speciem, quæ tribus personis appropriantur, nam sicut sunt natura corporum, & animarum, ita quodlibet horum creatorum, & aliquid unum erit aliqua specie formatum, ut sunt figura, & corporū qualitates, & doctrinæ, ac animarum artes: deinde talia ordinem aliquem petunt, ac tenent, ut sunt pondera, collocationes corporū, & amores, vel delectationes animarum, quæ tria tribus diuinis personis appropriantur, & ita in creaturis relucet uestigium Trinitatis,*

nitatis, quo intellectus noster ad Trinitatis cognitionē eleuari pōt, non tamen sufficienter absq; interioris inspirationis reuelatione, Et hec de prima parte. In altera ponitur modus contemplandi diuinæ essentie unitatem, ac personarum Trinitatem. *Quæ ergo in imagine creata videntur posse cognosci, similiter illa ēi, de increata imagine, lumine rationis naturalis, poterunt speculari, atque in mēte nostra quatenus imago est deitatis, cognoscere possumus, quodammodo unitatem in Trinitate, & Trinitatē in unitate: igitur in mente nostra poterimus expresse contemplari, ac meditari Trinitatem in unitate, & vice versa. Quo autem modo hoc nobis possibile appareat, audite: mens nostra nonne ad Dei imaginem producta? insuper nonne meminit sui, intelligit, & diligit? quæ tria ad se collata dicuntur, nec ob id sunt tres vite, sed una vita, non tres mentes, sed una mens. In diuinis quoq; personis excellentiori tamen modo, ita loquendum, quod ibi sit una essentia, & vita una: non tres vite, nec tres essentie, sed benè, quod ibi sint tres persona, inter se distinctæ, & hoc secundum varias processiones. Nam Pater intelligendo se per modum naturæ producit verbum. Insuper cum filio Pater diligendo se ipsos per modum voluntatis spirat Spiritum sanctum. Non secus mens nostra, cum se actualiter intelligit ex memoria, dicitur intellectum producere, & ex memoria, & intellectu voluntatem. Et sicut diuinæ personæ inter se æquales sunt, ita quod una non sit minus, quam oēs, neq; oēs magis, quàm una: ita quælibet harum potentiarum capit oēs tres, & oēs tres unam quamq; ipsarum capiunt: quare in tertia parte presentis sermonis propositum principale videtur posse concludi,*
quod

quod per imaginem mentis creata unitas diuinæ essentiae, personarumq; Trinitas possit inuestigari, quod nobis concedat benedictus Deus. Amen.

QVOD IN ILLA SIMILITVDINE EST
DISSIMILITVDO. TEX.

Lectio XVII.

EX quatuor partibus, in quas cōsumebatur hęc distinctio, hactenus tres enodatas habetis. Superest quarta, & notissima explicanda; quæ in duas secari habet partes, in cōclusionem primo, & in probationem secundo. Si ergo memoria tradidistis vestra, in superiori parte loquebatur Magister sent. de imagine creata, qua mens humana in Deum poterat eleuari: hinc ne quis arbitraretur talem mentis humane creatam imaginē absq; dissimilitudine inueniri, propterea Magister sent. hanc voluit apponere conclusionem. Nulla imago Trinit. creata est sine magna dissimilitudine Trinit. increata. Ad quam probandam, ita erit ratiocinandum; Vbi est dare realem differentiam cū notabili dissimilitudine, ibi est concedere similitudinem cum deformitate, siue cum magna dissimilitudine, sed inter imaginē Trinit. creata, & Trinitatem increatam, datur talis differentia realis cū notabili dissimilitudine, una igitur, non erit alterius adequatē representatiua. Quoniam minor ppositio videtur suspecta quantum ad illā particulam de dissimilitudine, iccirco dupliciter habet manifestari, & primo sic. Deus Pater, Deus Filius, Deus Spiritus sanctus

sanctus dicuntur Trinitas increata, nostra verò creata, ecce ergo prima dissimilitudo. Insuper in diuinis, Pater, Filius, & Spiritus sanctus tres sunt personæ, at memoria, intellectus, atq; voluntas nō sunt in nobis tres personæ, sed tantūm potētiæ unius personę; patet itaq; dissimilitudo reperta inter Trinitatem increatā, & creatā, quæ mens nostra, ut aliàs tactū fuit, videtur eleuari posse ad creaturis suis notitiā, nam in anima nostra conceditur mens, notitia, & amor, quæ tria, Trinitatem increatam nobis representant: mens enim se habet, ut parens, & eius notitia, ut proles. Nam mens cū se cognoscit, sui notitiā gignit, & ita suæ notitiæ parens dicitur. Extat tertio, amor, qui de ipsa mente, & notitiā procedit, quibus tribus, anima rationalis in Deum creatorem suum eleuatur, qui trinus, & unus in personis est, ut perbellè docet D. Aug. lib. nono de Trinitate, his uerbis. Dicimus credendum esse unum Deum, uniuersæ creaturæ conditorem, & rectorem, nec Patrem esse Filium, nec Spiritum sanctum, vel Patrem, vel Filium esse. Nam fides Patriarcharum, & Apostolorum, unum Deum, & in personis trinum prædicat. In illa itaq; sanctissima, & indiuidua Trinitate unus est Pater, qui solus de sua substantia unum filium genuit, & unus est filius, qui natus dicitur, & unus Spiritus sanctus, qui solus essentialiter, à Patre, filioq; procedit: & hæc de tota distinctione satis, quam in sequenti (Deo fauente) examinabimus.

DE QVING; DEVM REPRÆSENTANTIBVS.

Lectio XVIII.

EX verbis Magistri sent. in prædeclarata distinctione occasionem nactus: silentio minime, illa quinque Deum representatia inuoluam; quorum primum est vestigium. Alterum imago. Tertium ad imaginem esse: quartum similitudo. Demùm equalitas. Vestigium est similitudo partis. Vnde impressio pedis in puluere relicta ab equo, vestigium nuncupatur. Imago verò est similitudo representatiua totius, & ita discrimen inter hæc duo apparet, quia vestigium non representat totum, cuius est vestigium, nisi secundum partem, nec ex vestigio pōt immediatè cognosci totum, sed coniectura tantum pro quanto illud, quod representatur per vestigium, cognoscitur aliquid esse totius. At per imaginem illud clarè, & expressè representatur, à quo dicitur. pducta clarè, & expressè imago, quòd duobus euenit modis: vel in speciei, vel in figura similitudine, ut patet de Regis imagine expressa in sigillo, vel numo, vel in natura identitate, ut V. g. de Regis imagine in filio. Ad imaginē uerò esse attinet ad rationalem creaturam Deum representatam. His additur, quòd similitudo representat eandem qualitatem, sed non ut expressam, V. g. ouum alteri simile: non tamen dici pōt imago. Demùm equalitas illa est, qua habet representare illud, à quo expressum est perfectè, qualis est Dei filius, qui est uera Patris imago in propria natura inuenta: ex quibus colligi potest, quædam dari, quæ nec sunt imago, nec ad imaginem producta, ut irrationalis creatura, qua Dei tantum ue-
stigium

stigium dicitur ; homo uerò ad imaginem Dei ppter similitudinis
 imperfectionem, iccirco talis natura , vera Dei imago non est ap-
 pellanda. At ingenio pollentes hic dubitabitis dicentes , quæ sunt
 creatura ad Dei imaginem dicta ? ad hoc respondetur , quòd ille
 sunt , quæ Dei capaces sunt, V. g. homo : Angelus, & mulier, quæ
 secundum mentem ad Dei imaginem dicuntur , at secundum alias
 partes, per modum uestigij ad Deum se habent. Preterea ad maio-
 rem euidenciam eorum, quæ prius tacta fuerunt, triplex distinctio
 de imagine apponetur , nam in homine imago triplex resplendet :
 naturæ scilicet , gratiæ, & gloriæ. Prima naturalis est , secundum
 quam homo dicitur habere pppensionem, siue inclinationem natu-
 ralem ad Deum intelligendum, quæ naturalis aptitudo consistit in
 ipsa natura mentis omnibus hominibus communis. Altera imago
 gratiæ, quæ quis actu Deum cognoscit, & amat, ut patet de iustis
 in via, in quibus imago gratiæ viget . Tertia imago gloriæ beatis
 conuenit, qui actu Deum immediatè cognoscunt, & amant perfe-
 ctè. Adhuc imago videtur esse triplex : creationis, recreationis,
 & similitudinis. Prima omnibus hominibus est communis, & hoc
 quia in his natura aptitudo inuenitur ad Deum cognoscendum, &
 amandum. Altera est imago recreationis, quæ in iustis conceditur,
 quatenus per gratiæ conformitatem , Deum actu cognoscunt , &
 amant, imperfectè tamen, quia in via sunt. Illa uerò imago simili-
 tudinis, quæ sic nuncupatur , per conformitatem gloriæ, scilicet, in
 quantum beati in patria perfectè Deum cognoscunt , & amant,
 similitudinis imago dicitur. His tandè videtur posse addi theoria
 de quadruplici distinctione imaginis, quarum prima quasi abolita
 est :

est: secunda obscurata, tertia clara, quarta perfecta. Prima est in his, qui adhuc rationis usum non habent, in quibus licet sit imago, quasi tamen abolita, vel deleta dicitur. Secunda est deformata, vel obscurata per peccatum; & hęc est in peccatoribus. Tertia clara, & pulchra, ut in iustis per gratiam. Quarta ut perfecta est in beatis, qui actualiter, & immediatè feruntur in Deum per memoriam, intelligentiam, & amorem. In sequenti quędam alia consideratione digna audietis; hęc interim satis.

VTRVM IMAGO DEI DICATUR ESSE
MAGIS IN ANGELO, QVAM IN HOMINE.
Lectio XVIII.

PErcurrenda erit primo loco per brevis illa questio de imagine Dei. Vtrum scilicet magis in Angelo, quàm in homine habeat esse. mihi sanè videtur esse dicendum, quòd in Angelo simpliciter, quàm in homine resplendeat, natura enim intellectualis nobilior, ac perfectior in Angelis, quàm in homine reperitur, in quo licet sit ratio intellectualis luminis, obumbrata tamen est: quare dicendum venit, quòd Dei imago magis resplendeat in Angelo, quàm in homine. Hoc idem videtur confirmari posse per Gregorium, illud Ezechielis xxviii. Exponentem, Tu signaculum similitudinis, &c. Si verò uelimus loqui secundum quid, tunc aliter erit dicendum, scilicet, quòd Dei imago sit magis in homine, quàm in Angelo, & ne sine causa loquentes erubescamus: iccirco quinq; vñs hoc p̄bimus, & primò sic: ut ex Patre filius, & ex utroq; Spiritus sanctus, ita ex mente notitia, & ex utroq;

utroque procedit amor; secundo, Deus dominatur in toto universo, ita homo inferioribus creaturis, non autem Angelus. Tertio, ut Deus est totus in qualibet parte universi, ita anima tota dicitur esse in qualibet corporis parte; quarto, ut Deus est finis simpliciter omnium, ita homo quodam modo finis est creaturarum, & non Angelus. Postremo, sic quis vestrum poterit ratiocinari dicendo, quod imaginis ratio ibi sit, ubi possit esse ratio processionis unius ab altero, sed in homine per generationem potest ratio processionis concedi, & non in Angelis, videtur ergo, saltem secundum quid, quod Dei imago magis respiciat in homine, quam in Angelo: quare, &c. Explinato iam primo puncto à nobis paucis verbis propositio, accedit secundo loco expositio illius auctoritatis, Faciamus hominem ad imaginem, & similitudinem nostram: primum per hoc ad imaginem, naturalia intelligenda sunt, & hoc similitudinem; gratuita. Insuper dum dicitur ad imaginem: habet hoc referri ad cognitionem, imago enim attenditur in cognitione, & similitudo in dilectione. Deinde homo factus dicitur ad imaginem Dei, quoniam omnia in ipsa anima sunt secundum sapientiam; ad similitudinem vero dicitur, quia una, & simplex est anima secundum essentiam. Quartum imago videtur posse referri secundum Cassiodorum ad immortalitatem, quia est immortalis; similitudo vero ad simplicitatem. Quintum, & ultimum anima dicitur ad imaginem Dei, quia ratio naturalis, ad similitudinem vero, quia spiritalis. Homo igitur ad Dei imaginem est erectus, quatenus, vel actualiter fertur in Deum cognoscendo, & amando, ut beati in patria, vel aptitudinaliter, ut viatores. Et hoc de promissis satis.

VTRVM

VTRVM DEVS RATIONE HVNANA SIT
A NOBIS COGNOSCIBILIS?

Lectio XX.

IN proxima præterita lectione de multis non leui consideratione dignis actum fuit, & maximè de ratione naturali, per quam Deus pòt inuestigari. Insuper de vestigio, nec non de imagine, Trinitatem, & unitatem in diuinis representantibus. Hodierna verò die primò quæremus, Vtrum Deū esse ex his, quæ sunt in creaturis, possibile sit probare. Deinde, Vtrum de Deo, qd est, queat cognosci. Postremò, Vtrum Deum esse sit per se notum. Quantum ad primum, declinantes ad partē negatiuam dicimus, possibile minimè esse probare Deum esse ex his, quæ relucet in creaturis. Nam Arist. diuina Philosophiæ lib. octauo habet, quòd rerum species sunt ut numeri, sed in numeris non est dare supremum: igitur neq; in entibus: quare nec inuestigari, nec Deus poterit cognosci per ea, quæ videmus in creaturis. Arguitur secundo sic. Sensus noster nullo modo cognoscere ualet rem spiritualement: igitur nec intellectus noster Deū benedictum: quare, &c. Tertiò sic arguitur, autoritate Boetij in lib. de consol. dicentis, qd ratio simplicem non capit formam, at Deus est forma simplex: igitur, &c. Quarto sic arguitur per Arist. in tertio de anima dicentem, qd anima nō intelligit sine fantasmate, at Deus nō habet fantasma, quia est incorporeus, ratione igitur naturali non poterit à nobis cognosci. Vltimò sic arguitur. Illa cognitio, q̄ habetur per rationē naturalem, cōmunis dicitur esse bonis, & malis, veluti natura illis

est cōmunis, atqui Dei cognitio competit tantū bonis, ut habetur apud Aug. primo de Trinitate, quod mentis humanæ acies in tam eccellente luce non figitur, nisi per iustitiam fidei emundetur: non ergo Deus per rationem naturalem cognoscibilis. Ex alio latere in oppositū se habet Apost. ad Rom. primo. Inuisibilia Dei à creatura mundi, idest ab homine, per ea, quæ facta sunt, idest per creaturas intellecta conspiciuntur: sempiterna quoque virtus eius, & diuinitas. Pro solutione igitur argumentorū, quesitūque determinatione, scire debetis primò, nos in Dei cognitionem tripliciter deuenire posse; & hoc maximè per illa tria, quæ in creaturis habent considerari. Creatura enim primò dicitur ens productum à Deo, insuper dicitur perfectæ, tertio vertibilis in nihil. Hinc triplex oritur via ad cognoscendum Deum. Prima est eminentiæ, secunda causalitatis, tertia anichilationis. Via eminentiæ in Deum sic eleuamur dicentes: corpus est bonum, anima melior, Deus ergo optimus. Via deinde causalitatis sic. Nam authore Aristotele octauo Physica auditionis, in causis per se ad vnā immobilem primam est deuenire, cū non sit ire in infinitum, sed Deus est prima causa omnium efficiens, à qua cuncta sunt producta, per talia ergo, ut per effectus humana ratio, siue ius naturalis ad Deum ascendere poterit, ut ad causam per se efficientem. Tertia via remotionis dicitur omne enim, quod est ab alio, quantum est de se, potest non esse per subtractionem cuiuslibet influentiæ, at Deus non sic se habet, quia non ab alio, immò suum esse est necesse esse. Deus itaque ex creaturis potest cōuinci hac triplici via, eminentiæ, causalitatis, & remotionis, quam triplicem viam videtur tangere beatus Dionysius vii. Cap. de

de diuinis nominibus. Nam per primam desumptam ex via eminentiæ, concluditur in Deo oīs perfectio. Per secundam omnium productio. Per tertiam semouetur ab eo discedendi possibilitas. His addite vos notandum de duplici notitia, videlicet comprehensua, & apprehensua, illa est comprehensua, quando aliquid cognoscitur, quantum est cognoscibile. Apprehensua verò, quādo aliquid cognoscitur, licet non perfectè, & hæc duplex est, intuitiua, & abstractiua. Intuitiua est de re in se ipsa, in quātum est existens, & presens, & mouens intellectum, & immediatè causans actum intelligendi. Abstractiua verò notitia est de re in suo representatiuo limitato: notanter dicitur limitato, quia notitia, quā habent beati de creaturis in essentia diuina, tanquam in representatiuo supereminenti, & illimitato non est abstractiua, sed intuitiua. Præterea beatus Bonauentura notat, aliud esse cognoscere Deū in creaturis, & cognoscere per creaturas. Cognoscere enim Deum in creaturis est cognoscere presentiam eius, & influentiam in creaturis, quod viatorum est semiplenè, beatorum autē perfectè. Cognoscere verò Deum per creaturas est à cognitione creaturarum eleuari ad Dei cognitionem, quasi per scalam mediam, ut dicit Bern. qđ propriè viatorum est. Nunc his præmissis cōclusiones septē erunt ponendæ, deinde argumenta soluenda. Prima igitur sit hæc. Neq; à viatoribus, neq; à beatis pōt Deus cognosci notitia comprehensua, quia intellectus finitus est, & ens est infinitū. Secunda conclusio. Non potest homo naturaliter cognoscere Deum notitia intuitiua, quia Deus quantum ad hanc notitiam non est naturale obiectum, sed voluntarium. Quòd si dicatur naturale, hoc tantū erit respectu

sui intellectus. Tertia conclusio. Deus est à nobis naturaliter cognoscibilis, non solum in conceptu, quasi per accidens, videlicet in attributo, sed in aliquo conceptu per se, & quidditatiuo. Patet, quia, si intelligamus Deum sapientem, oportet præintelligere aliquè conceptum quidditatiuum, cui sapientia inest. Quarta conclusio. Deus est à nobis cognoscibilis, non solum in conceptu ipsius analogo ad creaturas, verù etiam in conceptu uniuoco; patet de conceptu entis, qui est uniuocus Deo, & creaturis. Quinta conclusio. Deus non est naturaliter cognoscibilis à nobis conceptu proprio quidditatiuo, quia, quantum ad hoc, est obiectum voluntarium respectu nostri intellectus, nec aliqua creatura cognoscibilis à nobis sufficit diuinam nobis ostendere essentiam, ut est hæc. Sexta conclusio. Deus est à nobis cognoscibilis per aliquos conceptus sibi proprios, ut patet de conceptu entis infiniti. Septima conclusio. Illa, qua de Deo cognoscimus, naturaliter per creaturas cognoscimus. Nunc ad argumenta, & primò ad primum, ut respondeamus, ita dicemus, quòd ordo rerum se habet secundum species numerorum, quantum ad gradus earum, & quantum ad habitudinem ad vnum principium, veluti omnes numeri, qui deriuantur ab unitate, ut ab vno principio: quare processus numerorum ab unitate in infinitum non est ad negandum primum principium numerorum, sed bene ad negandum terminum, quod est per accidens, eo quia additio in numeris sequitur continui diuisionem, qua procedit in infinitum, qui processus, non datur in speciebus rerum versus principium, & ita ratio prima nihil contra nos concludit. Ad secundam de sensu, & intellectu, assumptum negatur, & ratio est, quia spirituale ad sensum

non

non se habet ut obiectum, sed sensibile, & spirituale, intelligibile ad intellectum. Ad illud Boetij in tercio argumento adductum sic respondetur, quòd benè humana ratio non capit formam simplicem, ut est Deus; quātum ad quid, at, quantū ad quia, negatur. Primo igitur modo Boetij autoritas intelligenda, & non secundo modo. Ad argumentum quartum dico, quòd minor eget declaratione: nam licet Deus non habeat fantasinata propria, habet tamen communia, videlicet effectus, & ita cognoscibilis. Ad ultimum argumentum, quo concludebatur, Dei cognitionem bonis tantū conuenire, ad aures D. Aug. dico, dari duplicem cognitionem, quarū una per essentiam, & hæc per gratiam tantū bonis conuenit, & de tali loco citato D. Aug. intendeat. Altera est per rationem naturalem, quæ communis est bonis, & malis, quia humana ratio communis; & hæc satis. In sequenti ad alia duo quesita properabimus, quæ in presenti omisimus breuitatis causa.

VTRVM DE DEO, QUID EST, POSSIT COGNOSCI.

Lectio XXI.

NE vos longo sermone meo heri (Nobil. Aud.) delassarem, duo examinanda omisi quesita: alterum quorum atinebat ad quid est ipsius Dei. Secundum verò ad eiusdem notitiam: propterea, nequid vitio mihi dari possit, circa ipsa aliquantulum morabor, querendo primò, num quid de Deo cognoscere valeamus, deinde, Vtrum Deum esse, sit per se notum,

Quantum ad primum: quibusdam videtur, quòd Deus possit cognosci, quo ad quid est ipsius: quicumq; enim cognoscit ea, quæ sunt rei propria, dicitur propriam, perfectamq; cognitionem illius, quo ad quid sit, habere. At ex creaturis quædam propria Deo, nulliq; alij convenientia, cognoscimus, V. g. quòd Deus sit creator, quod omnipotens, quòd infinitus, æternus, & similia: igitur de Deo quid per creaturas pòt cognosci. Deinde, ubi si est, & quid est, sunt idem, tunc uno cognito, cognoscitur, & reliquũ, at hæc duo identificatur in Deo: ergo qui, si est, cognoscit, nec nõ, qd est, cognoscet. Insuper illud, quod est oĩno simplex, vel totaliter scitur, vel totaliter ignoratur, sed Deus oĩno est simplex, ergo vel totaliter ignoratur, vel totaliter scitur, non enim partim pòt cognosci, & partim ignorari; cum itaq; totaliter Deum non ignoremus, quia scimus ipsum esse substantiam, quæ pertinet ad quid est: igitur de Deo totaliter, quid est, cognoscitur. In oppositum se habet veritas, quæ est, quòd rei cognitio, quantum ad quid est, perfecta dicitur esse, at nos viatores de Deo talem nequaquam possumus habere: igitur nec quid de Deo cognoscere. Pro responsione igitur argumentorum distinctio de duplici quid præmittenda venit: duplex enim quid, videlicet nominis, & rei. Quæ distinctio pòt accipi, vel ex parte rei, vel nostra: si sumatur ex parte rei, hoc dupliciter fiet, uno modo, ut quòd quid rei dicatur, quãdo res per essentialia principia explicatur. quid uerò neminis, dũ res per accidentalìa declaratur, quæ licet nos in cognitionem rei ducant, nõ ob id talia accidentalìa principia quidditatis, & essentiæ nuncupanda erũt. Alio modo hæc distinctio quid nominis, & quid rei videtur posse considerari,

considerari, & sic intelligi, qđ quid nominis, sit tām entium, quām non entium, V. g. hominis, & equi, deinde chimera, & vacui. Illa uerò quid rei, solum habere dicuntur, quæ ueras importāt res existentes extra, qui modus est proprius. Insuper quo ad nos hæc eadem distinctio duobus adhuc videtur posse capi modis: uno modo, ut cognitio quid nominis vocetur confusa, & communis, & illa quid rei sit cognitio specialis, atq; determinata. Solet deinde quid nominis referri ad cognitionem nominis, siue significationis, licet ignoretur res habere esse extra actu, vel non. Notetis deinde dari duplex quid in genere, & in specie, siue sub propria forma. Exemplum primi, V. g. quando hominem cognoscimus, animal cognoscentes. Exemplum secundi, V. g. dūm res per proprium genus, & propriam differentiam cognoscitur. Insuper notetis, nos cognitionē de aliqua re duobus posse modis habere; vel quo ad quæ, vel quo ad quid. Primo modo cognoscitur Deus à nobis, secundo modo minimè, & ratio assignatur, quæ si sic res non se haberet; tunc Deus limitatus esset ad aliqd genus, quod dici non debet: quare, &c. Nunc ad argumentum primum formatum ut respondeamus, maiorem propositionem concedemus: dūmodo, quæ soli Deo, ut propria cōueniunt positiuè, & absolutè dicant essentiam: hinc minor deinde falsa apparet, nam quæ de Deo cognoscimus, non sub ratione absoluta, sed per habitudinem ad extra cognoscimus, quæ cognitio in genere dicitur, non in specie, quo modo quid de Deo à nobis uiatoribus pōt cognosci. Ad secundum de si est, & quid est, respondetur, quòd eo modo, quo de Deo, quia est, cognoscitur, non secus, quo ad quid est, pōt cognosci, cum sint idem hæc duo in Deo.

Nego tamen, quòd sub ratione speciali habeant cognosci. Ad ultimum dicitur, quòd Deus totaliter scitur, siue cognoscitur, & totaliter ignoratur, sciri enim dicitur totaliter in uniuersali, siue in genere, & totaliter ignorari in specie. Duplex ergo datur totalitas generica, & specifica, si de prima loquamur, argumentum aduersariorum currit, si de altera, nullum est. Completa iam prima questione, accedit altera in ordine secunda, dum queritur. Vtrum Deum esse su per se notum. Pro parte affirmatiua sic arguitur: illa per se nota dicuntur, quorū cognitio nobis naturaliter inest, ut illa primorum principiorum, sed Dei cognitio, authore Damasceno in principio libri sui oībus est inserta: ergo Deum esse erit per se notum. Insuper, nonne veritas per se nota est? at Deus est veritas, ut habetur Io. xiiii. Ego sum via veritas, & vita. Deum igitur esse per se notū uidetur dici posse. Ad huius questionis euidentiā duo premittenda sunt, quorū primū respicit, qd sit dicere, ppositionē esse per se notam, ubi notandum venit, illud minimè dici posse per se notum, qd per aliud sit notificandum, siue sit tale incomplexum, siue cōplexum, V. g. quando sit notitia propositionis per simplices terminos. Illa verò propositio, cui assentitur absq; hoc, quod probetur per aliam propositionem prius, ac magis notam, dicitur per se nota, & hoc adhuc dupliciter considerari habet, vno modo secundum se, & rei naturam, alio modo, quo ad nos. Si primo modo propositio sit nota, cognoscetur ex hoc, quando p̄dicatum erit de ratione subiecti secundum rei veritatem. Si quo ad nos, propositio tunc per se nota erit, quando statim terminorū cōnexio apparebit, nam cognitis terminis, intellectus statim veritatem sub illis cōten-

ram terminis apprehendit, & hæc cognitio per se nota dicitur, quo ad nos. Nunc ad argumenta veniamus, & primò primum è medio tollamus, dicentes: duplicem dari cognitionem vniuersalem, siue confusam, & distinctam. Si loquamur de cognitione vniuersali, & confusa, habet cõcedi, qđ talis nobis sit insita de Deo cognitio à natura, sub quo sensu Damascenus uenit intelligendus. At si uelimus uerba facere de illa cognitione simpliciter capta, hoc modo Damasceni sententia est nulla. Ad secundum argumentum de ueritate per se nota pōt dici, quòd ueritas in communi sit per se nota, illa uerò prima ueritas, de qua currit argumentum, nō sic se habet, nā licet de se Deus sit per se notus, & in se, nō tamen pōt dici per se notus, quo ad nos, nisi eo modo, quo alais diximus; Et hæc satis.

DE VESTIGIO, ET IMAGINE.

Lectio XXII.

Superius de duobus facta fuit mentio, uidelicet de uestigio, & de imagine, iccirco in animum induxi meum quesita duo modo excitare. Vnum de uestigio, alterũ de imagine. Quæritur ergo primò. Vtrum in omni creatura trinitatis uestigium sit cõcedendum. Pro parte negatiua in primis sic arguitur. Vestigium rei illud est, per quod res inuestigatur, sed personarũ Trinitas ex creaturis inuestigari nequit: igitur in omni creatura uestigium nō inuenitur. Insuper autoritate Ambr. in hexameron sic arguitur. Lucis natura non est creata in numero, pondere, & mensura, & tamen penes huiusmodi uestigium attenditur, non itaque in omni creatura

creatura uestigium reperitur. In oppositum se habet illud Sapientis xi. Oīa in numero, &c. Pro solutione igitur argumentorum, quod quid est uestigij, & secundum quas attendatur partes, considerandum erit; nam uestigium nunc videtur transumptiue sumi ad similitudinem uestigij propriè dicti, quod est impressio ducens in cognitionem illius confusè, cuius est, veluti hominis pedis impressio in puluere derelicta, ducens nos in cognitionem hominis. Vnde ubique; erit aliqua Trinitat. representatio, si non distinctè, saltem confusè, ibi quoq; uestigium ponendum, at talis representatio in omni creatura est: igitur, & uestigium. Nunc penes quid habeat sumi, audite. Nam penes numerum, mensuram, & pondus attenditur, quæ tria in oībus sunt creaturis, secundum magis perfectum, & minus perfectum, ita uestigium primò de creaturis perfectioribus dicetur, deinde de minus perfectis, cuiusmodi sunt accidentia. Ad argumenta nunc festinantes minorem primi argumenti considerabimus, dicentes: Trinit. ex creaturis inuestigari non posse, vel confusè, vel distinctè. Primo modo negatur, secundo modo argumentum conceditur. Ad illud uerò ex mente Ambr. de lucere spondetur, quod lucis natura simpliciter considerata est creata in numero, pondere, & mensura. At si consideretur, quatenus eius effectus est minus limitatus, quàm aliarum creaturarum, tunc dicetur non creata in numero; pondere, & mensura, quo modo loquebatur D. Ambr. quod aut oīa sint producta à Deo in numero, in pondere, & mensura, audite: quælibet enim creatura dicitur in suo esse subsistere, & formam, per quam ad speciem determinetur, habere, in super ordinē, in eo ergo, quod est quædam substantia
creata,

creata, causam, & principium representat, & ita persona Patris, qui est principium, non de principio demonstratur: in eo uerò, qđ quandam habet formā, & speciem, uerbum in diuinis secundam personam demonstrat: secundum deinde ordinem, quem habet, Spiritum sanctū nobis representat. In unaquaq; igitur creatura debet uestigium Trinit. concedi, quantum ad illa tria iam tacta à nobis, & ita finitur questio prima. Succedit huic altera, dūm queritur. Vtrum in homine Trinit. imago sit concedenda. Hilarius libro de Synodis uidetur ratiocinari p parte negatiua his uerbis. Imago dicitur eius rei, ad quam imaginatur species indifferens, sed nulla uidetur inueniri posse species indifferens Trinit. & animæ nostræ: quare Trinitatis imago in homine non erit ponenda. In contrarium se habet illud Genesis capite primo. Faciamus hominē ad imaginem, & similitudinē nostram: in homine ergo est Trinit. imago. Pro responsione debetis scire de ratione imaginis esse representare rem cum aliqua tamen dissimilitudine in creatis. Quo stante, potest dici ad argumentum desumptum ab Hilario in libro de Synodis, quòd minor propositio duobus considerari potest modis: uno modo participando eandem naturam secundum speciem, ut filius in diuinis, qui Patri est similis, & eius imago. Alio modo non participando eandem naturam secundum speciem, sed alteram, quo modo conceditur Trinit. imago in creaturis: Hilarius uerò loquebatur primo modo, nos uerò secundo modo. Et ut clarius hoc appareat, dicemus duplicem dari imaginem: unam eiusdem naturæ, alteram diuersæ: primo modo in diuinis solus filius est imago Patris respectu eiusdem naturæ. Alio modo creatura dicitur imago Trinit.

Trinit. non ut habet esse in eadē natura, sed in altera; Et hæc satis.

HIC QVAERITVR, VTRVM DEVS SE

GENVERIT.

Distinctio III.

Lectio XXIII.

Hæc est distinctio quarta huius libri, circa quam versaturi cōtinuationem primò ponemus: secundò ad distinctionis diuisionem festinabimus: tertio singulas partes sigillatim aperiemus. Ostenso igitur, quod essentia unitas in diuinis, & personarum Trinitas, autoritate viriusq; testamenti, nec nõ per uestigium, & imaginem in creaturis inuentas inuestigari pōt, consequenter hodierna die determinandum erit de personarum origine, & distinctione. Habito in hunc modum nõ magno verborum apparatu nexu presentis distinctionis cum superioribus, nunc diuidi habet hæc distinctio in segmenta tria, in questionem unam primò. In oppositionem secundò. In reprobationemq; opinionis cuiusdam tertio. Queritur ergo, num catholicè possit concedi, Deum se ipsum genuisse, vel à se alium Deum essentialiter produxisse. Propositio dubio, Magister pollens ingenio, hoc esse negandū, tali ratiocinio docet; illud enim penitus apud fideles negandum esse videtur, quo concesso sequeretur procul dubio, idem se ipsum generasse, aut plures esse Deos, at Deum se, vel à se alium essentialiter Deum genuisse, est huiusmodi: non itaq; modus iste loquēdi debet apud catholicos concedi. At dicetis vos, nonne ista ut vera concedenda?

denda? Deus genuit Deum. Ad hoc respondetur, quòd sic. Nam Deus Pater genuit Deum filium, nec ob id sequitur: ergo genuit se Deum, vel alium in deitate Deum: benè alium in persona. Et hæc de primo segmento. In altero in ordine secūdo garruli præmissæ questioni ut contradicant, quærunť dicētes. Si Deus genuit Deū, aut igitur Deus Pater genuit Deum, qui est Pater, & ita idem genuit se ipsum, quòd impossibile dicitur, ut habetur lib. primo de Trin. apud Aug. vel erit dicendum, quòd Deus Pater genuerit Deum, qui non est Deus Pater, & ita plures Dī erunt: ne hoc admittatur ppter incommoda, quæ sequerentur, propositio paulò ante adducta, quòd Deus genuit Deum, non videbitur admittenda: At ne sub dubio relinquatur Magistri sent. opinio, garrulis ita erit respondendum, quòd Deus Pater genuerit Deum, qui non est Deus Pater, idest filium, qui non est Pater, qui Deus est, & iste sensus verus est, ibi enim non notatur essentia alietas, sed persona tantum. Extat alius sensus huius propositionis, Deus genuit Deum, qui non est idem Deus cum Patre, tunc falsa dicitur propositio, & neganda, quia in ipsa alietas natura, siue essentia denotatur, inde plures Dī, quòd fides catholica non admittit; Et hæc pro puncto secundo. In ultimo quorundam reprobatuť opinio dicentium: nomen essentiale in diuinis posse prædicari de nomine personali posse dici de nomine essentiali, dicendo: Deus est Pater. Vnde concedebant istā: tres personæ sunt unus Deus. Negabant deinde istam. Deus est tres personæ, quòd tamen catholicè dici potest, ut habetur apud D. Aug. in primo de Trinitate, qui ita ait: rectè ipse Deus Trinitas intelligitur, beatus, & solus potens potest

potest igitur dici, quòd ipse Deus sit Trinitas, & quòd Trinitas sit ipse Deus: quare ex dictis erronea fuisse opinio aliter dicentium apparet. Et hæc de tota distinctione.

VTRVM IN DIVINIS CONCEDENDA SIT GENERATIO.

Lectio XXIII.

Interprætates distinctionē quartā quærebamus primo. *Vtrum esset vera hæc propositio. Deus genuit Deum. Deinde, num essentiale nomen posset dici de personali, & vice versa: iuxta quæ duo quesita non secus proponuntur duo, unum quorum attinebit ad generationem in diuinis, alterum ad veritatem huius propositionis, Deus est Pater, Filius, & Spiritus sanctus. Quātum ad primum, solet quæri, Vtrum generatio in diuinis sit cōcedenda: mihi certè primo aspectu videtur esse dicendum, quòd non, à quo enim superius remouetur, & inferius, sed mutatio ad generationem ponitur superior, quæ non est in diuinis, non igitur ibi generatio. Insuper, si in diuinis foret generatio, vel uniuoca, vel equiuoca esset censenda, at nullum horum potest admitti: igitur neq; in diuinis generatio. Minor, quia claudicat, iccirco quo ad utrunq; membrum declaratur, & primò, quòd non possit esse uniuoca, quia tantum differunt gignens, & genitum, quantū proprietates eorum constitutiua, at paternitas, & filiatio, quæ patrem gignentem, & filium genitum constituunt, diuersarum sunt rationum, non igitur in diuinis poterit esse generatio uniuoca. Quo ad alterū*
membrum

membrum dici potest secundum D. Aug. quod in filio sit perfecta imaginis ratio, quoniam in eo nulla est dissimilitudo, at ratio equiuoca perfectam excludit similitudinem, ibi ergo in diuinis concedenda non venit generatio equiuoca. Demum sic potest argui, ad manifestandum in diuinis non generationem dari, nam si daretur, tunc Deus alium Deum genuisset: generans enim distinguitur à generato, atqui Deus genuit Deum: igitur Deus genitus distinguitur à generante, & ita sequi videbitur, quod Deus alium genuerit Deum, qđ veritati est dissonum, non enim plures Dī conceduntur, sed unus Deus, non igitur generatio in diuinis admitenda. In oppositum verò extat illud Eſaiæ ultimo. Ego, qui alijs generationem tribuo, nunquid sterilis ero? deinde admittitur in diuinis Paternitas: ergo, & generatio, licet hoc adamussum lumine naturæ, nec efficaciter queat pbari. Nunc soluendæ sunt rationes, & primò prima; dū itaq; arguebatur, quod in diuinis non sit concedenda generatio, quia ibi non est mutatio, omiſſa maiore, respondetur ad minorem, hac distinctione duplicis generationis, diuina scilicet, & humana: hoc secundo modo currit aduersarij argumentum, sed primo modo est nullum. Ad secundum argumentum dico: duo in diuinis consideranda esse: vnū ex parte naturæ, alterum ex parte diuersarum proprietatum generantis, & geniti, primo modo in diuinis generatio uniuoca attenditur, non secundo modo, ut videbatur ratiocinium concludere. Ad tertium argumentum dici potest, quod maior si in hunc modum intelligatur, videlicet, qđ Deus alium genuerit Deum personaliter, tunc vera erit propositio, essentialiter verò falsa. Rursus ad minorem dici poterit, quod

quòd Pater, & filius, ut generans, & genitum, relatiuè distinguantur, non essentialiter, & ita ruit argumentum, nec in diuinis generationem impedit. Expleta iam prima difficultate, altera subsequitur consideratione digna, qua est: Vtrum propositio hæc affirmatiua in diuinis sit non neganda, sed affirmanda: Deus est Pater, Filius, & Spiritus sanctus. Hic procul dubio multa dicenda forent, at ne intellectum confundam uestrum, cum sacris Theologis illud tangam, videlicet in diuinis iuxta prædicationem has propositiones esse distinguendas penes veritatem formalem, & identicam: ita ut illa sit formalis, quando prædicatum suo formaliter conueniet subiecto, deinde illa identica, cuius prædicatum insit subiecto propter infinitatem diuinam: dùm itaq; queritur. Vtrum hæc sit admittenda in diuinis propositio. Pater, Filius, & Spiritus sanctus sunt vnus Deus: Respondetur, quòd sic identicè. Licet formaliter Pater nõ sit Filius, nec Filius Spiritus sanctus. Similiter hæc vera erit: Deus est Pater: Deus est Filius: Deus est Spiritus sanctus: prædicatione identica, sed non formali. Et hæc pro presenti.

HIC QVAERITVR, AN PATER, ETC.

Distinctio V.

Lectio XXV.

ARbitror vos ex prædeclarata distinctione nouisse in diuinis generationẽ dari: propterea in presenti non erit inutile speculari. Vtrum essentia diuina generationis terminus sit

fit nuncupanda. Habebit igitur tres partes hodierna lectio, in quas descendit ipsa distinctio. In quarum prima mouetur, ac determinatur una questio. Insuper inducitur instantiarum obiectio; tertio quarundam autoritatum subditur expositio. Quantum ad primū solet quæri, Vtrum diuina essentia terminus generationis sit: pro cuius rei intellectu hæc propositio ponenda erit; diuina essentia non est generans, nec generata; an hoc verum, audite: si oppositum concederetur, tunc vel diuina essentia non esset essentia, vel eadem res genuisset se ipsam, & à se ipsa genita, sed hoc non debet concedi: igitur neq; primum admitti. Minor triplici via habet probari, & primò sic. Quòd generat relatiuè dicitur, at essentia diuina non ita se habet, alioquin substantiam absolutè non significaret, vt significat: quare, &c. Deinde Pater est diuina essentia, sed non conceditur, quòd diuinam genuerit essentiam, quæ se ipsum genuisset, non ergo diuina essentia est generata; tertio sic arguitur. Pater per diuinam essentiam dicitur habere esse: si igitur genuit essentiam, tunc haberet esse per illud, quòd est generatum ab ipso, at hoc est falsum, quia generatum à generante habet esse, & non generatus à genito: quare, &c. Addit deinde Magister sent. quòd simili modo videtur probare D. Aug. quòd Pater non sit sapiens sapientia genita: si enim Pater per illam genitam sapientiam esset sapiens, cum ei sit idem sapere, & esse: tunc haberet esse per illud, & ab illo quod genuit: atqui hoc quid absurdius? nõ igitur, &c. Enodata iam prima parte, altera subsequitur, quæ circa instantias versatur, quarum prima sit hæc. Pater vel genuit illud, quòd ipse est, vel non. Si primum concedatur, tunc sic illud, quòd ipse est,

E

diuina

diuina essentia dicitur : igitur diuinam essentiam genuit, qđ prius fuit negatum ; ad hoc secundum Magistrum in textu est respondendum, quod Pater genuit id, quod ipse est, id est filium, qui est idem essentialiter cum ipso, non ob id habet concedi, quod essentia sit genita in diuinis, nec quod ipsa filium genuerit ; sed dicetis, qđ ad auctoritates auctororum, videlicet D. Aug. & Hylarij dicendum erit, quae praedictis obuiare videntur, quod essentia filij sit de essentia Patris ? dicimus, tales ita esse exponendas, & intelligendas : filius, qui est essentia, est de Patre, qui est essentia, & sic de alijs : quare nihil contra nos. Nunc superest tertia, & ultima pars huius distinctionis, quae versatur circa quarundam auctoritatum expositionem originem trahentium ex verbis Magistri dicentis, quod Filius, & Spiritus sanctus sunt producti, non tamen de nihilo, sed de aliquo, licet non de aliquo materialiter. Hanc ueritatē ut cognoscatis, auctoritates dicentes, Patrem de sua substantia filium genuisse, in hunc modum exponemus, quod Pater genuerit talem, qui est eiusdem naturae cum ipso, & si mihi non creditis, auctoritates positas in textu à Magistro sent. queso legatis ; Es haec de tota distinctione vobis apparebunt satis.

AN PATERNAE GENERATIONIS

TERMINVS SIT ESSENTIA.

Lectio XXVI.

IN animum induxi meum (Nobil. Audit.) questionem illam aliquantulum difficilem de Paterna generationis termino in diuinis examinare : tria ergo vobis polliceor argumenta primo negatiua.

negatiua. Secundo notanda. Argumētōrū solutiones tertio. Circa primū queritur, Vtrū paterna generationis terminus sit essentia diuina. Mihi certè videtur, quòd nō, terminus enim generationis per generationem accepit esse, at diuina essentia non accipit esse, igitur. Præterea, oīs productionis terminus posterior est productione, at essentia non est posterior generatione; igitur. Demum essentia communis est generanti, & genito, quo igitur poterit esse terminus paterna generationis, cum illud, in quo conueniunt generans, & genitum sit subiectum, & non terminus? In oppositum se habet, quòd omnis productio suppositi substantialis terminatur ad substantiam: quare, &c. Pro determinatione questionis secundo loco duo notanda occurrunt, primum secundum nonnullos, alterum secundum veritatem. Quantum ad primum. Aliqui dixerunt, diuina productionis totalem terminum esse suppositum productum, sed non formalem. Nam secundum rei veritatem essentia dici debet formalis terminus generationis actiua Patris, quia illud est formalis terminus alicuius productionis, quod per productionem primo est in producto, sed essentia est prima perfectio filij: igitur, &c. Præmissis his, ad argumēta soluenda accedamus, ad primum dicentes, quantum ad maiorem, quòd terminus totalis in diuinis accipit esse in supposito. Ad secundum dicitur, quòd maior intelligenda uenit de termino totali in diuinis, nō de formali. Ad tertium similiter dici potest, quòd maior sit vera, ubi unum generatur ex alio, sicut ex materia transiente: non autem ubi unum generatur ex alio, sicut ex uniuoco producente, ibi enim uterq; communis est natura uniuoca. Et hæc satis.

AN DIVINA ESSENTIA GENERET, ET

VTRUM FILIUS SIT DE SUB-

stantia Patris.

Lectio XXVII.

EX animi sententia Magistri sent. multa de diuina essentia, nec non de verbo in distinctione quinta tacta sunt, propterea de more nostro quesita duo hodie percurramus: unum pertinens ad essentiam, alterum ad verbum in diuinis. Quo ad primum. Queritur, Vtrum essentia diuina generet: primo aspectu disputandi gratia mihi videtur, quod sic. Vt enim se habet essentia ad personam, ita persona ad essentiam, sed attributa essentiae praedicantur de persona, ut creare, & huiusmodi: igitur actus personae poterunt ascribi essentiae diuinae, & ita dici poterit, quod essentia generet. Insuper, si essentia non generaret, sed persona tantum, tunc persona, & essentia non essent idem, sed per Boetium essentia, & persona sunt idem: quare, &c. At ingenio pollentes dicetis vos: nonne omne, quod generat, habet à genito distinguere? sed in diuinis essentia à nullo distinguitur: igitur non videtur, quod essentia generet. Pro decisione itaque huius questionis velim notetis: actum generandi alicui duobus posse attribui modis: uno modo tanquam ei, quod generat, ut suppositum, alio modo, tanquam principio, quo generando generat; hoc magis clarum, & euidentius ut vobis appareat, exemplo desumpto ab igne declaro sic. Calefacere igni conuenit, ut ei, quod agit; calori verò, ut principio, quo ignis calefacit. His praemissis, duae conclusiones sunt modo ponenda.

nenda. Prima est. *Essentia non generat, ut quod. Altera est. Essentia generat ut quo.* Nunc ad argumenta soluenda, ut accedamus ad primum, dicemus: negandam esse propositionem primam à simili depromptam, & ratio negationis assignari potest, quoniam se aliter habet persona ad essentiam, & aliter essentia ad personam, includit enim persona essentiam, at essentia in suo significato, vel nomine, personam nullo modo includit; propterea, attributa, quae personae conueniunt secundum illud, quod formaliter est persona, essentia diuina conuenire minimè possunt, V. g. ut generare, & spirare. Ad alteram rationem formatam dicitur, quod persona, & essentia idem sunt re, sed formaliter, & ex natura rei minimè: quare argumentum primo modo captum bonum, at secundo modo, non concludit. Explanata iam prima difficultate, altera succedit, dum queritur. Virū in diuinis filius dici debeat esse de substantia Patris; pro parte negatiua sic insto: in diuinis nulla potest assignari materia, nec quasi materia, sed ly de substantia materiam dicit: non ergo filius est de substantia Patris. Minor ut dubia, sic exponitur, nam quod subijcitur, loco materiae se habet, at ly de, sic se habet, minor igitur pater. Pro intellectu huius quesiti, duplicem dari generationem velim vos scire: naturalem videlicet, & supernaturalem; illa naturalis, & ista supernaturalis uniuocè minimè dicuntur; Insuper naturalis semper imperfectionem habet annexam, at diuina semota ab omni imperfectione, quia perfectissima est. Præterea illa naturalis, cum creaturarum inferiorum sit, materiam exigit, at diuina nequaquam. His addi debet Theoria de illa particula de substantia Patris, nam propter eius multiplicem

sensum pōt esse causa erroris: quandoq; enim materiam denōtat, aliquando causam agentem, tertio ordinem, & originem, sub quo sensu in proposito debet capi, videlicet pro originatione. Vnde dūm dicitur: filius est de substantia Patris: sensus est: filius originatum à Patre, & est eiusdem substantia cum Patre, & ita argumentum adductum his paucis tollitur verbis.

VTRVM PATER GENVIT FILIVM

VOLVNTATE.

Distinctio

VI.

Lectio XXVIII.

Versaturi hodierna die circa sextam huius lib. primi distinctionem nexum in primis una cum intentione premittemus, insuper ad distinctionis diuisionem properabimus, tertio singulas partes diuisas enodabimus; de nexu, siue continuatione, qd sum dicturus, audite. Ex quo enim Magister sent. docuit diuinam essentiam terminum generationis in diuinis, esse non posse: consequenter aggreditur verba facere de generantis potentia. Habito nexu, siue continuatione, una cum intentione, distinctio modo in puncta tria partiri habet. In quorū primo Magister docet: Patrē, nec voluntate, nec necessitate genuisse filium. Insuper obijcit. Tertio, ad principale intentum post digressionem reuertitur. Circa primum, hoc lemma ponendum. Catholicē non est tenendum: Deū Patrem, necessitate cogente, aut voluntate antecedente filium genuisse, alioquin si querantur hæc absurda:

Deum

Deum esse miserum, aut mutabilem, insuper Dei filium nō esse naturalem filium. At hæc non concedenda, neq; primum admittendum, quòd Pater genuerit filium necessitate cogente, aut voluntate precedente; minor propositio, quia suspecta videtur, propterea in hunc modum manifestetur. Deus est summè liber, atsi in eo talis necessitas poneretur, tunc summa libertate priuaretur: hoc non est concedendum, neq; qđ necessitate genuerit filium, nec voluntate antecedente, ita ut prius voluerit filium generare, quàm genuerit; quia stante in eius libera voluntate, ac potestate generadi si vellet, & non generandi, si nollet: tunc mutabilitas in Deum caderet, quòd oīno est inconueniens, nō ergo sentiendum est, Deum Patrē, necessitate cogente, aut voluntate antecedente filium genuisse. Explanata iam prima parte accedit secunda, quæ primæ aduersari videtur: hæretici enim quidam filij diaboli, per imitationem sic ratiocinantur: in diuinis natura, & voluntas nonne sunt idem? igitur si Pater genuit filium naturā, ut habetur apud Aug. lib. xv. de Trinitate, videtur et, quòd genuerit voluntate. Ad hanc interrogationem factam ab hæreticis contra Magistrum, catholici respondere volentes, ita dicerent: naturam, & voluntatem in diuinis esse idem, duobus posse cōsiderari modis: duplex enim datur identitas, una absoluta, altera verò formalis. Primo modo natura, & voluntas in diuinis sunt idem, identitate absoluta, sed non formali, nam aliquid naturæ conuenire potest, quòd non conueniet voluntati, nullum ergo erit inconueniens dicere, quòd filius in diuinis sit natura, & non voluntate. Potest hoc idem à simili confirmari, nam voluntas Dei, & scientia eius sunt idem, sed ratione differunt,

differunt, quoniam scientia connotat aliquid esse in Deo, quod non voluntas, & e contra: ratione enim scientia sua, Deo conuenit scire, & malum cognoscere, at non ob id ratione voluntatis sua, conuenit sibi velle, & malum appropriare: quare, &c. Expositis duobus segmentis iam de tribus propositis tertium relinquitur, qđ principale intentum respicit: dicitur ergo, qđ Pater genuit filium necessitate sua immutabilitatis, non necessitate coactionis; insuper, quòd Deus Pater genuit filium. Voluntate concomitate, non antecedente, neq; efficiente, ita ut prius voluerit esse volens, quàm generans, quod patuit esse falsum ex declaratis. Et hęc de tota distinctione satis.

VTRVM NECESSITATE PATER FILIVM GENVERIT.

Lectio XXIX.

Immoraturus aliquantisper circa prædeclaratam distinctionē, primò inquirā. Num Pater necessitate filium genuerit: circa quod tria perpendam. Argumenta videlicet in primis: Notanda secūdò: Argumentorum solutiones tertio: Quantum ad primum. Ricardus de Trinit. negatiue arguit, nam qđ gratis datur, non est ex necessitate, sed Pater quicquid dat filio, vel Spiritui sancto, dat secundum gratuitum amorem: non igitur Pater filium necessariò genuit. Deinde arguitur auctoritate Aug. ad Orosium, dicētis: nec necessitate, nec voluntate Pater filium genuit: quare, &c. In oppositum se habet Damascenus, qui inquit, qđ generatio est

est opus natura, sed natura naturali agit necessitate, igitur Pater filium genuit necessario. Pro determinatione huius questionis ad aures Bonauenturae, significata necessitatis diuersa: notanda ei ut insuper argumenta soluenda. Solet itaq; necessarium p nunc tribus considerari modis: videlicet pro necessario coactionis, vel suppositionis, vel immutabilitatis. Prima necessitas, ab alijs violentiae vocatur, & est, V. g. quando lapis sursum projicitur: tunc enim dicitur ad sursum necessitari. Altera necessitas suppositionis est, quando ex suppositione finis, nobis dicitur equus eundi Romam necessarius: vel ultra mare necessaria naus. Tertia necessitas immutabilitatis est, quae summa, & prima in Deo ponitur, & de qua quesitum propositum intelligitur. Nunc tertio loco, ut argumenta soluamus, ad Ricardi auctoritatem dicemus: duo in amore gratuito considerata fore: primum respicit meram liberalitatem, & quantum ad hoc, amor gratuitus in filij generatione non ponitur, sed tantum absoluta necessitas immutabilitatis. Alterum verò est, quod dat sine retributione, & quantum ad hoc, in filij generatione conceditur gratuitus amor, sub quo sensu Ricardus de trinitate intelligendus venit: Pater enim per generationem dat filio, & nihil accipit ab ipso. Ad illud in ordine secundum D.

Aug. excludentis necessitatem à generatione
diuina dici potest, quod ipsius intentio
erat de coactionis necessitate lo-
qui, non de illa immuta-
bilitatis; Et hoc
satis.

VTRVM

VTRVM PATER FILIVM NATVRA

G E N V E R I T .

Lectio XXX.

Quoniam in expositione distinctionis sextae erat sermo de natura: propterea in presenti parte videndum erit, num Pater in diuinis natura filium genuerit. hodierna itaq; lectio segmenta tria habebit, in primo, pro parte negativa argumenta ponentur, in secundo notanda, in tertio argumentorum solutio. Quantum ad primum. Dum queritur, Vtrum Pater natus a filium genuerit, sic arguitur. Pater eo est Pater, qd genuit, sed Pater non est Pater natura: igitur, nec filium genuit natura. Quae veritas Aug. auctoritate de trinitate potest confirmari: ibi enim dicit, qd Pater non est eo Pater, quo Deus, at qui est Deus natura, non igitur dicetur Pater natura. Preterea sic instatur: in Deo natura, & voluntas identificatur, ut patuit supra, sed Pater per Aug. voluntate filium minime genuit: igitur nec natura. In oppositum se habent isti duo grauissimi Viri, videlicet Hilarius de Synodis, & D. Aug. de Trinitate. xv. fatentur enim verbum per qd oia facta, esse Dei filium natura. Pro determinatione igitur questionis, quot modis natura summi possit dicemus, quandoq; enim natura pro essentia capitur, alio modo pro productionis via, siue modo: si natura capiatur primo modo, questum sic intelligetur, Vtrum Pater genuerit filium natura; idest, Vtrum essentia sit generationis principium, & relatiue dicatur; sub quo sensu hic nos non loquimur, sed bene secundo modo de natura pro modo productionis:

tionis: ubi in personarum productione tria videnda erunt, videlicet habitudo virtutis productivæ ad actum producendi: in superposita producentia: tertio ordo productorum, vel productionum. Si consideretur primo modo habitudo virtutis productivæ ad actum producendi, in hoc casu nulla persona in divinis dicitur per modum voluntatis procedere, sed quilibet per modum naturæ; cuius rei ratio assignatur, quoniam quilibet persona divina produciitur ex necessitate immutabilitatis, ex virtuteq; determinata ad unum per modum naturæ: quare, &c. Deinde si considerentur supposita producentia, in hunc modum dicitur per modum voluntatis produci Spiritus sanctus, & filius per modum naturæ; si verò attendatur ordo productorum, & productionum, sic filius dicitur per modum intellectus procedere, & Spiritus sanctus per modum voluntatis, quæ duæ sunt emanationes ad intra in modo tamen differentes. Nunc tertio loco argumenta soluenda, & primò primum. Dicitur itaque, quòd ly natura aliter, & aliter accipitur, cum dicitur, Pater non est Pater natura, & Pater genuit filium natura; nam primo modo, quando dicitur Pater non est Pater natura, ibi natura sumitur pro essentia, & non pro naturali necessitate, quomodo Pater est Pater necessitate, seu generatione activa: quare Pater non potest dici Pater formaliter essentia, sed tantum paternitate, & Deus formaliter Deitate. Vnde cum nomen natura in primo argumento varietur, quia sumitur natura pro essentia, cum debeat accipi pro modo naturalis productionis, propterea nihil concludit contra nos. Ad alterum in ordine secundum argumentum de natura, & voluntate, quòd in Deo sint idem, hoc

verum

verum esse realiter cōcedimus, formaliter verò minime: ibi enim diuersi sunt modi pcedendi, nā filius p modū naturæ, & Spiritus sanctus per modum voluntatis procedit. Et hæc pro presenti satis.

VTRVM PATER POTVERIT, VEL VOLVERIT

CIGNERE FILIUM.

Distinctio VII.

Lectio XXXI.

Interpretaturus hodierna die septimam in ordine huius libri primi distinctionem, ut moris est mei, pendentiam huius à superiori primò docebo: insuper distinctionem diuidam. Ex quo ergo Magister sent. declarauit qualiter Pater filium genuerit, videlicet, quo ad virtutem, seu potentiam intellectualem, nunc consequenter vult inquirere de eius potentia generandi naturali. & hæc de pendentia satis. Diuiditur modo hæc distinctio in segmenta tria: in quorum primo inquitur, num generandi potentia sit in filio, deinde, quo modo non generare in ipso filio, non dicat impotentiam declaratur. Tertiò ponitur conclusio, & ita finitur distinctio. Pro segmenti primi intelligentia in animum induxi meum vnum esse notandum: videlicet non esse quid simpliciter, Patrē posse, aut velle generare filium, sed ad aliquid. Quam veritatem prosequi volentes, una cum Magistro quæremus. Num Pater potuerit, aut voluerit filium generare. Si sic: igitur Pater voluit, & potuit aliquid, quod non potuit, nec filius voluit. Aut dicendum erit, quod filius possit, & generare velit, quod est absurdum,

dum, aut concedendum erit, quòd filius sit impotens. Huic versu-
 tia ut una cū Magistro respondeamus, ita erit dicendum: dato,
 quòd Pater in diuinis possit generare, & non filius, ob id non se-
 quitur, quòd Pater aliquid possit, quòd non filius: nam posse, &
 velle gignere propriè non dicitur esse quid, sed benè ad aliquid:
 quare non posse, aut non velle generare, in ipso filio impotentiam
 minimè dicit, ut assumebatur in questione prædicta. Pro huius rei
 veritate cognoscenda, scire debetis, quòd quicquid est in diuinis,
 vel est essentia, vel relatio: ideo quicquid Deo conuenit, hoc con-
 uenire debet, uel ratione essentia, & tunc est commune tribus per-
 sonis, uel ratione relationis, & tunc non oportet tale esse commune
 tribus personis. Cum itaq; posse generare in diuinis non dicat qd,
 idest non spectet ad essentiam, sed dicat ad aliquid, idest pertineat
 ad relationem, iccirco nullum erit inconueniens, si filio generare
 non conueniet, hæc enim relatio, siue proprietas, ut paternitas filio
 nequaquam conuenit: quare, &c. Explanata iam prima parte,
 subsequitur altera, in qua Magister sent. intēdit docere, quo modo
 nullam dicat impotentiam in filio non posse generare, sed potius
 hoc esse ascribendum conditioni, ac proprietati paternæ. Aug. enim
 pro euidētia huius loci ait: filium potuisse quidem generare, sed
 non oportuisse, & ratio assignatur, quia in diuinis superflua, &
 inordinata fuisset generatio, si filius genitus Patri nepotem ge-
 nuisset; ut ergo impotentiam non arguit in Patre, quia nō potest
 esse filius, ita non est impotentia in filio, quòd nō potest esse Pater,
 & hæc de duabus partibus. In tertia, & ultima ponitur hæc con-
 clusio. Vna, & eadem, & equalis potentia generādi est in Patre,

Et in filio, nam una est sapientia, natura, & potentia. Vel sic dicendum, quod potentia generandi cum natura, dicat proprietatem: quapropter referendo intellectum ad proprietatem in filio non est potentia generandi. Nam sic dicitur aliud esse posse generare, & posse generari. At si ad naturam hoc referatur, tunc erunt idem, ut in textu Magistri sent. est videre. Et hoc satis.

VTRVM IN DIVINIS SIT GENERANDI

POTENTIA.

Lectio XXXII.

NE quod vitio nobis dari possit, circa Magistri sent. textum aliquantisper versabimur, primò quærentes. Vtrum generandi potentia in diuinis sit concedenda. Pro parte negativa formari possunt nonnulla rationes, quarum prima sic se habet. Omnis potentia, uel est actiua, uel passiva, sed nulla harum ponitur in diuinis: igitur, &c. Minor quia suspecta, ideo quo ad utrunq; membrum erit probanda, nam non videtur in Deo potentia passiva admittenda, quia talis est imperfecta, nec actiua, quia si poneretur, esset hoc verum dicere ex parte creaturarum, non diuinorum: quare, &c. Verum quia assumptum sub dubio relinquitur, ideo ad hoc confirmandum, siue probandum, ita erit dicendum, quod talis potentia actiua sit principium transmutandi aliud, at in diuinis non datur aliud, non itaq; potentia actiua in diuinis. Præterea sic arguitur, potentia omnis est respectu alicuius possibilis, at in Deo nihil est possibile, sed totum necessarium, nam
igitur

igitur in Deo respectu diuinorum est potentia generandi. Ex alio latere quia omne generans generat per aliquam potentiam, & in diuinis datur generatio: igitur & generandi potentia in Patre. Pro determinatione huius difficultatis scire debetis, potentia nomen equiuocum esse, & hoc respectu diuinorum, nec non creaturarū: Potentia enim generandi in diuinis dicitur principium producendi alium per simplicē emanationem, non per transmutationē, at in creaturis potentia est principium transmutandi aliud, & equiuocē igitur, non uniuocē nomen potentia sumitur. Insuper notandum est, quod potentia respectu filij debet dici potentia generandi, nam filij productio est generatio, respectu verò Spiritus sancti potentia spirandi, quoniam eius productio est spiratio passiva. Nunc ad argumenta accedo, & ad primum dico, qđ tenet de potentia in humanis creaturis, non in diuinis. Nam in illis est principium transmutandi aliud, at non sic in diuinis. Ad alterum argumentum dicitur, quod possibile in diuinis necessarium non excludit, & ita argumentum ruit. In sequenti alia consideratione digna audietis, hęc interim satis.

VTRVM GENERANDI POTENTIA DICAT

QVID, VEL AD ALIQUID, ET

vtrum in filio concedenda.

Lectio XXXIII.

Questiones duas pro maiori intellectu eorum, quę dictę sunt à Magistro sent. hodierna die examinare statui, quarū prima erit de generandi potentia in diuinis,

num

nam dicat quid, vel ad aliquid. Altera de potentia generandi, respectu filij. An scilicet in filio debeat concedi. Circa primam sanè dicendum venit, quod generandi potentia in patre sit ad aliquid, & non dicat quid: nam D. Aug. ait, qđ eo Pater est Pater, quo est ei filius, sed Paternitate Pater est: igitur Paternitate generat, & sic generandi potentia in Patre dicitur ad aliquid, non quid. At video hic vos ingenio pollentes totum oppositum sentire, nam genitum gignenti, ut puta Patri, in natura assimilari dicitur, & non in proprietate, sed natura dicit quid, non itaque generandi potentia in patre erit ad aliquid, sed dicit quid. Pro determinatione huius difficultatis notare debetis, pro ut nostro nunc inferuit, pposito: potentiam duobus accipi posse modis: uno modo formaliter, alio modo fundamentaliter. Stante hac distinctione, duobus formatis iam argumentis non erit difficile respondere. Ad illud ergo Aug. dicentis, eo Pater est Pater, quo est ei filius, formaliter hoc esse verum concedimus: negamus tamen, quod sit eo fundamentaliter, & sic generandi potentia in Patre erit ad aliquid formaliter, licet non fundamentaliter, quo modo argumentum secundum currit sicut, & alia, quæ contra hanc veritatem possent adduci. Completa iam prima questione de duabus, altera subsequitur, dūm queritur. Vtrum generandi potentia in filio sit concedenda; pro parte affirmatiua sic instatur: imago perfecta, illud quoq; perfectè debet imitari, cuius imago est, sed filius in diuinis dicitur esse vera, atq; perfecta Patris imago: igitur ipsum habet imitari, sed, si generandi potentiam non haberet, perfectè eum non imitaretur, debet ergo in filio generandi potentia cōcedi. Præter ea,
nulla

nulla scientia ponitur in Patre, quæ non sit in filio, nulla similiter
 potentia, quæ non sit in filio, at generandi potentia est in Patre :
 ergo, & in filio. Insuper autoritate Hylarij de Trinit. suadeo
 vobis in filio generandi potentiam nõ esse denegandam : Vir enim
 iste ait, quòd talis generandi potentia perfectionẽ infinitam dicit :
 igitur communis tribus personis erit : quare, &c. Ad hanc ergo
 difficultatem dirimendam, velim vos scire, potentiam duobus ac-
 cipi posse modis : uno modo absolutè, idest pro forma absoluta, quæ
 dicitur principium pductiuum, siue fundamentaliter ; alio modo,
 pro forma sub illo respectu cum oĩbus ad generandum requisitis.
 Si primo modo sumatur, tunc erit fatendum, quod tribus sit com-
 munis talis potentia personis secũdum Anselmum, quæ nihil aliud
 est, quàm memoria secunda. At si secundo modo capiatur, Patri
 tantum potentia generandi, siue filium producendi aptabitur. His
 itaq; positis, nunc ad argumentum primum est dicendum, quòd in
 diuinis imitatio penes essentiam, non penes generandi potentiam,
 siue relationem attenditur : quare nullum ex modo considerandi
 diuerso est argumentum. Ad alterũ, negatur modus arguendi : nam
 non est simile de scientia, & de generandi potentia in Patre, quia
 scientia est merè absolutum, propterea cõmunis est tribus personis,
 at generandi potentia intrinsecus relationẽ includit, ratione cuius
 oĩbus tribus personis conuenire non potest ; alij alio modo volentes
 propositæ questionis satisfacere, ly generandi gerundium, tripliciter
 accipi posse dicunt : actiue, passiue, vel impersonaliter. Si primo
 modo, generandi potentiam in Patre tantum ponunt. Si secundo
 modo, in filio conceditur generandi potentia, idest vt generetur.

Si tertio modo, tunc talis generandi potentia in tribus diuinis personis esse dicetur, & ita ad instantias adductas, & ad adducendas, quid sit dicendum, ex suppositis patet.

DE VERITATE, ET PROPRIETATE, ETC.

Distinctio VIII.

Lectio XXXIII.

Quid tenendum sit de veritate gignentis, hactenus determinatum est: Nunc loquendum de natura per actum generationis communicata. Præsens igitur distinctio partiiri habet in partes tres: in quarum prima sit sermo de diuinæ essentia veritate: in secunda de eiusdem immutabilitate: in tertia de Dei simplicitate. Quantum attinet ad primum, propriè Deus dicitur essentia veritatem habere absq; alicuius non actualitatis admixtione, nam æternus est sine præterito, atq; futuro tempore, & quod huiusmodi est essentia, veritatem sine ulla admixtione habet: quare, &c. Pro cõfirmatione huius veritatis sacræ pagine testimonio utemur: legitur enim, Ego sum, qui sum. Insuper, Qui est, misit me ad vos. Præterea extat illud Hieron. ad Damasum ita scribentis: Deus solus, qui exordium non habet, verè essentia nomen tenet; cuius essentia esse nostrum comparatum nõ est verum esse, quia sumus mutabiles, at Deus non sic se habet: quare, &c. Sed dicetis: cum Deus non careat tempore præsentis, præterito, atque futuro: igitur eius esse variabile: Nam de ipso tales formari solent propositiones, Deus est, Deus fuit, Deus erit. Ad hanc difficultatem

*facultatem respondere difficile non erit, quoniam tempora hæc, ad
 duo possunt referri, vel ad ostendendam Dei perpetuitatem, vel
 variationem; primo modo, presens tempus præteritum, atq; futu-
 rum de Deo pronuntiantur, at secundo modo, nequaquam. Decla-
 rata iam prima parte, sequitur altera, ubi est sermo de permanen-
 tia, ac firma stabilitate Dei, qui est suum esse primum omnium esse, &
 æternum: igitur immutabilis. Quod si non haberet verum esse, procul
 dubio mutaretur; at hoc à Dei natura valde remotum est: igitur,
 &c. Pro corroboratione huius Apostolus primò loquens de Deo
 dicebat, Qui solus habet immortalitatem: igitur & immutabili-
 tatem. Insuper Iacobus: Apud quem non est transmutatio, nec
 vicissitudinis obumbratio. & David, Mutabis ea, & mutabuntur,
 tu autem idem ipse es. Præterea D. Aug. super Genesim dicit, quod
 Deus nec per loca, nec per tempora mouetur, creatura verò per
 loca, & tempora. Hoc idem habetur apud prophetam ex Dei per-
 sona dicentem: Ego Deus, & non mutor: solus ergo Deus immu-
 tabilis, cuius esse æternum, ideo verum. Explanatis adhuc duabus
 partibus nostri sermonis, accedit tertia, & ultima depromenda,
 ubi clarè manifestatur simplicitas diuinæ essentiæ absq; ulla com-
 positione, nam Deus est materiæ, & formæ naturalis expers, &
 carens diuersarum partium compositione, in quo nullum accidens
 cum subiecto habet concedi; summè simplex igitur, quantum ad es-
 sentiam, Deus habet dici. Sed dubitabitur in hunc modum: Deus
 est bonus, est iustus, &c. Non igitur summè simplex. Ad hoc D.
 Aug. respondet dicendo: Deū quidem esse simplicem, multipliciter
 tamen dici, non propter diuersitatem partium, vel accidentium,*

sed solum ob nominum diuersitatem diuinam unam in Deo naturam significantium: Deus igitur, quantum ad suam essentiam, summam simplicitatem habet. Et hæc de tribus punctis satis.

VTRVM ESSE PROPRIE DEO CONVENIAT,

ET VTRVM ESSE, ET ESSENTIA

in Deo solo sint idem.

Lectio XXXV.

IN animum induxi meū (Nobil. Audit.) dubitationes duas ex textu Magistri sent. nascentes expurgare, quarum una ad Dei proprietatem attinet, altera verò ad essentia Dei identitatē. Queritur ergo primò. Vtrum esse propriè Deo conueniat. Pro parte negatiua arguentes quidā dicunt: nos nihil nominare, nisi secundum quod concipimus, at conceptus, quem de Deo habemus, quia est, & talis maxime confusus est, & nō p̄prius: igitur huic conceptui, nomen correspondens videlicet esse, qui est, Dei proprium minimè erit. Præterea causa equiuoca cum effectu non communicat in ratione, quam effectui largitur, ut patet de Sole respectu caloris, equiuoca enim est causa, at Deus, esse creatura respectu cuius dicitur causa equiuoca, communicati esse igitur Dei non erit proprium, & ita male Magister sent. In contrarium se habet illud Exodi. iii. Qui est, misit me ad vos. Deinde soli Deo essentia nomen conuenit: igitur illud esse proprium erit. Pro determinatione huius dubitationis, quot modis proprium sumatur, erit videndum: duobus enim solet accipi modis: primò p̄ ut diuiditur
contra

contra commune, & cōtra translātum secundo; exemplum primū dūm dicitur, quōd homo p̄priē ridet: exemplum secundi, ut prātū ridet, dūm enim floret, ridere videtur, sed translātū tantūm. Prēterea hominis propriū est ratiocinari, at sentire nequaquam, sed commūne, licet utrūq; homini p̄priē possit conuenire, inquantum p̄priū distinguitur contra translātum. Proposita ergo quēstio, si quērat de proprio, pro ut contra translātum diuiditur, tunc esse maximē p̄priē Deo competet. At si sumatur propriū pro eo quod contra commune distinguitur, tunc esse Dei non videbitur propriū, sed benē aliquo modo appropriatū, quoniam soli Deo esse non conuenit, sed ēt creaturis, licet Deo perfectiori, ac nobiliori modo; ex his argumentum primum patere potest, nam concludebat de proprio contra cōmune distincto, non de illo cōtra translātum. Ad argumentum secundum dicendum venit, qđ causa equiuoca nō dicitur cum effectu communicāre in ratione specifica, quā ei largitur, alioquin non esset equiuoca, sed vniuoca, est tamen necesse, quod communicet in rationibus communibus, & transcendentibus, quæ oīa circumeunt, sicut esse bonum, & huiusmodi, sub quo sensu dat esse Deus creaturis, quo secundo modo, argumentum concludebat, nō primo modo. Completo iam primo quēstio, sequitur alterum de identitate diuinæ essentia cum Deo, dūm quēritur. Vtrū essentia, & esse sint idem in Deo realiter sicut Magister sent. in textu fateri videbatur. Mihi prima fronte videtur, quōd non, nam nihil est in se ipso, at essentia, vel natura Dei, quæ est ipsa deitas dicitur esse in Deo, non ergo videtur, quōd Deus sit idem, quod sua essentia, vel natura. Arguitur secundo. Affectus

solent assimilari suis causis, at in rebus creatis suppositū nō uidetur esse idem, quod sua natura, nam homo non est idem, quod sua humanitas: igitur neq; esse Dei, & eius essentia idem. In oppositum illud Io. xiiii. se habet, Ego sum via, ueritas, & uita; ut ergo se habet uita ad uiuentem, ita deitas ad Deum: igitur Deus est ipsa deitas, secundū D. Thomam prima parte summa, questione tertia, articulo tertio. Pro determinatione igitur questionis scire debetis: aliud esse loqui de rebus compositis ex materia, & forma, & aliud de his, quæ sunt sine materia, & forma; nam in illis necesse est, qđ differant natura, uel essentia, & suppositum, quoniam unum se habet ut materia, alterum uerò ut forma. At in his, quæ ex materia, & forma non sunt composita, quia ipsa forma per se indiuiduari dicuntur: hinc est, quod ipsa forma sint supposita subsistentia, ideo in eis non differt suppositum, & natura: in Deo igitur esse, & sua essentia idem. Nunc ad argumenta dicendum: & primò ad primum, quod minor sic intelligenda sit, esse uidelicet, & essentiam siue naturam in Deo reperiri non per modum compositionis, sed per modum summe simplicitatis, & licet uita esse essentia, & natura in Deo diuersitatē aliquā ponere uideantur, totum hoc erit in nostri intellectus acceptione, & nō ad aliquā rei diuersitatē. Ad secundū argumentū dici pōt ad maiore, effectus uidelicet suis debere assimilari causis in eo, qđ possunt, & cū creatura Deū ipsum imitentur nō perfectè, sed in eo, qđ possunt, qđ ad defectū imitationis pertinet hinc qđ est unū, & simplex, nisi p multa representari pōt, & sic in eis accedit cōpositio ex qua prouenit, qđ in eis nō sit idem suppositū, qđ natura. Et hæc de propositis satis sint dicta.

V T R V M

VTRVM DEVS SIT OMNINO SIMPLEX,
ET SOLVS IMMVTABILIS.

Lectio XXXVI.

Mihi quidem videtur continuata disputationis series non esse interrompenda, sed deinceps quęcunq; inciderint perpendenda; duo itaq; hodierna die prædeclaratim interserere inutile minimè erit dubia: quorum primum de Dei simplicitate, alterum verò de eiusdem immutabilitate. Quęritur ergo primò, Vtrum Deus sit oīno simplex. Insuper, Vtrum solus immutabilis. Circa primum extant rationes ex materia, & forma in Deo compositionem detegentes: quarum prima sic se habet, omne quod habet animam compositum est, sed Deus sic se habet: igitur, &c. Minor per Apostolum heb. xi. probatur ita dicentem: Iustus ex fide viuit, quod si subtraxerit se, non placebit animæ meæ. Deus igitur ex materia, & forma videtur esse compositus. Deinde, ut legere est apud Arist. pluribus in locis, ira, gaudium, tristitia, & alia huiusmodi sunt passionēs coniuncti, at Deo talia in sacra scriptura attribuantur: igitur Deus cōpositus. Præterea indiuiduum ex duplici natura dicitur esse conflatum, at Deus dicitur indiuiduum: ergo, &c. Quartò sic: Illud quod est melius, Deo ascribi debet, sed apud nos composita meliora simplicibus dicuntur: igitur Deo compositio ut quid melius ascribenda. Quinto sic instatur: Vbi pluralitas, ibi compositio, at in Deo relationum realium datur pluralitas: igitur Deus compositus. Demum sic arguitur: Ea, quę sunt à Deo, imitari habent ipsum, nam à primo ente sunt oīa entia,

& à primo bono sunt oīa bona, sed in rebus, quæ à Deo sunt, nihil
 est oīno simplex: ergo nec Deus oīno simplex. In oppositū se habet
 primò Magister sent. in textu, & D. Aug. deinde lib. sexto de
 trinitate dicens, qđ Deus verè, & summè simplex est; Præterea
 supponendum hoc unum venit, quod Deus in se minimè sit compo-
 situs; nec alteri componibilis, nec aliud sibi. Nunc ad argumenta
 respondendum, & primò ad primum de anima, quæ duobus habet
 considerari modis: uno modo pro parte compositi: alio modo pro
 similitudine actus: si primo modo capiatur, argumentum nihil cō-
 cludit in proposito: si secundo modo, ita ut anima Deo attribuat
 per similitudinem actus, tunc poterit admitti; & in hunc modum
 per animam debemus Dei voluntatem intelligere. Ad secundum
 respondetur, quòd ira, & gaudium, &c. in nobis passiones sunt,
 at in Deo nequaquam, & licet Deo attribuantur, hoc non sit de-
 fectiue, sed effectiue solum, siue metaphoricè. Ad tertium de indi-
 uido, dici potest duplex esse indiuiduum, unum formale, alterum
 materiale: primo modo Deus dicitur indiuiduum, at secundo mo-
 do minimè, & ita nullum est argumentum. Ad quartum dici pōt
 apud nos composita esse meliora simplicibus, quatenus perfectio
 bonitatis creatura non inuenitur in uno simplici, nec pōt inueniri,
 sed in multis sic. Perfectio verò diuina bonitatis, benè in uno sim-
 plici inuenitur, propterea simpliciter loquendo composita meliora
 dici nequeunt: quare, nec ipsi Deo attribuenda. Ad quintum de
 pluralitate relationum realium pōt dici, quòd duplex detur plura-
 litas relationum realium, una suppositorum, quæ in eodem compo-
 sitionē facit, altera est pluralitas relationū inter se, vel cū absoluto,

quæ

qua in Deo ponitur sine ulla tamen sui compositione, at illa suppositionum bene compositione dicit, sed talis in Deo non ponitur. Ad ultimum conceditur, quod ea, quae sunt à Deo debeant ipsam imitari, ut causata primam causam, non ob id sequitur, quod debeat dici Deus compositus, compositione partium quantitativarum, vel alio modo, quia non est corpus, sed summe simplex. Enodato dubio primo, queritur secundo, Num Deus sit solus immutabilis. Mihi certe rationibus quibusdam videtur, quod non, nam mouet se: igitur mutabilis. Antecedens patet per Aug. iiii. super Genesim ad litteram ita dicentem: Spiritus creator mouet se nec per locum, nec per tempus aliquo ergo modo: Deus mutabilis. Insuper arguitur auctoritate Sapient. vi. ubi dicitur de sapientia, quod est mobilior omnibus mobilibus, sed ipse Deus est sapientia: igitur mobilis, & ex consequenti non est solus immutabilis. Tandem sic arguitur, Appropinquari, & elongari motum significant, at talia in sacra pagina de Deo dicuntur, ut habetur Ia. iiii. appropinquate Deo, & appropinquabit vobis: Deus igitur mutabilis. In oppositum se habet illud Malachiae prophetae tertio, Ego Deus, & non mutor: recte ergo sensu Magister sent. in textu dicendo: Deum solum immutabilem esse. Nunc ad argumenta dicamus: & primo ad primum, quod D. Aug. loquutus sit secundum Platonis modum, qui volebat primum mouens mouere se ipsum nominando omnem operationem motum, penes quod intelligere velle, & amare quidam motus dicuntur: & quia Deus intelligit vult, & se ipsum amat: propterea dixerunt Platonici Deum se ipsum mouere, licet non eo modo, quo sumitur motus, & mutatio existentis in potentia. Ad secundum, quod

quòd mobilis ut sapientia dici potest : hoc esse verum similitudinarie, & actiue, sed passiuè nequaquam Ad tertium respondetur, quòd appropinquari, & elongari de Deo in scripturis dicuntur metaphoricè, videlicet in quantum percipimus ipsius bonitatis influentiam, vel ab eo deficimus. Deus ergo summè simplex, & solus immutabilis, ut Magister sent. dicebat. Et hæc satis.

DE DISTINCTIONE TRIUM PERSONARVM.

Distinctio

IX.

Lectio XXXVII.

HActenus ad aures Magistri sent. de natura communicata per generationem verba fecimus: Nunc in distinctione nona loquemur de genitoris, & geniti coeternitate, tria facientes; nam primò Patris, & filij coeternitatē ostendimus: Insuper ppositionem ponemus: Tertio incidentis questionis ambiguitatem dissoluemus. Circa primum hoc lemma ponitur. Dei filius ab æterno à Patre genitus, Patri simpliciter coeternus. At sine ratione loqui ne videamur, propterea sic dicemus, id coeternum esse Deo, sine quo Deus nunquam fuit, nec esse potuit, at hic est filius genitus à Patre: igitur ipsi Patri coeternus. Nec illud obstat, quòd filius sit alius à Patre in personalitate, & ab illo distinctus personaliter, nam non ante fuit Pater, quàm filius, cum personæ diuinæ sint sibi inuicē coeternæ, & in natura idem. Huic veritati videtur aduersari ille maledictus Arrius dicendo sic. Si filius esset natus principium haberet, nō itaq; Patri coeternus. Ad hunc

hunc errorem excludendum, velim ita vos dicere cum Aug. qđ
 filius si Patri non esset coeternus, Pater aliquando fuisset sine sa-
 pientia, eo quia filius est sapientia Patris: Vel Pater fuisset ali-
 quando sine filio, deinde filium habuisset, qđ stare nequeunt. Patri
 ergo filius coeternus. Verum qđ Arrius arguebat dicēdo: Si filius
 esset natus, principium haberet, & ita non posset Patri esse coe-
 ternus: quoniam equiuocatio est causa erroris, iccirco arbitror esse
 distinguendū de duplici principio, scilicet durationis, & originis.
 Verbum, siue filius in diuinis, hoc secundo modo dicitur habere
 principium, sed non primò: quare ruit error; Et hęc de primo
 puncto. In altero ex dictis potest apponi talis propositio. Filij eter-
 na generatio est ineffabilis, quia omnem superat sensum, non solum
 humanum, verum et Angelicum, quis etenim intellectus percipere
 poterit Patrem in diuinis, filio non esse Priorem? certè nullus:
 ineffabilis igitur verbis generatio quamuis quidā male opinentur
 ipsum posse per intellectum creatū comprehendere, iuxta illud Isaia.
 53. Generationē eius quis enarrabit? hic ne laboremus in equiuo:
 scire debetis: Christi triplicem generationem, siue natiuitatem
 dari: videlicet, diuinam, humanam, & gratuitam. Prima est ex
 Patre, Secūda ex matre, Tertia fit in mente. De Patre nascitur
 eternaliter, de matre temporaliter, in mente spiritualiter; & istae
 tres natiuitates summuntur secundum tres naturas, quae sunt in
 Christo: scilicet deitas, caro, & spiritus. Nā ex Patre nascitur
 Deus, ex matre caro, in mente verò nascitur spiritus, scilicet per
 gratiam; ex Patre nascitur semper, ex matre nascitur semel, & in
 mente sepe. Secundum natiuitatem diuinam, filius habet Patrem
 sine

sine matre, secundum humanam habet matrem sine Patre, secundum gratuitā habet Patrem, & matrem: iuxta illud Mat. 12. Qui fecerit voluntatem Patris mei, &c. Filius ergo loquendo de generatione primo modo sumpta Patri coeternus. Nec sic ab humano intellectu comprehendendus. Et hæc de punctis duobus. In tertio dissoluenda venit ambiguitas occurrentis questionis: queritur enim, Vtrum in diuinis filius congruentius, ac rectius exprimi habeat per semper nasci, vel natum esse. Mihi sanè videtur, quòd melius filius dicatur semper natus, quàm nasci: & ratio est, quia semper natum esse dicit perfectionem sine imperfectione: igitur potius erit affirmandum ipsum semper esse natum, quàm nasci, quoniam hoc secundo modo si loqueremur, imperfectio à verbi generatione non excluderetur. Ad hanc ergo dimittendam debet fieri expressio generationis filij per verbum præcristi tēporis perfecti, cuiusmodi est ly natus, quod denominat actū generationis trāsisse, & eius terminū actualiter in cōpleto esse, & stare. At explicatio generationis per verbum tēporis presentis, cuiusmodi ly nascitur, designat, ac denominat generationis actum adhuc fieri, quod de se minime imperfectionē excludit: primo igitur modo, rō secundo, ad filij generationē exprimendā loquēdū erit. Et hæc de tota distinctione satis.

VTRVM IN DIVINIS PATER ALIVS

A FILIO DICI POSSIT.

LECTIO XXXVIII.

AD maiore prædeclaratæ distinctionis evidentiam tria nobis impresentiarum excitanda erunt quesita: quorū primum.

Vtrum

Vtrum in diuinis. Pater dici possit alius à filio. Deinde, Vtrum Pater filio sit prior. Tertio Vtrum Pater, & filius sint plures æterni. Circa primum negativè procedentes dicemus: Patrem non esse alium à filio, ibi enim aliud relatiuum diuersitatis substantia dicitur, sed à Patre filius non est in substantia diuersus: igitur nec alius à Patre, & vice versa. Huic rationi primæ aduersari videtur sententia Athanasij in Symbolo suo dicentis; Alia est persona Patris, alia filij, &c. Pro determinatione igitur huius primæ difficultatis sciendum est, in diuinis nominibus talibus esse utendū, quibus nec personarum pluralitas tollatur, nec essentiæ pluralitas plurificetur: quare hoc nomine alius non utemur, nisi cum substantiuorum additione, quibus hoc nomen competat, V. g. dūm dicitur: Pater est alia persona, vel alius in psona à filio. Præterea notandum venit, hoc nomen aliud distinctionem in diuinis, quo ad personalia, importare, sed non, quo ad essentiā. Nunc respondeo ad primum argumentum, & dico, ly aliud relatiuum quidem esse substantiæ, sumendo tamen substantiam non pro essentiā, sed pro supposito, & ita pro utroque poterit reddere locutionem veram, vel falsam, secundum tamen naturam eius, cui addetur, V. g. Si dicatur, quod Pater est alia persona, vel aliud suppositum, tunc vera erit locutio, at si dicatur: Pater est alius Deus à filio, scilicet essentialiter, locutio non erit vera, nec admittenda, quia sic dicit essentiæ diuersitatem, qđ non debet in diuinis admitti. Nos igitur primo modo, cum Athanasio loquamur, ne erremus. Et hæc de primo dubio. Huic succedit alterum, dūm queritur. *Vtrum Pater prior dici possit filio.* Athanasij primo testimonio, ut habetur in
suo

dubitare posse video ex dicto Ioan. primæ canonice suæ dicentis : Deus charitas est : si ergo Spiritus sanctus est amor, siue dilectio, & charitas, cur tunc aperte Ioan. non dixit : Spiritus sanctus est charitas, sed dixit, Deus est charitas, relinquens nobis sub dubio, an ibi de tota intendat trinitate loqui, aut de aliqua persona in speciali ? ad hanc difficultatem dicimus, amorem, & charitatem toti quidem, ut supra tenuimus, conuenire trinitati, aliquando tamen personæ Spiritus sancti appropriari : nam & sapientia quoq; communis est tribus, sed tamen in specie filio appropriatur, & ita instantia ruit, ut est videre in hac prima parte presentis distinctionis. Postquam altera subsequitur hac propositione contenta. Charitas, siue amor personalis nulli alteri propriè conuenit, quàm soli Spiritus sancti personalitati. Et ratio assignatur, quia solus Spiritus sanctus per modum dilectionis procedit : igitur charitas, siue amor personalis soli Spiritui sancto conuenit. Sed hic dicetis : Ioan. in sua canonica, ubi supra, docet, dilectionem ex Deo esse, cum itaque tam filius, quàm Spiritus sanctus, sint ex Deo, hinc dubitatur, quis illorum debeat dici dilectio, licet filius per modum naturæ procedat, & Spiritus sanctus per modum voluntatis. Cui difficultati perbellè satisficit à Ioan. in eadem canonica, ubi postquàm dixit, dilectio, quæ nos facit in Deo manere, in Deo est, subiungit. In hoc cognoscimus, quòd in Deo manemus, & ipse in nobis, quia de Spiritu sancto dedit nobis ; sanctus itaq; spiritus, de quo dedit nobis, in Deo nos manere facit : Spiritus ergo sanctus dilectionem hanc, quæ est in nobis, ex Deo facit. Et hæc de duabus partibus. Postrema, & ultima tandem enodanda venit, ubi Magister sent. edocere

edocere intendit, quod iure merito Spiritus sanctus ratione communis principij originalis sit hoc nomine Spiritus sanctus nominatus, non obstante, quod tale nomen tribus commune sit personis diuinis. Num verò res ita se se habeat, audite: illud enim, quod communiter, nec non equaliter originatur à duabus, conuenienter habet nominari nomine ambobus conueniente, at Spiritus sanctus communem habet à Patre, & filio originem, iure igitur merito eis communem habet denominationem: minor quia quibusdam videri posset ambigua, ideo hanc probat Magister autoritate D. Aug. ut patet in textu, quem vos videre adhortor. Et hoc satis.

VTRVM NOMEN SPIRITVS SANCTI SIT

PROPRIVM TERTIAE PERSONAE.

Lectio XXX.

NE sic copede ea videar uelle pertransire, quae nobis non leuem utilitatem ualent asferre, duo in presenti examinabo, quorum primū erit. Vtrum hoc nomen Spiritus sanctus debeat dici in diuinis proprium nomen tertiae personae. Insuper, Vtrum tres tantum in diuinis sint concedendae personae. Circa primum sic proceditur, & probatur, quòd non, nam ut bene norunt Docti, Spiritus contra corpus solet diuidi, at nulla persona diuina est corpus: igitur quolibet erit Spiritus, quo itaque modo in diuinis hoc nomen Spiritus sanctus propriè tertiae personae conuenire dicetur? Ex alio latere illud Io. v. in oppositum se habet: Tres sunt, qui testimonium dant in cælo, Pater, verbum, &

G

Spiritus

Spiritus sanctus: at Pater prima persona proprium nomen est, & verbum secunda, & tertia Spiritus sanctus: quare, &c. Pro huius difficultatis itaq; solutione notandū erit secundū Seraphicū Doctorem, qđ Spiritus de tribus dicitur, de corporibus, de creaturis intellectualibus, & de Deo. Si in corporibus consideretur, atq; dicatur, adhuc hoc erit duobus modis, aut à spiritualitate contra corpulentiam, quo modo subtile corpus, puta aereum dicitur spiritus, vel à spirando, qua via flatus uocatur spiritus, iuxta illud Christi: Spiritus ubi vult spirat; in creaturis similiter intellectualibus dupliciter sumitur, vel à spiritualitate cōtra corporeitē, quo modo forma intellectualis, siue eius potētia interior dicitur spiritus: vel à spirando, & sic amor, vel affectio dicitur. Pręterea solet dici spiritus, aut à spiritualitate contra materialitatem, quo modo tribus diuinis conuenit personis, aut à spiratione, vel actiua, vel passiua: si primo modo, duabus ascribitur personis diuinis, videlicet Patri, & filio: si secundo modo, tertia tantū conuenit personę, quę dicitur Spiritus sanctus, & primò spiritus, ut paulò superius diximus, deinde sanctus ex modo suę productionis: nam est productus per modū voluntatis, q̄ sancta est, ideo, &c. sanctus insuper dicitur ad semouendam oēm imperfectionem ab ipso. His ita positis dici potest ad argumentum primum, quod procedat de spiritu à spiritualitate dicto, nō aut à spiratione passiua, quo modo in textu loquebatur Magister sent. Alterum in oppositum ex iam dictis videtur notum esse argumentum, nam concluderat verum. Iam de duobus dubijs à me propositis explanatio uno, superest, ut ad alterum accedam, & quid tenendum sit, videam. Solet ergo ex præactis

præstatis obiter queri. *Vtrum in diuinis queant esse plures personæ, quàm tres*: mihi sanè primo aspectu videtur esse dicendum, quod sic, nam potentia Patris per filij generationem non minui dicitur, si sic, ergo eo genito, poterit adhuc secundū, & tertium gignere: quare plures in diuinis erunt personæ, quàm tres. Deinde hoc idem confirmari posse videtur Boetij auctoritate dicentis, quod relatio multiplicat trinitatem, at in diuinis sunt quatuor relationes: igitur quatuor personæ, & ita plures, quàm tres. In oppositum se habet illud Io. ultimo. Tres sunt, qui testimonium dant in cælo, Pater, verbū, & Spiritus sanctus: igitur tres tantū erunt diuina personæ: una, quæ à nullo est, ut Pater: altera, quæ à Patre per modum naturæ preceedit, ut verbum secunda persona, tertia, quæ à duobus, ut puta à Patre, & filio per modū voluntatis, ut Spiritus sanctus. Ad argumenta nunc respondendum, & primò ad primū sic, quod benè Patris potentia per filij generationem non minuitur, sed semper est eodē modo se habens in filij generatione, propterea alium non potest producere filium, sed semper eundem, unius enim agentis ex sua propria virtute, & semper eodem modo se habentis in se, & in sua actione, impossibile est esse, nisi unū productum, ut in proposito. Ad auctoritatē verò Boetij potest dici, quod nō oīs relatio personas cōstituit, sed illa tantū, quæ sunt ponendæ ad excludendā innascibilitatē, quæ uni personæ conuenit: quare erunt tres solum relationes cōstitutivæ trium personarū. V. g. ut Paternitas, filiationis, & passiva spiratio; ad formā verò argumenti, diū dicebatur, quod relatio multiplicat trinitatem, respondetur, hoc esse verum, loquendo de relatione propria, non de communi. Et hæc pro presenti.

QVOD SPIRITVS SANCTVS PROCEEDIT

A PATRE, ET FILIO.

Distinctio XL.

Lectio XXXXI.

ARbitror hucusq; de modo, quo Spiritus sanctus procedit, actum fuisse: in presentiarum verò de principio, à quo Spiritus sanctus pcedit, agendum: ubi tria occurrunt: primum latinorum sententiam respicit. Alterum discrimen inter Latinos, & Græcos circa principium, à quo Spiritus sanctus pcedit. Tertium, & vltimum conuenientiam Latinorū, & Græcorū. Quantū ad primum, secundū rei veritatē est tenendum: Patrem, & Filium Spiritum sanctū pduxisse, Nam dicit, atq; his verbis fatetur hanc veritatē sacrascriptura, Misit Deus Spiritum filij in corda uestra: rursus: Qui autē Spiritum Christi non habet, hic non est eius. Insuper Euangelium Ioan. dicit, Paracletus autē Spiritus sanctus, quem ego mittam vobis à Patre; præterea, quod ē à Patre Spiritus sanctus procedat, p illud Christi in Euangelio habet probari, Nō enim estis vos, q loquimini, sed Spiritus Patris vestri, qui loquitur in vobis: & alibi dicit, Quem mittet Pater in nomine meo. Deinde, Qui à Patre procedit; Et hęc pro prima parte. In secunda in ordine ponitur Græcorum opinio, q falso motiuo inducti Spiritum sanctum à filio pcedere negauerunt, Nam isti dicebant illud Ioan. xvi. pro se extare dicentis; Qui à Patre procedit. Hoc idem in missa in Symbolo fidei cantari dicunt, ubi pertractatur de processione Spiritus sancti, & tamen ibi nulla fit mentio

mentio de ipso filio: ergo, inquiunt greci, Spiritus sanctus nō procedit à filio. Insuper opinantur isti, & malè dicentes, quicquid ibi habetur de filio à latinis appositum fuisse, & ex consequenti ppter hoc nos dicunt anathematizatos, quam opinionem corroborare videntur per illud Leonis Papæ iij. dicentis: Secundū Conciliorum traditionem apud eos celebratorum oēs aliud dicentes de sanctis. Trinitate, quam in eorum Concilijs fuerit determinatum, anathematizatos esse: at nos huic cauillationi, erroneſq; opinioni satisfacere volentes, dicimus: nihil à nobis illi contrariū proferri, sed bene Sanctorum doctrina sanè explicari. Nam & si dicat Christus in Euangelio, Spiritum sanctum à Patre procedere, non ob id negatur, quin etiam procedat à Filio, sed moris sui fuit semper ad Patrem referre quicquid habuit; propterea, quia non dixit, Spiritū sanctum à solo Patre procedere, non negauit etiam à se procedere: ex quibus veritas patet in hac secūda parte: post quam subsequitur tertia, ubi hētur conuenientia Gregorum cum Latinis: ex quo. n. fatētur, Spiritum sanctum esse spiritum Filij: hinc est, qd nō sensu, sed verbis tantum à nobis differant; nam, si Magistro fidem adhibemus, uti debemus, aptè in textu ipsius videbimus: Athanasium, Didymum, Cyrillum, & Io. Chrysostomum, qui fuerunt Doctores eorum, sensisse, Spiritum sanctum à Patre procedere, & Filio: verum igitur est dicere, Spiritum sanctum, & à Patre, & à Filio procedere. Et hæc de tota distinctione.

& à primo bono sunt oīa bona, sed in rebus, quæ à Deo sunt, nihil
 est oīno simplex: ergo nec Deus oīno simplex. In oppositū se habet
 primò Magister sent. in textu, & D. Aug. deinde lib. sexto de
 trinitate dicens, qđ Deus verè, & summè simplex est; Præterea
 supponendum hoc unum venit, quod Deus in se minimè sit compo-
 situs, nec alteri componibilis, nec aliud sibi. Nunc ad argumenta
 respondendum, & primò ad primum de anima, quæ duobus habes
 considerari modis: uno modo pro parte compositi: alio modo pro
 similitudine actus: si primo modo capiatur, argumentum nihil cō-
 cludit in proposito: si secundo modo, ita ut anima Deo attribuat
 per similitudinem actus, tunc poterit admitti; & in hunc modum
 per animam debemus Dei voluntatem intelligere. Ad secundum
 respondetur, quòd ira, & gaudium, &c. in nobis passiones sunt;
 at in Deo nequaquam, & licet Deo attribuantur, hoc non fit de-
 fectiue, sed effectiue solum, siue metaphoricè. Ad tertium de indi-
 uiduo, dici potest duplex esse indiuiduum, unum formale, alterum
 materiale: primo modo Deus dicitur indiuiduum, at secundo mo-
 do minimè, & ita nullum est argumentum. Ad quartum dici pōt
 apud nos composita esse meliora simplicibus, quatenus perfectio
 bonitatis creaturæ non inuenitur in uno simplici, nec pōt inueniri,
 sed in multis sic. Perfectio verò diuinæ bonitatis, benè in uno sim-
 plici inuenitur, propterea simpliciter loquendo composita meliora
 dici nequeunt: quare, nec ipsi Deo attribuenda. Ad quintum de
 pluralitate relationum realium pōt dici, quòd duplex detur plura-
 litas relationum realium, una suppositorum, quæ in eodem compo-
 sitionē facit, altera est pluralitas relationū inter se, vel cū absoluto,

quæ

qua in Deo ponitur sine ulla tamen sui compositione, at illa suppositorum bene compositior: ē dicit, sed talis in Deo non ponitur. Ad ultimum conceditur, quod ea, quae sunt à Deo debeant ipsam imitari, ut causata primam causam, non ob id sequitur, quod debeat dici Deus compositus, compositione partium quantitativarum, vel alio modo, quia non est corpus, sed summè simplex. Enodato dubio primo, queritur secundo, Num Deus sit solus immutabilis. Mihi certè rationibus quibusdam videtur, quod non, nam mouet se: igitur mutabilis. Antecedens patet per Aug. iiii. super Genesim ad litteram ita dicentem: Spiritus creator mouet se nec per locum, nec per tempus aliquo ergo modo: Deus mutabilis. Insuper arguitur auctoritate Sapient. vi. ubi dicitur de sapientia, quod est mobilior omnibus mobilibus, sed ipse Deus est sapientia: igitur mobilis, & ex consequenti non est solus immutabilis. Tandem sic arguitur, Appropinquari, & elongari motum significant, at talia in sacra pagina de Deo dicuntur, ut habetur Ia. iiii. appropinquate Deo, & appropinquabit vobis: Deus igitur mutabilis. In oppositū se habet illud Malachia propheta tertio, Ego Deus, & non mutor: rectè ergo sensu Magister sent. in textu dicendo: Deum solum immutabilem esse. Nunc ad argumenta dicamus: & primò ad primum, quod D. Aug. loquutus sit secundum Platonis modum, qui volebat primum mouens mouere se ipsum nominando omnem operationem motum, penes quod intelligere velle, & amare quidam motus dicuntur: & quia Deus intelligit vult, & se ipsum amat: propterea dixerunt Platonici Deum se ipsum mouere, licet non eo modo, quo sumitur motus, & mutatio existentis in potentia. Ad secundum,
quod

quòd mobilis ut sapientia dici potest : hoc esse verum similitudinarie, & actiue, sed passiuè nequaquam Ad tertium respondetur, quòd appropinquari, & elongari de Deo in scripturis dicuntur metaphoricè, videlicet in quantum percipimus ipsius bonitatis influentiam, vel ab eo deficiamus. Deus ergo summè simplex, & solus inmutabilis, ut Magister sent. dicebat. Et hæc satis.

DE DISTINCTIONE TRIUM PERSONARVM.

Distinctio

IX.

Lectio XXXVII.

HActenus ad aures Magistri sent. de natura communicata per generationem verba fecimus: Nunc in distinctione nona loquemur de genitoris, & geniti coeternitate, tria facientes; nam primò Patris, & filij coeternitatē ostendimus: Insuper ppositionem ponemus: Tertiò incidentis questionis ambiguitatem dissoluemus. Circa primum hoc lemma ponitur. Dei filius ab eterno à Patre genitus, Patri simpliciter coeternus. At sine ratione loqui ne videamur, propterea sic dicemus, id coeternum esse Deo, sine quo Deus nunquam fuit, nec esse potuit, at hic est filius genitus à Patre: igitur ipsi Patri coeternus. Nec illud obstat, quòd filius sit alius à Patre in personalitate, & ab illo distinctus personaliter, nam non ante fuit Pater, quàm filius, cum persone diuinae sint sibi inuicē coeternae, & in natura idem. Huic veritati videtur aduersari ille maledictus Arrius dicendo sic. Si filius esset natus principium haberet, nō itaq; Patri coeternus. Ad hunc

hunc errorem excludendum, velim ita vos dicere cum Aug. qđ
 filius si Patri non esset coeternus, Pater aliquando fuisset sine sa-
 pientia, eo quia filius est sapientia Patris: Vel Pater fuisset ali-
 quando sine filio, deinde filium habuisset, qđ stare nequeunt. Patri
 ergo filius coeternus. Verum qđ Arrius arguebat dicēdo: Si filius
 esset natus, principium haberet, & ita non posset Patri esse coe-
 ternus: quoniam equiuocatio est causa erroris, ideo arbitror esse
 distinguendū de duplici principio, scilicet durationis, & originis.
 Verbum, siue filius in diuinis, hoc secundo modo dicitur habere
 principium, sed non primò: quare ruit error; Et hęc de primo
 puncto. In altero ex dictis potest apponi talis propositio. Filij eter-
 na generatio est ineffabilis, quia omnem superat sensum, non solum
 humanum, verum et Angelicum, quis etenim intellectus percipere
 poterit Patrem in diuinis, filio non esse Priorem? certè nullus:
 ineffabilis igitur verbis generatio quamuis quidā male opinentur
 ipsum posse per intellectum creatū comprehendere, iuxta illud Isaia.
 53. Generationē eius quis enarrabit? hic ne laboremus in equiuo:
 scire debetis: Christi triplicem generationem, siue natiuitatem
 dari: videlicet, diuinam, humanam, & gratuitam. Prima est ex
 Patre, Secūda ex matre, Tertia fit in mente. De Patre nascitur
 eternaliter, de matre temporaliter, in mente spiritualiter; & istae
 tres natiuitates sumuntur secundum tres naturas, quae sunt in
 Christo: scilicet deitas, caro, & spiritus. Nā ex Patre nascitur
 Deus, ex matre caro, in mente verò nascitur spiritus, scilicet per
 gratiam; ex Patre nascitur semper, ex matre nascitur semel, & in
 mente sepe. Secundum natiuitatem diuinam, filius habet Patrem
 sine

sine matre, secundum humanam habet matrem sine Patre, secundum gratuitā habet Patrem, & matrem: iuxta illud Mat. 12. Qui fecerit voluntatem Patris mei, &c. Filius ergo loquendo de generatione primo modo sumpta Patri coeternus. Nec sic ab humano intellectu comprehendendus. Et hęc de punctis duobus. In tertio dissoluenda venit ambiguitas occurrentis questionis: queritur enim, Vtrū in diuinis filius congruentius, ac rectius exprimi habeat per semper nasci, vel natum esse. Mihi sanē videtur, quod melius filius dicatur semper natus, quā nasci: & ratio est, quia semper natum esse dicit perfectionem sine imperfectione: igitur potius erit affirmandum ipsum semper esse natum, quā nasci, quoniam hoc secundo modo si loqueremur, imperfectio à verbi generatione non excluderetur. Ad hanc ergo dimittendam debet fieri expressio generationis filij p verbum præcristi tēporis perfecti, cuiusmodi est ly natus, qđ denominat actū generationis trāsisse, & eius terminū actualiter in cōpleto esse, & stare. At explicatio generationis per verbum tēporis presentis, cuiusmodi ly nascitur, designat, ac denominat generationis actum adhuc fieri, qđ de se minimē imperfectionē excludit: primo igitur modo, & secundo, ad filij generationē exprimendā loquēdū erit. Et hęc de tota distinctione satis.

VTRVM IN DIVINIS PATER ALIVS

A FILIO DICI POSSIT.

Lectio XXXVIII.

AD maiorē prædeclaratæ distinctionis euidentiā tria nobis impresentiarum excitanda erunt quesita: quorū primum.

Vtrum

Vtrum in diuinis Pater dici possit alius à filio. Deinde, Vtrum Pater filio sit prior. Tertiò Vtrum Pater, & filius sint plures æterni. Circa primum negativè procedentes dicemus: Patrem non esse alium à filio, ibi enim alius relatiuum diuersitatis substantia dicitur, sed à Patre filius non est in substantia diuersus: igitur nec alius à Patre, & vice versa. Huic rationi prima aduersari videtur sententia Athanasij in Symbolo suo dicentis; Alia est persona Patris, alia filij, &c. Pro determinatione igitur huius primæ difficultatis sciendum est, in diuinis nominibus talibus esse utendū, quibus nec personarum pluralitas tollatur, nec essentiæ pluralitas plurificetur: quare hoc nomine alius non utemur, nisi cum substantiuorum additione, quibus hoc nomen competat, V. g. dūm dicitur: Pater est alia persona, vel alius in psona à filio. Præterea notandum venit, hoc nomen alius distinctionem in diuinis, quo ad personalia, importare, sed non, quo ad essentiā. Nunc respondeo ad primum argumentum, & dico, ly alius relatiuum quidem esse substantiæ, sumendo tamen substantiam non pro essentiā, sed pro supposito, & ita pro utroque poterit reddere locutionem veram, vel falsam, secundum tamen naturam eius, cui addetur, V. g. Si dicatur, quod Pater est alia persona, vel aliud suppositum, tunc vera erit locutio, at si dicatur: Pater est alius Deus à filio, scilicet essentialiter, locutio non erit vera, nec admittenda, quia sic dicit essentiæ diuersitatem, qđ non debet in diuinis admitti. Nos igitur primo modo, cum Athanasio loquamur, ne erremus. Et hæc de primo dubio. Huic succedit alterum, dūm queritur. Vtrum Pater prior dici possit filio. Athanasij primo testimonio, ut habetur in suo

suo Symbolo, videtur esse tenendum, quòd non, nam dicit ipse, qđ In hac trinitate nihil est prius, aut posterius: non ergo Pater erit filio prior, siue secundum intellectum, siue secundum rem. Ex alio latere in diuinis cum filius habeat principium à quo, quoniam est genitus à Patre, videtur posse dici, quod Pater sit filio prior. Pro responsione igitur debetis scire, duplicem dari prioritatem, originis videlicet, & eternitatis: Nunc ad Athanasium dicimus, in diuinis nihil esse prius, aut posterius loquendo de prioritate eternitatis. nā eternus Pater, eternus Filius, eternus Spiritus sanctus. De altera verò originis nullus sana mentis oppositum teneret, & hæc de duabus difficultatibus, quibus tertia additur, cū inquiritur. Vtrum Pater, & filius sint plures eterni. Mihi videtur, quòd non, & ratio assignatur, quia sicuti trium personarum vna est deitas, ita vna eternitas, non igitur plures eterni. Insuper ut Pater, & filius non sunt plures Dij, ita nec plures eterni. In oppositum videtur se habere in suo Symbolo Athanasius, cū dicit, quod Tres persone sibi sunt coeternæ, & coequales, Vir enim iste in numero plurali loquutus: hinc visum est quibusdā, qđ sint tres eterni. Pro veritate ipsa cognoscenda duo nobis cōsiderāda erunt, & primò dictū Athanasij dicētis, Aeternus Pater, eternus Filius, eternus Spiritus sanctus, nō tamen tres eterni, sed vnus eternus. Insuper, cur Athanasius in suo Symbolo sit loquutus in numero plurali dicēdo, qđ Tres p̄sonæ sint sibi coeternæ, & coequales; dicamus ergo Athanasium adiectiue loquutū esse, nō substantiue; licet ergo talia adiectiua in plurali numero p̄dicētur, nō tamen importata p̄ ea substantialiter plurificantur. Et hæc de tribus quesitis satis.

HIC

HIC DE SPIRITU SANCTO AGITVR, ETC.

Distinctio X.

Lectio XXXIX.

EXplanata distinctione nona huius lib. primi accedit decima exponenda, ubi Magister sent. in hunc modum procedit, nam primò dicenda dictis continuat, deinde, quæ tractanda, pponit. Ex quo ergo de Filij æterna generatione à Patre verba fecit, incipit nunc agere de Spiritus sancti processione ab utroque, videlicet à Patre, & filio, tria nobis proponendo. Primò Spiritum sanctum amorem esse Patris, & filij, per modumq; voluntatis procedere. Insuper amorē conuenienter personæ Spiritus sancti appropriari. Tertiò Spiritum sanctum nomine communi nominari, tam Patri, quam filio conuenienti. His ita premissis, exponenda prima pars erit, pro cuius euidencia ita dicendum, qđ claritas, siue essentialis amor Spiritui sancto appropriatus, toti trinitati sit communis. An hoc verum, queso audite: ut enim se habet sapientia ad totam trinitatem, & ad filium, ita se habebit amor ad totā trinitatem, & ad Spiritum sanctum, at sapientia essentialiter dicta toti trinitati conuenit, & tamen filio appropriatur: igitur charitas, siue amor licet communis sit toti trinitati, tamen Spiritui sancto appropriari poterit, Nam Spiritus sanctus amor, vel dilectio Patris, & filij dicitur, ut doctē manifestat D. Aug. xv. de Trin. dicens, quòd Spiritus sanctus, nec Patris est solius, nec est filij solius, sed amborum: propterea communem, quo inuicem se diligunt Pater, & filius, nobis insinuat charitatem. At vos hic dubitare

dubitare posse video ex dicto Ioan. primæ canonica sua dicentis : Deus charitas est : si ergo Spiritus sanctus est amor, siue dilectio, & charitas, cur tunc aperte Ioan. non dixit : Spiritus sanctus est charitas, sed dixit, Deus est charitas, relinquens nobis sub dubio, an ibi de tota intendat trinitate loqui, aut de aliqua persona in speciali ? ad hanc difficultatem dicimus, amorem, & charitatem toti quidem, ut supra tetigimus, conuenire trinitati, aliquando tamen personæ Spiritus sancti appropriari : nam & sapientia quoq; communis est tribus, sed tamen in specie filio appropriatur, & ita instantia ruit, ut est videre in hac prima parte presentis distinctionis. Post quam altera subsequitur hac propositione contenta. Charitas, siue amor personalis nulli alteri propriè conuenit, quàm solius Spiritus sancti personalitati. Et ratio assignatur, quia solus Spiritus sanctus per modum dilectionis procedit : igitur charitas, siue amor personalis soli Spiritui sancto conuenit. Sed hic dicetis : Ioan. in sua canonica, ubi supra, docet, dilectionem ex Deo esse, cum itaque tam filius, quàm Spiritus sanctus, sint ex Deo, hinc dubitatur, quis illorum debeat dici dilectio, licet filius per modum naturæ procedat, & Spiritus sanctus per modum voluntatis. Cui difficultati perbellè satisficit à Ioan. in eadem canonica, ubi postquàm dixit, dilectio, quæ nos facit in Deo manere, in Deo est, subiungit. In hoc cognoscimus, quòd in Deo manemus, & ipse in nobis, quia de Spiritui sancto dedit nobis ; sanctus itaq; spiritus, de quo dedit nobis, in Deo nos manere facit : Spiritus ergo sanctus dilectionem hanc, quæ est in nobis, ex Deo facit. Et hæc de duabus partibus. Postrema, & ultima tandem enodanda venit, ubi Magister sent. edocere

edocere intendit, quod iure merito Spiritus sanctus ratione communis principij originalis sit hoc nomine Spiritus sanctus nominatus, non obstante, quod tale nomen tribus commune sit personis diuinis. Num verò res ita se se habeat, audite: illud enim, quòd communiter, nec non equaliter originatur à duabus, conuenienter habet nominari nomine ambobus conueniente, at Spiritus sanctus communem habet à Patre, & filio originem, iure igitur merito eis communem habet denominationem: minor quia quibusdam videri posset ambigua, ideo hanc probat Magister autoritate D. Aug. ut patet in textu, quem vos videre adhortor. Et hoc satis.

VTRVM NOMEN SPIRITVS SANCTI SIT

PROPRIVM TERTIAE PERSONAE.

Lectio XXX.

NE sicco pede ea videar uelle pertransire, quae nobis non leuem utilitatem ualent afferre, duo in presenti examinabo, quorum primū erit. Vtrum hoc nomen Spiritus sanctus debeat dici in diuinis proprium nomen tertiae personae. Insuper, Vtrum tres tantū in diuinis sint concedenda personae. Circa primum sic proceditur, & probatur, quòd non, nam ut benè norunt Docti, Spiritus contra corpus solet diuidi, at nulla persona diuina est corpus: igitur quolibet erit Spiritus, quo itaque modo in diuinis hoc nomen Spiritus sanctus propriè tertiae personae conuenire dicetur? Ex alio latere illud Io. v. in oppositum se habet: Tres sunt, qui testimonium dant in cælo, Pater, verbum, &

G

Spiritus

Spiritus sanctus: at Pater prima personæ proprium nomen est, & verbum secunda, & tertia Spiritus sanctus: quare, &c. Pro huius difficultatis itaq; solutione notandū erit secundū Seraphicū Doctorem, qđ Spiritus de tribus dicitur, de corporibus, de creaturis intellectualibus, & de Deo. Si in corporibus consideretur, atq; dicatur, adhuc hoc erit duobus modis, aut à spiritualitate contra corpulentiam, quo modo subtile corpus, puta aerem dicitur spiritus, vel à spirando, qua via flatus uocatur spiritus, iuxta illud Christi: Spiritus ubi vult spirat; in creaturis similiter intellectualibus dupliciter sumitur, vel à spiritualitate cōtra corporeitatem, quo modo forma intellectualis, siue eius potētia interior dicitur spiritus: vel à spirando, & sic amor, vel affectio dicitur. Præterea solet dici spiritus, aut à spiritualitate contra materialitatem, quo modo tribus diuinis conuenit personis, aut à spiratione, vel actiua, vel passiuā: si primo modo, duabus ascribitur personis diuinis, videlicet Patri, & filio: si secundo modo, tertiæ tantū conuenit personæ, quæ dicitur Spiritus sanctus, q̄ primò spiritus, ut paulò superius diximus, deinde sanctus ex modo suæ productionis: nam est productus per modū voluntatis, q̄ sancta est, ideo, &c. sanctus insuper dicitur ad semouendam oēm imperfectionem ab ipso. His ita positis dici potest ad argumentum primum, quod procedat de spiritu à spiritualitate dicto, nō aut à spiratione passiuā, quo modo in textu loquebatur Magister sent. Alterum in oppositum ex iam dictis videtur notum esse argumentum, nam concludebat verum. Iam de duobus dubijs à me propositis explanato vno, superest, ut ad alterum accedam, & quid tenendum sit, videam. Solet ergo ex præactis

prædictis obiter queri. Vtrum in diuinis queant esse plures persona, quàm tres: mihi sanè primo aspectu videtur esse dicendum, quòd sic, nam potentia Patris per filij generationem non minui dicitur, si sic, ergo eo genito, poterit adhuc secundū, & tertium gignere: quare plures in diuinis erunt persona, quàm tres. Deinde hoc idem confirmari posse videtur Boetij autoritate dicentis, quòd relatio multiplicat trinitatem, at in diuinis sunt quatuor relationes: igitur quatuor persona, & ita plures, quàm tres. In oppositum se habet illud Io. ultimo. Tres sunt, qui testimonium dant in celo, Pater, verbū, & Spiritus sanctus: igitur tres tantū erunt diuina persona: una, quæ à nullo est, ut Pater: altera, quæ à Patre per modum naturæ præcedit, ut verbum secunda persona, tertia, quæ à duobus, ut puta à Patre, & filio per modū voluntatis, ut Spiritus sanctus. Ad argumenta nunc respondendum, & primò ad primū sic, quòd benè Patris potentia per filij generationem non minuitur, sed semper est eodē modo se habens in filij generatione, propterea alium non potest producere filium, sed semper eundem, unius enim agentis ex sua propria virtute, & semper eodem modo se habentis in se, & in sua actione, impossibile est esse, nisi unū productum, ut in proposito. Ad autoritatē verò Boetij potest dici, quòd nō oīs relatio personas cōstituit, sed illa tantū, quæ sunt ponenda ad excludendā innascibilitatē, quæ uni persona conuenit: quare erunt tres solum relationes cōstitutivæ trium personarū. V. g. ut Paternitas, filiatio, & passiva spiratio; ad formā verò argumenti, diū dicebatur, quòd relatio multiplicat trinitatem, respondetur, hoc esse verum, loquendo de relatione propria, non de communi. Et hæc pro presenti.

QVOD SPIRITVS SANCTVS PROCEDIT

A PATRE, ET FILIO.

Distinctio XL.

Lectio XXXXI.

ARbitror hucusq; de modo, quo Spiritus sanctus procedit, actum fuisse: in presentiarum verò de principio, à quo Spiritus sanctus pcedit, agendum: ubi tria occurrunt: primum latinorum sententiam respicit. Alterum discrimen inter Latinos, & Græcos circa principium, à quo Spiritus sanctus pcedit. Tertium, & ultimum conuenientiam Latinorū, & Græcorū. Quantū ad primum, secundū rei veritatē est tenendum: Patrem, & Filium Spiritum sanctū pduxisse, Nam dicit, atq; his verbis fatetur hanc veritatē sacra scriptura, Misit Deus Spiritum filij in corda uestra: rursus: Qui autē Spiritum Christi non habet, hic non est eius. Insuper Euangelium Ioan. dicit, Paracletus autem Spiritus sanctus, quem ego mittam vobis à Patre; præterea, quod ē à Patre Spiritus sanctus procedat, p illud Christi in Euangelio habet probari, Nō enim estis vobis, q loquimini, sed Spiritus Patris vestri, qui loquitur in vobis: & alibi dicit, Quem mittet Pater in nomine meo. Deinde, Qui à Patre procedit; Et hæc pro prima parte. In secunda in ordine ponitur Græcorum opinio, q falso motino inducti Spiritum sanctum à filio pcedere negauerunt, Nam isti dicebant illud Ioan. xvi. pro se extare dicentis; Qui à Patre procedit. Hoc idem in missa in Symbolo fidei cantari dicunt, ubi pertractatur de processione Spiritus sancti, & tamen ibi nulla fit mentio

mentio de ipso filio : ergo, inquiunt greci, Spiritus sanctus nō procedit à filio. Insuper opinantur isti, & malè dicentes, quicquid ibi habetur de filio à latinis appositum fuisse, & ex consequenti ppter hoc nos dicunt anathematizatos, quam opinionem corroborare videntur per illud Leonis Papæ iij. dicentis: Secundū Conciliorum traditionem apud eos celebratorum oēs aliud dicentes de sanctis. Trinitate, quàm in eorum Concilijs fuerit determinatum, anathematizatos esse: at nos huic cauillationi, erroneşq; opinioni satisfacere volentes, dicimus: nihil à nobis illi contrariū proferri, sed benè Sanctorum doctrina sanè explicari. Nam & si dicat Christus in Euangelio, Spiritum sanctum à Patre procedere, non ob id negatur, quin etiam procedat à Filio, sed moris sui fuit semper ad Patrem referre quicquid habuit; propterea, quia non dixit, Spiritū sanctum à solo Patre procedere, non negavit etiam à se procedere: ex quibus veritas patet in hac secūda parte: post quam subsequitur tertia, ubi hētur convenientia Gregorum cum Latinis: ex quo. n. fatētur, Spiritum sanctum esse spiritum Filij: hinc est, qd nō sensu, sed verbis tantum à nobis differant; nam, si Magistro fidem adhibemus, uti debemus, aptè in textu ipsius videbimus: Athanasium, Didymum, Cyrillum, & Io. Chrysostomum, qui fuerunt Doctores eorum, sensisse, Spiritum sanctum à Patre procedere, & Filio: verum igitur est dicere, Spiritum sanctum, & à Patre, & à Filio procedere. Et hæc de tota distinctione.

VTRVM VOLUNTAS DIVINA SIT

PRINCIPIVM SPIRITVS SANCTI, ETC.

Lectio XXXII.

EX Theologorum voto Magistri sent. dicta examinanda erunt, & primò, *Vtrum voluntas diuina Spiritus sancti sit principium. Insuper, Vtrū Spiritus sanctus procedat à solo Patre, aut à solo Filio, aut ab utroque. Quātum ad primum, p̄ parte negatiua sic argumētor. Voluntas ponitur, & dicitur potentia operatiua, non igitur productiua: consequentia patet, quia operatiua potentia ideò sic dicitur, quia eius operatio est actus immanens: non ergo productiua, & ex consēq̄nti Spiritus sancti talis voluntas diuina nō poterit dici principium. Insuper natura est ius insi a rebus ex similibus similia procreās, sed Spiritus sanctus est producenti similis in natura: igitur per naturam, & non p̄ voluntatem Spiritus sanctus habet produci. Tertò sic insto. Si voluntas diuina esset principium productiuum Spiritus sancti, tunc vel necessario, vel contingenter produceret; at hæc duo nō videtur posse cōcedi: igitur, &c. Minor, q̄a ab aliquibus denegari posset, iccirco sic probatur, quantum ad primum; nā liberè producit, at libertati videtur necessitas opponi: igitur, &c. In oppositum se habet ex alio latere D. Aug. lib. v. de trin. dicens. Spiritus sanctus exiuit à Patre, & à Filio, non quo modo natus, sed quo modo datus, at exire p̄ modum dati, siue doni, ad voluntatis actum pertinet, cuius est liberè donare: igitur, &c. His ita p̄missis, conclusio hæc ponēda venit. Voluntas diuina necessario Spiritū sanctum producit; quo-*

niam

niam omnia diuina formaliter sunt necessaria. Nunc ad rationes in oppositā partem adductas respondeamus, primò dicentes ad primam, voluntatem non solum esse operatiuam, verum etiam productiuam: quare iure merito & antecedens, & consequentia formata negabantur. Ad illud in ordine secundū de similitudine naturæ respondetur, q̃ Spiritus sanctus benè dicitur similis Patri in natura propter naturæ identitatem, non tamen ex vi productionis suæ: producitur enim per modum voluntatis: stat igitur similitudo in natura, sed non in modo producendi. Ad tertium argumentum distinguendum est de duplici necessitate, coactionis scilicet, aut immutabilitatis. Si primo modo loquamur de necessitate coactionis, vel exigentiæ, tunc dicendum, q̃ libertati opponatur, at si secundo modo, nequaquam: Spiritus ergo sanctus per modū voluntatis præcedit, & necessariò, ut diximus. Explanata iam prima parte nostri sermonis, altera in ordine secūda accedit, dūm q̃ritur, Vtrum Spiritus sanctus à Filio procedat. Mihi sanè videtur, quòd non: Spiritus .n. sanctus non minus dicitur cum Patre, q̃ Filius conuenire, sed Spiritus sanctus non communicat cum Patre in Filij generatione: igitur neq; Filius communicabit cum eodem in Spiritus sancti inspiratione. Deinde arguitur sic: unum, & idem simplex non videtur posse esse à duobus, alioq̃n effectus tunc temporis foret sua causa simplicior, at Spiritus sanctus sic se habet: non ergo poterit esse à duobus. Vltèrius autoritate Damasceni sic arguitur. Vir .n. iste ait: ex Filio Spiritum sanctum non dicimus: spiritum verò Filij nominamus: igitur secundum istum Spiritus sanctus nō erit à Filio. In oppositum se habet illud Ioannis xv, Ille me clari-

ficabit, quia de meo accipiet; at in diuinis nulla admitti debet acceptio, nisi per originem: Spiritus itaq; sanctus originatur à Filio, & constat ex superioribus dictis, q; à Patre. Superest modo, ut argumētis formatis satisfaciamus, deinde erit finis. Ad primū ergo dicitur, q; Spiritus sanctus, quantum ad essentiam, penes quam similitudo attenditur, & aequalitas tantū conuenit cū Patre, quā- tūm Filius, at opposiitionibus deinde relatiuis plus differunt: quare non tot uidetur communicare Pater Spiritui sancto, sicut Filio de actibus notabilibus, q; importat, siue relationes exigunt. Licet ergo Spiritus sanctus non communicet cum Patre in Filij generatione hoc modo, ob id non debet inferri, q; ipse Filius non debeat communicare cū eodem Patre in Spiritus sancti spiratione. Ad secundum argumentum, quando dicebatur, q; unam & idem simplex non potest esse à duobus, &c. Respondetur ad hoc: Spiritum sanctum à duobus certè spiratoribus non spirari, neq; procedere, bene tamen à duobus spirantibus sub ratione unius principij simplicis, quod est ipsa spiratiua virtus. Postremò ad illud Damasceni pōt dici, q; vir iste animaduertens dissidium inter Latinos, & Græcos, caute dixit, nullam partem asserendo: Spiritū ex filio nō dicimus, propter hoc negauit, q; Spiritus sanctus non sit ex filio; sed instarent Græci dicentes: alibi Damascen. expressè dixisse, Spiritum Sanctum nō esse ex filio: igitur, &c. ad hoc dicunt Latini, hoc dictum fuisse ante promulgationem, & huius articuli declarationem: vel dicatis non esse à filio authoritatiuè, & quandam authoritatem, quia sic est à Patre: hæc interim in sequenti ad alia festinabimus. Hæc in tantū.

VTRVM

VTRVM PATER, ET FILIVS SINT VNVM
SPIRITVS SANCTI PRINCIPIVM, ETC.

Lectio XXXIII.

Consentaneum esse duxi ad altercationem tollendam de principio in diuinis Spiritus sancti tria hic examinare in primis. Num Pater, & Filius debeant dici unum principium Spiritus sancti. Insuper, Num prius origine Pater spiraret, quàm filius. Deinde, Num Spiritus sanctus si non procederet à filio realiter ab eo distingueretur. Circa primum videtur posse probari, quod Pater, & Filius non sint Spiritus sancti vnū principium: q̄ enim non cōueniunt, sed distincta sunt, talia unum principium dici nequeunt respectu tertij, at Pater in diuinis, & filius sic se habent respectu Spiritus sancti, non ergo unum erunt principium. De maiori propositione non video hesitandum esse, at de minori sic, propterea in hunc modum habet declarari. Pater, & filius non sunt una persona, sed distincta, non ergo video, quo modo unum habeant poni respectu Spiritus sancti principium. Verum quia in oppositum solet dici: Patrem, & filium per vnā, & eandem vim spiratiuam spirare, propterea ꝑ veritate cognoscenda adnotanda, ac presupponenda erunt nonnulla, & primò unum de principio productiuo, qđ est duplex, videlicet quod, & quo, principium quod dicitur ipsum suppositum, quo verò, principium illa potentia productiua. Vt citius est notandum: Patrem, & filium unum esse tripliciter intelligi posse vel in essentia, vel in persona, vel in vi spiratiua. His præmissis ponenda quatuor
conclu-

conclusiones erunt. Prima sit hæc. Pater, & filius non sunt unū principium, qđ Spiritus sancti: secunda sit hæc. Pater, & filius non sunt formaliter unum principium, quo ipse Spiritus sancti, quia principium quo formaliter est vis spiratiua, sed Pater, & filius non sunt formaliter vis illa spiratiua: ergo, &c. Tertia conclusio. Pater, & filius identice sunt unum principium spiratiuum quo, quoniam identice sunt una, & eadem vis spiratiua. Quarta conclusio. Pater, & filius spirant, in quantum unum sunt, in vi spiratiua, non autem in quantum unum in essentia, aut in persona. Nunc ad argumentum prius adductum dicimus, currere de principio qđ. Et hæc de primo quesito. Accedit alterum, ubi queritur. Num Pater prius origine spiret, quā filius. Mihi certē videtur, quod non, inter ea enim, quæ unum sunt, non videtur esse ordo, nam ordo distinctionem presupponit, at quia Pater, & filius spirant, in quantum unum sunt, ibi ergo ordo non erit: quare Pater prius origine ipso filio non dicetur spirare. In oppositum dicitur: Patrē à se habere, qđ spiret, filius verò hoc à Patre; quo stante tres conclusiones ponendæ, deinde veritas manifestabitur. Prima hæc sit. Pater est prior filio origine, quia Pater est à quo filius. Altera conclusio. Pater natura prius non spirat, quā filius, & ratio assignatur, quia sunt relatiua, quæ simul natura. Tertia conclusio. Pater prius origine spirat, quā filius, nam spirandi actum Pater habet à se, filius verò à Patre: quare, &c. Nunc ad argumentum formale potest dici, quod maior sit vera ex parte illius, in quo sunt unum, non tamen debet deinde concedi, quantum ad modum habendi illud unum, nam est aliud, & aliud, quo modo

Pater

Pater prius origine dicitur spirare, quàm filius. Et hæc pro secundo dubio. Postremò solet queri. Vtrum, si Spiritus sanctus non pcederet à filio, realiter distingueretur ab eo. Circa difficultatem hanc, cum diuersorum rationes altercantium inter se videam, existimaui pro veritate determinanda, hanc sub his ponendam esse conclusionem. Si Spiritus sanctus non procederet à filio, hoc dato, sed non concesso, adhuc tamen realiter distingueretur ab eo. An hoc verum, audite probationem. Omne, qđ est principium essendi, est etiam principium distinguendi, at posito, quod Spiritus sanctus non procederet à filio, adhuc filius filiatione esset filius, & Spiritus sanctus spiratione esset spiritus: igitur realiter distinguerentur filiatione, & spiratione. Rursus quorum productorum productiones realiter sunt distinctæ, illa quoq; realiter distinctæ, at si Spiritus sanctus non pcederet à filio, adhuc filius, & Spiritus sanctus distinctas realiter pductiones haberēt, nā filius naturaliter pducitur, & Spiritus sanctus liberè. Ex his ergo, quid tenendū, patet.

VTRVM SPIRITVS SANCTVS, ETC.

Distinctio XII.

Lectio XXXXIII.

NObis duodecima huius libri primi proponitur distinctio exponenda, cuius nexus cum superiori talis esse dicitur: ex quo Magister sent. agit de principio, à quo Spiritus sanctus procedit: nūc consecq̃nter verba facere de ordine processionis eius intendit, & circa hoc laconicè ut procedamus, temporum ordinem

ordinem primò excludemus. Insuper dignitatis ordinem postremò declarabimus originis naturalis ordinem. Quantũ ad primum, hoc lemma ponendum. Spiritus sanctus tertia persona in diuinis duratione tēporis nec prius, nec posterius à Patre, q̃ à filio processit, ubi .n. nullum interuenit tempus, ibi tēporis duratione neq; prius, neq; posterius, at in processione Spiritus sancti à Patre, & Filio, nullum penitus interuenit tempus: igitur Spiritus sanctus non à Patre prius procedet, neque posterius à filio. Sed diceret quis in presenti, si Spiritus sanctus à Patre procedit, vel iam nato filio, vel nundum filio nato, si nato filio: igitur filij natiuitas Spiritus sancti processionem precessit, si nundum nato filio, igitur Spiritus sancti processio filij generationem precessit. Si sic: ergo Spiritus sanctus prius dicitur à Patre, q̃ à filio processisse. Vt iam proposita difficultati satisfiat, dicendum erit, q̃ ab huiusmodi materia sit omne tempus amouendum: in diuinis .n. omnia sunt eterna: quare ibi nullus temporis ordo, vel prioritatis durationis cōcedendus, vt probè docet D. Aug. lib. de Trin. & patet in textu. Iam explanato pūcto primo, alterum subsequitur, ubi dignitatis ordo excluditur: nam maiori dignitatis perfectione nec plenius Spiritus sanctus procedit à Patre, q̃ à filio, nec perfectius, ut enim non dicitur ante procedere à Patre, q̃ à Filio, ita nec magis pcedet, nec plenius à Patre, q̃ à Filio: & sic punctum secundum patet paucis verbis. In tertio ponenda erit conclusio, ex cuius manifestatione, siue dilucidatione veritas apparebit. Sit ergo hec. Spiritus sanctus, qui aequè perfectè simul à Patre, & Filio procedit, principaliter, & propriè à Patre per filium mittitur auctoritatis ordinatione.

An

An hoc sit verum, audite: Pater enim hoc habet à se, & à nullo alio, q̃ ipsum mittit, & q̃ ab ipso procedat: conclusio igitur vera. video nos hic dubitare posse sub hac forma. Si ita est, ut in textu multis videtur auctoritatibus probare Magister: igitur Pater plus videbitur habere in processione Spiritus sancti, quàm filius, & ita plenius à Patre procedet Spiritus sanctus, quàm à filio. Hic nobilissimi Auditores diligenti animo, ne in errorē labamini, uelim perpendatis, oēs scilicet auctoritates in textu adductas sic esse intelligendas, non quod Spiritus sanctus minus plenè, vel minus perfectè procedat à filio, quàm à Patre, sed benè, quod filius hoc à se ipso non habeat, scilicet, qđ Spiritus sanctus ab ipso procedit equè plenè, & perfectè, ut à Patre, sed quod hoc sit à Patre, qui prius origine dicitur spirare; Et hæc de tota distinctione.

AN PATER, ET FILIUS SINT NATURA
SPIRITVS SANCTO PRIORES.

Lectio XXXV.

Circa prædeclaratam distinctionem tria quesita excitanda forent, at nos breuitati studentes, duo tantum perpendemus, & primò. Vtrum Pater, & filius Spiritus sancto natura sint priores. Secundò, Vtrum Spiritus sanctus perfectius procedat à Patre, quàm à filio. Quantum attinet ad primum tripliciter potest argui pro parte negativa, & primò sic. Spirans, & spiratum sunt simul natura, at Pater, & filius sunt spirantes, & Spiritus sanctus est spiratus: igitur, &c. Præterea Pater, producens

producat filium natura filio non est prior: igitur neq; Pater, & filius Spiritum sanctū producentes erunt natura priores Spiritu sancto. Tandem sic arguitur. Filius non est prior natura spiratione actiua, neq; ēi Spiritu sancto. Pro intellectu huius difficultatis notandum erit primò, ordinem naturæ in diuinis duobus posse capi modis: uno modo inter naturas, & sic non admittitur ibi, quia unica est natura. Alio modo dicitur ordo naturæ, idest ordo naturalium perfectionum, aut proprietatum, quo modo ordo naturæ ponitur ab illis admittentibus aliquam distinctionem inter perfectiones, ac diuinas proprietates. Ex his ponenda venit hæc conclusio. Pater, & filius priores sunt, ne dūm origine, sed etiam natura, Spiritu sancto. Primum patet, quia Pater, & filius sunt à quo est Spiritus sanctus. Quod ēi natura sint priores, patet; nam quodcumq; aliqua duo simul natura sunt, quicquid est uno prius natura, est ēi natura prius reliquo: at spiratio actiua, & spiratio passiua sunt simul natura, & Pater, & filius priores sunt natura spiratione actiua: igitur ex consequenti Spiritu sancto. Nunc argumenta soluenda, & sic primæ questionis erit finis. Ad primum igitur argumentum potest dici, quod maior propositio vera sit de spirante formaliter sumpto, videlicet, in quantum est spirans, ac non de supposito, quod est spirans. Ad alterum in ordine secundum consequentia interimittur, non enim est simile. Nam Pater dicitur in esse cōstitui personali per filij productionem, & spiratio actiua, quasi suppositis constitutis aduenire intelligitur: quare, &c. Ad ultimum argumentum negari potest antecedens, & ad probationem poteris dici, quod spiratio actiua non sit in Patre, tanquam
cuius

eius cōstitutiuā, sed benè tanquam natura posterior. Determinato in hunc modum quesito primo, circa secundum versabimur, partem affirmatiuam defendentes, nam propter unumquoq; tale, & illud magis, sed filius habet, qđ ab ipso Spiritus sanctus procedat: igitur tenendum erit, qđ plenius, & perfectius, Spiritus sanctus procedat à Patre, quā a filio. Ex alio latere, quo modo ibi magis, & minus erit, ubi summa datur equalitas? non ergo perfectius, & imperfectius hac in parte admittenda. Ad euidentiā itaq; huius negotij duo considerata occurrunt, primū est, qđ Spiritus sanctus non procedit plenius, vel perfectius a Patre, quā a filio. Alterum est, qđ ex ipso principalius procedit. Nunc ad argumentum respondetur, quod illa regula propter unumquodq; tale, &c. non habet locum in agentibus numero eandem formā participantibus eque perfectè, sed tantū in habentibus eandem formam specie, secundum diuersos gradus, quorum unus altero sit perfectior. At quia in diuinis Pater, & filius numero eandem vim spiratiuam habent, quā est eiusdem gradus perfectionis, licet filius eam habeat a Patre, & ex consequenti eam Pater principalius, quā filius, non ob id potest dici, nec debet dici, quod Pater perfectius, aut plenius spiret; quā filius, benè concedi poterit, quod Pater principalius spiret, quā filius, quia a se spirat. In sequenti aliud dubium proponemus, & quam

- primum fieri poterit ad subsequentem distinctionem accedemus.

VTRVM

VTRVM SPIRITVS SANCTVS SIT

A PATRE PER FILIUM.

Lectio XXXXVI.

NE vitio quid mihi dari possit (*Nobilissimi Auditores*) in animum induxi meum hodierna die breuem illam percurrere questionem de Spiritu sancto. Num scilicet debeat dici procedere a Patre per filium, siue mediante filio. At primò de more nostro dicamus sermonem presentem in tres particulas usurpari posse, siue partiiri. In quarum prima argumenta ponentur. In altera notanda. In tertia responsio. Circa primam videtur posse dici, Spiritum sanctum a Patre per filium, siue mediante filio procedere, illud enim, quod conuenit principio, & (ut ita loquar) principiato, eis eque immediate cōuenire non pōt, nec primo. At spirare Spiritum sanctum Patri, & filio cōuenit, ut principio, & principiato (ut hoc utar vocabulo) nō ergo aequè primò, & immediate. Cum itaq; filio non cōueniat mediante Patre, igitur conueniet Patri mediante filio: quare, &c. Pro determinatione huius difficultatis duo considerata erunt in Patre, & filio respectu actus spirandi; talis. n. actus egredi dicitur ab aliquo supposito mediante forma: ideo actus spirandi videtur posse ad formam referri, quæ spirationis principium est, vel ad supposita spirantia. Si ad formam sic Pater Spiritum sanctum nō producit mediante filio, sed immediate ab utroq; producit: una enim, & eadem numero in Patre, & filio vis spiratiua est. Si autē spirandi actus comparatur ad supposita, à quibus egreditur: sic cum inter

Patrem,

Patrem, & Spiritum sanctum, filius sit tanquam media persona, virtutem spirandi à Patre recipiens, tunc dici poterit, qđ Pater Spiritum sanctum producat mediante filio. Insuper sub eodem sensu, videbitur posse dici, quòd Pater Spiritum sanctum producat per filium, ubi notandum, quòd propositio talis per duplicē potest habere sensum, unum videlicet, quòd quis agat per aliud tanquam per formam, V. g. quando dicimus ignem agere per calorem, non inquantum ignis est, sed benè inquantum calidus. Sub quo sensu, Pater non dicitur producere Spiritum sanctum per filium, ut per principium formale, non enim ratio talis Patri convenire potest. Alio modo, ly per, si referatur non ad agentis rationem, sed ad p-ductum, tunc erit sensus, qđ Pater spiret Spiritum sanctum per filium, eo quod filius habeat rationem principij respectu Spiritus sancti, licet hoc à Patre. His itaq; in hunc modum dispositis, ad argumentum formatum ab aduersarijs nunc respondendum est, qđ aliquid possit principio, & principiato s̄que immediatè cōuenire, sed non s̄que primo, sumendo ly primo pro principio, & ita questio clara remanet.

QVARE SPIRITVS SANCTVS, ETC.

Distinctio XIII.

Lectio XXXVII.

EXpositurus vobis hodierna die distinctionem decimā tertiam continuationem primò perpendam: deinde ad diuisionē accedam. Postquā ergo Magister sent. loquutus est

H

de prin-

de principio, & ordine processioneis Spiritus sancti, Nunc de processioneis, & generationis differentia in diuinis agere intendit, ubi tria nobis pollicetur. Nam primo docet Spiritum sanctum à Patre, & filio non procedere, ut eorum filius. Insuper inter generationem, & processionem diuersitatem manifestat. Tertio infert quomodo Spiritus sanctus dici nequeat genitus. Quantum ad primum, sic proceditur: illud à nullo catholico videtur posse dici, ad quod maxima sequeretur absurditas, videlicet inter Deum aliquid nasci à duobus, ut à Patre, & Matre. At si Spiritus sanctus, Patris filius, & filij diceretur, hoc sequeretur: igitur Spiritus sanctus non debet dici à Patre, & filio procedere, ut eorum filius. Sed dicetis vos: cur Spiritus sanctus non debet dici natus, vel filius, cum ita bene de substantia patris procedat sicut filius? ad hoc responderi potest, quod si Spiritus sanctus filius diceretur, amborum utique diceretur, at quippe filius nullus est duorum, nisi Patris, & matris, tale autem inter Deum Patrem, & Deum filium non est, quod suspicemur, amborum enim filius diceretur, si ambo eum genuissent, quod maxime abhorret omnium sanctorum sensus: non ergo à Patre, & filio Spiritus sanctus procedit, ut eorum filius. Enodata iam prima parte, altera in ordine secunda subsequitur, ubi inter generationem, & processionem diuersitas declaratur. Nam licet uterque ipsorum, puta filius, & Spiritus sanctus, procedant à Patre, hoc tamen est diuersimodè, nam filius procedit per modum naturæ, & ideo dicitur genitus, & procedens, omne enim, quod generatur procedit, sed non è contra, Spiritus uero sanctus procedit per modum voluntatis, ut datus, & non ut natus. Cum itaque non omne quod

donatur

donatur ab aliquo dicitur nasci ab ipso, propterea Spiritus sanctus tantum procedens, & non natus debet dici. Potest insuper confirmari hoc idem tali ratione, quia filius à solo Patre procedit, & Spiritus sanctus ab utroque .s. Patre, & filio, & hæc est diuersitatis ratio. Quæ quia utraq; ineffabilis, iccirco à creatura inexplicabilis. Declaratis iam partibus duabus, superest tertia, & ultima, in qua Magister intendit declarare, quo modo Spiritus sanctus non possit dici genitus: alioquin duo essent Patres, & duo in diuinis filij. At hoc quid absurdius? non ergo Spiritus sanctus debet dici genitus. Sed dicetis vos: si non debet dici genitus: igitur ingenus: ad hoc respondetur, quod neq; ingenus debeat dici, ne duo patres in diuinis videantur esse, nam secundum disputantium consuetudinẽ, ingenus solũ pro persona Patris accipitur; rursum autoritate beati Hier. instabitis dicentes: Spiritum sanctum ingenum posse dici; ergo: pro solutione notetis hic velim, qđ aliter sumitur à beato Hier. ingenum, & aliter à beato Aug. beatus enim Aug. accipit ingenum, pro ut ingenum dicit ens non ab alio, sub quo sensu soli Patri conuenit, & non Spiritui sancto. Beatus verò Hier. accipit ingenum, pro ut, dicit ens ab alio, non per generationem, quo modo solum Spiritui sancto conuenit, ut videre est, apud eundem Hierony. in eodem tractatu. Hæc intantum de distinctione presenti.

VTRUM IN DIVINIS CONCEDENDA

SIT ALIQUA PROCESSIO, ETC.

Lectio XXXXVIII.

Circa declaratam distinctionem quesita duo enodanda erunt: quorum primum. Vtrum in diuinis aliqua processio sit concedenda. Deinde: Vtrum generatio filij, & Spiritus sancti processio debeât dici emanationes distincta. Circa primum, mihi videtur, quod ibi non sit aliqua processio, quia vel localis, vel causalis foret, non primo modo, quia ibi non est motus persona de loco ad locum, nec causalis, quia in diuinis non utimur causa nomine, neq; causato. Preterea, si in diuinis concedenda esset aliqua processio, vel esset eadem cum generatione filij tantum, & sic Spiritui sancto non conueniret, quod est falsum, nam dicit in Symbolo suo Athanasius, qđ Spiritus sanctus, non est genitus, sed procedens; vel diuidi habet contra generationem, & ita filio minimè conueniret, quod non est verum, quia apud Ioan. capite viii. legitur: Ego enim ex Deo pcessi, & veni. Insuper, aut esset in plus, & sic non uideretur Spiritui sancto debere appropriari: quare, &c. In contrarium extat illud Ioan. xv. dicentis: Cum venerit Paraclitus, quem ego mittam uobis, Spiritum ueritatis, qui à Patre procedit, &c. concedenda ergo ibi erit processio aliqua. Pro intellectu cuius, duo notanda erunt: primum. Quo modo in diuinis pcessio admittenda: deinde videndū cur Spiritui sancto ascribatur. Quantum ad primum, velim sciatis: nomen processionis primò fuisse impositum ad motum progressuum animalium signifi-
candum,

candum quod se ipsa mouent, & sic dici solet processio, quasi propria virtute incessio. Inde postea translatum est ad significandum oëm localem motum, & mutationē, quæ est ex quodam in quidam, vel ad oëm emanationem secundum quod, aliquid dicitur ab alio, ut à sua causa, vel principio, quo modo consueuimus dicere effectum à sua causa procedere, & cēm rem à suo principio. Quibus modis in diuinis non uidetur posse cōcedi processio, nisi hoc ultimo modo, seclusa tamen quacūq; imperfectione, quæ inuenitur in creaturis, idest motu, siue mutatione, nec nō innouatione, tunc enim Spiritus sancti processio, ut ab alio concedenda foret. Præterea scire debetis, quod quamuis processio ex vi nominis filio, & Spiritui sancto sit cōmunis, filij enim emanatio proprium nomen habet, quia dicitur generatio: appropriatur nihilominus Spiritui sancto, siue emanationi Spiritus sancti. Nunc argumēta formata soluenda: & primò primum. dū ergo arguitur, qđ nec processio localis, nec causalis in diuinis habeat concedi: Respondetur hoc esse verum; datur tamen alius modus processionis per simplicem emanationem, qui est in diuinis, de qua nos loquimur in proposito, & sic argumentū ruit. Ad secundum conceditur, quod emanationis, siue processionis nomen commune sit emanationi filij, & Spiritus sancti, sed tamen appropriatur Spiritui sancto triplici de causa; una est nominum penuria in his, quæ ad Spiritum sanctum pertinent, ideo emanatio eius retinet nomen cōmune, q̃a deficit proprium. Altera desumpta est ex conuenientia nominis processionis, motum enim primo uoluntarium significat, capiēdo uoluntatem pro appetitu cognitionē sequente: Spiritus autem sanctus per modum uoluntatis procedit,

propterea conuenienter ei processiois nomen appropriatur. Tertia causa, siue ratio excerpta fuit inde, quia Spiritus sanctus à pluribus procedit, quàm filius, ideo per excellentiam quandam, ei competit processio. Et hæc de primo quesito. Cui succedit alterum, dum queritur. Vtrum filij generatio, & Spiritus sancti emanatio, sint distincta. Pro parte negativa dua mihi rationes occurrunt, quarum prima sic se habet. In rebus perfectis vnus est tantum communicandi modus, sed diuina natura perfectissima est, vnum ergo communicandi modum habebit: quare in diuinis non erunt plures processiones, & ex consequenti indistincta. Præterea, si inter processiones in diuinis foret distinctio, aut ex parte essentia, aut ex parte relationum, pueniret. At nullum horum: igitur, &c. Minor ut suspecta sic probanda, primò ex parte diuinæ essentia, quæ vna est: deinde, ex parte relationum, nam secundum Boetium de Trin. in diuinis oia sunt vnum vbi relationis oppositio non obuiat, at inter processiones non est dare relationum oppositionem: igitur nec realis distinctio. In oppositam partem rectè considerantibus apparebit in diuinis distinctio emanationum realis, ibi enim dua sunt personæ præcedentes, & realiter distincta: igitur & processiones dua distincta. Nunc dirimenda sunt argumenta, & primò primū, cuius maior conceditur de rebus finitis, ac limitatis, at de natura illimitata, ut in proposito est, nihil contra nos concludit: quare non ibi modus communicandi multiplex in natura creata cōcedendus, sed benè diuersus in diuinis, ratione suæ illuminationis. Ad secundū argumentum potest dici, quod processiois distinctio, debeat sumi ex parte relationum, & quando subinfertur, quod in diuinis oia sunt

sunt unum, ubi non obuiat oppositio relationis, debet dici, quòd ibi Boetius loquutus sit de sola identitate, quo ad suppositum. Licet ergo ita res se se habeat, non ob id negari debet, quia tales processiones differant realiter. Et hæc satis.

QVOD GEMINA EST PROCESSIO

SPIRITVS SANCTI.

Distinctio XIII.

Lectio XXXXIX.

EX Doctorum sententia, & maximè Magistri sent. in superiori parte de Spiritus sancti processione eterna sumus loquuti; verum quia datur altera processio, scilicet temporalis, iccirco in presenti distinctione de tali verba faciemus, in ordine tria perpendentes. Nam primò exponemus Spiritum sanctum, à Patre, & filio simul temporaliter procedere. Insuper docebimus, quo modo isdem Spiritus sanctus in suorum donorum communicatione detur. Tertiò, qđ à nullo alio nisi à Deo. Circa primum non videtur posse negari, quòd Spiritus sanctus à Patre, & filio, simul temporaliter non procedat, cum in creaturarū sanctificatione mittitur. Quandocunq; igitur Spiritus sancti gratia hominibus confertur, tunc Spiritus sanctus, à Patre, & filio, temporaliter procedit. Vnde eiusdem Spiritus sancti gemina exponitur processio, scilicet eterna, & temporalis. Illa eterna ineffabilis est, quā à Patre, & filio eternaliter procedit sine tempore. Temporalis verò illa dici debet, quando Spiritus sanctus mittitur, sine

datur ad rationalem creaturam sanctificandum, & tunc Spiritus
 sanctus procedit à Patre, & filio simul in illa gterna processione,
 ut perbellè uidere est apud D. Aug. in fine primi capituli. Quod
 aut gratia Spiritus sancti collatio, sit eius tēporalis missio, à Patre,
 & filio, auctoritate Bedæ in Homeliâ primæ Dominicæ post ascē-
 sionem declaratur: ibi enim legitur, Cum gratia Spiritus sancti
 hominibus datur, profecto Spiritus sanctus, à Patre mittitur, &
 à filio, nam procedit à Patre, procedit et à filio. Ex his pōt conclu-
 di, ut testatur D. Aug. libro xv. de Trin. Spiritum sanctum his
 datum fuisse à domino semel post resurrectionem, cum insuflauit,
 & dixit: Accipite Spiritum sanctum, ut patet Ioan. xxii.
 post suam ascensionem, scilicet in die pentecostes, & hoc ad Dei,
 & proximi duplicem dilectionem significandum, quam in nobis
 Spiritus sanctus operatur. Et hæc de primo puncto. In altero in
 ordine secundo Magister nititur probare Spiritum sanctum dari
 personaliter, cum suorum donorum distributione. An res ita se se
 habeat, audite. Spiritus sanctus mittitur, & datur, ita ut in sacra
 scriptura secundum sanctorum expositionē mitti, & dari affirma-
 tur, atqui distinctè apparet in sacra pagina, quod Spiritus sanctus
 cum donis datur: igitur positio vera. Minor uerò, si alicui inex-
 perto dubia foret, ei probanda testimonio D. Aug. lib. xv. de trin.
 nec non auctoritate Ambr. in libro de Spiritu sancto cōfirmanda,
 ut habetur apud Magistrum sent. in textu. Declaratis iam dua-
 bus partibus huius distinctionis, ad tertiam exponendam ut acce-
 damus iustum uidetur, ubi Magister ex animi sententia intendit
 edocere, quo modo Spiritus sanctus à nullo alio, nisi à Deo dari
 possit.

possit. Nā si ab alio, procul dubio esset creatura, at hoc fieri nequit: igitur neq; Spiritus sanctus à creatura vlla, quantacunq; fulgeat, siue resplendeat sanctitate poterit conferri. Confirmari hoc idem pōt, quoniam si Spiritus sanctus posset dari à creatura, tunc creatura esset creator, & Deus, sed hoc est impossibile: igitur, & nulle primum dicere. Præterea, si Spiritus sanctus posset dari, siue cōferri à creatura, tunc ab illa pcederet, at hoc est falsum: nō ergo Spiritus sanctus ab alio, quā à Deo dari dicitur. Sed vos ingenio pollentes dicetis: nonne legitur apud Apostolum Paulum ad Gal. iiii. Qui tribuit vobis Spiritum sanctum, & operatur virtutes in vobis ubi Apostolus videtur dicere, se Spiritū sanctum tribuisse: igitur ab aliquo alio ab ipso Deo poterit dari Spiritus sanctus. Ad hoc velim dicatis, quod ad Pauli concionem datus fuit Spiritus sanctus, sed hoc instrumentaliter, sub quo sensu à viris sanctis, & ab Ecclesia conferri non negatur. At principaliter à Deo, à quo procedit. Et hæc satis.

VTRVM IN DIVINIS DETVR PRO-
CESSIO TEMPORALIS, ETC.

Lectio L.

B Reuerentis amator, de quesitis quatuor occurrentibus circa prædeclaratam Magistri sent. distinctionem, duo tantum paucis uerbis vobis exponā, querendo in primis, Vtrum in diuinis processio temporalis concedenda. Deinde: Vtrum hæc in numerum ponat cum æterna. Quantum ad primum, rationibus quibusdam

quibusdam est probandum in diuinis Spiritus sancti processionem temporalem non esse admittendam: illud enim, quod temporaliter procedit, ex tempore incipit esse, sed Spiritus sanctus non incipit esse, ex tempore, non ergo temporalis processio concedenda erit. Præterea, sicuti Spiritui sancto procedere competit, ita filio generari: sed filius non dicitur genitus temporaliter, nisi ratione naturæ assumptæ, quam Spiritus sanctus non assumpsit: igitur, nec dicendum, quod temporaliter processerit. Tertiò sic instatur. In diuinis non est mobile, nec extraneum: igitur neque processio temporalis. In oppositum se habet Magister in textu. propterea pro determinatione ueritatis, primò quid per processionem intelligendum sit, uelim notetis. Processio ergo temporalis illa dicitur, persona à persona emanatio, ad sanctificandam creaturam per aliquid in ipsa creatum. Vnde quatenus Spiritus sanctus à Patre, & filio æternaliter procedit, illius processio æterna est. At quatenus dicitur procedere, ut nouo modo sit in creatura, quæ temporalis est, & noua, iccirco talis processio temporalis nuncupanda. His ita dispositis, argumentis formatis non erit difficile respondere: dum itaque primò dicebatur: omne quod temporaliter procedit, &c. habet hæc maior propositio concedi, quando illud, quod temporaliter procedit, accipit esse ex tempore, per talem processionem, sed in propositio persona procedens non dicitur habere esse per processionem, ut respicit terminum ad quem, ratione cuius temporalis est, sed bene, ut respicit principium à quo, ratione cuius æterna est, & ita argumentum est nullum. Ad secundum similitudo de generatione filij, & processione interimitur, quia generatio dicit tantum geniti respectum

respectum ad eum, à quo est generatio, quod est principium communicandi naturam ipsi genito, & ideo non ponimus nisi duas generationes in filio, secundum duas naturas, scilicet diuinam, & humanam. At processio non solum dicit habitudinem procedentis ad principium à quo procedit, verum et ad terminum in quem procedit; & quia iste terminus temporalis est, vel esse potest, ideo ratione eius processio dicitur temporalis, quamquam procedens nullam per hoc temporalem accipiat naturam. Tertium argumentum dicitur procedere de processione, quæ est motus localis, quæ in diuinis non ponitur. Et hæc de primo quesito; Cui necesse est secundum, dum queritur: Vtrum Spiritus sancti processio, ponat in numerum cum æterna. Prima fronte mihi videtur, quod sic. Illa enim, quæ ordinem adinuicem habent, in numerum ponunt, sed temporalis processio ad æternam ordinem habet, nam illa posterior, altera prior: ponit ergo in numerum cum æterna; & ita due realiter erunt processionis distinctæ cõcedendæ. Præterea in filio due sunt generationes realiter: igitur processio passiva Spiritus sancti æterna, & temporalis due erunt realiter processionis: quare secunda cum prima ponet in numerum. In contrarium videtur esse tenendum, quod una sit tantum processio, non dua. Pro determinatione igitur huius difficultatis, velim sciatis, præsentem questionem duplicem posse habere sensum: unus est, quod processio temporalis, cum æterna ponat in numerum processionum, ita quod sint due realiter differentes; alio modo considerari potest processio, quod ponat in numerum, non quidem processionum, sed in qualemcumque numerum rerum, vel rei, vel rationis. Primo modo questio si sumatur, ac
intelli.

intelligatur, una tantum processio realiter cum eterna temporalis illa erit; & ratio assignatur, quia processio eterna solum persona à persona exitum dicit, & processio temporalis illud idem, cum nouo tamen respectu ad creaturam, qui respectus secundum se, processio dici minimè potest: nam cum Pater hunc habeat ad creaturam respectum, & ipse quandoq; temporaliter procedere diceretur, quod est falsum. Processio ergo persona à persona, cum nouo respectu ad creaturam temporalis dicitur, & eterna ratione solius primi, & merito secundi temporalis, una tamen ibi est eterna, quae temporalis dicitur ex secundo. Insuper si processio capiatur alio modo, ut puta, secundum qualemcunq; numerum rerum, vel rei, siue rationis, potest dici, quod nec ob id temporalis ponere habeat in numerum cum eterna, quia ibi nihil aliud consideratur, nisi nouus respectus ad creaturam, non noua res, nec noua processio, sed bene noua relatio. Nunc superest, ut argumentis occurramus duobus adductis; & primò ad primum sic, quod ordo temporalis processionis ad eternam, sit solum ratione connotati, ex quo consurgit circa personam diuinam procedentem nouus respectus, licet deinde secundum rationem numerus rei, & rationis, vel eiusdem accepti solum secundum rem, ad se ipsum acceptum, penes nouam rationem. Ad secundum argumentum similitudo negatur de filij generatione. & Spiritus sancti processione: Nam ibi realiter duae sunt generationes, penes naturas diuersas accepta, at non sic euenit in alia parte: quare argumentum nihil contra nos concludit. Et

hæc satis.

VTRVM

VTRVM PER TEMPORALEM PROCES-
SIONEM, SPIRITVS SANCTVS
detur, vel solum eius dona, &c.

Lectio LI.

IN proximo præterito nostro sermone de duobus loquuti sumus: hodierna quoq; die de alijs duobus erit sermo. Nam primo inquiremus: Vtrum Spiritus sanctus per processionem detur, an eius dona; quod non detur, sic doceo. Illud dari dicitur, quod de nouo datur, & nouo modo habetur, sed Spiritus sanctus, secundum se nouo modo non habetur, sed tantum secundum eius dona: igitur, &c. Præterea: Deus per authorem de causis, semper eodem modo se habet ad res, non igitur de nouo Spiritus sanctus potest dari, qui ut causa se habet per comparisonem ad res. In contrarium tamen extat illud Pauli Rom. v. Charitas Dei diffusa est in cordibus nostris per Spiritum sanctum, qui datus est nobis videtur ergo utranq; dari per Apostolum, & Spiritus sanctus, & eius dona. Pro determinatione itaq; huius ardue questionis, tria cōsideranda occurrunt: primū est, quo modo Spiritus sanctus detur cum donis suis, & non sua dona tantum. Alterum est, cum quibus donis, & quibus non. Tertiō, num prius Spiritus sanctus, aut dona eius dentur. Quantum ad primum: Spiritus sanctus non datur ut forma inherens, quia est persona subsistens, bene ut motor, vel ut amicus, vel ut rector, & ut rationalis creatura tutor, cui solū dari dicitur cū donis gratia perfecte, & cū donis gloria perfectissime, & sic patet secundū. Ad illud verò tertio loco posuū, nū per

per prius Spiritus sanctus detur, an dona eius, distinguo de priori, duplex enim datur prius, unum secundum tempus, alterum secundum naturam. Si primo modo de priori loquamur, dicemus, quod ibi non detur prius, neque posterius, dona enim ad beatitudinem pertinentia, semper in actu suo animam perficiunt, de donis autem gratia, & gloria aliter dicendum, nam si secundum naturam prius sumatur, tunc fatendum erit Spiritum sanctum per prius natura dari, quam eius dona. Nunc ad argumenta, & primo ad primum est respondendum: Deum siue Spiritum sanctum, ad creaturam duobus se habere modis: uno modo subiectiue, alio modo obiectiue. Hoc secundo modo absq; sui mutatione per solam mutationem creatura Spiritus sanctus se ad creaturam dicitur habere, non primo modo. Ad secundum argumentum dum dicebatur, qđ Deus secundum authorem de causis, eodem modo se habet ad res, potest dici: hoc debere intelligi, quod in Deo non sint diuersi modi reales subiectiue, quibus se habeat nunc aliter, quam prius, ob id non debet negari, quin ex rerum variatione, ac creaturarum, varia relationes secundum rationem circa Deum obiectiue non consurgant, uti euenit in opposito. Datur ergo Spiritus sanctus non solum in donis suis, sed et in persona sua, ut patet per autoritatem Apost. dicentis ad Rom. Cap. v. Charitas Dei diffusa est in cordibus nostris per Spiritum sanctum, qui datus est nobis. Insuper, ut donum eternaliter procedit, ad donum autem pertinet, qđ detur non solum in alio, sed etiam in se ipso, ut colligitur ex Aug. lib. xv. de trin. Cap. 18. & ultimo. Insuper lib. secundo de trin. Cap. v. sed quo modo datur? Respondetur, quod simul tempore cum suo effectu charitatis,

Et gratia, ut in habente charitatem patet. Datur itaque non solum per essentiam presentiam, et potentiam, sed cooperando ad specialem actum, qui est actus meritorius vite eterne de congruo. Hoc ergo modo Spiritus sanctus datur alicui, non ut forma informans, nec per aliquam mutationem in ipso, sed ut diuinum suppositum assistens cui datur specialiter ad talem actum. His premissis subsequitur alterum enodandum. Num scilicet, Spiritus sanctus dari alicui a Viris sanctis: pro cuius rei solutione, breuibus ut procedam verbis dicam: Spiritum sanctum posse dupliciter dari: uno modo per modum auctoritatis, et principalitatis: alio modo per modum ministerij: si primo modo, a Deo solo, et non ab alio. Si secundo modo, et a bonis, etiam a malis hominibus instrumentaliter dari potest. Et hec de propositis satis.

NVM SPIRITVS SANCTVS, A SE

I P S O D E T U R.

Distinctio XV.

Lectio LII.

Versaturus circa decimam quintam distinctionem (Nobiliss. Auditores) choerentiam primo cum superiori perpendam: insuper ad diuisionem accedam: tertio singulas partes diuisas exponam. Ex quo ergo Magister sent. de temporalis procesionis principio egit, qua Spiritus sanctus datur a Patre, et filio, et suo modo viris sanctis, Nunc inquirere intendit, Vtrum a se ipso detur, vel mittatur. Habita in hunc modum choerentia
ad

ad distinctionis diuisionē accedo, in tria; puncta diuidi posse dico: in quorum primo perscrutatur Magister, Vtrum Spiritus sanctus, à se ipso mitti debeat dici. In secundo qualiter filio mitti conueniat exponit. Postremo, Patrem non posse dici missum insinuat. Circa primum, in uniuersum solet queri. Vtrum Spiritus sanctus possit dici dari, & à se ipso mitti temporaliter; mihi sanè videtur posse dicendum, quòd sic. Nam est Deus, & donum dicitur: igitur ut Deus dat, & ut donum datur. Confirmari hoc pòt in hunc modū: opera enim trinitatis, scilicet Patris, & Filij, & Spiritus sancti, ad extra sunt indiuisa, sed processio, & missio ad sanctificandum creaturā est opus trinitatis ad extra: igitur à tota trinitate, & ex consequenti nō solum à Patre, & à Filio, sed et à Spiritu sancto: idest à se ipso. Rursus, quod Spiritus sanctus mittatur, & à se ipso temporaliter deitur, triplici via probatur, & primò sic, quia ut tetigimus paulò ante opera trinitatis ad extra sunt in diuisa: secundo quia quicquid pòt una persona, potest & altera: si ergo Pater in diuinis potest dare, & mittere Spiritum sanctum: igitur, & Spiritus sanctus poterit se ipsum dare, & mittere. Tercio per simile de filio de quo D. Aug. lib. ii. de trin. dicit, quòd non tantum missus à Patre, & filio, sed etiam à se ipso: igitur, &c. Enodato iam primo puncto, alterum subsequitur, ubi quo modo mitti filio conuenit declaratur. Nam licet semel à tota trinitate in carnem missus sit, frequēter tamen in castas hominum mentes mitti nullatenus negatur, & hoc autoritate beati Aug. dicentis, qđ præter generationē eternā duobus modis missus est, videlicet visibiliter in carnem, & inuisibiliter in mentem. Sed hic
velim

velim notetis, unam missionem differre ab alia: nam missio in carnem semel est facta; missio verò in mentem pluries. Rursus ingenio pollentes forsitan dicetis: qua via poterit pbari, à tota sanctissima Trinitate missum fuisse? huic dubitationi illud Isaia occurrit, ubi per prophetā Christus dicit: Nunc misit me dominus, & spiritus eius. Deinde, qđ à se ipso missus docet D. Aug. lib. ii. de trin. dūm dicit, quòd Mariæ conceptus, & partus opus trinitatis est. Et hęc de duobus punctis. In tertio, & ultimo declaratur, Patrem non posse dici missum, qui enim ab alio non procedit, ut Pater, missus, nec mitti dici poterit. Pręterea quo modo ille mitti dicetur, qui omnis missionis, ac processions author, & principium est? Pater itaq; cum sit talis, mitti, nec missus dicetur. Hic ex dictis apparet quorundam error hęreticorum dicentium filium in diuinis Spiritum sanctum Patre minores esse, eo quia illi duo mittantur, & Pater non. D. Aug. lib. iiii. de trin. illis cōtradicens, his utitur verbis. Non ideo, inquit, arbitrandum est minorem esse filium, quia missus à Patre, nec ideo minorem Spiritum sanctum, quia & Pater eum, & filius misit: siue enim propter visibilem creaturam, siue potius propter principij authoritatem, vel commendationem, non ppter inæqualitatem, vel imparilitatem, vel substantiæ dissimilitudinem in scripturis hęc posita intelliguntur: quare non ideo Pater dicitur misisse filium, vel Spiritum sanctum, eo quia ille maior sit, & ipsi minores, sed maximè propter principij commendandam authoritatem.

Et hęc satis.

130 IO. PAULI PALANTERII
VTRVM MITTI ALICVI DIVINAE
PERSONAE CONVENIAT, ETC.
LECTIO LIII.

Scolastici Doctores multum circa distinctionem presentem
immorari solent considerantes primò. Num mitti alicui di-
vine personae conveniat. Insuper, utrum soli conveniat Spi-
ritui sancto. Circaprimum, mihi procul dubio videtur esse dicen-
dum, quod mitti alicui divinae personae minimè conveniat: nam in
divinis nihil pertinens ad inferioritatem ponendum est, sed missio
respectu mittentis quandam dicitur importare inferioritatem, in
divinis ergo propter hoc missio concedenda non erit. Preterea missio,
ut norunt docti, separationem missi à mittente importat, at divinae
personae ab invicem minimè separantur, quia una semper est in alia,
ut habetur apud Ioan. xiiii. igitur, &c. In contrarium se habet
illud Ioan. viii. & ad Gal. iiii. ubi dicitur. At ubi venit pleni-
tudo temporis, misit Deus filium suum: igitur mitti alicui divinae
videtur convenire personae. Pro intellectu itaque, ac determina-
tione huius questionis tria consideranda erunt, & primò, quid
nomine missionis importetur. Insuper qualiter divinis competat
personis. Tertiò quo modo à processione, & à datione differat.
Quantum ad primum, sciendum est, quod in creaturis, ex quibus
transferimus nomina ad divina, missio dicitur esse motus, vel exi-
tus alicuius ab aliquo accipientis auctoritatem, siue potestatem ad
aliquid agendum, vel dicendum, quo modo legatus missus à Pon-
tifice, vel nuncius à domino. Dicitur et telum mitti à proiciente,
siue

siue iacente, eo q̄a ab eo virtutē recipiat percutiendi. Hic tamen
 notandum est, qđ in his oībus imperfectionibus multae inueniuntur,
 ut motus, & mutatio, separatio, & authoritatis acceptio, aut po-
 testatis diminutio: quibus oībus imperfectionibus semotis ab his,
 tunc in diuinis misio dicitur exitus unius ab altero absq; muta-
 tione, & locali separatione accipientis virtutem eandem, & eque
 perfectam ad aliquid agendum, ex quo patet secundum in ordine,
 quod est propositum, principale, videlicet in diuinis exitum dari
 personae à persona, secundum originem absq; omni mutatione, &
 locali separatione, eiusdem tamen virtutis ad creaturam sanctifi-
 candam, sub quo sensu in diuinis misio conceditur. Circa tertium
 in ordine considerandum erit, quo modo haec tria differant, vide-
 licet, misio, datio, & processio. Nam processio dicit exitum per-
 sonae à persona, & hoc modo filij generatio dicitur processio, &
 Spiritus sancti ab utroq; similiter. Misio verò personae missae ab
 aliqua alia originem importat, & in hoc cum processione cōuenit,
 quae semper nouum effectum importat in creatura. Postremò, &
 ultimò datio non videtur originem importare in dato: nam idem
 se ipsum dare pōt modo, quo p̄sona diuina datur. His ita dispositis,
 argumenta formata de facili ruent. Dū ergo primò dicebatur, qđ
 misio importat inferioritatem in misso, quae non conceditur in di-
 uinis: quare, &c. Ad hoc potest dici, qđ argumentum concludat
 in creaturis, at non in diuinis. Nam licet in diuinis mitti signum
 sit authoritatis, & principij in vno respectu alterius: ibi ob id nō
 conceditur superioritas, vel inferioritas. Ad secundum argumen-
 tum, quādo dicebatur missionem misis separationem à mittente im-

portare, &c. Potest concedi maior de missione creaturæ, non de missione Spiritus sancti. Et hæc de primo quesito. In altero soles queri. Vtrum soli Spiritui sancto conueniat mitti. Mihi certè videtur esse dicendum, quod toti conueniat trinitati, quoniam oīs Dei relatio ad creaturas est communis tribus, at missio dicit ad creaturas relationem, quibus fit missio: venire ergo ad creaturas tribus cōmune erit personis, nec nō, & mitti. Præterea, dari tribus commune est personis, nam inquit D. Aug. quòd quilibet persona dat, & datur: igitur, & mitti. Pro certitudine huius difficultatis velim primò sciat, quòd filium mitti, nihil aliud est, quàm ipsum cognosci, quod à Patre sit. Insuper, Spiritum sanctum mitti, est manifestari, & cognosci, quod à Patre sit, & à filio procedat. Mitti ergo nil aliud est, quam manifestari, & est commune tribus diuinis personis. At si mitti sumatur p̄ manifestari, ac procedere, tunc tribus hoc non erit commune personis. Vt iterius notetis, quòd mitti, & venire mutationem in diuinis localem minimè dicit, nec missi à mittente separationem, quilibet enim persona ubique est: quare persona diuina mitti, & venire dicetur, non tamen desinendo esse, ubi prius erat, aut incipiendo esse, ubi prius simpliciter nō erat: benè dici poterit, quod nouo modo incipiat esse, videlicet per gratia inhabitationē in creatura, in qua prius per essentiam, presentiam, & per potentiam erat. Nunc ad primum argumentum ut respondeamus, minor glosanda erit, nam missio præcisè nō dicit relationem ad creaturam, sed etiam connotat relationem æternam: quare non concludit contra nos. Ad alterum in ordine secundum consequentia interimitur, & ratio assignatur, nam venire, & dari,

dari, non sic connotant relationem procesionis eterna, sicut mitti. Hinc colligere debetis, quod missio passiva filio tantum, & Spiritui sancto conveniat, at activa missio communis tribus personis est. Et hoc satis.

Lectio LIIII.

Illud preterea dubitatione dignum incidit, cum superius facta sit mentio de relatione trinitatis ad creaturas: nū relationes aliqua reales in Deo sint ponenda. Insuper, Num missio activa possit dici actio immanens, vel transiens. Ad primum sic proceditur, quod in Deo non debeant admitti relationes aliqua reales, dicit enim Boetius lib. de trin. quod, cum quis predicamenta in divinam verterit predicationem, cuncta mutantur in substantiam, quae predicari possunt: ad aliquid vero non videtur posse predicari: igitur relatio realiter in Deo non erit. Insuper Boetius in eodem libro dicit, quod similis est relatio in trinitate Patris ad Filium, & utriusque ad Spiritum sanctum, ut eius, quod est idem; ad id, quod est idem. At huiusmodi relatio rationis tantum dicitur: igitur relationes, quae in Deo ponuntur, non erunt reales, sed rationis. Ulterius sic instatur. Generatio in divinis dicitur esse secundum intelligibilis verbi procesionem, at relationes, quae consequuntur intellectus operatione, sunt rationis tantum: igitur in Deo non reales ponenda erunt relationes, sed rationis. In contrarium se habet veritas. Nam Pater paternitate dicitur Pater, & Filius filiatione; si igitur paternitas, & filiation non essent in Deo realiter, inno-

Deus non esset realiter Pater, aut filius, sed secundum rationem intelligentiæ tantū, qđ est hēresis Sabelliana. Pro solutione igitur, ac quęstionis determinatione, debetis scire, in diuinis dari verē, & propriē relationes reales: ad cuius euidentiam cōsiderandū est, in his, quę ad aliquid dicuntur, inueniri aliqua secundū rationem tantū, & non secundum rem, qđ tamen nō est in alijs generibus, quia alia genera, ut quantitas, & qualitas secundum rationem propriam dicuntur significare aliquid alicui inherens. Ea verō, quę dicuntur ad aliquid, secundum propriam rationem significant solum respectum ad aliud, quo quidem respectus aliquando dicitur esse in ipsa natura rerum, ut potē quando res aliqua secundum suā naturam adinuicem ordinatę sunt, & inuicem inclinationem habent, tunc oportet huiusmodi relationes esse reales, sicut in corpore graui est inclinatio, & ordo ad locum medium. Vnde respectus quidā est in ipso graui respectu loci medij, & similiter est de alijs huiusmodi. Aliquando uerō respectus significatus per ea, quę dicuntur ad aliquid, dicitur esse tantū in ipsa apprehensione ratione conferentis unū alteri, & tunc relatio rationis tantū dicitur, ut cum comparat ratio hominē animali, ut speciem ad genus. Cum aut aliquid procedit à principio eiusdem naturę, necesse est tunc temporis ambo, scilicet procedens, & id, à quo procedit, in eodem ordine conuenire, & sic oportet, quod habeant reales respectus adinuicem. Cum itaq; in diuinis procesiones sint in identitate naturę, necesse est fateri, ibi relationes dari, quę secundum diuinas accipiuntur procesiones. Ad primum ergo dicitur argumentum, qđ Boetius nō negauit relationes reales in diuinis, nisi per modum inherētis

inherentis secundum propriam rationem relationis, quo modo recte dicitur de Deo non predicari: non tamen subterfugi debet, quin ibi sint relationes per modum ad aliud se habentes. Ad secundum respondetur, quod datur duplex identitas, una, in numero qua consideratur, altera in natura. Hoc secundo modo Boetius loquutus est loco citato, & non primo: quare argumentum de identitate habet concedi penes naturam, sed negari penes numerum, quo modo nos hic loquimur de relationibus diuinarum personarum. Ad tertium argumentum, minor propositio sic debet intelligi, quod illa, qua solam rationem, siue intellectus operationem in ipsis rebus intellectis tantum consequuntur, dicant rationis relationem tantum, quia ratio eas adinuenit inter duas res intellectas. At illa relationes, qua consequuntur operationem intellectus, qua sunt inter verbum intellectus procedens, & illud, a quo procedit, non debent dici relationes tantum, sed rei, quia ipse intellectus, & ratio est quaedam res, & realiter comparatur ad id, quod procedit intelligibiliter, sicut res corporalis ad id, quod corporaliter procedit, & ita paternitas, & filiatio sunt relationes reales in diuinis. Explanato iam primo dubio succedit alterum de missione actiua. Num debeat dici actio transiens, vel immanens. Pro cuius intellectu arbitror distinguendum esse de significatis ipsius actionis: tribus enim solet accipi modis: uno modo, ut est de genere qualitatis, & sic dicitur immanens, ut intellectio, & volitio, tales enim actiones sui termini in esse reali productiue non sunt, sed tantum in esse obiectiue. Altera est de genere relationis, ut dictio actiua, qua intellectio est productiua. Tertiò dicitur actio de genere actionis, ut est im-

pressio actus intelligendi in intellectu possibili, ubi respectus transmutantis ad transmutatum, vel agentis ad passum importatur. Ista dua ultima dicuntur actiones transeuntes, eo quia dicunt respectum ad terminum, ut productum, vel passum, & non quia sint in alio, quam in agente, ois enim actio formaliter est in agente. Dicitur ergo debent actiones transeuntes, non formali transiitione, sed terminatiua tantum. His ita ordinatis, septem nunc conclusiones sunt ponenda. Prima est. In Deo non est actio, neq; passio ad intra, loquendo tamen de actione de genere actionis: & ratio assignatur, quia ibi in diuinis non est recipere, neq; recipi; nec id mirum uobis debet uideri, quia oia diuina sunt subsistentia, & actus purus. Altera conclusio. In diuinis ad extra conceditur respectus actionis, sed non passionis: Deus enim nihil patitur, sed tantum influit, & causat. Tertia conclusio. In diuinis ad intra est actio immanens, quia Deus intelligit, & diligit se. Quarta conclusio. In diuinis ad extra dicitur esse immanens actio, quia Deus intelligit, & creaturas diligit, quae sibi extrinsecae sunt. Quinta conclusio. In diuinis ad intra est actio transiens, loquendo tamen de actione de genere relationis, quia ibi est dicere, & spirare, quae sunt actiones sui termini productiuae. Sexta conclusio. In diuinis ad extra est actio transiens, quoniam Deus creaturas producit, & conseruat, nec non in ipsis transmutationes facit. Septima, & ultima conclusio. Missio actiua Spiritus sancti est actio transiens ratione connotati, nam talis missio per se duplicem rationis respectum significat, scilicet ad missum, & ad eum, cui fit missio, ex quibus facile patebit, quid pro determinatione huius quesiti sentiendum sit. Et hoc satis.

VTRVM

VTRVM MISSIO SIT QUID NOTIONALE,
VEL ESSENTIALE.

Lectio LV.

NE quid ad nostram pertinens utilitatem silentio omit-
tamus, arbitror hodierna die in dubium reuocandum
illud esse de missione, num quid dicat notionale, aut es-
sentiale. Prima fronte quibusdam videtur quid notionale dicere,
nam id quod uni, vel duabus conuenit personis, & non omnibus,
notionale est, at missio duabus aptatur personis, filio scilicet, &
Spiritus sancto, ita qđ nō omnibus. Pater enim non legitur missus:
igitur missio est aliquid notionale. Preterea Beda in quadam Ho-
melia dicit aperte, quod Spiritus sancti missio est eius processio,
atqui talis processio quid notionale est: igitur & missio. Pro de-
terminatione huius quesiti, quid notionale primò, quid essentiale
secundò, enodandum erit: illud ergo notionale est, quod proprium
alicuius personae unius, vel duarum includit: & dicitur notionale,
à nosco noscis, quia facit notitiam de persona, quantum ad aliquid
pertinens ad personarum distinctionem. Illud verò essentiale nun-
cupatur, quod tribus conuenit personis diuinis ratione essentiae ab-
solutae, vel alicuius attributi absoluti. Quo supposito, videtur posse
dici, qđ in diuinis quaedam nomina dentur purè essentialia, quaedā
alia purè notionalia, & quaedam alia partim essentialia, & partim
notionalia. Purè essentialia, Domini, haec sunt, bonus, sapiens, &
huiusmodi alia. Purè verò notionalia, ut generatio, spiratio, &
similia, partim notionalia, & partim essentialia, sunt includentia
vtrunque,

utrumque sine pluribus nominibus, V. g. missio dicitur exitus persona à persona, sed talis exitus est per originem, qua pertinet ad notionem: igitur missio includit aliquid notionale. Includit quoq; aliquid essenziale, ut patebit rectè intuente, nam missio effectum in creatura importat, & talis effectus in creatura est opus cōmune toti trinitati ratione cōmunis essentia, & potentia, missio itaq; utrunq; includit, scilicet aliquid notionale, & essenziale, qd aut prius, ac principalius includat, ad hoc dici poterit, quod essenziale: essentialia enim, ut norunt Docti, notionalia precedunt. His ita positis, ad argumentum primum potest dici, quod quamvis conueniens uni, vel duabus personis notionale quid importet, ob id nō tollitur, quin etiam possit aliquid essenziale importare, ut sapientia genita, & sic est in proposito de missione. Ad secundum dicitur, quod Spiritus sancti missio sit eius procesio, & quid notionale, nihilominus præter hoc, quid aliud includere, ut puta effectum in creatura quis inficias ire audebit? sed tale est essenziale: quare argumentum iam redditur solutum, & hæc de quesito à nobis non magno verborum apparatu propositio satis dicta sint.

VTRVM ALIQUA PERSONA POSSIT

MITTI A SE IPSA, ETC.

Lectio LVI.

NE quid vitio mihi dari possit assumpta ex verbis Magistri sent. occasione, duo in presenti dubia excitabo: quorum primum. Vtrum aliqua persona possit mitti à se ipsa, vel

vel ab illa, à qua nō procedit. Insuper, *V*trum missio visibilis filio competat. Circa primū, ita *D. Aug.* lib. iiii. de trin. fatur, veluti generari est filium esse à Patre, ita cognosci, filium esse à Patre, est mitti à Patre, sed cognitio ista causari potest à filio: igitur filij missio potest esse à se ipso. Nunc ostendo, quod aliqua persona in diuinis ab illa mitti possit, à qua non procedit, Nam *Esaia* dicitur ex persona filij, Et nunc misit me dominus, & *Spiritus eius*: igitur filius mittitur à Patre, & à Spiritu sancto, sed non procedit à Spiritu sancto: potest ergo una persona mitti ab alia, à qua non procedat. Præterea *Ambr.* libro de Spiritu sancto ait. Filius datus est nobis. Datus est, audeo dicere à Spiritu sancto: igitur, &c. In oppositum se habet *D. Aug.* lib. tertio de trin. dūm dicit, quod ab illo mittitur filius, à quo emanat, at à Spiritu sancto non procedit, sed à Patre, non ergo pōt aliqua persona in diuinis mitti ab illa, à qua nō procedit, nec à se ipsa. Pro determinatione igitur huius difficultatis primæ, unum notau dignū debetis animaduertere, scilicet, nullam personam à se originari, nec se ipsam mittere posse, nisi tamen velit largè loqui de missione, p̄ datione, vel pro qualicunq; liberali communicatione capta, quo modo persona dicetur se ipsam mittere posse. Nam datio in hunc modum considerata, siue liberalis communicatio dati à dante, vel communicati à communicante, originem non importat. Nunc soluenda sunt rationes, & primò prima ab *Aug.* adducta, qua *D. Aug.* non comprehendebat, quicquid ad missionis rationem pertinebat, sed illud tantum, quod consequi ad missionem videtur, nam per effectum in creatura causatum à persona missa, per virtutem, quā habet à per-

sona

sona mittente, tunc per quandam appropriationem possumus in originis illius persona, qua mittitur, cognitionem deuenire: mitti enim dicitur filius, quando in creatura sapientia donū sit. Spiritus verò sanctus dicitur mitti cum dono charitatis, qua charitas Spiritui sancto appropriatur, & hoc quia procedit ut amor, & verbum, ut notitia, cui propterea appropriatur sapientia, non ergo oportet, quòd oīs persona habens super effectum istum autoritatē sit mittens, sed illa sola, quae habet autoritatem super personam, qua mittitur, & super missionis effectum: quare ex dictis sub quo sensu loquutus sit D. Aug. de facili patebit rectē intuenti. Illud verò Esaiā, dicunt quidā, debere intelligi ad literam de missione propheta, propterea in proposito non videtur locū habere. Ex alio latere secundum glosam videtur, quod debeat intelligi de Christo, iccirco debetis scire, filij triplicem dari missionem, in carnem, in mentem, & ad predicationem. Duae primae missiones filio, quo ad personā, & naturam diuinam competere dicuntur, & loquendo de his pōt dici, qđ propriē filius non mittatur, nisi à Patre. Missio verò tertio modo sumpta filio conuenit secundum naturam humanam, super quam habet Spiritus sanctus autoritatem, hinc filius ratione humana natura dici pōt à Spiritu sancto missus, & à se ipso, quia Christus ratione naturae diuinae, super se ipsum habet autoritatem secundum naturam humanam. Ad illud Ambr. ex dictis poterit responderi, si dixerimus: aliud esse dare, & aliud propriē loquendo mittere, quolibet enim persona se ipsam pōt dare, mittere autē non. Et hoc de primo dubio. Subsequitur alterū, dūm quæritur. Vtrum inuisibilis missio filio in diuinis competat. Circa questionem

questionē hanc, ut video, multa dicenda essent, verū, quia studeo breuitati, & vilitati, propterea tria in ordine pręmittā, ex quibus apparebit, quid sit tenendum. Primum igitur respicit, qđ quid est inuisibilis missionis. Alterū est, qualiter filio cōueniat. Tertium, & ultimum respicit inuisibilem filij missionem per comparationē ad illam Spiritus sancti inuisibilem missionem. Quantum ad primum, de quod quid est missionis, quid sim dicturus audite, missio enim, ut alias tactum fuit, nihil aliud est, quā exitus unius personę ab altera, cui si addatur visibile signum, missio visibilis dicitur, ut visio columbę. siue missio super Christū in suo baptismo: per priuationē uerō huius exterioris signi visibilis, tunc inuisibilis dicitur, & hec nil aliud est, quā missio personę a personā ad sanctificandam creaturam solo interiori opere, absq; signo exteriori visibili, & apparenti: & ita de tribus a me propositis iam primū patet. Circa secundum debetis scire, qđ inuisibilis missio uidetur filio competere, sicut Spiritui sancto. Nam, ut dona uoluntatem perficientia ascribuntur, siue Spiritui sancto appropriantur, sic dona intellectum perficientia ipsi filio: filius enim per modum intellectus procedit, & Spiritus sanctus per modum uoluntatis, sed Spiritus sanctus mitti inuisibiliter dicitur, cū dona alicui dantur perficientia uoluntatē absq; signo visibili, ut charitas, &c. igitur & filius inuisibiliter mitti dicitur, cum alicui absq; signo visibili dona intellectum perficientia dantur, ut sapientia, & huiusmodi. Quantū ad tertium, filij inuisibilis missio, & Spiritus sancti collata adinuicem duobus habent considerari modis: uno modo, quantum ad realem diuersitatem, alio modo, quantum ad actualem separationem:

parationem: si primo modo, realiter differunt: missio enim duo includit, videlicet exitum personæ à persona: Insuper effectum causatum in creatura, & quo ad utrunque, filij missio realiter differt à missione Spiritus sancti: nam generatio, qua filius exit à Patre, alia est à Spiritus sancti processione, qua exit ab utroque; deinde donum, quod perficit intellectum, ut sapientia, dicitur aliud à dono, quod perficit voluntatem puta à charitate: quare, &c. At si comparentur, quantum ad actualem separationem, tunc erit dicendum, quod una missio nunquā sit sine alia, cuius ratio assignatur, quia amor notitiam supponit: quare Spiritus sanctus nunquam missi dicitur sine filio. Et hæc satis.

DE MISSIONE SPIRITVS SANCTI, ETC.

Distinctio XVI.

Lectio LVII.

Satis superq; de Spiritus sancti temporali processione una cū Magistro sent. in superioribus sermonibus nostris verba fecimus. Nunc oratio dirigenda est ad eius missionem visibilem, de qua acturi tria peculiariter perpendemus. Spiritum sanctū primò visibiliter esse missum. Insuper filij, & Spiritus sancti missiones qualiter adinuicem se habeant. Demum quo modo per has missiones filius, & Spiritus sanctus se habeant ad Patrem. Circa segmenti primi explanationem hanc conclusionē ppono. Spiritus sanctus duobus dicitur modis missus, scilicet visibiliter ad filij modum, & inuisibiliter. Num res ita se habeat, queso audite. Nam Spiritus

Spiritus sancti temporalis missio quid est, nisi creatura sanctificatio? sed creatura sanctificatio duobus fieri solet m. dis: igitur Spiritus sanctus dupliciter missus dici debet. Minor, quia apud nonnullos suspecta posset videri, propterea à simili habet manifestari. Ut ergo filius duplici via missus, in carnem visibiliter, & in hominum mentes castas inuisibiliter, ita Spiritus sanctus visibiliter apparuit in linguarum ignearum specie in die pentecostes, alijsque vicibus in columbae specie; insuper quotidie fidelium mentibus inuisibiliter illabitur. Sed dicetis, visibilis illa Spiritus sancti missio quid fuit? ad hoc respondetur, quod nil aliud fuit, nisi quaedam ipsius apparentia, vel manifestatio in corporali creatura, tanquam in manifestationis signo, ut inducit in textu Magister sent. & auctoritate beati Aug. probat. Exposito his, & enodato paucis verbis primo puncto de tribus propositis, succedit alterum dilucidandum, ubi Magister conferendo Spiritus sancti, & Filij missiones adinuicem qualiter se habeant, perbellè docet: nō ergo Spiritus sanctus minor realiter tota trinitate dicendus propter ipsius visibilem missionem, sicut filius propter suam, non enim Spiritus sanctus columbam assumpsit, ut columba esset, sed ut in ea tantum appareret, nec non ut per eam inuisibilis missio insinuaretur; filius autē humanam naturam assumpsit, non solum ut in ea appareret, verum etiam, ut homo esset: quare filius secundum visibilem illam missionē minor dicitur non solum Patre, sed et se ipso, & angelis, ut ibi patet, Minuisti eum paulò minus ab Angelis, &c. Ad quod corroborandū extant multae auctoritates in textu Magistri, quas ut laconicè procedam, in presenti missas facio. Et hęc de duobus segmentis.

segmentis. In tertio enucleando, & ultimo, qualiter scilicet filius, & Spiritus sanctus, penes has missiones se habeant ad Patrem, est ita dicendū, quod Pater autoritate donationis maior sit filio sibi essentialiter equali: nec id mirum vobis videri debet: nam apud Hylarium nono de trin. hæc verba proposito nostro inferuentia leguntur. Donantis autoritate Pater est maior, non tamen per doni confessionem filius debet dici minor, licet donans sit maior, quo enim modo minor ille est, cui unum esse donatur? ait etenim, Ego, & Pater meus unum sumus. Et hæc de segmentis tribus.

VTRVM SPIRITVI SANCTO VISIBILIS

COMPETAT MISSIO, ETC.

Lectio LVIII.

NE quis nos ignavia merito accuset, non timebimus hodie diurna die quesita duo ex prædeclaratis originem ducentia proponere, illaq; excutere, primum quorū erit. *Vtrum Spiritui sancto visibilis missio competat. Alterum, Vtrū scilicet talis Spiritus sancti visibilis missio Christo fieri debuerit. Circa primum, rationes pro parte negatiua quedam formari posse videntur, quarum prima sic. Filius propter naturam, in qua visibiliter missus est, Patre minor dicitur, ut Io. xiiii. legitur. Pater maior me est. At Spiritus sanctus minor Patre minimè dicitur, non ergo visibiliter missus: quare, &c. Præterea, per missionem persona diuina nouo modo dicitur esse in creatura, at Spiritus sanctus nouo modo nequaquā fuit in illis creaturis, in quibus visibiliter apparuit,*

apparuit, sed tantum eo modo, quo communiter est in oibus rebus, scilicet p̄ essentiam, per potentiam, & per presentiam: igitur dici nequit, qđ in illis visibiliter sit missus. In oppositum se habet illud Io. xvi. dicentis: Cum venerit paracletus, quem ego mittam vobis: & loquitur de missione visibiliter facta in Die Pentecostes; Spiritus ergo sanctus dici debet visibiliter missus. Pro determinatione itaq; rei in dubitationem uocata tria videnda erunt: in primis quid sit missio visibilis, deinde ppter quid sit, vel ad qđ sit utilis, inde tertio propositum patebit. Quantum ad primum, est sciendum, quod missio visibilis super missionem absolutè captam signum visibile addit, sed missio exitum personæ à persona ad aliquid causandum in creatura denotat, nec non oīa ista includit missio visibilis: iccirco ob tale signum visibile missio visibilis nuncupatur ex quo de facili inter apparitionē, & visibilem missionem differentia colligi poterit: apparitio enim personæ diuinæ solum manifestationem per visibile signum dicit: unde cuilibet cōuenire personæ pōt. At missio tantum personis ab alio exeuntibus, ut sunt filius, & Spiritus sanctus. Quantum ad secundum attinet, intelligendum venit, quod oīs missio tam visibilis, quàm inuisibilis propter gratiam fiat, & hæc duplex est: psonalis scilicet, & causalis, siue universalis. Illa personalis personā respicit secundum se ipsam. Altera verò respicit personam in ordine ad aliam. Si de prima loquamur, tunc dicetur ad hanc inuisibilem ordinari missionem, quæ ad solam creaturæ sanctificationem, cui fit missio. Propter secundam missio visibilis fit ad doctrinam fidei confirmandam, utilis igitur missio visibilis. Ex quibus omnibus tertium clarum apparet, qđ Spiritui

sancto uisibilis missio competat, & hoc ad mysterium gratia significandum acceptum. Nunc diluenda ueniunt argumenta, & primi dubij erit finis. Ad primum ergo similitudo negatur de filio, & de Spiritu sancto, nam filius, si Patre minor est, hoc habet, quia naturam assumpsit humanā, at Spiritus sanctus non, immò semper fuit distinctus suppositaliter à creatura, cui apparuit, & sic primum argumentū ruit. Ad secundum minor potest negari, ut falsa, quia Spiritus sanctus, ut persona diuina, dicitur esse de nouo in creatura uisibili, sicut in signo manifestatio inuisibilis missionis. Et hoc de primo dubio. Ad secundum accedo, & quero. Utrum Spiritus sancti uisibilis missio debuerit fieri Christo, siue ad Christum. Pro parte negatiua arguunt quidam primò ita dicentes, uisibilis missio signum est interioris missionis inuisibilis, at ad Christum inuisibilis missio minimè facta fuit, nisi forte in primo illo instanti sua conceptionis: igitur postea ad ipsum uisibilis fieri non debuit: quare, &c. In oppositum se habet illud, quod legitur de Christo: Super quem facta fuit in specie columbæ missio. Pro responsione igitur eorum ratio, quæ sunt ad finem, sumenda erit ex fine: finis uerò uisibilis missionis dicitur cognitio plenitudinis gratiæ in aliquo, à quo in alios debet redundare, & hoc, ut magis ei credatur. Hinc propterea tria per ordinem apparent: primū est, qđ uisibilis missio ante Christi aduentum fieri non debuit, & ratio assignatur, quia ante tempus plenitudinis gratiæ signum dari non debuit, sed tempus plenitudinis gratiæ in Christi aduentu incepit: igitur ante ipsum missio uisibilis fieri minimè debuit. Et licet in ueteri testamento legatur, quod filius, & Spiritus sanctus apparuerint: nun-

quam

quam tamen leguntur uisibiliter misſi. Alterũ in ordine ſecundum conſideratione dignum eſt, quod miſſio uiſibilis modo fieri non deberet, & ratio eſt, quia nunc fideles ſumus, & fidelibus loquimur, qui non egent argumentis fidem probantibus, ſicut tunc temporis. Demum notandum eſt, quod miſſio uiſibilis ad aliquam mulierem fieri non debet, & ne quis ueſtrum id in caſſum prolatum exiſtimet, ſic declaratur, miſſio enim uiſibilis fieri ſolet ad gratiæ in alios redundantiam ſignificandam per miniſterium ſuum, ſue per prædicationem ſuam, at mulieri non permittitur prædicare, aut docere, iuxta illud primæ ad Thim. ii. Mulierẽ in Eccleſia docere non permitto: igitur nec miſſio uiſibilis ad mulierem debuit fieri, niſi fortè ex ſpeciali priuilegio. Nunc ſuper eſt argumentum ſoluere, deinde ad alia properare. Dicitur ergo ad primum, & unicũ argumentum, quod miſſio Chriſto pro tempore facta fuit, quo per ipſum in nos gratia diffundi debuit, & non in inſtanti ſua conceptionis, quãdo ad eum miſſio inuiſibilis facta fuit. Hęc in tantũ.

VTRVM SPECIES, IN QVIBVS SPIRITVS
S ANCTVS APPARUIT, FVERINT

veræ res.

Lectio LIX.

R Emanent adhuc (Nobiliſs. Auditores) duo in dubitationem uocanda: quorum primum ſic ſe habet. Vtrum ſcilicet ſpecies, in quibus Spiritus ſanctus apparuit, fuerint ueræ res. Insuper quæritur. Num in diuinis Pater filio maior

dici possit. Quantum ad primū, pro parte affirmatiua sic arguitur,
 Spiritui veritatis aliqua fictio minimè conuenit, at Spiritus san-
 ctus est ueritatis: igitur sibi non conueniebat apparere sub specie-
 bus, quæ non essent ueræ res. Deinde uox, quæ audita fuit super
 Christum baptizatū, uera fuit, alioquin non immutasset auditum:
 à simili ergo columba, quæ apparuit, uera fuit; res itaq; uera fuerūt
 illæ, sub quibus, uel in quibus Spiritus sanctus visus est, siue appa-
 ruit. Ex alio latere totum mihi uidetur oppositum esse dicendum,
 nam uerus ignis uerè est comburit, nisi miraculosè impediatur, ut
 factum fuit de tribus pueris in fornace ignis ardentis. At linguae
 igneæ, quæ Apostolis apparuerunt, aliquid minimè combusserunt, nō
 igitur ueræ res fuerunt. Pro intellectu huius prima difficultatis
 duo mihi considerata occurrunt: Primum est, in quibus uisibilibus
 missio fuerit facta speciebus. Alterū est. Vtrum species illæ fue-
 rint ueræ res, nec ne. Quantum ad primum, dicitur, quod apparuit
 in forma columbæ, nubis lucidæ, in specie flatus, & in forma ignis.
 Primò in forma columbæ, in signum redundantia gratiæ; columba
 enim animal ualde secundum dicitur. Insuper, in forma nubis lu-
 cidæ, cuius est lumen suum diffundere, & spargere ueluti Docto-
 rum lumen Doctrinæ est diffundere. In forma præterea, siue in
 specie flatus, ad gratiæ diffusionem insinuandam, per eos faciendā,
 per sacramentorum administrationem: Vnde eis est dictum: Quo-
 rum remiseritis peccata, remittuntur eis: &c. Vltèrius in forma
 ignis, Vt essent uerbis perflui, & charitate feruidi, suam, & alio-
 rum zelantes salutem: & sic habetis, quare Spiritus sancti missio
 in prædictis facta sit, uidelicet, in nube lucida, in linguis igneis;

Et in fluvio. Circa secundum, Vtrum fuerint vera res, nec ne, certitudinaliter sciri non pōt, & ratio assignatur, quia questio est de facto; si verò de possibilitate foret, difficile tunc temporis nō esset respondere, potuit enim Spiritus sanctus in vera columba apparere, & sic in alijs. Nunc rationes diluenda sunt, pro quarum solutione scire debetis, quod aliquid esse vera res, duobus habet considerari modis: uno modo extra, alio modo in imaginatione: si primo modo, tunc debet dici, quòd illę Species in re extra res vera fuerunt; scilicet extra existentes; alio modo in imaginatione tantum, non in re extra, quo modo presens questum non sumitur: nā extrares vera erant, licet in imaginatione tales non essent, quales apparebant. Ex his ergo, quid ad rationes dicendum, patere potest: prima enim dua volenti primum tenere modum iam clara. Secundum aut alium tenentes modum, tunc ad argumentum in oppositū esset dicendum: fuisse miraculum, qđ ignis, qui sedit super discipulos, nihil combussit. Et hęc de primo questio. Cui succedit alterum, dūm queritur. Vtrum Pater sit filio maior. Hylarius aperte, & expresse circa negotium hoc ad partem affirmatiuam declinat; igitur erit filio maior. In contrarium verò se habet in Symbolo Athanasius, dūm dicit, qđ In hac trinitate, nihil maius, aut minus. Pro determinatione igitur huius negotij scire debetis: Hylarij verba in arguendo inducta fuisse: nam certum est, quòd propriè loquendo, Pater maior filio dici nō potest, ibi enim est una summa bonitas, & infinita: quare maius, & minus ibi non erunt, nisi pro ut maius sonat originis auctoritatem, ibi sumatur, quo modo Pater erit filio maior, quia est à Patre vel dicatis; Patrem filio maiorem,

maiores, quantum ad naturam assumptam, sub quo sensu Athanasius in Symbolo loquebatur dicendo: *Aequalis Patri secundum diuinitatē, minor Patre secundū humanitatē. Et hęc de p̄p̄sitiis.*

DE MISSIONE SPIRITVS SANCTI.

Distinctio XVII.

Lectio LX.

DE Spiritus sancti visibili missione sub speciebus creatis ex quo verba fecimus, consequenter nunc de eiusdem missione inuisibili per charitatis infusionē pertractandum: & hęc de nexu presentis distinctionis cum precedenti. Diuiditur deinde presens distinctio in segmenta septem: in quorum primo lemma cum probatione ponitur. In altero instantia quędam diluitur. In tertio conclusio cum rationibus. In quarto altera succedit precedenti. In quinto obijciemus, & soluemus. In sexto occasione noua assumpta, adhuc instabimus; demum quęstiones duas ē medio tollemus. Quantum ad primum, lemma sit hoc. Spiritus sanctus existens charitas, tunc nobis inuisibilis datur, vel mittitur, cum Dei, & proximi in nobis efficit, vel dilectionem talem operatur. Illud enim, qđ nos in Deo manere facit, est sola charitas, & Deum in nobis. At hoc est maximum Dei donum, Spiritus ergo sanctus inuisibiliter nobis dari, ac mitti dicitur, cum Dei, & proximi in nobis dilectionem operatur. At hic velim notetis, qđ hac in parte Magister sent. non tenetur: existimat enim, qđ Spiritus sanctus, qui est amor Patris, & Filij, sit illa charitas, qua se adinuicem

uicem diligunt, & nos Deum, & proximum diligimus, sed allu-
cinatur, quoniam illa charitas, qua se diligunt Pater, & Filius
increata est, & nostra creata: iccirco Magistri sent. opinio nulla.
Explanato primo puncto, accedit alterū in ordine secundum, ubi
ex dictis instantia oritur talis. Si Deus est charitas, videtur hoc
intelligi debere per causalitatem tantum: sicut ēi dicitur, Deus est
spes mea, & patientia nostra, quia & spem, & patientiam causat
in nobis: Deus ergo charitas dicetur, quatenus sit causans chari-
tatem in nobis. Huic difficultati ut occurramus, modum hunc lo-
quendi sacra scriptura cōsonum minimè esse, dicemus: nam licet
reperiatur Deus est spes mea, & patientia mea, cum tali additio-
ne: nullibi tamen inuenitur iste modus loquēdi: Deus est charitas
mea, sed benè absolutè, Deus est charitas, in signum, qđ Deus est
essentialiter charitas. Accedit insuper his punctum tertium hac
conclusionē contentum. Spiritus sanctus, qui charitas est, in nobis
augeri, vel minui, secundum qđ in ipso proficimus, vel deficimus,
catholicè non debet negari. Quod sic probatur: illud enim, quod
communiter concessum est, & in sacra scriptura reperitur, catho-
licè teneri pōt, atqui Spiritum sanctum augeri, vel minui, secundū
quod in ipso proficimus, vel deficimus, est huiusmodi, propterea ca-
tholicè non debet negari. At ingenio pollentes video hic uos dubi-
tare posse, sub tali verborum forma. Si consonum foret sacra scri-
ptura dicere, Spiritum sanctum augeri, & minui in nobis, hoc
quoq; dissonū non esset, Spiritum sanctū augeri, & minui, sed hec
ualde absurda sunt, nō ergo Spiritus sanctus dici debet augeri, &
minui in nobis. Pro certitudine huius difficultatis uelim sciatis: ly,

augeri, & minui ad duo posse referri, vel ad Spiritus sancti essentiam, vel ad nos. Si primo modo, certum est, quod secundum se, & in se, Spiritus sanctus nec dicitur augeri, nec minui. At si quo ad nos, tunc augeri in nobis, & minui potest dici. Dum verò dicitur dari non habenti, hoc ob id minimè fit, ut alicubi incipiat esse, ubi prius non esset, quia ubiq; est, sed quia alio modo incipit ibi esse, id est nouo modo, qualiter prius non erat. Pro confirmatione huius veritatis in textu Magistri sent. extant multe auctoritates. Et hæc de tribus segmentis. In quarto habetur hæc positio. Spiritus sanctus diligendi actum per se ipsum sine virtute media operatur in nobis. Ad probandam quam positionem Magister uti videtur eodem argumento contra prius dicta, qd Spiritus sanctus sit charitas. Si ergo dilectio, qua nos Deum diligimus, non videtur esse dilectio, qua nos diligit Deus, non itaq; charitas, qua nos diligimus Deum, erit Spiritus sanctus. Consequentia tenet pro tanto, quia dilectio, qua nos diligit Deus, est Spiritus sanctus, & illa, qua nos Deum diligimus, cum non sit eadem; ideo charitas nostra non erit Spiritus sanctus. Ad qd confirmandum posset adduci beati Aug. testimonium, ut in textu Magistri habetur, nam visus est velle dicere, qd alia sit charitas, qua Deus diligit nos, & alia, qua nos diligimus Deum. Et hæc de quatuor punctis. In quinto adhuc contra idem instantia talis adducitur. Nihil est à se ipso, sed charitas est à Spiritu sancto, non ergo charitas est ipse Spiritus sanctus: minor Aug. auctoritate declaratur, quia fatetur. Dilectio, qua Deum diligimus, est à Spiritu sancto, sicut fides, qua in Deum credimus. Proposita difficultate, nunc ut diluatur una cū Magistro in-

textu

textu dicemus: nullum esse inconueniens, idem esse à se ipso: non tamen simpliciter, sed quatenus nobis à se ipso datur, sub quo sensu, loquebatur D. Aug. dum dicebat, quòd charitas à Spiritu sancto est, & quòd ipsa charitas est ipse Spiritus sanctus, diuersimodè tamen, nam Spiritus sanctus est charitas dans, & nostra dicitur data. His sexto loco noua accedit dubitatio, siue instantia, nam nulla animi affectio essentialiter dicitur Spiritus sanctus, sed charitas, qua nos diligimus Deum, sic se habet, non ergo erit Spiritus sanctus; minor patet per Aug. ita dicentem, qd charitas est animi motus. Ad hanc instantiam dici pòt, qd charitas sit animi motus effectiue, quatenus nos ad Deum diligendum mouet. Nec id misù vobis uideri debet, quòd charitas, qua Spiritus sanctus est, animi motus dicatur, cū de ipsa diuina sapientia legatur, qd su mobilior omnibus mobilibus: nam actiue sic: Passiue non. Demum ut manus extrema huic distinctioni imponatur, duæ questiones proponuntur, atq; soluentur. Queritur ergo primò. Cur Spiritus sanctus non ita benè dicatur mentis affectio ad credendū, & sperandum, sicut ad diligendum? ad hanc primam è medio tollendam questionem scire debetis, quòd Spiritus sanctus dicitur operari alios actus, & virtutū motus mediata, id est mediantibus habitibus infusis, V. g. ut credere mediante habitu fidei, & sperare mediante habitu spei, alios verò per se, & immediatè absq; habitu quocunque, ut actū diligendi. Nunc ad formam difficultatis prima debet dici, qd ibi non benè, & rectè affectio animi ad credendum, vel sperandum pòt Spiritus sanctus nominari, quoniam mediata operatur, at hic immediatè; rectius ergo hic, quàm ibi animi affectio debet dici.

Accedit

Accedit altera questio. Vtrum per donum, quod est Spiritus sanctus, oīa alia dona dentur? Magister ut respondeat, quod sic, videtur fateri: negat tamen, quod omnes, qui Spiritum sanctum habent, omnia dona habeant, sed aliqui illa, & aliqui ista, quae in parte Magister sent. nō probatur, nec rectē satisfacit dubitationi. Dicamus igitur nos unā cum Aug. in lib. xv. de trin. per donum, quod est Spiritus sanctus, omnibus membris Christi multa dona diuidi, non enim singuli quinque omnia habent, sed hi illa, & alij alia, prout spiritus vult: Et hęc de tota distinctione satis.

VTRVM CHARITAS PONENDA SIT,
HABITVS CREATVS, ETC.
Lectio LXI.

IN animum induxi meū hodierna die pro vberiori doctrinā eorum, quae tacta fuere à Magistro sent. duo examinare questita, & primò. Vtrum de necessitate charitas sit ponenda habitus creatus ad hoc, ut homo Deo reddatur gratus, & charus. Insuper, Vtrum gratia habitualis ponenda sit ad merendum corā Deo. Circa primum extant rationes pro parte affirmatiua in medium adducēdæ: quarum prima sic se habet: Nullus de non grato fit gratus, vel de non charo charus, nisi per aliquam mutationem, vel in ipso, vel in altero factam, sed homo fit gratus, non per mutationem factam in Deo: igitur per aliquam mutationem factam in ipso; atqui nulla fieret in homine mutatio, nisi gratia quid creatum poncretur in ipso: igitur charitas, siue gratia, qua Deo grati, vel chari

chari sumus, erit ponenda habitus creatus. Deinde sic arguitur à simili, ut enim à fide quis fidelis, ita à charitate charus, sed per primum fides ponitur quid creatum: igitur & charitas propter secundum ponetur quid creatum. In contrarium dicetis vos, esse Deo gratum quid est, nisi esse dilectum à Deo? at dilectio Dei in Deo est diligente, & non in homine dilecto: ad hoc ergo, quòd homo fiat gratus Deo, non videtur aliquid in eo de nouo creatum, siue causatum, ut actus, vel habitus ponendum. Ad hanc questionem terminandam tria dicenda erunt, & primò, quòd homo possit Deo esse gratus, & charus, antequam gratiam, & charitatem sibi formaliter inherenter habeat. Insuper, quòd ad esse Deo gratum, vel charum necessariò necessitate absoluta non sequatur hominem habiturum quandoq; gratiam, vel charitatem sibi formaliter inherenter. Tertiò quòd ad esse Deo gratum, vel charum necessariò necessitate conditionata (scilicet ex suppositione diuine ordinationis) hominem quandoq; gratiam, & charitatem habitualement formaliter inherenter habiturum sequatur. His ita premissis, nulla difficultas respondendi apparet argumentis. Dùm ergo primò dicebatur, quòd nullus efficitur gratus de non grato, nisi per aliquam in eo mutationem, &c. Ad minorem potest dici: hoc esse verum, quantum ad denominationem extrinsecam, at si consideretur dilectionis actus in Deo, qui est æternus, pculdubio aliter esset dicendum; in via ergo dilectionis effectus, quantum ad dona gratia, cū non sit æternus, propterea minoris propositionis sensus, ut diximus, erit intelligendus. Ad secundum argumentum, negatur similitudo de fideli, & grato, vel charo Deo: nam nullus videtur dici posse
fidelis

fidelis ex sola denominatione extrinseca, sicut gratus, vel charus, eo quia à solo Deo dilectus, & ideo prima denominatio, qua quis fidelis dicitur, aliqd formaliter esse in ipso perficiens ipsum arguit, siue sit habitus, siue actus. At denominatio, qua quis Deo dicitur gratus, siue charus, non exigit, nec necessariò aliquid formaliter inherens homini requirit, per qđ gratus, vel charus dicatur. Sola igitur denominatio extrinseca ex dilectione diuina consurgens illa est, ad quam iuxta diuinũ beneplacitum in nobis aliquid sequitur nos formaliter perficiens. Ad tertium in oppositum dicitur, quòd quamuis Dei dilectio nō in nobis, sed in Deo sit, ex ea tamen fiunt in nobis gratiæ dona, qua Deo sumus grati, & ideo licet à Deo dilectum esse, necessariò gratiam habitualẽ non exigit, ipsa tamen ad diuinam sequitur ordinationem, ut paulò ante diximus. Iam enodato primo quæstio, superest alterum. Queritur ergo secundò, Vtrũ necessariò debeat ad merendum corā Deo habitualis gratia poni. Pro parte negatiua quidam ita ratiocinari videntur. Vt se habet fides ad actum credendi, ita charitas ad actum merendi, at videtur, quòd homo sine fide habituali, & infusa omnia credere possit: igitur sine charitate habituali, & infusa, poterit homo in actum merēdi. Minor declaratur sic, nam quidam hęreticus fide infusa carens, ex articulis multis credit, & eadem ratione omnia credere posset: igitur, &c. Pręterea: actus, qui sunt eiusdem speciei in essendo, sunt eiusdẽ efficacię in agēdo, sed actus diligēdi Deum ex charitate, & actus diligēdi Deũ absq; charitate, sunt eiusdem speciei: igitur, si unus est meritorius, & alius, non igitur charitas ad merendum necessaria; minor, quę posset negari, sic probatur, quoniam

quoniam habitus acquisitus actus precedentes habitus sequentibus sunt similes. Insuper in hunc modum arguitur, si charitas ad meritum, vel propter meritum requireretur, aut esset propter meritum de condigno, aut de congruo: non primo modo, quia apud Deum non meremur de condigno: non de congruo, quia peccator tali merito suam mereitur iustificationem, licet gratia careat: igitur charitas, vel gratia in nobis ad merendum non erit potenda. In contrarium argui potest sic. Omnis voluntatis actus sine gratia, vel charitate pure naturalis est, tunc ex puris naturalibus, si gratia non esset necessaria, mereri possemus, quod sonat heresim Pelagianam: gratia ergo ad merendum erit necessaria ad hanc heresim fugiendam. Pro determinatione igitur huius questionis charitatem increatam, & creatam dari, supponere debetis. Increata est Deus, iuxta illud Io. iiii. Deus charitas est. Creata dicitur esse gratia nobis à Deo collata. Nunc ad argumentum primum respondetur, concedendo similitudinem de illo, qui sine fide infusa credere possit, & sine charitate Deum diligere, negandum tamen est, quod horum actus sit meritorius. Possunt ergo illi & credere, & Deum diligere, sed non meritorie absque gratia, & charitate infusa ex diuina ordinatione supposita. Ad secundum dicitur, quod actus nostri tripliciter possunt considerari: uno modo secundum esse naturæ: alio modo secundum esse moris: quo modo & boni, & mali sunt moraliter. Tertio secundum esse meritorium, ut hic in proposito loquimur: concedi igitur potest, quod quilibet horum actus similes sint, quantum ad efficaciam moralem sibi proportionatam, & dissimiles ex diuina ordinatione, in eo scilicet, quod opus nostrum Deo reddunt acceptum.

ptum, ut vita æterna remunerandum: ideo actus habentis charitatem vita æterna meritorius dicitur, & alius non. Ad tertium argumentum dicendum est, quod nec propter meritum de solo congruo, nec de condigno stricte, ac simpliciter, vel proprie sumpto debeat poni charitas habitualis, vel gratia: at propter meritum, quod est de condigno non simpliciter, sed secundum præsuppositionem ordinationis diuinæ, id est ex suppositione statuti diuini, non autem ex puris naturalibus, ut dicebat Pelagius, possumus de condigno mereri.

VTRVM SECUNDVM NATVRALIVM
PROPORTIONEM CHARITAS DETVR, ETC.
Lectio LXII.

AD merendum coram Deo viso, quæ sit ponendi necessitas charitatem habitum creatum, ex consequenti nunc primo quærendum. Vtrum charitas ipsa detur, ac conferatur secundum proportionem naturalium. Insuper, Vtrum in charitate existens certitudinaliter in ea esse cognoscere possit. Circa primum pro parte affirmatiua arguunt nonnulli sic. Vt ad gloriam se habet gratia, ita ad gratiam natura, at gloria secundum gratia modum, & proportionem confertur: igitur & charitas secundum naturæ proportionem dari debet. Ad huius quesiti euidentiam est primo sciendum, charitatem à duobus pendere, scilicet à Deo influente, & subiecto recipiente, propterea charitatis mensura ex his duobus considerata, contingit etenim charitatem inæqualiter dupliciter dari, uno modo, ex parte Dei influentis (supposita tamen equali dispositione

dispositione subiecti recipientis) alio modo contingit, inæqualiter charitatem dari ex parte recipientis inæqualiter se habentis, quæ inæqualitas penes duo potest attendi, scilicet subiecti naturam, vel eius dispositionem. Si consideretur, quo ad subiecti naturam, dicendum erit, quòd charitas secundum proportionem naturalium minimè detur, at si consideretur, quantum ad subiecti dispositionem, per quã homo aliquæqualiter reddit se charitate dignum, saltem de congruo, tunc dici poterit, infallibiter charitatem dari secundum proportionem conatus ad bonum, & ad Dei amorem. Nunc ad argumentum formatum, neganda est similitudo de gratia respectu gloria, & de natura respectu charitatis, & gratia, quia gratia immediata ponitur dispositio ad gloriam, at natura non sic disponitur ad gratiam, nisi mediante conatu, qui non semper est secundum naturam proportionem, ut aliàs tactum fuit. Et hæc de primo quesito. Cui succedit secundum, dum queritur. Vtrum existens in charitate valeat certitudinaliter se in illa esse cognoscere: pro parte affirmatiua tres solent rationes formari, ab Aug. prima octauo de trinitate sic dicente. Qui diligit fratrem, magis nouit dilectionem, qua diligit, quàm fratrem, quem diligit, sed fratrem certitudinaliter nouit: igitur & se in charitate esse. Præterea homini nil sua fide est certius: igitur à simili, nil sibi certius erit sua charitate. Demum sic instatur, homo peccans certitudinaliter potest scire, se peccare: igitur diligendo certitudinaliter videtur posse scire, quādo sit in charitate. In oppositum extat illud Eccles. ix. Nemo scit, utrum amore, vel odio dignus sit: quare, &c. Pro certitudine itaq; huius questionis, debetis primò scire, questionem hanc non esse

esse de quid nominis charitatis, nec quid rei, sed tantum, quia est. Unde sensus est. Vtrum quis cognoscere possit se charitatem habere, non cognitione quid nominis, nec quid rei, sed bene quia, id est ut affectio, quae suo insit proprio subiecto. Post hanc conclusio ponitur talis. Nullus, quo ad se ipsum, cognitionem habere potest de charitate per certitudinem, siue certitudo desumatur ab actu, siue ab obiecto charitatis: maximum tamen signum, nos ducere valens in gratia, & charitatis cognitionem, est conscientis remorsu carere. His praemissis ad argumenta nunc respondendum, primum ad primum, cuius maior vera dicitur, quantum ad essentiam actus, non ob id diligens fratrem nouit, vtrum actus ille acceptus sit Deo, ex quo solo sciri potest per certitudinem, quod sit à charitate. Ad secundum, primum similitudo de fide, & charitate negatur; Insuper, sicuti nullus per certitudinem charitatem habere infusam potest, sic nullus certitudinaliter poterit scire, se fidem habere, & licet experiamur nos credere, nescimus tamen, vtrum ad hoc inclinemur per habitum infusum, nec ne; & ita ratio secundauit. Ad tertiam dicimus, aliud esse scire se peccasse, vel peccare, & scire, vtrum sit primum peccatum patratum; bene concedi potest, quod quis sciat se peccasse: An verò fuerit primum peccatum, nescit: quare certitudinaliter quis scire non poterit, se primum in charitate esse, scilicet naturaliter, & certitudinaliter: bene id poterit scire supernaturaliter, siue ex reuelatione diuina, nec non coniecturaliter: & hanc de duobus segmentis in initio mei sermonis proposui satis.

VTRVM

VTRVM CHARITAS AUGERI QVEAT, ETC.

Lectio LXIII.

TRia adhuc mihi quesita occurrunt declaranda, deinde ad subsequentem accedam distinctionē. Primum igitur erit. *Vtrum charitas augeri queat. Insuper, Vtrum per quemlibet actum augeri dicatur meritorium. Tertiò, Vtrum in infinitum augeri possit. Quantum ad primum, pro parte negativa argumentari solent quidam primò sic. Omne, quod auctiori subditur, vel motui, idest augetur, vel mouetur, quocunq; motu variari dicitur, at charitas, & vniuersaliter omnis forma inuariabilis est secundum sex principiorum auctorem: igitur & charitas: quare, &c. Præterea, si charitas augetur, hoc esset penes gradus in essentia, vel in esse: primo modo non, quia hoc speciem variat, nec secundo modo, quia tale esse simplex est, vt essentia: nullo itaque modo augeri potest. In oppositum se habet Aug. ad Bonifacium, & glosa i. Corin. xi. quod charitas meretur augeri, vt aucta mereatur perfici: igitur, &c. Pro questionis huius determinatione, velim vos scire: circa presentem hanc materiam varias inueniri opiniones, quas ego breuitatis amator, & veritatis omittam, vt rationibus adductis respondeamus. Ad primam igitur in ordine de forma secundum essentiam inuariabili dici potest in proposito, hoc duobus considerari posse modis, vel respectu formæ, vel respectu subiecti, in quo habet esse. Si primo modo, argumentum currit inuariabilis enim est forma, & charitas, quoniam non est subiectum variationis: at si consideretur variatio secundum terminum in subiecto,*

L

biecto, tunc nullum erit argumentum: nam, ut hic loquimur nos, habet attendi charitatis augmentum ex parte subiecti, in quo charitas habet esse. Ad secundam rationem dicitur, quod charitatis augmentum attenditur secundum gradus, qui speciem minime variant; extensiuè ergo charitas augeri dicitur. Hunc accedit secundum quesitum. Vtrum charitas per quemlibet actum meritorium augeatur. Pro parte affirmatiua, primò sic arguitur. Quæ ad nodum per quemlibet actum charitate informati homo vitam eternam mereri dicitur, ita à fortiori tenendum, quod charitatis augmentum mereatur. Insuper actus primus, vel aliquid ad habitum operatur, id est ad augmentum habitus, vel non; si sic: ergo eadem ratione tertius, & quartus. Si non, eadem ratione, nec secundus, nec tertius: igitur aut habitus nunquam augebitur, quod est falsum, aut per quemlibet actum augebitur, & ita patet intentum. In oppositum extat illud, qd charitatis habitus non ex actibus nostris, sed à Deo influente prouenit: quare per nullum actum nostrum poterit augeri. Ad hanc difficultatē terminandam, arbitror illud consideratione dignum fore, qualiter actus nostri ad habitus infusos se habeant: mihi enim videtur, quod differenter; nam habitus acquisiti ex actibus nostris causantur: infusi verò à Deo. Quo stante, ad primum dici potest argumentum: maius esse mereri charitatis augmentum, quā vitam eternā, quia per illum actum, per quem charitatis augmentum meremur, vitam quoq; mereri dicimur, & quid aliud, scilicet charitatis augmentum, sed non è conuerso; nam nos per oëm actum, per quem vitam eternam meremur, charitatis augmentum mereri non dicimur. Ad argumē-

tum secundum respondetur, quòd habitus acquisitus causatur ex unico actu, quantũ ad essentiam habitus, & per quemlibet actum sequentem augetur. De habitu aut infuso, ut est charitas, ad quam se habent actus nostri solum meritoriè, non ita cuenit, quoniam per illos actus solum meremur augmentum habitus. Ad argumentum verò in cõtrarium probans ex actibus nostris charitatem minimè augeri, potest dici: hoc verum esse effectiue: at meritoriè, & dispositiue secundum conatus volentis, & operantis aliter contingit. His duobus quesitis tertium breuibz verbis quesuum addendum. Vtrum charitas in infinitum queat augeri. Hic via resolutiua ut procedam, dicam, quòd sic, de possibili loquendo de potentia Dei; nam virtute diuina fieri potest hoc, qđ in infinitum augeatur, sic quòd nunquam ad infinitum in actu deducatur. At dicetis. Si charitas augeri pōt, nunquid etiam minui poterit? ad hoc dicitur, quòd sic, & quòd non, quantum ad essentiam, non, at quantum ad actus feruorẽ, sic. Nam minuitur, sed non extinguitur per veniale peccatum, & quando extingueretur, hoc non esset ex malis actibus nostris, nisi de meritoriè, à Deo autem effectiue, & priuatiue per culpam nostram. Et hæc satis.

VTRVM EADEM RATIONE SPIRITVS

SANCTVS, ETC.

Distinctio XVIII.

Lectio LXIII.

EXpositurus vobis in presenti distinctionem decimam octauam choerentiam primò docebo: Insuper ad diuisionem

L 2

distin-

distinctionis accedam. Tertiò singulis partes diuisas aperiam: quo ad primũ, ansam mihi minimè parit continuatio huius distinctionis cum superiori, ex quo enim loquutus est Magister sent. de Spiritus sancti temporalis processione tam visibili, q̃ inuisibili. Nunc intendit verba facere de proprietate, secundum quam Spiritui sancto conuenit temporaliter procedere, vñ. de proprietate doni. Post nexum diuisio sequitur; nam Magister tria pollicetur, iuxta quæ distinctio usurpatur. Primò docet, quo modo Spiritus sanctus donum, & datum dicatur. Insuper, unde donum esse sumatur. Tertiò, quo modo Spiritus sanctus, & ad quem referatur, ut datum. Circa primi segmenti expositionem ita procedam: nam primò propositiõnem proponam; deinde ad probationem accedam. Propositio igitur sit talis. Spiritus sanctus, & donum, & datum dici p̃t. Donum meritò suæ p̃cessionis æternæ, & datum ex tẽp̃rali .s. processione: an hoc verum sit, audite. Illud, quod ab æterno ante cẽm creaturam Spiritui sancto conuenit, propriè de Spiritu sancto dici p̃t, sed esse donũ Spiritui sancto ante oẽm creaturam ex æterna processione conuenit: igitur donum debet dici, & datum ex temporali processione, quæ connotat, & coexigit creaturarum existentiam. At pro maiori intellectu huius rei vnà cum Magistro, forsitan queretis, Num Spiritus sanctus donum, & datum eadem ratione sit nuncupandus. Ad hoc responderi p̃t, q̃ sic: nã eiusdem rationis esse videntur donum, & datum cum virũq; eorum à datione dicantur: at rectè perpendenti apparebit totum oppositum, quia Spiritus sanctus alia, & alia ratione donũ dicitur, & datũ: donũ quatenus nobis fuit donabilis in tempore, qui futuri eramus.

Datum

Datum insuper ab actuali datione, eò q̃ a nobis temporaliter datur; sed dicetis: in diuinis fides nõne p̃cedit à Patre? Insuper, nonne datus est nobis? certè sic. Cur ergo, & donum, & datum non dicitur, ut Spiritus sanctus? huic cauillationi ut respondeamus, ita dicemus: filium quidem processisse g̃ternaliter, & temporaliter, ut donabilem nobis, ob id tamen donum dici minimè posse, & ratio assignatur, quia filius non solum ut donabilis procedit, verum et ut genitus. At Spiritus sanctus, ut donabilis procedit non ut genitus, idest per modum uoluntatis, & filius per modum naturæ; quare ratio doni, & dati Spiritui sancto alia ratione, quàm filio debet conuenire. Et hæc de primo huius distinctionis puncto. In altero subsequenti Magistri intentio est aperire nobis viam cognoscendi, unde singulariter donum sumatur: non enim videtur, qđ Spiritus sanctus ex quacunq; processione habeat donum dici, sed tantum ab illa g̃terna processione, qua propriè procedit à Patre, & filio. An res ita se se habeat, audite. Ut filius se dicitur ad natiuitatē habere, ita Spiritus sanctus ad processionem, at filius g̃ternaliter nascēdo à Patre recipit, qđ sit filius: igitur Spiritus sanctus g̃ternaliter à Patre, & filio procedendo recipit, quod sit Spiritus sanctus. Cum itaq; Spiritus sanctus exinde habeat, qđ sit donum, unde habet, quod sit Spiritus sanctus, & hoc non dicatur habere ex quacunq; processione, sed ex g̃terna: igitur ab eadem, quod sit donum. Et hæc de partibus duabus nostri sermonis. Accedit tertia, & ultima, ubi Magister sent. nititur manifestare, quo modo Spiritus sanctus secundum doni, & dati rationes se habeat, & ad quem referri: videtur enim quod Spiritus sanctus in eo, qđ datum est,

est possessuè tamen loquendo, habeat se tam ad Patrem, quàm ad filium, quàm et ad nos. Nam, ut dici solet, Spiritus sanctus Patris, & Filij, non secus Spiritus sanctus noster: & ne sine ratione loquentes erubescamus, ita dicamus, quòd Spiritus sanctus in eo, quòd sempiternè donum est, ad Patrem, & ad filium referatur: quatenus uerò datum, vel donatum dicitur habet referri ad eum, qui dedit, & ad eos, quibus datur: quare Spiritus sanctus dicitur eius, qui dat, & illorum esse, quibus datum. Vnde Aug. lib. v. de trin. aut. Quòd datum est, ad eum, qui dedit, refertur, & ad eos, quibus dedit. Itaq; Spiritus sanctus non tantum Patris, & Filij, qui dederunt, sed etiam noster dicitur, qui accepimus; Et hæc de tribus segmentis à me propositis ..

AN DONVM SIT QUID ESSENTIALE, ETC.

Lectio LXV.

IN superiori meo sermone memini, me loquutum esse de Spiritu sancto, qui & donum, & datum à Magistro sent. in textu dicebatur. Nunc pro maiori intellectu huius negotij, animi mei vehemens applicatio necessaria ad quesitum unum exponendū de dono, solet ergo queri. Vtrum donū in diuinis quid notionale, aut essentialè sit. Mihi primo pro parte affirmatiua videtur esse dicendum, quòd sit essentialè, quia nullum notionale essentiali conuenire dicitur, sed esse donum essentiali conuenit: igitur. Minor declaratur per Hylarium octauo de trinitate dicentem, quòd essentiali est donum, quòd filio à Patre datur: in diuinis ergo donum, quòd essentiali

essentiale, non notionale erit. Præterea, quicquid percipitur in diuinis, personarum exclusa distinctione, illud essentiale est, atqui donum in diuinis intelligitur esse personarum seclusa distinctione, quia & si non esset, nisi unicum tantum per possibile in diuinis persona, adhuc tamen se ipsam dare posset: igitur, &c. Postremò sic instatur, oë dicens respectum ad creaturam, tribus diuinis personis commune est, & essentiale, sed donum dicitur respectum includere ad creaturam, cui datur: ergo, &c. Illud tamen D. Aug. septimo de trin. opponitur, quod verbum non dicitur, nisi filius, nec donum, nisi Spiritus sanctus. At quod uni solum persona conuenit, notionale est, non essentiale: igitur, &c. Pro argumentorum solutione, quæstiuè determinatione, arbitror, illa quæ donum includunt considerata fore; tria enim importat. Respectum primò ad dantem, & ad illum, cui datur secundò. Demum liberalitatis modum, quo datur: donum enim est dantis, siq; per liberalem communicationē accipientis. Notandum est præterea, cui propriè doni competat ratio: nam in diuinis, videtur solum, quòd respectu creaturarum debeat sumi doni ratio, & sic eque propriè essentia, sicut personis diuinis cōuenire dicetur, licet soli persona Spiritus sancti appropriatè ascribatur, siue approprietur, qui ut amor, & per modum uoluntatis procedit. His ita positis, argumenta de facili soluentur; ad illud ergo Hylarij dicentis, qđ essentia est donum, qđ à Patre filio datur: ergo donum videtur sumendum respectu diuinorum, & nō creaturarum. Respondetur, qđ ibi donum sumitur largè loquendo, scilicet pro eo, quod alteri ex necessitate natura communicatur, nos verò hic loquimur de dono strictè sumpto, pro

ut alicui liberaliter sit communicatum. Secundum argumentum probabat, quod esse donum cuilibet personæ conueniret respectu creaturarum, quod admittitur. Ad ultimum verò sic respondetur, non omne respectum ad creaturam importans tribus personis esse cōmune, ut patet in mysterio incarnationis, quæ soli filio competit. Et quia talis respectus in ratione termini est, ideo uni personæ conuenire potest, & non alteri; benè respectus principij effectiui necessario; tribus communis est personis diuinis & ratio est, quia super potentiam tribus communem fundatur: hinc videtur, argumentum hoc tertium probare id, quod probabat secundum, licet defectuosè. Ad illud verò in oppositum, quod solus filius dicitur verbum, & solus Spiritus sanctus donum, potest responderi intelligendum non esse per aliorum exclusionem, sed benè per appropriationem, ut aliàs est dictū. Et hæc pro quesito primo sufficiant pauca,

VTRVM SPIRITVS SANCTVS EO SIT

DONVM, QVO DEVS, ETC.

Lectio LXVI.

SE se mihi duo adhuc examinanda offerunt quesita, deinde ad subsequenter distinctionem exponendam accedam. Solet igitur queri. Vtrum Spiritus sanctus, eo sit donū, quo Deus. Insuper, Vtrum conuenienter dicatur Spiritus sanctus noster. Circa primum solent formari rationes pro parte negatiua quædā; & prima sic. Reduplicatio inherentiæ predicati ad subiectū dicie causam, ac Spiritum sanctum esse Deum, non videtur esse causa,

quare

quid sit donum: nam multa dantur dona, quæ nō sunt Deus: non ergo Spiritus sanctus debet dici donum, quo Deus. At video, vos in oppositum, ut ingenio pollentes, his verbis instare. Quicquid habet filius sua generatione habet, ita quicquid Spiritus sanctus habet, sua processione habere dicetur: utrunq; igitur videtur habere per processionem. Hic velim unum scitu dignum notetis, quod esse aliquo, ut nostro inseruit negotio, duobus habet sumi modis: uno modo formaliter, alio modo originaliter: dū ergo queritur. Vtrum Spiritus sanctus sit eo donum, quo Deus; ad hoc potest dici, quod non: nam dicitur Deus quo, id est formaliter deitate, & donum donabilitate formaliter. Si rursus queratur. Vtrum Spiritus sanctus eodem modo originaliter sit donum, & Deus, tunc respondendum, qd sic. Nam quicquid habet Spiritus sanctus, unica origine habet, quæ à Patre, & Filio procedit, siue illud sit esse Deum, siue esse donum. His ita positis, unica omnibus volo satisfacere distinctione præsupposita argumentis. Quæ igitur prius formata pro parte negatiua formaliter cōcludunt, & illa pro parte affirmatiua originaliter habent cōcedi. Et hæc de prima questione. In altera queritur. Vtrum dici possit Spiritus sanctus est noster, sicuti Magister in textu videbatur uelle; declinando ergo ad partem negatiuam dico, quod non: nam ly noster, est pronomen possessiuum, sed Spiritus sanctus non possidetur à nobis, sed è cōuerso non ergo, &c. Insuper non benè dicitur filius noster: ergo à simili nec dicitur benè Spiritus sanctus noster. In oppositum se habet Magister in textu. Rursus hoc idē dicitur iiii. Regum de Spiritu Helia, pro quo Heliseus orabat. Pro huius ergo quesui veritate, velim

velim sciatis, nominum diuinorum, quędam ad nos importare habitudinem, & quędā non: exemplum primi, ut Pater, Saluator, Redemptor, & Creator, & alia huiusmodi effectiue ad actionem nostram spectantia: quo modo benē dici solet, Pater noster, Saluator noster, Redemptor noster, Creator noster. Quandoq; etiam sumi videntur sub habitudine finis, ut quando dicitur: Deus est finis noster: exemplum secundi in diuinis, ut Pater, Filius, & Spiritus sanctus, quā inter se referuntur, & habitudinem adinuicem habent, sed ad nos minimē; propterea non benē dicitur filius noster, quoniam habitudinem habet ad Patrem, & non ad nos. Similiter non benē dicitur, Pater noster, sumendo Patrem personaliter, sic enim solum Pater filij appellatur per generationem diuinam. At si sumatur Pater essentialiter per creationem, tunc conuenienter dicetur, Pater noster, & hoc propter habitudinem principij effectiui ad nos. Insuper eodem modo non videtur posse dici conuenienter, quod Spiritus sanctus sit noster, cum habitudinem ad nos minimē dicat primō, nisi quatenus nobis donatur secundariō. Spiritus ergo sanctus personaliter, vel essentialiter captus, noster dici non poterit, nisi ut nobis datur, & ita, quid ad argumenta formata utriusq; partis respondendū, patet ex dictis.

HIC DE QUALITATE TRIVM PERSONARVM.

Distinctio XIX.

Lectio LXVII.

HActenus loquuti sumus de personarū diuinarū distinctione, & origine, propterea consequēter de earundem qualitate

litate agendum. *Distinctio hęc in segmenta tria usurpari posse videtur: in quorum primo diuinarum personarum equalitas declaratur. In secundo, ppositio ponitur. In tertio, & ultimo altera ppositio ad deitatem pertinens. Primum quęso punctum accipite, ubi inquiritur diuinarum personarū equalitas his verbis. Persona diuinę, quo ad eternitatem, magnitudinē, & potentiam sunt equalēs, ibi. n. non est excessus: ergo equalitas. Antecedens patet, quoniam magnitudo, eternitas, & potentia in diuinis minimē sunt excedentia: igitur ibi equalitas: qđ non sint excedentia, patet; nam magnitudo, eternitas, & potentia sunt una essentia in diuinis, licet tria hęc diuersimodē nominētur: diuina ergo psonę inter se equalēs. D. Aug. breuibus hanc nobis volens manifestare verbis equalitatem in libro de fide ad Petrum dicebat: nullus horum, aut eternitate pcedit, aut magnitudine, aut superat potestate; nam eternus Pater, eternus Filius, eternus Spiritus sanctus. Omnipotens Pater, omnipotens Filius, omnipotens Spiritus sanctus, non tres omnipotentes, sed unus omnipotens, nec tres eterni, sed unus eternus. Ecce ergo, in quo personarū consistat equalitas, scilicet, quia alia aliam nō excellit, aut eternitate, aut magnitudine, aut potestate. Et hęc de primo puncto. In altero secūdo in ordine hęc ppositio ponitur. Diuinę personę in essentia sunt idem, quę sic probatur: si nō essent idem in essentia, tunc diuersę, & ita different, vel situāliter, ut partes integrales in toto, vel localiter, ut partes subiectiue in vniuersali, vel materialiter, vel formaliter. At horum nullum pōt cenci: ergo minor per sufficientem enumerationem pōt sic declarari: & primō, qđ in diuinis, ibi partiū diuersitas non sit, ut in toto integrali,*

integrali, quia summa natura unitas conceditur, cui qualiscunque partium diuersitas repugnat: igitur ibi æqualitas. Insuper, si in diuinis concedenda foret diuersitas, ut in aliquo toto uniuersali, ita ut essentia ad personas diuina se haberet, ut uniuersale, & psonæ, ut partes, possent proculdubio formari prædicationes de Patre, & Filio, uti de Sorte, & Platone, qui homines dicuntur. At Pater, & Filius in diuinis nõ dicuntur essentie, nec talis modus à Theologis conceditur: quare ut plurimum diuersitas in toto aliquo uniuersali minimè debet admitti, nec etiam, ut in aliquo toto materiali, ita ut una essentia sit trium personarum materia, ut aurum multorum vasorũ, quia tunc contingeret plus de essentia in duabus personis esse, uti plus de auro in duabus statuis, quàm in una; sed diuina essentia non plus dicitur inueniri in duabus, quàm in una: igitur non se habet ut materia ad personas: nec est, quod dicatis, duas personas in diuinis conuenire in essentia, ut in formali proprietate, quia si sic, tunc id quod prius dictum fuit, subterfugere non possemus, quia duo essent aliquid magis, quàm unum, sed in diuinis hoc est absurdum: igitur, &c. At hic video, vos dubitare posse auctoritate Damasceni dicentis, diuinam essentiam uniuersalem esse, & communem, & tres personæ tria sunt particularia: quare ratio superius adducta erit nulla. Ad hoc ut respõdeamus, Damasceni verba similitudinarie intelligenda fore, & non proprie, dicemus: ibi enim quædam conceduntur, quæ rei communis similitudinem tenent. Rursus aliqua rei particularis. Exemplum primi, ut essentia, exemplum secundi, ut diuina personæ, quæ numero dicuntur differre. Quo aut modo id fieri possit, velim sciatis, aliqua numero dici

dici differre duobus modis: uno modo sic, qđ unum non sit aliud, vel aliqđ aliud ab alio, sicut Socrates, & Plato numero differunt, quoniam Socrates non est illud, quod Plato, quo modo diuina persona numero minimè differre dicuntur. Nam una est illud, qđ alia. Alio modo numero differre dicuntur, quæ in enumeratione, seu cõputatione à se inuicem discernuntur, V. g. cū numeramus aliquas res dicentes: una, dua, tres. Secundum quem modum catholicè diuina persona dicuntur numero differre. Nam possumus dicere Pater, & Filius sunt duo, & Pater, & Filius, & Spiritus sanctus sunt tres, & Pater est unus. Et hæc de duobus segmentis satis. Superest tertium hac propositione contentum Omnes diuina persona simul non sunt maioris deitatis, quàm una, & una, nec maioris, nec minoris, quàm oēs. An ita res se habeat, audite. Diuina persona ex declaratis equalis magnitudinis, ac ueritatis sunt: ergo etiam equalis deitatis, qđ authoritate beati Aug. confirmatur, ut in textu Magistri habetur. Sed dicetis vos, ex quo sermo factus est de tribus personis diuinis, & edoçti hunc modū loquēdi sumus. Deus trinus est. An dici poterit triplex? breuiter dico, quòd non, & ratio assignatur, quia triplicitas inæqualitatem pandit, quam in diuinis inueniri posse negamus. Vnde Aug. lib. vi. de trin. ait. Nō quoniam Deus trinitas est, ideo triplex putandus est, alioquin minor esset Pater solus, vel filius, quàm simul Pater, & Filius. Cum itaq; tantus sit Pater solus, vel solus filius, vel solus Spiritus sanctus, quantus est simul Pater, & Filius, & Spiritus sanctus, nullo modo triplex est dicendus Deus.

Et hæc satis pro presenti.

VTRVM

VTRVM INTER PERSONAS DIVINAS

SIT AEQUALITAS, ETC.

Lectio LXVIII.

Quoniam mentio facta fuit apud Magistrum sent. in prae-
 declarata distinctione de personarum diuinarum aequa-
 litate, & eternitate, ideo iuxta ista duo quae su-
 ponenda, & examinanda. Solet ergo primo queri. Vtrum in
 diuinis detur aequalitas. Pro parte negativa sic instatur: ubi aequa-
 litas, ibi duarum, vel plurimum adinuicem commensuratio est, sed
 Deus est magnus sine quantitate, ut docet Aug. igitur ei mensu-
 rari repugnabit, & ex consequenti aequalitas ibi non erit. Insuper
 in diuinis si danda esset aequalitas, vel hoc fieret penes essentiam,
 vel relationes, non primo modo, quia essentia dicitur esse magis
 identitatis fundamentum, quam aequalitatis, ut habet quinto di-
 uinorum: ergo, &c. Deinde hoc idem confirmari potest sic; nam
 ubi aequalitas est, ibi distinctio, sed in diuinis nulla datur distin-
 ctio, quo ad essentiam: igitur nec aequalitas; sed dicetis vos. Si non
 secundum essentiam aequalitas sumenda uenit, saltem secundum
 relationes. Huic D. Aug. occurrit in fine sequentis distinctionis:
 nullo igitur modo aequalitas ponenda in diuinis. In oppositum in
 textu primo se habet Magister, deinde Athanasius in Symbolo
 suo, ubi dicit, quod tres personae coeternae sunt, & sibi coaequales;
 ergo in diuinis aequalitas. Pro determinatione igitur huius rei scire
 debemus, duplicem aequalitatem dari, molles videlicet, & perfectio-
 nis. Prima in diuinis non admittitur, at secunda conceditur. Nam

licet

licet tres sint distinctæ personæ, nihilominus est una magnitudo, una potentia, una eternitas, & perfectio una, penes quam equalitas attenditur. Nunc ad argumenta diluenda properantes dicimus: primum ualere in his, ubi est quantitas mollis, non in proposito. Ad secundum potest responderi, quod equalitas penes essentialiam, & essentialia attendatur, ut tamen habent rationem quantitatis virtualis, uel perfecti. nalis, & sic primum de duobus propositis dubijs remanet clarum. Huic necitur alterum, dùm queritur. Virum esse eternum Deo conueniat. Primo aspectu mihi uidetur, quod non. Nam eternitas mensuræ nomen est: at nec mensura, nec mensuratum in Deo conceditur: igitur neq; esse eternum. Præterea, Deo nihil creatum debet ascribi, nisi secundum naturam assumptam, at eternitas quid creatum est, dicente Aug. lib. xxxiii. questionum, quod Deus est causa eternitatis: igitur sibi conuenire non poterit, nisi secundum naturam assumptam, at hoc modo esse æternum sibi non competit, sed ex tempore: igitur nullo modo. In contrarium se habet illud Psalmistæ. Tu autem in æternū permanes, &c. Pro determinatione igitur huius questionis arduæ tria nobis consideratione digna occurrunt. Primum uidetur pertinere ad quod quid est eternitatis, insuper quo modo ab alijs mensuris differat eternitas, tertio ex dictis patebit ueritas. Quantum ad primum. Aeternitas importare uidetur durationem interminabilem: nam æternum dici solet, quasi extra terminos existens. Quod tripliciter esse potest, uno modo, quod attendatur interminabilitas secundum totum, licet non secundum partes, quo modo interminabilitas posset tempori applicari à parte ante, & à parte post, secundum tamen
 ponentes

ponentes motum potuisse ab aeterno esse. Nam hoc modo tempus secundum sui totalitatem terminos non haberet, quolibet nihilominus pars temporis significata terminaretur. Deinde aeternum solet accipi pro eo, quod non sit terminatio, quo ad totum, nec quo ad partes, sub quo sensu angelo aeternum competere posse videtur, potuit enim ab aeterno creari, & in aeternum permanere, quae permanentia aequè esse totum angeli respicit, & non aliter totum, & aliter partem, quoniam ibi non ponitur pars, & pars. Vltimò aeternum capi posse cernitur pro interminabilitate terminos habendi quo quo modo, quauia nec motui, nec angelo, nec alicui creaturae interminabilitas potest aptari: potuit enim omnis creatura de nouo recipere esse, & de nouo desinere esse per subtractionem diuinæ influentiæ, & talis interminabilitas, quæ impossibilitas habendi terminos durationis, est de ratione eternitatis propriè capta. Hanc diffiniens Boetius dicebat, quod eternitas est interminabilis vitæ tota simul, & perfectæ possessio. Vbi videtur ab eternitate principium excludere durationis, & finem, cum dicit, interminabilis vitæ. Insuper omnem in partibus successionem, cum dicit, perfectæ possessio, non enim perfectè quid possidetur, nisi totum simul possideatur, & hæc de primo, ex quo apparet secundū, scilicet qualiter eternitas ab alijs discrepet mensuris, puta æuo, & tēpore: differt enim in hoc, quod tempus rei mensuram dicit semper difformiter se habentis in se per partium successionem secundum prius, & posterius. Nam dicitur mensura motus, per quam res semper se habet aliter, & aliter. Aeuum verò rei quidē mensura ponitur uniformiter se habentis in se: hæc tamen comparitur variebritatem,

Et transmutationem adiunctam, vel secundum locum, vel secundum formam, secundum locum, ut in corporibus celestibus, quorum esse, licet in se inuariabile sit, variationem tamen secundum locum adiunctam, Et in luna secundum formam, quo ad lumen, Et in Angelis, quo ad electionem, Et cognitionem, ut quidam ponunt. Sed hic notetis, quod talis res variabilis est de non esse ad esse, per subtractionem influentia superioris causa: eternitas verò mensuram, vel potius durationem rei omnino inuariabilis in se dicit, in quo differt specialiter à tempore, nec compatitur secum aliquam variabilitatem, neque secundum aliquid adiunctum, neque de esse ad non esse, in quo ab eo differt, Et ita patet secundum, Et ex his propositum, scilicet, quod eternum Deo proprie conueniat, Et soli; solus enim ipse ab esse nequit deficere, nec secundum se, nec secundum aliquid sui mutabilis est, ut Malach. iii. dicitur. Ego Deus, Et non motor. Alia verò omnia ab ipso defectibilia, quia pendunt ab ipso. Nunc ad argumentum primum descendendum est, quod eternitas non sui nomen mensura, sed durationis diuina, ut enim primum in uno quoque genere aliquo sui generis minimè mensuratur, sed bene aliorum mensura existit, Et ut omnis motus metitur per primum motum, nec ipse dimetitur per aliquem alium motum, sic primum simpliciter in tota vniuersalitate entium aliquam non habet mensuram, sed solum mensura est, licet etherogenea. Nec dici debet, quod se ipso mensuret, quia omnis mensura realiter, ut realis, differt à mensurato, at hoc in diuinis admitti minimè debet, neque quod eternitas dicat ibi mensuram, sed bene eius durationem à nullo mensuram. Ad secundum argumentum dicitur, quod minor est falsa: eternitas enim

*M**proprie*

proprie sumpta nō est quid creatum. Dūm verò Aug. dicebat, qđ
Deus est causa eternitatis, ibi loquebatur de suo, qđ est eternitas,
& participata, cuius Deus causa est, quo modo argumentū currit,
at nos hic proprie loquimur de eternitate increata, idest pro esse
Dei, & pro duratione esse diuini sumpta: quare argumentum nul-
lum est. Et hęc de propositis.

VTRVM VNA PERSONA SIT IN ALIA, ETC.
Lectio LXIX.

VT nobis adius ad subsequētem pateat distinctionem
facilis, quatuor hodierna die paucis percurreremus ver-
dis, & primò. Vtrum una persona sit in alia per cir-
cumincessionem. Insuper, Vtrum in diuinis sit dare totum, aut
partem; tertio Vtrum veritas sit ens reals, vel rationis. Quarto
Vtrum veritas habeat poni in rebus, vel in intellectu. Circa pri-
mum; Pro parte negatiua, potest sic primò argui. Si filius esset in
Patre, tunc filiatio foret in Patre, & ita Pater esset filius, sed hoc
est falsum: ergo, &c. Preterea, si Pater in filio esse dicatur, ergo
Deus in Deo, & sic ex consequenti Deus distingueretur à Deo,
quod est falsum: igitur personarum diuinarum circumincessio non
admittenda. Insuper filius exiuit à Patre, non ergo est in Patre,
assumptum patet apud Ioan. xvi. In contrarium se habet illud Io.
xiii. Ego in Patre, & Pater in me est, una ergo diuina persona
in alia. Nunc ad argumenta respondendū, & primò ad primum,
hac prmissa distinctione de esse in alio, vel per modum formæ, vel
per

per intimā inexistentiā; filius ergo, si esset in Patre per modum
 formæ, curreret argumentum, at non sic dicitur in Patre esse filius,
 sed secundo modo: quare argumentum est nullum. Ad argumen-
 tum secundum, prima cōsequētia cōceditur, at secunda negatur,
 non enim sequitur: Deus in Deo: ergo Deus distinguitur à Deo,
 immo fallacia cōsequētis cōmittitur; nam in prima ille ablativus,
 Deo, non distribuitur; & tamen distribuitur in secunda, virtute
 negationis incluse in illo verbo distinguitur. Ad tertiam rationem
 dicitur ad antecedens, qđ filius cecinit à Patre per productionem
 passivam, & non per separationē localem, aut essentialē, & ideo
 non sequitur, qđ in se in Patre, quoniam Pater in se ipso filium
 producit. Et hęc satis de primo quęstio. Verū qđ de toto, ac parte,
 nec non de veritate in superiori distinctione mentio facta, ideo
 circa hęc versaturi tria quęremus, & primò. Vtrum totum, &
 partem in divinis sit dare. Pro parte negativa sic arguitur. Vbi
 totum, & pars, ibi maius, & minus, sed in divinis, nec maius, nec
 minus, cum sit summa ibi equalitas: ergo, &c. Pręterea, qđ pars
 rationem habet, illud imperfectum est, sed in divinis nulla datur
 imperfectio: quare nec ibi totum, nec pars concedenda. Ex alio
 latere, quia totum, & perfectum idem sonant, & in Deo perfecti
 maximè ratio reperitur: ergo & totius. Pro determinacione huius
 difficultatis, quos modis totum dicatur, notare debemus: multiplex
 enim est, V.g. totum integrale, totum universale, totum essentialē,
 totum potestativum, totum numerale, ut numerus aliquotum plu-
 ralitatem comprehendens, demum datur totum perfectionis, quod
 in divinis cōceditur, ut essentia divina cōs continens perfectiones

ut totum. Nunc ad primum, his positis, dici potest argumentum, quod currit de toto integrali, de quo hic nos minime intendimus. Ad secundum respondetur, quod pars tripliciter capitur, vel essentialiter, vel integraliter, vel secundum possessionem: primis duobus modis conceditur, quod tales partes habeant imperfecti rationem, at tertio modo negatur; Deus enim pars possessionis beatorum vocatur, quatenus a beatis possidetur. Explanatis in hunc modum duobus segmentis de quatuor propositis, duo alia supersunt, & primò. Vtrum veritas sit ens reale, vel rationis. Pro parte affirmatiua sic arguitur; uniuscuiusque rei bonum est ens reale, at veritas bonum intellectus, qui est res: ergo quid reale. Deinde illud, quod non est quid reale, nihil videtur esse, at veritas nihil dici potest non esse, quia si sic, laborantes pro veritate dicerentur incassum laborare, quod est absurdum, veritas igitur quid reale debet poni. Pro intellectu huius difficultatis, primo quid sit veritas, secundo, in quibus reperiatur, notandum erit. Quantum ad primum. Veritas conformitas est, siue adequatio intellectus ad rem, & rei ad intellectum, non tamen essentialiter, sed obiectiue, vel subiectiue. Circa secundum dici potest, quod veritas in his omnibus inuenitur, scilicet in re, in propositione, & in intellectu. Primo in re materialiter, in propositione ut in signo, tandem in intellectu, ut in cognoscente, vel subiectiue, vel obiectiue. Nunc ad argumentum primum potest dici, quod veritas sit quid reale fundamentaliter. Ad secundum maior debet sic intelligi, quod non est ens reale, nihil est, idest iuxta nihil, nam quod non est ens reale, potest esse ens rationis, nam diuiditur ens in ens, extra animam, & in anima. Sed dicetis: si hæc responsio esset

esset bona, tunc sequeretur, quòd veritas non esset ens reale, qđ est contra determinata; ad hoc dicitur, quòd ueritas sumpta obiectiue, non est ens reale à ratus, rata, ratum, licet sit ens reale à uerbo reor reris: fundamentaliter tamen loquendo est ens reale. Ex his quesuum quartum de ueritate, num sit in intellectu, vel in re, quid tenēdum breuiter patere potest. Nam si capiatur formaliter, tunc in intellectu habet esse obiectiue. At si fundamentaliter, in re extra intellectum. & hæc de pollicitis, quæ si pauca fuerunt, ideo maiori attentione digna.

NUNC OSTENDERE RESTAT, ETC.

Distinctio XX.

Lectio LXX.

P Erbreuē quidem vigesimam in ordine huius libri primi distinctionem exposaturi nexum in primis perpendemus, deinde ad diuisionē accedemus, tertio partes, in quas usurpabitur, manifestabimus, quarto, & ultimo quæstiones quasdam proponemus, illasq; terminabimus. De nexu (ut rem aggrediar) audite. Ex quo Magister loquutus est de personarum diuinarum equalitate magnitudinis in essendo, consequens erat de potestatis earundem in operando equalitate uerba facere. Diuidi modo hæc distinctio potest in segmenta duo principalia: in quorum altero ponitur conclusio. In secundo uerò pbatio. Quantum ad primum, conclusio sit talis. Pater, & Filius, & Spiritus sanctus in cōpotentia cōquantur. An res ita se se habeant, rationibus apparebit,

prima quarum elicitur ex Io. xvii. dicente, Oīa mihi dedit Pater, id est, quicquid habet Pater, mihi dedit, sed oīpotentiam habet: ergo omnipotentiam filio per generationem communicauit: omnes igitur personæ diuinae sunt equalis potentiae. Hoc idem non a ratione, & in ordine secunda confirmari posse videtur. Nam si Pater filium in omnipotentia sibi equalem nō generasset, hoc vel factum fuisset, q̄a potuit, sed noluit, vel q̄a voluit, sed non potuit, utrunq; istorū falsum est: igitur & illud, ex quo sequitur. Propositio itaq; præmissa est vera. At quia minor aliquantulum suspecta videtur, propterea sic probatur. Nam Pater in diuinis, si filium sibi equalē generare potuit, & noluit, tunc inuidus fuit non dando filio, qđ naturalis proprietas requisit. Deinde si voluit, & non potuit: ergo Pater non omnipotens, sed infirmus fuisset: quare dicendum est, qđ Pater voluit, & potuit, immo sibi equalem in oīpotentia generauit. Postremò ratione fundata super similitudine in generatione naturali reperta, pro corroboratione propositionis præmissæ, sit ista, Deus Pater est, & non minus communicatiuus generando filium Deum, quàm homo filium hominem generando, sed homo Pater, si equalem sibi filium potuisset, p̄culdubio genuisset: igitur Deus, qui summe potuit, equalem sibi filium genuit. Et hæc de tota distinctione. Super sunt modo q̄sita duo examinanda in hoc quarto segmento, deinde erit finis. Quæritur ergo primò. Vtrum filius omnipotens sit, ut Pater. Insuper, Vtrum ordo naturæ in diuinis concedendus. Quo ad primum, pro parte negativa sic arguitur: illud qđ omnipotens est, in oēm actū potest: nam potentia dicitur respectu actus, sed filius in oēm nequit actum, quia ut Pater generare

nerare non potest: igitur, &c. In oppositum se habet illud Athanasij in Symbolo dicentis, Omnipotens Pater, omnipotens filius, omnipotens Spiritus sanctus; pro notitia igitur huius rei scire debetis, omnipotentiam oīa respicere possibilia, nullam contradictionem implicantia. Rursus velim notetis, omnipotentiam absolutē consideratam equaliter in tribus inueniri diuinis personis, relatiuē verò, ut nos hic loquimur, solum in Patre. Præterea generare posse non cadit sub omnipotentia, nec dicit quid, sed tantum ad aliquid, ideo nulli mirum videri debet, si Patri, & non filio ascribatur: terminata enim est in filio ipsa generatio: quare, &c. Nunc ad argumentum primum est dicendum, quod potentia actiua dicitur propriē respectu actus, per quem produciuntur id, quod verē est, & propriē alterum, vel aliud, & non est ipsum esse agentis, verum quia generare id ipsum est, quod Patrem esse, & quia filius nō est Pater, propterea posse generare, tantum competit Patri, & non filio. At si inueniretis apud Aug. Patrem non esse omnipotentem, nisi equalem sibi posset filium generare, dicendum est: hoc disputando contra maximum hereticū, non determinando, fuisse prolatum. Et hæc de primo quæstio. Circa alterum versaturi partem negatiuam descendentes in diuinis, ordinem naturæ minime admittendū, edocebimus, & primò sic. Vbi ordo ibi prius, & posterius, sed in diuinis non admittitur prius, neq; posterius: igitur nec naturæ ordo. Minor probatur per Athanasium in suo Symbolo. Insuper. Quicquid est in diuinis, vel est essentia, vel persona, vel notio; sed ordo non significat essentiam, neq; est aliqua personarum, aut notionum: in diuinis ergo naturæ ordo non concedendus.

Tertiò quicquid ordinatur, distinguitur, sed natura in diuinis non distinguitur: igitur nõ ordinatur, & ex consequenti naturæ ordo non admittitur. Pro responsione argumentorum notandum erit primò, qđ natura duobus capi solet modis: vno modo pro essentia rei completa, alio modo pro generatione, vel videntium productione. Primo modo in diuinis naturæ ordo non ponitur, at secundo modo sic, quia vna persona ex altera procedit, & talis naturæ ordo sumitur p principio ordinis, id st secundum originem absq; prioritate. Nunc ad argumenta dicendum, & primò ad primum, quòd ubi est ordo, ibi prius, & posterius loquendo de ordine secundo modo capto, at de ordine absolutè accepto non sic; solū enim habitudo distinctorum ad se inuicem requiritur, & sic in diuinis reperitur: nam ibi datur prima persona, secunda, & tertia: ordo ergo naturæ dicens defectum in diuinis minimè ponendus, sed sub illo sensu iam dicto. Ad argumentū secundum, negatur minor, quia in diuinis ordo naturæ notionem originis in communi significat, licet non in speciali. Ad tertium dicitur, quòd in diuinis non sumitur ordo naturæ, secundum quod ipsa natura ordinatur, sed tantūm in diuinis attenditur secūdum naturalem originem.

Ad vltimum dicitur, quod natura quodam modo principij rationem importat, non autem essentia, propterea ordo originis nominatur, & melius ordo naturæ in diuinis, quàm essentia.

Et hæc de pollicitis satis.

HIC

HIC ORITVR QVAESTIO,ETC.

Distinctio XXI.

Lectio LXXI.

EXplanaturi vigesimā primā huius libri distinctionē de more nostro coherentiam primò cū precedenti ponemus, insuper ad diuisionē festinabimus. Ex quo ergo Magister sent. accuratē docuit diuinarū personarū equalitatē magnitudinis in esēdo, nec nō pōtatis equalitatē in operando: consequē. er edoctrurus est, qualiter exclusiue dictiones de Deo dicuntur, & circa hoc tria intelligenda vobis propono. Nam primò inquiritur. Nū termini personales de personalibus cū dictione exclusiua dicantur. Insuper, Nū essentiales de personalibus cum exclusione verē pñuncientur. Demū via quēdam, & modus traditur certus ad prēdicta sanius intelligenda. Circa primam igitur partem intendentes, pro intellectu dictionum exclusiuarum in diuinis, hanc propositionem proponemus. In diuinis propositiones illae, in quibus termini personales de personalibus terminis cum dictione exclusiua sumptis pñunciantur, sunt concedendae. Quam volens propositionem probare Magister, dubitat primò, cum superius dictum sit, quòd tantus sit solus Pater, quàm solus filius, quanti sunt illi tres, num hæc concedendae, & si sic, sub quo sensu. Nam non videtur esse Pater sine filio, neque filius sine Patre, quo ergo modo debet hic modus loquendi intelligi? rectius, & commodius, quàm faciat Magister: hac in parte difficultati vt satisfaciamus, ita dicemus, qđ illa particula, solus, vt exclusiua ad duo pōi referri, vel ad personam, ita vt vnā ab altera,

altera personam excludat, vel ad proprietatem relatiuam; primo modo capi non debet, quia non est una persona sine alia, at secundo modo sic, quia ibi notatur pprietas relatiua uni, ita qđ non alteri conuenire. Vnde sensus est. Solus Pater, id est, qui ita est Pater, quod non filius. Similiter dñm dicitur solus filius, sensus est, qui ita est filius, quod eius filiatio alteri nequeat in diuinis conuenire, & sic apparet, quo modo in diuinis exclusiue diuisiones debeant capi. Quid verò tenendum sit de illis propositionibus, in quibus de personalibus termini essentiales cum exclusione affirmantur, ut declararet Magister sent. ait, negandas esse tales propositiones, V. g. solus Pater est Deus. Spiritus sanctus est solus Deus, vel filius est solus Deus. Cur verò neganda sint tales propositiones ratio facilis est, esse enim Deum toti trinitati conuenit, & non solum uni personæ. Sed dicetis: nonne termini essentiales de personalibus affirmantur? cur ergo non debent concedi tales propositiones? iam diximus causam, quia nomen Dei tribus diuinis personis commune est; quare, &c. Duabus iam enodatis partibus de tribus à me propositis, tertia, & vltima accedit, ubi modus generalis nobis traditur, quo predicta sanius intelligantur. Cum itaq; diuine personæ tantæ sint coherentie, ita ut earũ una nequeat exprimi absq; aliarũ cointelligentia, ideo licet in sacra scriptura quandoq; solus Pater nominetur; vel solus filius, inde tamen minime separatur Spiritus sanctus. Quæ veritas Aug. testimonio ita dicentis confirmari potest. Verum si de solo Patre predicta diceretur, non tamen excluderetur filius, vel Spiritus sanctus, quia hi tres unum sunt. Et hæc pro presenti satis dicta sint.

DE

LECTIONES LIB. PRIM. 187
DE DICTIONIBVS EXCLUSIVIS.
Lectio LXXII.

AD maiorem euidentiam eorum, quæ in proximo præterito Magistri sent. sermone dicta sunt, arbitror, duo maxime considerationis quæstia in præsentis parte examinanda fore. Quorum primum erit. Vtrum dictio exclusiua uni relatiuorum addita, reliquum excludat. Insuper, Vtrum exclusiua dictio verè addi possit termino essentiali respectu prædicati personalis, V. g. sic dicendo. Solus Deus est Pater. Quantum ad primum. Vnico medio negativo videtur sic posse argui. Dictio exclusiua, id, quod est de intellectu rei, minimè excludit, id est rei, cui additur, V. g. quando toti est addita, partem tunc non excludit, nec homini applicata animal excludit, sed vnum cor relatiuorum dicitur esse de intellectu alterius, quare exclusiua dictio uni addita alterum non excludet. Ex alio latere in oppositum se habet illud, quod primo physicorum habetur, videlicet, quod dictio exclusiua addita principio principiatum excludit, at principium, & principiatum relatiuè dicuntur: igitur, &c. Pro determinatione huius rei duo perpendenda occurrunt, & primò, quid dictio exclusiua signifi. et, maxime loquendo de illa circa terminum, cui adiungitur: deinde, quid habeat excludi per dictionem exclusiuam, & quid non, ex quibus, quid tenendum, de facili apparebit. Circa primum ergo, vt videre est lib. Elenchorum, apud Philosophum, solus dicitur hæc dictio exclusiua significare idem, quod non cum alio. Quantum ad secundum, dici poterit, quod exclusiua dictio, vt loquimur

quimur in presenti, uni applicata persona in diuinis aliam personaliter excludat, non tamen essentialiter. His ita positis, argumento adducto ab aduersarijs difficile respondere non erit: dicamus itaque, quòd dictio exclusiua illud excludat, quod est de intellectu rei, dùm modo non faciat cum re unum per essentialiam, vel per inherentiā, ut euenit, contingitue in relatiuis. Quæ prædicta licet vera sint de virtute sermonis, in usu tamen sacræ scripturæ, & sanctorum quandoque aliter inuenitur, ideo tunc temporis tales auctoritates piè erunt exponendæ, scilicet in sensu, in quo fiunt, & non in sensu, quem de virtute sermonis faciunt. Et hæc de primo questio. Huic necititur alterum, dùm queritur. Vtrum dictio exclusiua verè termino essentiali respectu personalis prædicati addi possit, dicendo sic. Solus Deus est Pater. Mihi sanè videtur, quòd non: nā si hæc vera esset, solus Deus est Pater, à simili sua cōuersa foret vera: solus Pater est Deus, consequens falsum est: ergo & id, ex quo falsitas consequentis sequitur, consequentis falsitas probatur, quoniam tunc temporis sequeretur, quòd filius non esset Deus, & hoc, quia dictio exclusiua uni correlatiuorum addita alterum excludit, ut alias dictum fuit. Deinde, quo modo soli Deo conuenire potest, quod sit tantum Pater, cum esse Patrem eēt creaturis competat? falsa ergo erit ista, solus Deus est Pater. In oppositum se habet Magister in textu, propterea pro veritate terminanda hac in parte notanda erunt nonnulla, ex quibus, quid tenendum, pat. b. t. Notetis igitur primò, quòd hæc dictio, solus, duobus considerari pōt modis: uno modo chategoricè, siue chategorematicè, alio modo, synchategorematicè. Si primo modo sumatur, tunc im-

portat

portat solitudinem (ut ita loquar) in illo, cui additur, & sic oēs propositiones in diuinis, ubi ponitur hæc dictio, solus, falsa sunt. Si verò, ly solus, capiatur, synchategorematicè, & exclusiue, tunc duo considerata: primum erit de veritate propositionum, in quibus dictio exclusiua ponitur ex parte subiecti. Secundum de veritate illarum, in quibus ex parte prædicati ponitur. Quantum ad primum, sciendum est, quod vel loquimur de veritate talium propositionum, quantum est ex virtute sermonis, vel quantum est de benigna interpretatione dictorum scriptura, & sanctorum; si primo modo, sic est regula generalis; quod cum propositio, in qua ponitur dictio exclusiua ex parte subiecti, duas exponentes habeat ipsam, videlicet affirmatiuam vnā, & negatiuā aliam; tunc exponentes, si fuerint vera, ipsa quoq; vera erit, sed si falsa, vel earum altera, & ipsa non secus falsa. Hoc ut videatis, inducendū erit in omnibus: pōt enim dictio exclusiua termino essentiali addi respectu prædicati essentialis, vel personalis, V. g. solus Deus est Deus, vel solus Deus est Pater, & sic, statim de qualibet earum patebit, an vera sit per regulam supradictā: prima etenim duas exponētes habet, Deus est Deus, & nullus alius à Deo est Deus: quarum quolibet vera est, similiter & secunda, dummodo pro persona diuina sumatur Pater. Quantum verò est de benigna doctorum expositione scriptura, & sanctorum, oportet, qđ exclusio quandoq; non fiat respectu principalis prædicati, sed respectu forma subiecti ratione subintellecta implicationis, & sic ista verificari posset, solus Pater est Deus, vel solus Pater est tantus, quanta sunt tres persona simul, sub hoc sensu solus Pater ille, qui
est

est Pater, & nullus alius in diuinis ab eo est Pater, vel tantus, quo modo loquitur Aug. in initio distinctionis, & per hunc modum dictio exclusiua non excludit correlatiuum à participatione principalis prædicati, sed à participatione formæ subiecti ratione subintellectæ implicationis. Multa alia his similia in dictis sacre scriptura, & sanctorum occurrunt, in quibus semper videtur aliqua improprietas; & ideo expressis, quomodo propositiones sint concedenda, patet. At quid dicemus, quando dictio exclusiua sumetur ex parte prædicati, & chategorematicè? tunc respondendum erit, quod ois propositio in diuinis sic falsa sit: nam secundum Hylarium in diuinis non est consuetudine aliquid esse solitarium. Si verò sumatur ex parte prædicati, & synchategorematicè, tunc poterit addi termino substantiali, vel personali in prædicato posito dupliciter, scilicet per se, vel cum alio termino numerali, siue partitiuo, siue expressiuo, sicut cum hoc termino vnus, vel verus. Si addatur termino substantiali per se in prædicato posito, V. g. Pater, vel trinitas est solus Deus: sic huiusmodi propositio oino impropria est, & egens expositione. His ita positis, nunc primæ rationi formata prædifficile non erit satisfacere, quum ergo dicebatur, quod solus Deus est Pater, respondetur, quod de rigore sermonis falsa est hæc propositio, quatenus verò in hanc conueri potest, V. g. dicendo nihil, quod est Pater, est aliud à Deo, tunc verà esse dicitur. Insuper quando addebatur, quod esse Patrem, et creaturis competit, non ergo soli Deo, respondetur ad hoc, quod soli Patri in diuinis, Patrem esse conuenit ad personarum diuinarum distinctionem, & ad exclusionem, sed non creaturarum, nisi quò ad modum, & tempus. Et hæc sunt.

DE NOMINVM DIFFERENTIA QVIBVS

VTIMVR LOQVENTES DE DEO.

Distinctio XXII.

Lectio LXXIII.

PEracto tractatu de diuinis rebus, ex consequenti Magister sent. de diuinis nominibus est verba factururus. Duo itaq; vobis ad aures Magistri polliceor in presenti: primo diuinorum nominum differentias, insuper predicationis eorum regulas. *Quantum ad primum.* Nomina de Deo dicta in septuplici differentia inueniuntur, ad quam depromendam veritatem exemplariter procedemus, ita dicentes, dari quaedam nomina notionalia, seu personales proprietates exprimentia, V. g. ut generatio, verum, Donum, Pater, Filius, & Spiritus sanctus. Inueniuntur praeter haec, quaedam alia nomina essentialia essentiae, scilicet unitatem referentia, V. g. Deus Deitas, sapientia, potentia, bonitas, magnitudo, virtus, & substantia. Insuper, quaedam alia transumptiua nomina pronunciantur, quae de Deo secundum similitudinem predicantur, V. g. ut splendor, candor, speculum, leo, agnus, & similia. Praeterea ab his dantur nomina temporalia, quae Deo ex tempore solum sunt conuenientia, & hoc duobus modis, vel in respectu ad creaturam relatione extrinseca, V. g. ut Dominus, creator, refugium, redemptor, saluator, & alia huiusmodi, vel habent considerari in respectu ad creaturas in intrinsecam tamen relatione, V. g. dum dicitur incarnatus, & humanatus. Deinde videtur dari aliud nomen, quod de omnibus simul personis dicitur, & de nulla singula-

tim,

tim, licet in insecare relatione, V. g. ut trinitas, quod nomen in se sua relationis terminos claudit. Et hęc de primo segmento. In secundo Magister regulas predicationis horum nominum ponit in in textu, quarum prima est talis. Nomina propria ad singulas personas pertinentia non substantialiter, sed relatiue dicuntur, non enim dici potest, quod Pater, sit filius, & quod filius sit Pater, nec quod Pater, & filius sint Spiritus sanctus, siue vice versa; quae predicatio est absolute essentialis, & substantiua. Bene dicitur, quod Pater sit filij Pater, & quod filius est Patris filius, quae predicatio relatiua est. Insuper post primam regulam altera inferitur, quae respicit nomina ad unitatem essentia spectantia, V. g. ut sapientia, bonitas, potentia, virtus, magnitudo, & alia huiusmodi, quae de singulis personis sigillatim, & de omnibus simul, nõ relatiue, sed substantialiter in singulari, & non in plurali affirmantur. Nam bene dicitur, Pater est Deus, sapientia, magnitudo, bonitas, virtus, similiter de filio, & de Spiritu sancto, & de omnibus simul, V. g. Pater, filius, & Spiritus sanctus, sunt Deus, sapientia, bonitas, &c. Non tamen pluraliter dici potest, Pater, & Filius, & Spiritus sanctus, sunt Dij, sapientia, potentia, bonitates, virtutes, & similia, quare Magistri intentio proposita vera.

Et hęc de tota distinctione.

VTRVM

VTRVM DEO NOMEN ALIQVOD

PROPRIVM CONVENIAT.

Lectio LXXIII.

Pauca in superiori distinctione diximus de diuinis nominibus, si rectè recolis, propterea hac in parte multo plura dicturi sumus, & hoc ne probro signari posse videamur. Quæremus ergo primò. Vtrum Deo aliquod nomen proprium conueniat. Præterea, Vtrum nomina Deo conuenientia de eo secundum substantiam dicantur. Circa primum, Partem negatiuam quidam defendentes ita ratiocinantur. Quæcunq; de Deo dicuntur, verius negantur, quàm affirmantur, ut colligitur ex Dionysio. Sed huiusmodi propriè non dicuntur, immo potius translatiuè: ergo, &c. Insuper eiusdem authoritate arguitur, supponēdo in primis dari duplicem theologiam .s. mysticā, & symbolicam; at Deus secundum utranq; translatiuè nominatur: igitur oīs Dei nominatio translatiua, & nullā propria; verum, q̃a in tex. Magister sent. in oppositum se hēt; iccirco p̃ quesiti determinatione duo videnda: quorū primū erit, q̃ Deus ex creaturis multipliciter nominari pōt. Insuper perscrutādum, quo modo illorum nominum quædam propriè Deo cōueniant. Quantum ad primum, nostis, nos unumquodq; nominare, ut intelligimus; nam intellectus ille est, qui nomina rebus imponit, quas intelligit, sed Deum ex creaturis multis modis, quātum ad conditiones multas, intelligimus: propterea ipsum multipliciter nominare valemus, v. g. per causalitatem; nam eius sunt actus multi, operationes, & effectus, ut creare, gubernare,

bernare, iustificare, glorificare, &c. Præterea solet nominari per remotionem; nam multa sunt, quæ remouentur à Deo, ut imperfectiones in creaturis, & sic multis solet nominibus nominari, V. g. ut increatus, infinitus, immensus, incōmutabilis, & ita de similibus. Quantum verò ad secundum, sciendum est, proprium diuidi cōtra commune, & contra metaphoricum, nec non cōtra translatum; & quia nomen non dicitur rei conuenire, nisi ut signum signato: ideo nomen aliquod Deo conuenire, duobus pōt modis considerari: uno modo, quia significet diuinā essentiam secundū eius propriam, & pfectam naturā, quasi diffinitiuē, qualiter animal rationale significat hominem, & hoc modo nullum Deo propriē nomen conuenit. Nec id mirum uobis uideri debet, quia pro hoc statu simpliciter, & quidditatiuē Deū minimē cognoscimus, licet de ipso possit haberi conceptus quidditatiuus. Dum ergo Dionysius de diuinis nominibus loquebatur dicens: nullum nomen à nobis impositum esse, quòd propriam eius essentiam significet, simpliciter, & quidditatiuē intelligi debet. Alio modo nomen Deo conuenire propriē dici potest, quatenus ei nec metaphoricē, nec translatiuē cōuenit, sub quo sensu propositum quæsitum intelligi habet. His itaq; ordinatis, nunc rationibus duabus adductis respondendum erit, & primò ad primam, deinde ad secundam. Dum ergo dicebatur, quā nomina de Deo dicta uerius negantur, quàm affirmantur, responderetur hoc duobus considerari posse modis, uno modo per modum inherētis, alio modo per modū significantis. Si primo modo, currit argumentum, si secundo modo, nullum est. Licet ergo multa inueniantur, quæ per modum abstracti accidentis alteri inherētis

Deo

Deo minime conuenire possint, quantum ad significandi modum, non ob id negari possunt à Deo, quantum ad rem significatam, quæ propriè in Deo reperitur. Ad secundâ instantiam de duplici Theologia adductam sic respondetur, quòd quamuis ipsa Deum per spirituales creaturas nominet, id tamen solum non facit per rerû similitudinem, sicut fit in locutionibus metaphoricis, sed quia ex creaturis spiritualibus in eorum cognitionem deuenit, quæ Deo propriè conueniunt, quibus etiam nomen imponit, quòd propriè Deo cõuenit, ut res per nomen significata. Et hæc de primo dubio. Cui alterum succedit, dùm queritur. Vtrû nomina dicta de Deo secundum substantiam pronuncientur. Mihi certè primo aspectu consideranti difficultatem hanc liceat quibusdam rationibus pro parte negatiua argumentari, nec toto ob id dicar aberrare cælo. Primo ergo sic. Oportet singulum eorum, quæ de Deo dicuntur, non quid est secundum substantiam significare, sed quid non est ostendere, inquit Damascenus: ergo nomina de Deo non videntur secundum substantiam posse dici. Insuper, Aug. v. de trinit. ait. Quæ dicuntur ad aliquid de Deo substantialiter non pronunciantur, at in diuinis multa sunt talia nomina personarû maximè, & proprietatum, quare de Deo non oïa nomina secundum substantiam dicuntur. In oppositum dicetis vos ingenij acumine pollescentes: in diuinis nomina vel absoluta, vel respectiua sunt, sed tam absoluta, quàm relatiua secundum substantiam de Deo dicuntur: ergo, &c. Ad huius quesiti euidentiam altius exordiri oportebit. Omne ergo nomen, quod de Deo dicitur, aut essenziale, aut personale, aut notionale est. Essentialium quædam sunt substanti-

na, ut Deus, creator, & similia. Quædã verò adiectiua, ut bonus, æternus, immensus, & huiusmodi. Personalia sunt, Pater, filius, & Spiritus sanctus. Notionalia, ut paternitas, filiatio, innascibilitas, & huiusmodi: de quibus notandum venit secundo, quod substantiale nomen, vel essentialia substantium, & abstractum, nullo modo potest trahi ad supponendum pro persona. Vnde falsa sunt hæc, essentia genuit essentiam, vel diuinitas diuinitatē: actus enim generationis semper ponendus est in concreto, & licet concreta sint essentialia, trahi tamen possunt ad supponendum pro persona, & hæc per verba notionalia, vel per propositiones notionales. Vnde vera sunt ista. Deus genuit Deum. Creator creatorem, vel Deus de Deo, similiter de nominibus, quæ media sunt, ut lumen de lumine. Item hoc nomen sapientia, licet sit abstractum, ut sapientia de sapientia. Essentialium verò adiectiuorum quædam prædicantur purè diuinam substantiam, ut bonus, & ens. Quædam diuinam essentiam connotando principij, & finis priuationem, ut æternus, vel certè mensuræ localis, ut immensus. Quædam alia principaliter diuinam significant essentiam, & connotant effectum in creatura actu, ut creat, iustificat, vel in habitu, ut iustus, & misericors, uel in potentia, ut omnipotens. Insuper quædam uerba dantur, quorum nec significatio, nec modus significandi Deo conuenit, ut currere, & ambulare. Nam modus est uaria inclinatio animi uarios eius effectus demonstrans. Modus significandi nihil aliud est, quam dispositio uocis, quæ constituit intellectum, sub tali modo intelligendi, & per consequens ipsam rem; cum ergo de Deo dicitur ambulare, vel currere, & huiusmodi, horum significatio, pro ut sunt actu,

Deo

Deo non conuenit. Modus autē significandi, ut quandam imperfectionem importat, dico, quo ad motum, qui quidem motus necessitatis Deo conuenire non potest. Dantur quædam alia, quorum significatio conuenit Deo, sed non modus significandi, ut creare, facere. Quædam quorum significatio est Deo conuenit, ut patet in hoc verbo Exod. Qui est, misit me ad uos; Vbi notandum est, quod oīa, quæ perfectionis sunt, de Deo dicuntur, quæ autē imperfectionis nō dicuntur, nisi secundum humanæ naturæ assumptionem, ac trāslatiuè. His additur, q̄ in diuinis sunt duo tantum modi prædicandi, scilicet per modum substantiæ, & per modum relationis; sed substantia continet uirtutem, & relatio multiplicat trinitatem. Quædam alia rursus nomina sunt, quæ de Deo æternaliter dicuntur, ut dominus, & misericors, quæ cōnotant in creatura effectum secundum habitum. Quædam uerò temporaliter, ut dominator, & miserator, quæ in creatura connotant effectum secundum actum. Quædam alia pluraliter, ut persona. Quædam singulariter, ut Deus. Quædam propriè, ut personarum proprietates. Quædam appropriatè, ut potentia, & sapientia. Quædam positiuè, ut iustus. Quædam priuatiuè, ut immortalis: & hæc magis propriè de Deo dicuntur, quàm positiua: melius enim dicitur de Deo, qđ non sit, quàm quod sit. Quædam alia trāslatiuè, ut agnus, leo, quæ symbolicè de Deo dicuntur. Duplex enim theologia, symbolica uidelicet, & mystica. Symbolica Deum nominat ab inferiori. Mystica, à superiori. Symbolica nominat Deum per rerum conuenientiam, cum dicitur leo, agnus, & huiusmodi. Mystica uerò, idest occulta, Deum nominat per hoc, quod in occulto de ipso sentit per

visionem intellectualem, siue contemplationem, V. g. quando nominat Deum suauem, dulcem, dilectum, & huiusmodi. Vtrobique tamen per creaturas nominatur, sed in symbolica per exteriores, in mystica per interiores, & effectus digniores, quos anima supra se recipit, & ita imponit per donum sapientiae. Huiusmodi proprium experimentum est cognoscere, qualis sit Deus. Quaedam alia collectiue dicuntur, ut trinitas. Quaedam relatiue, ut equalis, similis. Quaedam respectiue ad creaturas, ut creator, & refugium. Praeterea duo principalia Dei nomina sunt, videlicet qui est, & bonum. Per primum, Dei esse absolutum in se significatur, & sic consideratur, ut infinitum. Per secundum notatur esse diuinum, ut causa: nam fecit Deus omnia propter bonitatem suam. Vtcrius in theologia supponitur, quod & hoc propter nomina essentialia, ut Deus, diuinitas, potentia, & natura. Insuper supponitur quis pro persona, supponiturque pro notione. Post haec per neutrum genus dicitur substantia diuina, per masculinum persona, per femininum notio, & per hoc patet, quod non debet in hymno cantari, Vnus patri cum filio, quia Pater, & filius non sunt unus in persona, sed unum in substantia, magis ergo cantandum est, vuum Patri cum filio. Ex his omnibus, quid ad argumenta dicendum, de facili patebit: nam primum concludit, quod nomina negatiua non dicunt, quid est Deus, sed quid non est. Relatiua vero dicunt eius habitudinem ad creaturas. Absoluta nec ipsa, quid est, simpliciter significare dicuntur, quoniam nullum eorum totam diuinam exprimit perfectionem. Ad alterum iam, quid dicendum, patet, quia non omnia de Deo substantialiter dicuntur, ut ex dictis vobis notum.

DE HOC NOMINE, QVOD EST PERSONA.

Distinctio XXIII.

Lectio LXXV.

SE semibi offert vigesima tertia distinctio hodierna die declaranda: cuius nexus cum superiori primò declarandus: insuper totius distinctionis diuissio. Ex quo ergo Magister sent. in genere de diuinis nominibus verba fecit, hinc est, qđ in presenti in specie de hoc nomine persona loquuturus sit. Habito his paucis nexu verbis, diuidi nunc potest hec distinctio in tria puncta: in primo hoc nomen persona excipitur à regula prædicta, qua dabatur de his, quæ secundū substantiam pferuntur. Insuper manifestatur hoc nomen, persona, de tribus dici psonis in diuinis. Demum concluditur, qđ in diuinis, nec diuersitas essentialis, nec singularitas personalis propriè dici possit. Quo ad punctū primum, laconicè ut procedamus, hanc propositionem premittemus. Hoc nomen, persona, de diuinis substantialiter dicitur. An ita sit, audite. Omne nomen, quod de diuinis non relatiuè, sed absolute pronunciatur, tale non personaliter, sed substantialiter dicitur, at hoc nomen, persona, sic se habet: igitur substantialiter predicari habet. Ex modo loquendi videtur, qđ hec ueritas possit confirmari, nam consueuimus dicere, Pater est persona, filius est persona, & Spiritus sanctus est persona, & hoc substantialiter, siue secundū substantiam, quare patet intentum. Verum quia non dicitur, quod Pater, & Filius, & Spiritus sanctus sint una persona, sed tres persone: propterea hoc nomen excipi poterit à regula prædicta

altera personam excludat, vel ad proprietatem relatiuam; primo modo capi non debet, quia non est una persona sine alia, at secundo modo sic, quia ibi notatur proprietas relatiua uni, ita quod non alteri conuenire. Vnde sensus est. Solus Pater, id est, qui ita est Pater, quod non filius. Similiter dum dicitur solus filius, sensus est, qui ita est filius, quod eius filiatio alteri nequeat in diuinis conuenire, & sic apparet, quo modo in diuinis exclusiue dictiones debeant capi. Quid verò tenendum sit de illis propositionibus, in quibus de personalibus termini essentiales cum exclusionem affirmantur, ut declararet Magister sent. ait, negandas esse tales propositiones, V. g. solus Pater est Deus. Spiritus sanctus est solus Deus, vel filius est solus Deus. Cur verò negandæ sint tales propositiones ratio facilis est, esse enim Deum toti trinitati conuenit, & non solum uni personæ. Sed dicetis: nonne termini essentiales de personalibus affirmantur? cur ergo non debent concedi tales propositiones? iam diximus causam, quia nomen Dei tribus diuinis personis commune est, quare, &c. Duabus iam enodatis partibus de tribus à me propositis, tertia, & vltima accedit, ubi modus generalis nobis traditur, quo prædicta sanius intelligantur. Cum itaq; diuinæ personæ tantæ sint coherentie, ita ut earum una nequeat exprimi absq; aliarum cointelligentia, ideo licet in sacra scriptura quandoq; solus Pater nominetur; vel solus filius, inde tamen minime separatur Spiritus sanctus. Quæ veritas Aug. testimonio ita dicentis confirmari potest. Verum si de solo Patre prædicta diceretur, non tamen excluderetur filius, vel Spiritus sanctus, quia hi tres unum sunt. Et hæc pro presenti satis dicta sint.

DE

LECTIONES LIB. PRIMI. 187
DE DICTIONIBVS EXCLUSIVIS.
Lectio LXXII.

AD maiorem euidentiam eorum, quæ in proximo præterito Magistri sent. sermone dicta sunt, ab. tror, duo maxima considerationis quesita in præsentii parte examinanda fore. Quorum primum erit. Vtrum dictio exclusiua uni relatiuorum addita, reliquum excludat. Insuper, Vtrum exclusiua dictio verè addi possit termino essentiali respectu prædicati personalis, V. g. sic dicendo. Solus Deus est Pater. Quantum ad primum. Vnico medio negatiuo videtur sic posse argui. Dictio exclusiua, id, qd est de intellectu rei, minime excludit, id est rei, cui additur, V. g. quando toti est addita, partem tunc non excludit, nec homini applicata animal excludit, sed vnum cor relatiuorum dicitur esse de intellectu alterius, quare exclusiua dictio uni addita alterum non excludet. Ex alio latere in oppositum se habet illud, quod primo physicorum habetur, videlicet, quod dictio exclusiua addita principioprincipiatum excludit, at principium, & principiatum relatiuè dicuntur: igitur, &c. Pro determinatione huius rei duo perpendenda occurrunt, & primò, quid dictio exclusiua significet, maximè loquendo de illa circa terminum, cui adiungitur: deinde, quid habeat excludi per dictionem exclusiuam, & quid non, ex quibus, quid tenendum, de facili apparebit. Circa primum ergo, ut videre est lib. Elenchorum, apud Philosophum, solus dicitur hæc dictio exclusiua significare idem, qd non cum alio. Quantum ad secundum, dici poterit, quòd exclusiua dictio, ut loquimur

quimur in presenti, uni applicata persona in diuinis aliam personaliter excludat, non tamen essentialiter. His ita positis, argumento adducto ab aduersarijs difficile respondere non erit: dicamus itaque, quòd dictio exclusiua illud excludat, quod est de intellectu rei, dum modo non faciat cum re vnum per essentiam, vel per ingrentiam, ut euenit, contingitue in relatiuis. Quae praedicta licet vera sint de virtute sermonis, in usu tamen sacrae scripturae, & sanctorum quandoque aliter inuenitur, ideo tunc temporis tales auctoritates pie erunt exponendae, scilicet in sensu, in quo fiunt, & non in sensu, quem de virtute sermonis faciunt. Et hoc de primo quaestio. Huic nectitur alterum, dum queritur. Vtrum dictio exclusiua verè termino essentiali respectu personalis praedicati addi possit, dicendo sic. Solus Deus est Pater. Mihi sanè videtur, quòd non: nam si hoc vera esset, solus Deus est Pater, à simili sua cōuersa foret vera: solus Pater est Deus, consequens falsum est: ergo & id, ex quo falsitas consequentis sequitur, consequentis falsitas probatur, quoniam tunc temporis sequeretur, quòd filius non esset Deus, & hoc, quia dictio exclusiua uni correlatiuorum addita alterum excludit, ut alias dictum fuit. Deinde, quo modo soli Deo conuenire potest, quod sit tantum Pater, cum esse Patrem eī creaturis competat? falsa ergo erit ista, solus Deus est Pater. In oppositum se habet Magister in textu, propterea pro veritate terminanda hac in parte notanda erunt nonnulla, ex quibus, quid tenendum, patet. Notetis igitur primò, quòd hoc dictio, solus, duobus considerari pōt modis: uno modo chategoricè, siue chategorematicè, alio modo, synchategorematicè. Si primo modo sumatur, tunc im-

portat

portat solitudinem (ut ita loquar) in illo, cui additur, & sic oēs propositiones in diuinis, ubi ponitur hęc dictio, solus, falsa sunt. Si verò, ly solus, capiatur, synchategorematicè, & exclusiue, tunc duo considerata: primum erit de veritate propositionum, in quibus dictio exclusiua ponitur ex parte subiecti. Secundum de veritate illarum, in quibus ex parte prædicati ponitur. Quantum ad primum, sciendum est, quod vel loquimur de veritate talium propositionum, quantum est ex virtute sermonis, vel quantum est de benigna interpretatione dictorum scripturæ, & sanctorum; si primo modo, sic est regula generalis, quod cum propositio, in qua ponitur dictio exclusiua ex parte subiecti, duas exponentes habeat ipsam, videlicet affirmatiuam unam, & negatiuam aliam; tunc exponentes, si fuerint vera, ipsa quoq; vera erit, sed si falsa, vel earum altera, & ipsa non secus falsa. Hoc ut videatis, inducendū erit in omnibus: pōt enim dictio exclusiua termino essentiali addi respectu prædicati essentialis, vel personalis, V. g. solus Deus est Deus, vel solus Deus est Pater, & sic, statim de qualibet earum patebit, an vera sit per regulam supradictam: prima etenim duas exponētes habet, Deus est Deus, & nullus alius à Deo est Deus: quarum quilibet vera est, similiter & secunda, dummodo pro persona diuina sumatur Pater. Quantum verò est de benigna doctorum expositione scripturæ, & sanctorum, oportet, qđ exclusio quandoq; non fiat respectu principalis prædicati, sed respectu formæ subiecti ratione subintellecæ implicationis, & sic ista verificari posset, solus Pater est Deus, vel solus Pater est tantus, quanta sunt tres persona simul, sub hoc sensu solus Pater ille, qui est

est Pater, & nullus alius in diuinis ab eo est Pater, vel tantus, quo modo loquitur Aug. in initio distinctionis, & per hunc modum dictio exclusiua non excludit correlatiuum à participatione principalis predicati, sed à participatione formæ subiecti ratione subintellecta implicationis. Multa alia his similia in dictis sacre scripturæ, & sanctorum occurrunt, in quibus semper videtur aliqua improprietas; & ideo expressis, quomodo propositiones sint concedende, patet. At quid dicemus, quando dictio exclusiua sumitur ex parte predicati, & chategorématique? tunc respondendum erit, quod ois propositio in diuinis sic falsa sit: nam secundum Hylarium in diuinis non est consuevendi aliquid esse solitarium. Si verò sumatur ex parte predicati, & synchategorématique, tunc poterit addi termino substantiali, vel personali in predicato posito dupliciter, scilicet per se, vel cum alio termino numerali, siue partitio, siue expressio, sicut cum hoc termino unus, vel verus. Si addatur termino substantiali per se in predicato posito, V. g. Pater, vel trinitas est solus Deus: sic huiusmodi propositio oino impropria est, & egens expositione. His ita positis, nunc primæ rationi formata p̄difficile nō erit satisfacere, quā ergo dicebatur, quod solus Deus est Pater, responderetur, quod de rigore sermonis falsa est hæc propositio, quatenus verò in hanc vōneri pōt, V. g. dicendo nihil, quod est Pater, est aliud à Deo, tunc verā esse dicitur. Insuper quando addebatur, quod esse Patrem, et creaturis competit, non ergo soli Deo, responderetur ad hoc, quod soli Patri in diuinis, Patrem esse cōuenit ad personarū diuinarum distinctionem, & ad exclusionem, sed non creaturarian, nisi quod ad modum, & tempus. Et hæc sunt.

DE

DE NOMINVM DIFFERENTIA QVIBVS

VTIMVR LOQVENTES DE DEO.

Distinctio XXII.

Lectio LXXIII.

PEracto tractatu de diuinis rebus, ex consequenti Magister sent. de diuinis nominibus est verba factururus. Duo itaq; vobis ad aures Magistri polliceor in presenti: primo diuinorum nominum differentias, insuper predicationis eorum regulas. Quantum ad primum. Nomina de Deo dicta in septuplici differentia inueniuntur, ad quam depromendam veritatem exemplariter procedemus, ita dicentes, dari quaedam nomina notionalia, seu personales proprietates exprimentia, V. g. ut generatio, verum, Donum, Pater, Filius, & Spiritus sanctus. Inueniuntur praeter haec, quaedam alia nomina essentialia essentiae, scilicet unitatem, essentiam, V. g. Deus, Deitas, sapientia, potentia, bonitas, magnitudo, virtus, & substantia. Insuper, quaedam alia transumptiua nomina pronunciantur, quae de Deo secundum similitudinem predicantur, V. g. ut splendor, candor, speculum, leo, agnus, & similia. Praeterca ab his dantur nomina temporalia, quae Deo ex tempore solum sunt conuenientia, & hoc duobus modis, vel in respectu ad creaturam relatione extrinseca, V. g. ut Dominus, creator, refugium, redemptor, saluator, & alia huiusmodi, vel habent considerari in respectu ad creaturas intrinseca tamen relatione, V. g. dum dicitur incarnatus, & humanatus. Deinde videtur dari aliud nomen, quod de omnibus simul personis dicitur, & de nulla singula-

tim,

tim, licet intrinseca relatione, V. g. ut trinitas, quod nomen in se sua relationis terminos claudit. Et hæc de primo segmento. In secundo Magister regulas prædicationis horum nominum ponit in in textu, quarum prima est talis. Nomina propria ad singulas personas pertinentia non substantialiter, sed relatiuè dicuntur, non enim dici potest, quod Pater, sit filius, & quod filius sit Pater, nec quod Pater, & filius sint Spiritus sanctus, siue vice versa; quæ prædicatio est absolutè essentialis, & substantiua. Bene dicitur, quod Pater su filij Pater, & quod filius est Patris filius, quæ prædicatio relatiua est. Insuper post primam regulam altera inferatur, quæ respicit nomina ad unitatem essentia spectantia, V. g. ut sapientia, bonitas, potentia, virtus, magnitudo, & alia huiusmodi, quæ de singulis personis sigillatim, & de omnibus simul, nõ relatiuè, sed substantialiter in singulari, & non in plurali affirmantur. Nam bene dicitur, Pater est Deus, sapientia, magnitudo, bonitas, virtus, similiter de filio, & de Spiritu sancto, & de omnibus simul, V. g. Pater, filius, & Spiritus sanctus, sunt Deus, sapientia, bonitas, &c. Non tamen pluraliter dici potest, Pater, & Filius, & Spiritus sanctus, sunt Dij, sapientia, potentia, bonitates, virtutes, & similia, quare Magistri intentio proposita vera.

Et hæc de tota distinctione.

VTRVM

LECTIONES LIB. PRIMI. 193
 VTRVM DEO NOMEN ALIQUOD
 PROPRIVM CONVENIAT.
 Lectio LXXIII.

Pauca in superiori distinctione diximus de diuinis nominibus, si rectè recolitis, propterea hac in parte multo plura dicturi sumus, & hoc ne probro signari posse videamur. Quæremus ergo primò. Vtrum Deo aliquod nomen proprium conueniat. Præterea, Vtrum nomina Deo conuenientia de eo secundum substantiam dicantur. Circa primum, Partem negatiuam quidam defendentes ita ratiocinantur. Quæcunq; de Deo dicuntur, verius negantur, quàm affirmantur, ut colligitur ex Dionysio. Sed huiusmodi proprie non dicuntur, immo potius translatiue: ergo, &c. Insuper eiusdem autoritate arguitur, supponendo in primis dari duplicem theologiam .s. mysticam, & symbolicam; at Deus secundum utranq; translatiue nominatur: igitur ois Dei nominatio translatiua, & nulla propria; verum, q. a in tex. Magister sent. in oppositum se hêt; iccirco p. quesiti determinatione duo videnda: quorū primū erit, q. Deus ex creaturis multipliciter nominari pôt. Insuper perscrutandum, quo modo illorum nominum quædam proprie Deo cōueniant. Quantum ad primum, nostis, nos unumquodq; nominare, ut intelligimus; nam intellectus ille est, qui nominare rebus imponit, quas intelligit, sed Deum ex creaturis multis modis, quātum ad conditiones multas, intelligimus: propterea ipsum multipliciter nominare valemus, v. z. per causalitatem; nam eius sunt actus multi, operationes, & effectus, ut creare, gubernare,

bernare, iustificare, glorificare, &c. Præterea solet nominari per remotionem; nam multa sunt, quæ remouentur à Deo, ut imperfectiones in creaturis, & sic multis solet nominibus nominari, V. g. ut increatus, infinitus, immensus, incommutabilis, & ita de similibus. Quantum verò ad secundum, sciendum est, proprium diuidi contra commune, & contra metaphoricum, nec non contra translatum: & quia nomen non dicitur rei conuenire, nisi ut signum signato: ideo nomen aliquod Deo conuenire, duobus potest modis considerari: uno modo, quia significet diuinam essentiam secundum eius propriam, & perfectam naturam, quasi diffinitiuè, qualiter animal rationale significat hominem, & hoc modo nullum Deo propriè nomen conuenit. Nec id mirum uobis uideri debet, quia pro hoc statu simpliciter, & quidditatiuè Deum minimè cognoscimus, licet de ipso possit haberi conceptus quidditatiuus. Dum ergo Dionysius de diuinis nominibus loquebatur dicens: nullum nomen à nobis impositum esse, quòd propriam eius essentiam significet, simpliciter, & quidditatiuè intelligi debet. Alio modo nomen Deo conuenire propriè dici potest, quatenus ei nec metaphoricè, nec translatiuè conuenit, sub quo sensu propositum quesitum intelligi habet. His itaq; ordinatis, nunc rationibus duabus adductis respondendum erit, & primò ad primam, deinde ad secundam. Dum ergo dicebatur, quod nomina de Deo dicta uerius negantur, quàm affirmantur, respondetur hoc duobus considerari posse modis, uno modo per modum inherētis, alio modo per modum significantis. Si primo modo, currit argumentum, si secundo modo, nullum est. Licet ergo multa inueniantur, quæ per modum abstracti accidentis alteri inherētis Deo

Deo minimè conuenire possint, quantum ad significandi modum, non ob id negari possunt à Deo, quantum ad rem significatam, quæ propriè in Deo reperitur. Ad secundâ instantiam de duplici Theologia adductam sic respondetur, quòd quamuis ipsa Deum per spirituales creaturas nominet, id tamen solum non facit per rerû similitudinem, sicut fit in locutionibus metaphoricis, sed quia ex creaturis spiritualibus in eorum cognitionem deuenit, quæ Deo propriè conueniunt, quibus etiam nomen imponit, quòd propriè Deo cõuenit, ut res per nomen significata. Et hæc de primo dubio. Cui alterum succedit, dùm quæritur. Vtrû nomina dicta de Deo secundum substantiam pronuncientur. Mihi certè primo aspectu consideranti difficultatem hanc liceat quibusdam rationibus pro parte negatiua argumentari, nec toto ob id dicar aberrare celo. Primo ergo sic. Oportet singulum eorum, quæ de Deo dicuntur, non quid est secundum substantiam significare, sed quid non est ostendere, inquit Damascenus: ergo nomina de Deo non videntur secundum substantiam posse dici. Insuper, Aug. v. de trinit. ait. Quæ dicuntur ad aliquid de Deo substantialiter non pronunciantur, at in diuinis multa sunt talia nomina personarû maximè, & proprietatum, quare de Deo non oïa nomina secundum substantiam dicuntur. In oppositum dicetis vos ingenij acumine pol- lentes: in diuinis nomina vel absoluta, vel respectiua sunt, sed tam absoluta, quàm relatiua secundum substantiam de Deo dicuntur: ergo, &c. Ad huius quesiti euidentiam altius exordiri oportebit. Omne ergo nomen, quod de Deo dicitur, aut essentialiale, aut personale, aut notionale est. Essentialium quedam sunt substanti-

na, ut Deus, creator, & similia. Quædā verò adiectiua, ut bonus, eternus, immensus, & huiusmodi. Personalia sunt, Pater, filius, & Spiritus sanctus. Notionalia, ut paternitas, filiatio, innascibilitas, & huiusmodi: de quibus notandum venit secundo, quod substantiale nomen, vel essentiale substantiuum, & abstractum, nullo modo potest trahi ad supponendum pro persona. Vnde falsa sunt hæc, essentia genuit essentiam, vel diuinitas diuinitatē: actus enim generationis semper ponendus est in concreto, & licet concreta sint essentialia, trahi tamen possunt ad supponendum pro persona, & hæc per verba notionalia, vel per propositiones notionales. Vnde vera sunt ista. Deus genuit Deum. Creator creatorem, vel Deus de Deo, similiter de nominibus, quæ media sunt, ut lumen de lumine. Item hoc nomen sapientia, licet sit abstractum, ut sapientia de sapientia. Essentialium verò adiectiuorum quædam prædicant purè diuinam substantiam, ut bonus, & ens. Quædam diuinam essentiam connotando principij, & finis priuationem, ut eternus, vel certè mensura localis, ut immensus. Quædam alia principaliter diuinam significant essentiam, & connotant effectum in creatura actu, ut creat, iustificat, vel in habitu, ut iustus, & misericors, uel in potentia, ut omnipotens. Insuper quædam uerba dantur, quorū nec significatio, nec modus significandi Deo conuenit, ut currere, & ambulare. Nam modus est uaria inclinatio animi uarios eius effectus demonstrans. Modus significandi nihil aliud est, quàm dispositio uocis, quæ cōstituit intellectū, sub tali modo intelligendi, & per consequens ipsam rem; cum ergo de Deo dicitur ambulare, vel currere, & huiusmodi, horum significatio, pro ut sunt actu,

Deo

Deo non conuenit. Modus autē significandi, ut quandam imperfectionem importat, dico, quo ad motum, qui quidem motus necessitatis Deo conuenire non potest. Dantur quædam alia, quorum significatio conuenit Deo, sed non modus significandi, ut creare, facere. Quædam quorum significatio est Deo conuenit, ut patet in hoc verbo Exod. Qui est, misit me ad uos; Vbi notandum est, quod oīa, quæ perfectionis sunt, de Deo dicuntur, quæ autē imperfectionis nō dicuntur, nisi secundum humanæ naturæ assumptionem, ac trāslatiuè. His additur, q̄ in diuinis sunt duo tantum modi prædicandi, scilicet per modum substantiæ, & per modum relationis; sed substantia continet virtutem, & relatio multiplicat trinitatem. Quædam alia rursum nomina sunt, quæ de Deo æternaliter dicuntur, ut dominus, & misericors, quæ cōnotant in creatura effectum secundum habitum. Quædam verò temporaliter, ut dominator, & miserator, quæ in creatura connotant effectum secundum actum. Quædam alia pluraliter, ut persona. Quædam singulariter, ut Deus. Quædam propriè, ut personarum proprietates. Quædam appropriatè, ut potentia, & sapientia. Quædam positiuè, ut iustus. Quædam priuatiuè, ut immortalis: & hæc magis propriè de Deo dicuntur, quàm positiua: melius enim dicitur de Deo, qd̄ non sit, quàm quod sit. Quædam alia trāslatiuè, ut agnus, leo, quæ symbolicè de Deo dicuntur. Duplex enim theologia, symbolica uidelicet, & mystica. Symbolica Deum nominat ab inferiori. Mystica, à superiori. Symbolica nominat Deum per rerum conuenientiam, cum dicitur leo, agnus, & huiusmodi. Mystica uerò, idest occulta, Deum nominat per hoc, quod in occulto de ipso sentit per

visionem intellectualem, siue contemplationem, V. g. quando nominat Deum suauem, dulcem, dilectum, & huiusmodi. Vtrobique tamen per creaturas nominatur, sed in symbolica per exteriores, in mystica per interiores, & effectus digniores, quos anima supra se recipit, & ita imponit per donum sapientie. Huiusmodi proprium experimentum est cognoscere, qualis sit Deus. Quædam alia collectiue dicuntur, ut trinitas. Quædam relatiue, ut squalis, similis. Quædam respectiue ad creaturas, ut creator, & refugium. Preterea duo principalia Dei nomina sunt, videlicet qui est, & bonum. Per primum, Dei esse absolutum in se significatur, & sic consideratur, ut infinitum. Per secundum notatur esse diuinum, ut causa: nam fecit Deus oia propter bonitatem suam. Vtiterius in theologia supponitur, quod & hoc propter nomina essentialia, ut Deus, diuinitas, potentia, & natura. Insuper supponitur quis pro persona, supponiturq; pro notione. Post hæc per neutrum genus dicitur substantia diuina, per masculinum persona, per femininum notio, & per hoc patet, quod non debet in hymno cantari, Vnus patri cum filio, quia Pater, & filius nõ sunt vnus in persona, sed vnum in substantia, magis ergo cantandum est, vnum Patri cum filio. Ex his omnibus, quid ad argumenta dicendum, de facili patebit: nam primum concludit, quod nomina negatiua non dicunt, quid est Deus, sed quid non est. Relatiue verò dicunt eius habitudinem ad creaturas. Absoluta nec ipsa, quid est, simpliciter significare dicuntur, quoniam nullum eorum totam diuinam exprimit perfectionem. Ad alterum iam, quid dicendum, patet, quia nõ oia de Deo substantialiter dicuntur, ut ex dictis nobis notum.

DE HOC NOMINE, QVOD EST PERSONA.

Distinctio XXIII.

Lectio LXXV.

SE semibi offert vigesima tertia distinctio hodierna die declaranda: cuius nexus cum superiori primò declarandus: insuper totius distinctionis diuisio. Ex quo ergo Magister sent. in genere de diuinis nominibus verba fecit, hinc est, qđ in presenti in specie de hoc nomine persona loquuturus sit. Habito his paucis nexu verbis, diuidi nunc potest hec distinctio in tria puncta: in primo hoc nomen persona excipitur à regula prædicta, quæ dabatur de his, quæ secundū substantiam pferuntur. Insuper manifestatur hoc nomen, persona, de tribus dici psonis in diuinis. Demum concluditur, qđ in diuinis, nec diuersitas essentialis, nec singularitas personalis propriè dici possit. Quo ad punctū primum, laconicè ut procedamus, hanc propositionem præmittemus. Hoc nomen, persona, de diuinis substantialiter dicitur. An ita sit, audite. Omne nomen, quod de diuinis non relatiuè, sed absolutè pronunciatur, tale non personaliter, sed substantialiter dicitur, at hoc nomen, persona, sic se habet: igitur substantialiter prædicari habet. Ex modo loquendi videtur, qđ hec ueritas possit confirmari, nam consueuimus dicere, Pater est persona, filius est persona, & Spiritus sanctus est persona, & hoc substantialiter, siue secundū substantiam, quare patet intentum. Verum quia non dicitur, quod Pater, & Filius, & Spiritus sanctus sint una persona, sed tres persone: propterea hoc nomen excipi poterit à regula prædicta

nominum, quæ penes substantiam de ipso Deo dicuntur. Et hæc de primo puncto. Cui alterum succedit, pro cuius declaratione sic primo dubitatur, Cur Pater, & Filius, & Spiritus sanctus nõ dicuntur una persona, ut una substantia, & unus Deus? huic difficultati Magister sent. ut satisfaciatur, verbis D. Aug. vii. de trinit. utitur, & ait: hoc fieri, ne oĩno interrogati taceamus, qđ tres sunt. Quapropter ex his de facili cognoscitur, hoc nomen persona pluraliter dici: quærentibus ergo de tribus, hoc nomine respondimus, tres enim sunt personæ diuina, ut fides nostra fateatur, & sicuti hæc propositio vera, & catholica est, dũ dicitur, quòd Pater, & Filius, & Spiritus sanctus tres sunt persona. E contrario altera erit falsa, V. g. si dixerimus, qđ Pater, & Filius, & Spiritus sanctus sint persona. Et hæc de duobus segmentis satis. Superest tertium, & ultimum, ubi est manifestandum, in diuinis, nec diuersitatem substantialem, nec singularitatẽ personalem esse ponendam, alioquin si hæc concederentur in diuinis: tunc essentia diuina unitas, & personarum diuersitas tolleretur, non igitur hæc concedenda. Et hæc de pollicitis satis.

Lectio LXXVI.

AD uberiorem eorum, quæ dicta sunt à Magistro sent. doctrinã, duo mihi hodierna die laconico sermone quærenda occurrunt, & primo. Vtrũ hoc nomen, persona, substantiam, vel relationem significet. Insuper Vtrum hæc nomina, substantia, subsistentia, essentia, & persona in diuinis sit idẽ.

Quantum

Quantum attinet ad primum, mihi videtur esse dicendum, quòd persona relationem significet. Nam Boetius lib. de trinit. habet, quòd omne nomen pertinens ad personas relationem significat: igitur, &c. Idem Boetius asserit, omne illud, quòd plurificatur, pertinere ad relationes sed in diuinis persona plurificatur, nam tres personas esse fateamur: quare, &c. In oppositum illud D. Aug. lib. vii. de trinit. se habet, ubi ex professo patet, hoc nomen, persona, in diuinis secundum substantiam dici, nam cum dicimus personam Patris, non aliud dicimus, quam Patris substantiam ad se. Persona igitur videtur essentiam significare, & non relationem. Pro quesiti solutione duo certe præmittenda forent, & primò, Num persona sit rei nomen, vel intentionis. Insuper quid in rei veritate significet in diuinis, an substantiam, vel relationem. At quia hæc potius curiosa, quam vtilia sunt, iccirco silentio inuoluenda, & rationes adductæ soluendæ. Erat ergo prima ratio, quòd omne nomen pertinens ad personas importat relationem, &c. Respondetur, hoc dupliciter considerari posse, vel quo ad significationem, vel quo ad id, de quo dicitur. Si primo modo, argumentum nullum est, quia hoc nomen, persona, relationem minime significat. Si verò secundo modo sumatur, tunc dicitur relationem importare, quia de relatiuo predicatur. Ad secundam rationem, videtur posse per idem responderi sic, quòd illud in diuinis ad relationem pertineat, quòd plurificari habet, & respectu eorum, de quibus dicitur, non tamen oportet id fieri, quantum ad rationem significandi formalem, nõ enim significatum communis nominis in se illorum, de quibus dicitur, rationem includit. Et hæc de primo quesito pauca sufficiant. *Quæritur*

ritur secundò, num nomina ista, *subsistentia*, *substantia*, *essentia*, & *persona*, sint idem, vel differant. Pro parte affirmatiua videtur posse suaderi, quòd idem significant, quæ enim uni simplicissimo cõueniunt, idem penitus significare dicuntur, sed hæc nomina Deo simplicissimo ascribuntur: igitur, &c. In contrarium arguentes quidam fatentur hoc teneri minimè posse, & ne sine ratione loquentes erubescant, ita fantur. Illa, quæ se habent sic, quod uno plurificato, aliud non plurificatur, penitus idem significare nequeunt, sed in diuinis persona sic se habet: igitur, &c. Ad hoc questum terminandum, primò videndum erit, quid hæc nomina significant, & à quo imponantur secundò. Quantiũ ad primum, ordine prepostero pcedendum, nam hæc nomina, *essentia*, *substantia*, & *subsistentia*, ab his actibus, quæ sunt esse substatre, & subsistere imponuntur, esse enim quoddam commune est, nec sibi aliquem essendi modum determinat, subsistere autem modum essendi determinatum dicit, pro ut est aliquid ens per se, & non in alio. Substatre deinde idem videtur esse, quod sub alio stare, *essentia* verò significare dicitur id, cuius est actus esse, & *subsistentia*, id cuius est actus subsistere, & *substantia* id, cuius est actus substatre. His in hunc modum premissis, de facili argumentũ ruet primum, si dixerimus, nomina prædicta bifariam posse cõsiderari: uno modo in substantijs compositis, alio modo in simplicibus substantijs. Si primo modo, licet differant secundum unam eorũ acceptionem, in Deo tamen, & simplicibus substantijs sola ratione differunt, & ita, quid dicendum sit aduersarijs, patet ex dictis.

QVID

QVID SIGNIFICETVR HIS NOMINIBVS

VNVS, VEL VNA, ETC.

Distinctio XXIII.

Lectio LXXVII.

H *V*ius lib. primi vigesimam quartam distinctionem ag-
gressuri, nexum, seriem, atq; pendentiam à superioribus
primò contemplabimur. Insuper distinctionis diuisionē
de cohrentia audite. Ex quo Magister de significatione huius
nominis, persona, verba fecit, pro vt per se sumitur, Nunc consi-
to de significatione eiusdem, pro vt cum terminis sumitur numera-
libus sibi adiunctis, agere intendit. Habito in hunc modum ordine
distinctionis una cum intentione, nunc ad diuisionem accedamus:
Hec enim in tria, vt video, usurpari potest segmenta. In quorum
primo declaratur, quo modo in diuinis per terminos numerales
excludi habeat multiplicitas substantialis. Insuper per eorundem
terminorū considerationē solitudo personalis remouenda. Tertio,
& ultimo per eorū distinctionem personalis cōfusio secludenda.
Circa primi puncti declarationem de more nostro hanc premit-
temus propositionem. In diuinis per nomina numeralia ad essentiae
unitatem spectantia sola multiplicitas excludenda. Nunc pro-
banda foret hęc propositio, pro cuius manifestatione inuestigat pri-
mo Magister sent. querendo, quid per terminos numerales, &
nomina pertinentia ad multitudinem, siue pluralitatem, siue di-
stinctionem, in diuinis significetur, nam si de Deo vera dicuntur,
procul dubio significatū suum ponent in Deo. Proposita questione,
difficile

difficile minimè erit respondere, dicamus itaque, talium nominũ, vel terminorum in diuinis significationẽ nec poni, nec admitti ad quid ibi ponendum, sed potius remouendum, & quia exempla magis mouent, intellectumq; excitant ad promptè intelligendum, propterea, quod diximus, exemplo sic declaremus. Nam dũ dicimus: Deus unus, unus Pater tantũ; tunc ibi per numeralẽ illum terminum unus, nulla quantitas, vel numerus in Deo ponitur, sed benè Deorum pluralitas excluditur. Et hæc de primo segmento. Subsequitur alterum hac propositione contentum. Per numeralia nomina in diuinis pluralitatẽ exprimentia, singularitas, & solitudo personalis secludenda. Nam cum dicimus tres, ibi negamus solum esse duas: rursus. Cum duas exprimimus, ac dicimus, ibi unam solum esse negamus. Explanatis iam duabus partibus de tribus propositis, accedit tertia sub his verbis. Cum personas diuinas distinctas esse dicimus, tunc temporis earum confusionem, & permixtionem cõtra Sabellianum excludimus. Nam in nomine trinitatis, & discretionis, non diuersitas in Deo ponitur, sed benè contra maledictos aliter perperã opinantes commixtio, nec non confusio negatur. Hæc in tantũ.

VTRVM TERMINI NUMERALES PONANTUR
QVID IN DIVINIS.
Lectio LXXVIII.

ERat in proxima præterita distinctione sermo de terminis numeralibus in diuinis positis, circa quos in præsentĩ præueneri doctrina versabimur cognoscẽdi gratia primo,

num

num ij termini in diuinis aliquid ponant. Insuper, quia vnum de genere quantitatis esse videtur, propterea inuestigabimus. Num aliquid addat ultra vnum, quod conuertitur cum ente. Circa primum, pro parte negatiua sic arguitur. Si termini numerales in diuinis aliquid ponerent, procul dubio illud tale eiusdem generis esset cū terminis ipsis numeralibus, sed hoc non conceditur: igitur neq; primum. Minor sic declaratur, quia quantitas secundum suum genus, in diuinis non ponitur: quare, &c. Pro determinatione huius difficultatis velim primò sciatis, duplicē dari unitatem, vna numeri principium est, quæ in diuinis nequaquam ponitur. Altera est, quæ ens consequitur, & hæc in diuinis admittitur. Præterea notetis velim, non secus duplicem multitudinem dari, quarū vna materialis est de genere quantitatis, & hæc in diuinis minimè est. Altera de transcendentibus in diuinis reperitur. His præmissis, facile ratio adducta pro parte destructiua tolli potest. Nam currit de terminis numeralibus de genere quantitatis, qui in diuinis non conceduntur; illi verò termini multitudinem importantes, quæ est de transcendentibus, benè conceduntur in diuinis, nec ob id ponunt aliquid super diuinam essentiam, & diuinas personas, & relationes, nisi rationem distinctionis talis, vel talis, quæ ratio possitiua est, licet aliare minimè sit. Explanato iam dubio primo, superest secundum in ordine, vbi queritur. Vtrum vnum de genere quantitatis aliquid addat ultra vnum, quod cum ente conuertitur, & quid sit illud. Quibusdam videtur, quòd tale sit ratio mensura: habet enim Aristoteles quarto Metaphysices, qd vnum qd ponitur numeri principium, & numerus opponuntur, ut mensura,

sura, & mensuratum: igitur in ratione unius, quod est numeri principium, ratio mensuræ includi videtur. Arguitur secundò sic. Quemadmodum se habet numerus, qui est de genere quantitatis, ad multitudinem, quæ est de transcendentiis, ita se habet unum in quantitate ad unum, qđ conuertitur cum ente, sed numerus de genere quantitatis addit supra multitudinem, quæ est de transcendentibus mensurati rationem: igitur unum, quod est numeri principium, addit supra unum, quod conuertitur cum ente mensuræ rationem. In contrarium se habet veritas, quæ est, quòd mensura ponitur in genere relationis, sed unum, quod numeri principium est, non videtur poni in genere relationis, sed quantitatis; nõ ergo unum numeri principium potest addere super unum, qđ cum ente conuertitur mensuræ rationem. Pro responsione, terminatione uel questionis primò germanus dandus erit intellectus, in super rationes soluentur. Quo ergo ad questionis intellectum varij varia sentiunt, at nos breuitati, nec non veritati inseruiantes, tot recensere opiniones dimitemus, hunc verũ questionis intellectum esse dicentes. Vtrum unum, quod cum ente conuertitur, addat aliquid supra unum positiuè. Hac in parte mihi videtur esse dicendum, qđ unum, quod numeri est principium sub uno, quod conuertitur cum ente, quia specialem in diuisionẽ dicit in quantitatis natura. Insuper quia ultra hoc dicit aliquid numeri, quod est positiuum, quod sibi ratione sui fundamenti competit, nõ tamen mensuræ rationem importat, nisi extrinsecè. His ita positis, nunc ad argumentũ respondetur, quòd licet unum, quod numeri est principium, mensura sit, in hoc tamen ratio unius non consistit, sed est quedam proprietas consequens

consequens ipsam. Ad secundum dicitur, quod mensuratum esse numeri differentiam essentialem non dicit, sed cā circumloquitur, cum sit quēdam proprietas. Et hec satis.

QVID SIGNIFICATUR, CUM DICITUR

PLURALITER TRES PERSONAE, ETC.

Distinctio XXV.

Lectio LXXIX.

Haec est vigesima quinta distinctio enodanda, quae cum superioribus hoc modo continuari pōt, qđ cū Magister de nominibus unitatem, pluralitatemq; in diuinis significantibus egerit, hinc fit, quod in presenti de quodam horum nomine additionē recipientem loquuturus sit, videlicet de hoc nomine persona, & circa hoc tria pollicetur. Nam docet primò, quid significet, cum dicitur tres persona, vel dua persona. Insuper quid importatur per hoc, cum dicitur, alia persona Patris, alia filij, alia Spiritus sancti. Demum, quid sibi velit hoc, cum dicitur, aliud est in persona Pater, aliud filius, &c. Pro segmenti primi notitia, velim vos scire hoc nomen, persona, tribus accipi modis pro essentia, pro hypostasi, & p personali proprietate. Quod autē sumatur pro essentia, hic Magister sent. supponit primò, deinde inquit, cū pluraliter dicitur, Pater, & Filius, & Spiritus sanctus, tres sunt persona, vel cum singulariter profertur, V. g. dicendo, alia est persona Patris, alia persona filij, alia persona Spiritus sancti, quid ibi persona nomen significet. Si dixerimus essentiam significare,

igitur

igitur personæ significatio variari dicetur in singulari, & in plurali, quod inusitatum videtur. At dicetis vos in oppositam partem ratiocinātes, cur hoc nomen personā, & in singulari, & in plurali essentiam non poterit significare? nonne D. Aug. ut patet in textu Magistri, ita fatū? cū dicimus tres personas, illud significamus, quod est commune Patri, & Filio, & Spiritui sancto. At nihil eis commune dici potest, nisi essentia, ergo nomine persona pluraliter sumpta essentia significatur. Præterea, ut rectè nostis, quid, querit de essentialibus; interrogantibus enim, quid est essentia, tunc ut habetur apud Magistrū respondemus, tres personæ, hoc igitur nomen persona in plurali essentiam significat. Et hæc de primo puncto. Aliquando et hoc nomen persona, solet capi pro hypostasi, siue substantia, ut in secundo segmento nostri sermonis videre est, nā Magister inquit. Licet persona nomen de se substantiam significet, quandoq; tamen vocabulorum penuria ad suppositum significandum transfertur. Vnde sensus est. Pater, Filius, & Spiritus sanctus, tres sunt personæ, idest tres hypostases, vel tres substantiæ. Præter hæc solet et hoc nomen persona capi pro personali proprietate, ut in tertio puncto est videre. Nam dū dicitur, alius est Pater in psona, alius in persona filius, alius in persona Spiritus sanctus, siue alius personaliter Pater, alius personaliter filius, alius personaliter Spiritus sanctus; tunc est sensus, alius est in persona, vel personaliter Pater, idest proprietate sua, Pater alius est, quam filius, & filius proprietate sua, alius quam Pater. Patet ergo, qd aliter hic persona accipitur, quam supra: nam hic pro proprietate personali, & superius pro persona. Et hæc de tota distinctione facta.

UTRUM

VTRVM PERSONA VNIVOCE DICATUR

DE DEO, ET CREATURA.

Lectio LXXX.

IN hesterna lectione multa de nomine persona diximus, iccirco in presenti talia examinare volentes, duo principalia perpendemus, & primò. Vtrum persona de Deo, & creatura uniuocè dicatur. Præterea, num persona sit aliquid cõmune in diuinis. Quantum ad primum, pro parte affirmatiua videtur posse argumentari, quòd persona de Deo, & creatura uniuocè dicatur: nã si non uniuocè, ergo vel equiuocè, vel analogicè; horum neutrum dici põt, ergo primum concedendum, qđ uniuocè dicatur. Verum quia minor suspecta quibusdã posset apparere, ideo, quo ad utrunq; membrum, sic probabitur, & primò, quia diffinitionis partes, persona, & diffinitio de Deo, & creaturis non videntur dici equiuocè, siue sint res, siue intentiones, nec analogicè, quoniam, ubi est analogia inter Deum, & creaturam, nomen illud per prius Deo conuenit, quàm creaturis, sed persona nomen per prius creaturis, quàm Deo conuenire videtur, quia primò impositum fuit, & à creaturis in Deo translatum: relinquatur ergo, quòd uniuocè dicatur. Ex alio latere dicetis vos, quæ non conueniunt in vno genere generalissimo, non videntur habere aliquid commune uniuocum, sed Deus, & creatura in genere generalissimo, ubi est uniuocatio, non communicant, quia Deus est extra genus, & creatura in genere, non ergo, &c. Pro determinatione huius difficultatis, ut video, prius de nomine persone distinguendũ; nam tale nomen,

O

vel

uel est rei, uel intentionis. Si ponatur rei nomen, tunc persona
 nomen uniuocè de Deo, & creaturis nequaquã dici poterit, nam
 absoluto, & respectiuo nihil commune uniuocum est, ut norunt
 docti. Si verò persona nomen capiat pro intentione, videbitur
 tunc tēporis de Deo, & creaturis uniuocè dici. His ita prēmisis,
 arduum minimè erit argumēto formato respondere, si dixerimus,
 personæ nomen de Deo, & creaturis analogicè dici, quatenus sci-
 licet rei nomen est; per prius enim Deo, quàm creaturis cōuenire
 quis ire inficias audebit? quantum ergo ad rem significatam, per
 prius Deo conuenit, at quantum ad impositionem factam à nobis,
 prius personæ nomen creaturis aptabitur. Et hæc de primo dubio.
 Queritur secundò. Vtrum persona sit quid commune in diuinis.
 Pro parte negatiua sic potest argui. Illud, quod de sua ratione in-
 communicabile est, cōmune quo modo erit? sed de ratione personæ
 est esse incommunicabile, ut colligitur ex eius finitione: ergo, &c.
 Idest in diuinis non erit cōmune. Verum quia in textu Magister
 sent. in oppositum se habet, propterea, quid circa hoc dicendum,
 speculabimur: perpendite ergo primò, aliquid dici cōmune, duobus
 posse accipi modis: uno modo secundum rem, alio modo secundū
 rationem, eo modo scilicet, quo uniuersale ponitur commune ad
 singularia sub ipso contenta. Si primo modo sumatur, hoc diuinæ
 competet essentiæ in pluribus esse, quæ tribus communis est personis.
 Si verò sumatur secundo modo, tunc dici poterit persona, aliquid
 commune in diuinis, nec non ē relatio; nam utrūq; de pluribus
 dicitur, ut uniuersale de sub ipso contentis. Nunc ad argumentum
 adductum occurrere volentes ita dicemus, quòd res incommuni-
 cabilis,

cabilis communis esse non potest, at intentio incommunicabilitatis bene communis esse potest, V. g. dato, quod Sortes res sit incommunicabilis, intentio tamen individui, vel suppositi in pluribus communis est. Et hæc satis.

DE PROPRIETATIBVS PERSONARVM, ETC.

Distinctio XXVI.

Lectio LXXXI.

Completo tractatu de diuinis nominibus, cōsequēter agendum erit de proprietatibus personarum, circa quod tria principalia intelligetis, diuinarum personarum proprietates primò. Insuper esse Dei filium in specie solum secunda persona proprium, audietis. Tertiò hoc nomen, Spiritus sanctus, tertia in diuinis appropriari persona. Quantum ad primum. Arbitror vos scire, nomina proprietates personales significantia accidentaliter minimè, sed bene relatiuè predicari. Nomina uerò, de quibus hic nostra est intentio, hæc sunt. Paternitas, filiatio, processio, genuisse, natum esse, generatio, natiuitas, Pater, & Filius, & Spiritus sanctus, & huiusmodi. Proprietas ergo Patris est generare, & filij, quod sit genitus, Spiritus uerò sancti proprietas est à Patre, & filio procedere. Patris ergo proprietas est generare, filij generari, & Spiritus sancti procedere, siue spirari. Ha autem proprietates sunt quædam relationes, quibus persona ad se inuicem relatæ distinguuntur, illisq; nominibus nominantur, V. g. ut paternitas, filiatio, spiratio, insuper, & personarum nomina, ut

Pater, & Filius, & Spiritus sanctus, quæ accidentaliter minime prædicantur, sed relatiuè, quoniam semper ad aliquid eternè, & incommutabiliter dicuntur, ut in segmento primo declaratur. Post quod subsequitur alterum, ubi declaratur, quòd sola secunda persona in deitate propriè sit filius, & hoc per generationem. Nam licet sæpè in sacra scriptura homines filij Dei vocentur, hoc solum sit temporaliter, non eternaliter, deinde filij Dei uocantur per gratiam, vel per gratuitam adoptionem, insuper per temporalem productionem, non per naturalem, eternamq; generationem, ut secunda persona in diuinis. His addi potest alia differentia; nam cum homo filius Dei dicitur, ly Deus, non supponit solum pro persona Patris: similiter dici potest de Spiritu sancto, quòd esse donum sit proprium Spiritus sancti: nam licet multa sint Dei dona, nulli tamen illorū conuenit esse donum eternum, sicuti Spiritui sancto, qui Dei donum est eterna processione, sicut filius Dei eterna generatione. Et sicut filius per generationem refertur ad Patrem, ita Spiritus sanctus per processionem relatiuè dicitur ad Patrem, & ad filium, quæ relatio, licet apertè nō appareat in hoc nomine Spiritus sanctus, attamen clarè cognoscitur in hoc nomine, donum. Et hæc de segmentis duobus. In tertio, & ultimo videre est, quo modo hoc nomen Spiritus sanctus, quamuis in specie tertiæ personæ approprietur, tribus nihilominus personis quandoq; communiter cōuenit: nā, ut perbellè hic docet D. Aug. tam Pater, quàm filius, quā ei Spiritus sanctus, immo tota trinitas dici pōt Spiritus sanctus; quilibet enim persona Spiritus est, & sancta. Hic tamen considerare oportet, quòd dūm dicitur, aut Pater, aut filius, aut

tota

totā trinitas Spiritus sanctus, tunc personale nomen proprium nō dicitur Spiritus sanctus, neq; relatiuum, pro qua re, ne ex animi sententia loqui videamur, erit notandum, Spiritum sanctū duobus consueuisse dici modis, uno modo à spiritualitate, sub quo sensu toti conuenit trinitati; alio modo à spiratione, & tunc dicitur relatiue, & ita solum tertiæ ascribitur in diuinis persona. Insuper videtur, quòd Spiritus sanctus pro duabus distinctis queat accipi dictionibus, & sic tam Patri, quàm Filio, & Spiritui sancto, & toti trinitati conuenit. Si verò sumatur pro una tantum dictione, hoc modo soli tertiæ competit persona in trinitate. Hinc quorundā error excludi potest dicentium, qđ isti termini, Spiritus sanctus, & donū minime sunt nomina personalia, tertiam scilicet in diuinis personam significantia. Nam non dicerentur relatiue ad hos terminos, scilicet Pater, & filius. Pro probatione aiunt, nō posse dici, Pater est Spiritus sancti Pater, nec filius est Spiritus sancti filius, alioquin sequeretur, quòd Spiritus sanctus esset genitus. At hoc quid absurdius? non ergo dicendum, qđ isti termini Spiritus sanctus, & donum sint nomina personalia, tertiam in diuinis personam significantia; proposito errore, qua nunc via dilui debeat, audite. Non obstante ergo, qđ Pater, & Spiritus sanctus, seu donum sibi inuicem vocabulis non respondeant, habent nihilominus relatiue dici, quoniam magis vocabula secundum relationis sensum accipienda sunt, quàm secundum vocis sonum, tunc erit dicendum, quòd Spiritus sanctus sit spiratoris Spiritus sanctus, & donum datoris donum, sicut et in creatis dici solet caput rei capitata caput, rursus ala alati ala. Et hæc satis.

VTRVM PER RELATIONES OMNES PERSONAE DIVINAE DISTINGVANTVR, ETC.

Lectio LXXXII.

Multa diximus in superioribus parte de personarum proprietatibus, quibus adinuicem persona distinguuntur, ad euentiam quorum, uberioremque doctrinam in presenti quaesita duo rimabimur, & primò, Vtrum oēs diuina persona per relationes distinguantur. Insuper, Vtrum relationes personas constituentes sint reales. Circa primum, negativè procedentes sic arguemus, nulla forma habet distinguere, nisi secundū suum genus, at persona, vel hypostasis in genere substantiae indiuiduum importat, non ergo, quo ad esse personale, vel hypostaticum, distinctio per relationes fieri habet. Præterea prima distinctio debet fieri per prima entia, at personarum diuinarū est prima distinctio, ergo per absoluta, qua sunt prima entia, & non per relationes, quæ posteriores absolutis. Ex alio latere videtur posse dici, qđ illud, qđ est causa multiplicationis, sit et causa distinctionis, at relatio multiplicationis causa est, auctore Boetio, libro de trinitate: igitur, &c. His ita positis, nunc ad argumenta soluenda accedamus, & primò ad primum dicentes: maiorem propositionem ita esse glosandam, nulla forma distinguat, nisi secundum suum genus substantiae, vel relationis; unde licet relatio suppositum substantiae distinguat, non id tamen fit substantialiter, sed relatiuè. Ad secundum argumentū minor negari posset, deinde sic respondendum, absoluta secundum rem non esse priora relationibus, quare personarū distinctio, dato, quod

quod fit per relationes, tunc per prima entia erit, sub illo tamen sensu argumenti primi soluti. Et hec de primo quesito. In altero perscrutandum est. Vtrum relationes constituentes personas reales, sint. Mihi certè videtur, quòd non, nam ut Deus Pater est filij Pater per generationē, ita Pater dicitur noster per creationem, sed paternitas in Deo respectu nostri, relatio realis minimè est, neq; èt paternitas respectu filij in diuinis realis relatio vocabitur. Insuper ille sunt rationis relationes, quæ animæ operationem sequuntur, at oēs diuina relationes sic se habent: ergo. Minor declaratur, quia oēs diuina processiones sunt, vel per modum voluntatis, vel intellectus: igitur, &c. Deinde autoritate Boetij sic arguitur, relatio Patris ad filium, & utriusq; ad Spiritum sanctum videtur esse, ut relatio ad se ipsum, at hec est rationis tantum: quare, &c. Pro determinatione huius quesiti, quia in diuinis distinctio non videtur esse, nisi per relationes, duo videnda erunt. Vnum de realitate diuinarum relationum, alterum de numero, ac sufficientia notionum, & proprietatum personalium. Quantum ad primum. Relationes reales sunt in diuinis, quoniam ambo extrema realia sunt. Quantum ad secundū sciendum est, notionem, relationem, & proprietatem personæ, secundum rem, idem dici posse. At ratione, siue secundum rationem diuersa. Nam paternitas notio vocatur, in quantum est principium deueniendi in notitiam Patris. Relatio aut, quatenus per eam Pater relatiuè dicitur ad filium; proprietas verò personæ, in quantum vni tantum conuenit. Insuper proprietas personalis, in quantum constitutiva est personæ Patris. His premissis, quot numero sint notiones, est sciendum, 211 O 4 quinq;

quinque enim sunt, & relationes quatuor. Exemplum primi inge-
 nitum, vel innascibilitas, paternitas, filiatio, communis spiratio,
 & processio. Harum verò quatuor sunt relationes, V. g. Pater-
 nitas, filiatio, cōmunis spiratio, & processio. Nunc ad argumenta
 ut accedamus, primi similitudinem subterfugiemus, & ratio assi-
 gnari potest, quoniam diuinæ essentia ad creaturam habitudo ne-
 cessariam ad filium coexigentiam minimè ponit, at Paternitas in
 deitate benè habitudinem coexigendi filium necessariam ponit,
 propterea hæc habitudo realis erit, & non illa respectu creatura-
 rum. Ad secundum dicitur, ex falsa procedere imaginatione, nam
 tales diuinæ relationes, licet animæ operationem, vel intellectus
 consequantur, habent tamen esse in intellectu, & voluntate, pro-
 pterea reales, non rationis, pro ut ratio refertur ad res intelle-
 ctas, & volitas. Ad ultimum argumentum Boetij dicitur, quòd
 quantum ad hoc veritatem habet, quòd sicut in relatione eiusdem
 ad se ipsum non plurificatur fundamentum, sic nec in diuinis rela-
 tionibus, quantumcunq; oppositis, vel disperatis. Dissimilitudo
 tamen est, quoniam extrema diuinarum relationum realiter
 sunt diuersa, & necessariam habitudinem coexigen-
 tiæ inter se habentia, propter quod reales po-
 nenda. In illa verò relatione eiusdem
 ad se ipsum non est dare pri-
 mum, neq; secundum,
 quia idem pro-
 priè non se ipsum coexigit: quare,
 &c. Et hæc de pollicitis.

HIC

EXpositurus vobis distinctionem huius primi libri vigesimā septimam, ob oculos primo vestros coherentiam presentis cum superioribus ponam: deinde ad diuisionem accedam. Ex quo ergo Magister sent. verba fecit de personalibus tribus proprietatibus, scilicet paternitate, filiatione, & spiratione, secundum qđ nominibus proprijs significatur, nunc intendit de eisdem agere, quatenus nominibus alienis, atq; diuersis significantur, & hec de nexu una cum intentione. Diuiditur modo presens distinctio in partes tres, in quarum prima est sermo de his, pro ut significantur terminis equiualentibus personalibus. In secunda de eis, pro ut relatiuē ad Patrem dicuntur. In tertia, & ultima ponitur propositio declaranda de nominibus essentialibus. Quantum ad primam, sic procedemus dicentes, oīa vocabula alicui personae proprie, nisi unam ex parte rei significare proprietatem, qua illa persona ab alijs personis determinatiuē distinguitur. An hoc verum sit, audite. Nam eadē videtur esse proprietas, qua istis significatur nominibus, Pater, Paternitas, generatio actiua respectu Patris, & istis, filius, filiatio, generatio passiuā respectu filij, & istis Spiritus sanctus, spiratio passiuā, & ab utrisq; respectu Spiritus sancti procedere, sed istis proprietatibus persona proprie, abinuicē determinatiuē distinguuntur, omnia ergo vocabula alicui personae propria, nisi unam ex parte rei significare possunt proprietatem.

At

At dicetis. Num eadem est proprietas, qua nomine Patris importatur, paternitatis, & generationis actiua? rursus. Num eadem illa, q̄ importatur nomine filij, & filiationis generationis passiva? insuper, num idem est; Patrē, & genuisse filium? deinde. Nunc idem dici potest esse filium, & natum a Patre? ad hæc una cum Magistro dicemus, quòd quamuis significetur eadem proprietas nominibus istis, esse Patrem, & genuisse filium, seu Pater, & Paternitas, hoc tamen fit sub rationibus diuersis, nam personarum nominibus, cuiusmodi sunt Pater, Filius, & Spiritus sanctus, proprietas tantū minimè significatur, sed hypostasis. At nominibus proprietatum, cuiusmodi sunt paternitas, & filiatio, proprietates ipsæ secundum se, vel actus ipsarū proprietatum, ut generare nasci, vel generari significantur. Et hæc pro primo puncto. In altero superest videre, quo modo nomina ista, genitus, verbum, imago se habeant ex parte rei, non enim substantialiter ex parte rei, seu ad se, sed benè ad Patrē relatiuè videntur dici, nam illa nomina, quæ filio propriè conueniunt, & eius præcisè personalem proprietatem exprimunt, substantialiter minimè, at relatiuè tantum respectu Patris dici possunt. Vnde genitus genitoris dicetur genitus, & verbum dicentis verbum, & imago imaginati imago, quæ oīa soli filio conueniunt respectu Patris. Et hæc de duobus segmentis. Demum accedit propositio talis. Essentialia solum de pluribus simul, & de se ipsis affirmantur. Benè enim dicitur, Pater, & Filius, & Spiritus sanctus, sunt Deus, vel diuina potentia, scientia, & bonitas diuina sunt Deus. Non tamen dici potest, Pater, & filius, sunt Pater, vel sunt filius. Solum ergo essentia de pluribus

būs possunt dici simul, ut illa etiam solum de se dicuntur, lumen de lumine, Deus de Deo, qđ tamen de relatiuis nominibus minime potest proferri, nam non dicitur, qđ Pater sit de Patre, nec qđ filius sit de filio, ut doctē D. Aug. lib. vi. de trinit. docet dicendo: Hoc solum de eis dici non potest illud de illo, quod simul ambo nō sunt. Id est illo nomine uti non possumus ad unum ostendendum de uno, quod simul ambobus non conuenit, sicut verbum de verbo, qđ non simul ambo uerbum, nec filium de filio, quod non simul ambo. Ex dictis unum notatu dignum inferemus, deinde erit finis. Vt ergo illa essentialia nomina aliquando intelligentiam distinctio- num personarum faciunt, ita & interdum totius uerba simul, ut habetur apud Aug. vi. de trin. ita dicentem, quod in Patris no- mine ipse Pater pronunciat per se, in Dei nomine, & ipse filius, & Spiritus sanctus, ut cū dicitur, Nemo beatus, nisi solus Deus, quia .s. trinitas est unus Deus. Et hęc de propositis satis.

VTRVM ACTVS NOTIONALES SINT
PRIORES RELATIONIBVS, ETC.
Lectio LXXXIIII.

EX declaratis in superiori meo sermone tria posse excitari quesita nullus est, qui de hoc dubitet: quorum primum actus notionales respicit per comparationē ad relationes in diuinis. Alterum tendit ad mentis nostrum uerbum. Tertium, & ultimū ad diuinum uerbum. Quantum ad primum, solet queri. Vtrum actus notionales relationibus sint priores. Pro parte affir-
matua,

matiuā sic primo potest argui; uia pr̄intelligitur termino, sed
 generatio in diuinis uia dicitur ad genitum, igitur pr̄cedit ipsum,
 nec non proprietatem relatiuam constituentem genitum. Insuper
 habet Magister in textu, & hoc accipit ab Aug. quod Pater est
 Pater, quia genuit, quod non esset, nisi genuisse paternitatem se-
 cum rationem pr̄cederet, actus ergo notionales in diuinis rela-
 tionibus esse priores, his r̄ijs concluditur. Ex alio latere, quia sup-
 positum pr̄intelligitur actui ab ipso procedenti, & generare est
 actus procedens à supposito Patris: igitur suppositum Patris pr̄-
 intelligitur constitutum, antequam generet, sed hoc fit per paterni-
 tatem, quapropter uidetur quod relationes actus procedant no-
 tionales. Pro intellectu huius questionis tria considerata acce-
 dunt: primum pertinet ad distinctionem, quæ est, qđ aliquid alteri
 pr̄intelligi dupliciter potest accipi: uno modo, altero non intel-
 lecto, V. g. dum intelligitur animal, homine non intellecto. Alio
 modo, quando actus intellectus cadit super utrunque, & dicit
 unum esse altero prius, uel secundum rem, uel secundum rationem,
 V. g. quando substantiam priorem suo accidente natura intelli-
 gimus, uel iuuentutem senectute; secundum rationem uerò, quando
 dicimus, intellectum diuinum uoluntatem procedere. Et hæc de
 prima distinctione. Subsequitur altera, secunda in ordine perti-
 nens ad secundum de tribus propositis, ubi consideratur relatiua
 proprietas, quæ biffariam habet sumi, uel ut relatiua, uel ut consti-
 tutiua. Demum pro tertio considerandum est, qđ illud pōt fieri,
 uel esse in generali, uel in speciali, V. g. quando intelligimus diui-
 num suppositum constitutum per aliquam proprietatem ipsum cō-
 stituentem,

stituentem, uel in speciali, V.g. intelligendo Patrem esse constitutum per paternitatem, quæ est eius constitutiua proprietas relatiua tamen. Nunc ad argumenta dicendū, & primò ad primū, quòd in diuinis generare, & generari, cum non sint per motum medium, non debeant intelligi, ut quædam via inter generantem, & genitum, sed ut relationes habendi eandem naturam, quæ sunt à quo aliud, & quod ab alio, & hæc nequeunt præintelligi personis eas habentibus. Ad secundum argumentum dicimus intentionem Aug. non fuisse, quòd genuisse, sit prior ratione, quàm Patrem esse, sed potius uoluit inter ista identitatem ostendere, nec non conuertibilitatem inter Patrem, & filium. Explanato iam primo quesito, queritur secundo. Vtrum uerbum in nobis sit ipsemet intelligendi actus, an aliqua forma producta, in qua quasi in quodam speculo de rebus exterioribus ueritas cognoscatur. Pro parte affirmatiua uidetur posse dici, quòd uerbum in nobis sit ipsemet actus intelligendi. Aug. enim lib. ix. de trin. ait, uerbum esse cum amore notitiam, sed notitia actum intelligendi dicit: igitur uerbum nostrum est, &c. Præterea, uerbo intellectus dicitur correspondere uoluntatis amor, at amor amandi actum dicit: igitur uerbum dicit actum intelligendi. Ad huius difficultatis euidentiam duo consideratione digna sunt: primum ad uerbi significata pertinet, alterum ad quod quid ipsius uerbi. Quantum ad primum, Verbum quatuor modis sumi posse uidetur. Primò pro eo, quod exterius prolatum est, ut significatiuum eius, quod ab intellectu percipitur: secundo pro conceptu, secundum quæ dicimus, hominem cogitantem sibi ipsi loqui. Tertiò sumitur pro actu imaginationis,

ginationis, quo uocem exteriorē concipimus sic, vel sic formari, antequam formemus: ultimò uerbum figuratiuè dicitur, scilicet illud, quod per uerbum significatur, ut in psalmo: Ignis, grando, &c. quæ faciunt uerbum eius. Quantum uerò ad quid uerbi in nobis, est animaduertendum, qđ de ratione uerbi nostri mentalis, ut per ipsum manuducimur in cognitionem diuini uerbi, prima facie, quid existens in nostro subiectiue intellectu uidetur: ex hoc enim arguimus, Dei filium, qui dicitur Patris uerbum, idemq; cū Patre essentialiter. Nunc ad argumenta duo formata responderi potest, & primò ad primum, quod in nobis uerbum est actus, siue imago, vel rei manifestatio apud intellectum. Ad secundum dici pōt, qđ uerbum actum intelligendi dicat, & ita pater segmentum secundum. Superest tandem uidere, num in diuinis uerbum essentialiter dicatur, vel personaliter. Mihi procul dubio apparet, qđ personaliter dicatur; in diuinis enim relatiua personaliter proferruntur, sed uerbi nomen relatiuum est: igitur, &c. Deinde sic arguitur. Illud, quod uni persona conuenit, personale est, at in diuinis uerbum sic se habet: igitur personaliter, & non essentialiter dici debet. Ad huius questionis euidentiam est primò sciendū, quid sit uerbū in diuinis: nā ut theologi fatētur, nil aliud est, quā ipsemet actus intelligendi, quo Deo manifesta sunt oīa. Preterea ex dictis colligi habet distinctio una bimebris, qua satisfiet argumētis, deinde erit finis. Verbū ergo duobus uidetur posse cōsiderari modis: uno modo ex vi nominis, alio modo ex aperiitione. Si primo modo, dicit aliqd essentialē, nō personale: at si secundo modo, trahitur ad personale, sicut sapientia. Et hęc de tribus propositis satis.

QVOD

QVOD NON TANTVM TRES PRAE-
DICTAE PROPRIETATES, ETC.

Distinctio XXVIII.

Lectio LXXXV.

HAtenus ad aures Magistri sent. loquuti sumus de personalibus proprietatibus, consequenter de non personalibus proprietatibus agendum erit, ubi tria in specie enodabimus: primò, quo modo hoc nomen ingenuus ad alias se habeat notiones, deinde hæc duo, Patrem esse, & filium esse ad se inuicem: demum quo modo, quandoq; imago teneatur essentialiter, & personaliter. Circa primi puncti declarationem, ita procedendum, & dicendum, qd ingenuus solius Patris notio sit, alia tamen à paternitate, qua Pater refertur ad filium. An verò res ita se habeat, sciendum est, præter tres proprietates personales, scilicet paternitatem, filiationem, & processionem, dari alias proprietates alijs nominibus nominatas, de quarum numero dicitur esse hoc nomen ingenuus, quod spectat ad Patrem, & aliam, quam hoc nomen paternitas, proprietatem importat: nam ingenuum esse, non videtur de ratione Patris, quia quis potest esse Pater absq; hoc, quod ingenuus sit, multi enim geniti genuerunt, quare segmentum patet his uerbis primum. In subsequenti verò ita Magister procedit, ut doceat, quo modo, Patrem esse, & filium esse, sint idem. Nam idem est, quo Pater est, & id, quo filius est, quia una diuina essentia est id, quo uterq; ipsorum est, qui sensus verus est, at transpositis terminis, V. g. dicendo, esse Patrem, quod sit idem, quod

quod esse filium, tunc erit sensus, quod eadem sit proprietas, qua Pater est Pater, & qua filius est filius, & iste sensus est falsus, quia paternitate Pater est Pater, & filius filiatione est filius, ut hac in secunda parte nostri sermonis habemus. In tertia verò, & ultima circa imaginis nomen ut versemur una cum Magistro sent. dicemus, hoc nomen imaginis quandoque relatiue dici, & quandoque non, sed essentialiter. Relatiue de solo filio, & essentialiter de tota trinitate, V. g. quando imago accipitur pro ipso exemplari diuinae naturae, ad cuius imaginem est factus homo. Et hoc perbellè ab Aug. & Hylario probatur, ut apud Magistrum patet in textu. Et hæc satis.

VTRVM INGENITVM, SIVE INNASCIBILE

SIT PATRIS NOTIO, ETC.

Lectio LXXXVI.

TRia circa iam declaratam distinctionem mihi in presenti consideranda succurrunt: quorum primum. Vtrum ingenitum Patris notio sit. Insuper, num ingenitum constitutina Patris proprietas appellanda. Tertio, Vtrum in diuinis, imago personaliiter, vel essentialiter dicatur. Circa primum pro parte negativa sic arguitur. Vt Pater est principium personae genitae, ita & principium procedentis personae; quare, si propter oppositionem, quam habet ad personam genitam Pater, notio Patris dicitur esse, eodem modo ob oppositionem, quam habet ad personam procedentem, proprietas eius deberet esse, quod diceretur improcessibilis,

sibilis, sed hoc minimè ponitur, nec alia igitur debet poni. Secundo sic arguitur. Patris notio alteri à Patre cōuenire minimè debet, at ingenitum diuina essentia, nec non Spiritus sanctus conuenit: quare, &c. In oppositum se habet Hylarius quarto de trin. dicens, qđ est unus ab uno, idest ab ingenito genitus secundum originem. Pro responsione huius difficultatis tria notare debetis, & primò quid importetur per ingenitū, vel innascibile. Insuper supposito qđ illud priuationem dicat, super quid fundetur, inde tertium emanabit, Vtrum scilicet ingenitum sit notio Patris. Quo ad primū, Ingenitū duobus solet capi modis: uno modo formaliter, alio modo denominatiue. Si primo modo ingenitum sumatur, tunc dicit priuationem, at si secundo modo, videlicet ratione denominationis, & quasi materialiter subiectum, vel suppositum importat, cui ingenitum conuenit, vel innascibile. Quantum ad secundum dicitur, quod talis priuatio in supposito Patris fundatur, cui conuenit ingenitum esse. His tertio additur, ingenitum duobus posse capi modis: uno modo quatenus ab alio est, sed non per generationem, quo modo Patris notio nō est, sed bene Spiritui sancto conuenit, licet propriè eius notio minimè sit. Nam talis negatio dignitatem non importat. Capitur alio modo ingenitum pro eo, quod oīno non est ab alio, & ita Patris notio est, quia inter oēs diuinas personas soli conuenit Patri, non esse ab alio, & ita secundum Doctores assignantur due propriæ notiones Patris, qui est principium non ex principio, ut paternitas. Altera dicitur secundum quam non est ab alio principio, ut ingenitum, vel innascibilitas. His ita positis, ad primum dici poterit argumentum, qđ ingenitum pro ut Patri

conuenit, tanquā notio, dicitur in se includere improceffibile: nam ingenuus dicitur, quia non est ab alio, nec per modum geniti, nec procedentis. Ad secundum argumentum respondetur, quod nec essentia, nec Spiritui sancto conuenit ingenuū esse, ut notio Patris ponitur: nā Spiritus sanctus est ab alio, essentia verò diuina, licet absolutè non sit ab alio, tamen ut est in filio, est in ipso per generationem, non quidem producta, sed communicata. Et hæc de primo quesito. Queritur secundo, num ingenuum Patris proprietas constitutiuā debeat dici. Mihi sanè videtur, quod sic; nam prima persona per primam habet proprietatem constitui, sed Pater est prima persona, innascibilitas verò prima proprietas: igitur, &c. Minor quadruplici posset manifestari via, at quia hanc oēs, ut veram supponunt, iccirco probationes omitto. Ex alio latere videtur, quod diuina persona per se relationibus constituentur, at innascibilitas non est relatio, nisi reductiue: quare, &c. Pro intellectu huius quesiti velim uos scire, duplicem dicendi modum circa presens negotium dari, unus est opinantium in diuinis, quod Pater per prius constituitur in esse personali per innascibilitatem, quàm per paternitatem; alius modus dicendi est eorum, qui volunt, Patrem in esse personali primo constitui, per paternitatem, & ita primi argumenti minor interrimenda, & non concedenda. Sic paucioruit secundum quesitum uerbis. Superest tertium examinare, deinde erit finis. Solet ergo queri de imagine in diuinis. Vtrum essentialiter, aut personaliter dicatur. Primo aspectu videtur dici essentialiter: quā enim tribus conuenit personis, illud essentialiter est, sed imago tribus diuinis personis competit per illud Genesis, Facia-

mus

mus hominem ad imaginem, & similitudinem nostram; hoc idem fatetur D. Aug. de fide ad Petrum, quod una est sancta trinitatis diuinitas, & imago, ad quam factus est homo: ergo, &c. In oppositum se habet Aug. qui ita satur, Quid est absurdius, quàm imaginem dici ad se; igitur dicitur relatiuè, ac relatiua in diuinis personalia sunt: quare, &c. Pro rationum solutione tria videnda sunt. Primò, quid sit de ratione imaginis. Secundò, num diuinis conueniat. Tertiò, num sit filij proprium. Quantum ad primum, de ratione imaginis duo sunt, unum similitudinè respicit, ita ut illud, quod imago dicitur, ei assimiletur, cuius est imago. Insuper quòd sit effectiue, vel exemplariter ab eo productum. Quantum ad secundum, videtur, qđ propriè imago diuinis non conueniat, prout tamen competit, ac videtur, quod personaliter id fiat, non essentialiter. Quantum ad tertium, potest dici, qđ imago tàm filio, quàm Spiritui sancto cōueniat, magis tamen filio, per appropriationem: nam licet Spiritus sanctus sit Patri similis in natura, non tamen ut filius, qui per modum natura procedit, & Spiritus sanctus per modum voluntatis. Imago ergo filio, non Spiritui sancto aptetur, per appropriationem: & quādo sacra pagina loquitur de imagine, idest de filio Dei docendo solum filium esse imaginem, debet intelligi, quantum ad appropriationem sub quo sensu D. Aug. loquutus est septimo de trin. dicens, quod solus filius est imago Patris, & sic ex dictis, quid ad argumenta dicendum de facili inueni paretur.

DE PRINCIPIO, QVOD RELATIVE DICITVR.

Distinctio XXIX.

Lectio LXXXVII.

EX quo Magister sent. loquutus est de innascibilitate, ut in hesterna audiuitis lectione, consequenter de communi spiratione sub ratione principij agendum, & circa hoc tria faciemus: nam primò qualiter per hoc nomen principium se habeat trinitas ad creaturas, docebimus. Insuper quo modo se adinuicem diuina persona per illudmet nomen principij habeant. Demum notandum ponemus. Circa primum, videtur hac via esse procedendum, quòd Pater, & filius, & Spiritus sanctus sint unum temporaliter creaturarum principium. Nam hoc nomen principium, secundum quod relatiue in diuinis dicitur, relationem Dei tantum importat ad creaturas, vel relationem personarum adinuicem: primo modo tota trinitas oïum rerum per creationem principium dicitur, quantum ad esse, non quantū ad vitia rerum, nec ab eterno, sed in tempore, & hoc est discrimen inter principium eorum, quæ ab eterno sunt, V. g. ad intra Pater ab eterno filij principium dicitur, & Pater, & Filius Spiritus sancti, sed hoc non ex tempore, neq; essentialiter, sed notionaliter. Huic particula prima neētitur altera sub his verbis, dūm dicitur, quòd Pater est filij principium, insuper qđ Pater, & filius sunt unum principium ipsius Spiritus sancti, ut testatur D. Aug. lib. v. de trin. capite 14. His tertio venit addendum loco notandum, sub his verbis, qđ relatio, qua Pater, & filius referuntur ad Spiritū sanctum,

sanctum, proprium vsualiter aliquod nomen minime habet: nec id mirum videri debet, quoniam temporibus Magistri nondum erat in vsu, nec inuentum illud nomen scilicet communis spiratio, quo Doctores illam notionem nominant. Sed dicetis, libenter sciremus, num hoc nomen principium in prędicationem diuinorum transiens semper uniformiter se habeat: ad hoc dici potest, qđ non semper uniformiter sumitur; solet enim quādoq; sumi personaliter, V. g. dūm dicitur, Pater, & filius sunt vnum principium Spiritus sancti; quandoq; etiam essentialiter, vt cum dicitur, Pater, & Filius, & Spiritus sanctus vnum sunt creatura principium. Et hęc de tota distinctione hac pauca sufficiant.

VTRVM PERSONA DICI POSSIT PRINCIPIUM IN DIVINIS ALTERIVS, ETC.
Lectio LXXXVIII.

AD vberiore[m] doctrinam eorum, qua in proxima declarata sunt distinctione, ne quis vestrum me sugillare audeat, tria quesita examinanda proponam, & primò. Num in diuinis persona alterius possit dici principium. Pręterea, Num Pater, & Filius Spiritus sancti vnum sint principium. Tertio, Num Pater, & filius plures dici queant spiratores. Quantum ad primum. Ad partem declinantes negatiuam, sic arguemus. Principium, & causa idem sunt, vt habetur diuinorum libro quinto, sed in diuinis vna persona alterius causa minime dicitur, quia ibi nihil est causatum: igitur, &c. Deinde sicut Deo

competit esse principium, ita & esse finē, iuxta illud *Apocalipsis* primo. Ego sum alpha, & omega, idest principium, & finis, sed una persona finis non est alterius: quare &c. In oppositū se habet *Aug. iiii. de trin.* dūm ait, quod Pater est principium totius deitatis: ergo. Pro determinatione huius difficultatis duo scire debetis, & primò. Virū ratio principij in diuinis ponenda sit. Deinde, Verum talis principij sit uniuoca. Quantum ad primum, dicitur, quod in diuinis respectu diuinorum debet poni principium, sed non causa. Quod autē ibi ponendum sit principium, patet: nam una persona est ab alia: ergo una erit principium alterius dicenda. Cur autē in diuinis non debeat concedi causa, ratio assignatur, quoniam causa, & causatum per essentiam distinguuntur, quae distinctio in diuinis non admittitur, propterea neq; causa, neq; causatum ibi. Quo ad secundum, dua sunt opiniones: prima est eorum, qui opinantur hoc principij nomen uniuocè dici, V. g. dūm dicitur, qđ Deus est creatur arum principium, rursus dūm dicitur, quod una persona sit alterius principium. Quo isti fundamento nitantur, audite; dicunt enim, hoc principij nomen non variare conceptam magis, vel minus cōmune. Altera opinio totum sentit oppositum, & hoc, quia principiare in natura sua, & in aliena, principij rationem variare, non solum variatione secundum quid, verū etiam simpliciter dicitur; sed queso hec missa faciamus, & ad soluenda argumenta accedamus, & primò ad primum ita dicamus, quod principium, & causa sint idem secundum superius, & inferius: iccirco alicubi ratio principij poterit admitti, ut in diuinis, ubi tamen minimè ratio causa erit; vel dicatis, hec duo idem re esse.

at finitione non. Ad alterum argumentum similitudo interrimitur de fine, & de principio, nam principium in diuinis originis ordinem respicit, & finis importat pręminentiam bonitatis, quę in diuinis respectu diuinorum non ponitur, at respectu creaturarum tantum, quarum Deus est principium, & finis. Et hec de primo dubio satis. Queritur secundò. Vtrum Pater, & filius sint vnũ Spiritus sancti principium. Mihi certè videtur, quòd non. Nam si vnum, hoc uel esset ratione essentia, uel proprietatis, nullum horum dici debet: ergo, &c. Minor quibusdam uideri posset suspēcta, propterea sic probatur. Si respectu essentia, eodem modo Spiritus sanctus suimet principium dici posset: nec mirum, quia cum Patre, & filio in essentia vnum est; nec uidetur posse dici, respectu proprietatis communis spirationis, quia cum proprietates su suppositi, sicut subiecti, non uidetur possibile, quòd duorum suppositorum vna sit proprietas. Deinde si propter unitatem proprietatis Pater, & filius vnum dicantur principium, tunc per oppositum ubi plures proprietates erunt realiter differentes, scilicet paternitas, & spiratio actiua, & ita Pater posset dici plura principia, sed hoc non dicimus: ergo neq; primum. Ex alio latere, D. Aug. vi. de trin. ait, qđ Pater, & filius non sunt Spiritus sancti duo principia, sed vnum: ergo, &c. Pro responsione, ne in equiuoco laboremus, duplicem principij in medium distinctionem afferemus. Quandoque enim sumi solet principium pro agente, & quandoque pro forma, quę ratio est agendi actũ. Si principium sumatur primo modo, scilicet pro eo, quod agit, cum illud sit suppositum, Pater, & filius non erunt vnum principium, quia non

matia sic primo potest argui; via præintelligitur termino, sed generatio in diuinis uia dicitur ad genitum, igitur præcedit ipsum, nec non proprietatem relatiuam constituentem genitum. Insuper habet Magister in textu, & hoc accipit ab Aug. quòd Pater est Pater, quia genuit, quòd non esset, nisi genuisse paternitatem secum rationem præcederet, actus ergo notionales in diuinis relationibus esse priores, his uix concluditur. Ex alio latere, quia suppositum præintelligitur actui ab ipso procedenti, & generare est actus procedens à supposito Patris: igitur suppositum Patris præintelligitur constitutum, antequam generet, sed hoc fit per paternitatem, quapropter uidetur quòd relationes actus procedant notionales. Pro intellectu huius questionis tria considerata accedunt: primum pertinet ad distinctionem, quæ est, quòd aliquid alteri præintelligi dupliciter potest accipi: uno modo, altero non intellecto, V. g. dum intelligitur animal, homine non intellecto. Alio modo, quando actus intellectus cadit super utrunque, & dicit unum esse altero prius, uel secundum rem, uel secundum rationem, V. g. quando substantiam priorem suo accidente natura intelligimus, uel iuuentutem senectute; secundum rationem uerò, quando dicimus, intellectum diuinum uoluntatem procedere. Et hæc de prima distinctione. Subsequitur altera, secunda in ordine pertinet ad secundum de tribus propositis, ubi consideratur relatiua proprietas, quæ biffariam habet sumi, uel ut relatiua, uel ut constitutiua. Demùm pro tertio considerandum est, quòd illud potest fieri, uel esse in generali, uel in speciali, V. g. quando intelligimus diuinum suppositum constitutum per aliquam proprietatem ipsum constituentem,

stituentem, uel in speciali, V. g. intelligendo Patrem esse constitutum per paternitatem, qua est eius constitutiua proprietas relatiua tamen. Nunc ad argumenta dicendū, & primò ad primū, quòd in diuinis generare, & generari, cum non sint per motum medium, non debeant intelligi, ut quædam uia inter generantem, & genitum, sed ut relationes habendi eandem naturam, quæ sunt à quo aliud, & quod ab alio, & hæc nequeunt præintelligi personis eas habentibus. Ad secundum argumentum dicimus intentionem Aug. non fuisse, quòd genuisse, sit prior ratione, quàm Patrem esse, sed potius uoluit inter ista identitatem ostendere, nec non conuertibilitatem inter Patrem, & filium. Explanato iam primo quesito, quæritur secundo. Vtrum uerbum in nobis sit ipsemet intelligendi actus, an aliqua forma producta, in qua quasi in quodam speculo de rebus exterioribus ueritas cognoscatur. Pro parte affirmatiua uidetur posse dici, quòd uerbum in nobis sit ipsemet actus intelligendi. Aug. enim lib. ix. de trin. ait, uerbum esse cum amore notitiam, sed notitia actum intelligendi dicit: igitur uerbum nostrum est, &c. Præterea, uerbo intellectus dicitur, correspondere uoluntatis amor, at amor amandi actum dicit: igitur uerbum dicit actum intelligendi. Ad huius difficultatis euidenciam duo consideratione digna sunt: primum ad uerbi significata pertinet, alterum ad quod quid ipsius uerbi. Quantum ad primum, Verbum quatuor modis sumi posse uidetur. Primò pro eo, quod exterius prolatum est, ut significatiuum eius, quod ab intellectu percipitur: secundo pro conceptu, secundum què dicimus, hominem cogitantem sibi ipsi loqui. Tertiò sumitur pro actu imaginationis,

ginationis, quo uocem exteriorem concipimus sic, vel sic formari, antequam formemus: ultimò uerbum figuratiuè dicitur, scilicet illud, quod per uerbum significatur, ut in psalmo: Ignis, grando, &c. qua faciunt uerbum eius. Quantum verò ad quid uerbi in nobis, est animaduertendum, qđ de ratione uerbi nostri mentalis, ut per ipsum manuducimur in cognitionem diuini uerbi, prima facie, quid existens in nostro subiectiue intellectu uidetur: ex hoc enim arguimus, Dei filium, qui dicitur Patris uerbum, idemq; cū Patre essentialiter. Nunc ad argumenta duo formata responderi potest, & primò ad primum, quòd in nobis uerbum est actus, siue imago, vel rei manifestatio apud intellectum. Ad secundum dici pòt, qđ uerbum actum intelligendi dicat, & ita patet segmentum secundum. Superest tandem uidere, num in diuinis uerbum essentialiter dicatur, vel personaliter. Mihi procul dubio apparet, qđ personaliter dicatur; in diuinis enim relatiua personaliter proferruntur, sed uerbi nomen relatiuum est: igitur, &c. Deinde sic arguitur. Illud, quod uni personæ conuenit, personale est, at in diuinis uerbum sic se habet: igitur personaliter, & non essentialiter dici debet. Ad huius questionis euidentiam est primò sciendū, quid sit uerbū in diuinis: nā ut theologi fatētur, nil aliud est, quā ipsemet actus intelligendi, quo Deo manifesta sunt oīa. Præterea ex dictis colligi habet distinctio una bimembris, qua satisfiet argumētis, deinde erit finis. Verbū ergo duobus uidetur posse cōsiderari modis: uno modo ex vi nominis, alio modo ex aperiitione. Si primo modo, dicit aliqđ essentialē, nō personale: at si secundo modo, trahitur ad personale, sicut sapientia. Et hæc de tribus propositis satis.

QVOD

QVOD NON TANTVM TRES PRAE-
DICTAE PROPRIETATES, ETC.

Distinctio XXVIII.

Lectio LXXXV.

HActenus ad aures Magistri sent. loquuti sumus de personalibus proprietatibus, consequenter de non personalibus proprietatibus agendum erit, ubi tria in specie enodabimus: primo, quo modo hoc nomen ingenuus ad alias se habeat notiones, deinde hęc duo, Patrem esse, & filium esse ad se inuicem: demum quo modo, quandoq; imago teneatur essentialiter, & personaliter. Circa primi puncti declarationem, ii a procedendum, & dicendum, qđ ingenuus solius Patris notio sit, alia tamen à paternitate, qua Pater refertur ad filium. An verò res ita se se habeat, sciendum est, præter tres proprietates personales, scilicet paternitatem, filiationem, & processionem, dari alias proprietates alijs nominibus nominatas, de quarum numero dicitur esse hoc nomen ingenuus, quod spectat ad Patrem, & aliam, quam hoc nomen paternitas, proprietatem importat: nam ingenuum esse, non videtur de ratione Patris, quia quis potest esse Pater absq; hoc, quod ingenuus sit, multi enim geniti genuerunt, quare segmentum patet his uerbis primum. In subsequenti verò ita Magister procedit, ut doceat, quo modo, Patrem esse, & filium esse, sint idem. Nam idem est, quo Pater est, & id, quo filius est, quia una diuina essentia est id, quo uterq; ipsorum est, qui sensus verus est, at transpositis terminis, V. g. dicendo, esse Patrem, quod sit idem, quod

quod esse filium, tunc erit sensus, quod eadem sit proprietas, qua Pater est Pater, & qua filius est filius, & iste sensus est falsus, quia paternitate Pater est Pater, & filius filiatione est filius, ut hac in secunda parte nostri sermonis habemus. In tertia verò, & ultima circa imaginis nomen ut versemur una cum Magistro sent. dicemus, hoc nomen imaginis quādoq; relatiue dici, & quandoq; non, sed essentialiter. Relatiue de solo filio, & essentialiter de tota trinitate, V. g. quando imago accipitur pro ipso exemplari diuina natura, ad cuius imaginem est factus homo. Et hoc perbellè ab Aug. & Hylario probatur, ut apud Magistrum patet in textu. Et hæc satis.

VTRVM INGENITVM, SIVE INNASCIBILE

SIT PATRIS NOTIO, ETC.

Lectio LXXXVI.

TRia circa iam declaratam distinctionem mihi in presenti considerata succurrunt: quorum primum. Vtrum ingenitum Patris notio sit. Insuper, num ingenitum constitutiuum Patris proprietas appellanda. Tertio, Vtrum in diuinis, imago personāliter, vel essentialiter dicatur. Circa primum pro parte negatiua sic arguitur. Vt Pater est principium personæ genitæ, ita & principium procedentis personæ; quare, si propter oppositionem, quam habet ad personā genitam Pater, notio Patris dicitur esse, eodem modo ob oppositionem, quam habet ad personā procedentem, proprietas eius deberet esse, quod diceretur impropossibilis,

sibilis, sed hoc minimè ponitur, nec alia igitur debet poni. Secundo sic arguitur. Patris notio alteri à Patre cōuenire minimè debet, at ingenitum diuinæ essentia, nec non Spiritus sanctus conuenit: quare, &c. In oppositum se habet Hylarius quarto de trin. dicens, qđ est unus ab uno, idest ab ingenito genitus secundum originem. Pro responsione huius difficultatis tria notare debetis, & primò quid importetur per ingenitū, vel innascibile. Insuper supposito qđ illud priuationem dicat, super quid fundetur, inde tertium emanabit, Vtrum scilicet ingenitum sit notio Patris. Quo ad primū, Ingenitū duobus solet capi modis: uno modo formaliter, alio modo denominatione. Si primo modo ingenitum sumatur, tunc dicit priuationem, at si secundo modo, videlicet ratione denominationis, & quasi materialiter subiectum, vel suppositum importat, cui ingenitum conuenit, vel innascibile. Quantum ad secundum dicitur, quod talis priuatio in supposito Patris fundatur, cui conuenit ingenitum esse. His tertio additur, ingenitum duobus posse capi modis: uno modo quatenus ab alio est, sed non per generationem, quo modo Patris notio nō est, sed bene Spiritui sancto conuenit, licet proprie eius notio minimè sit. Nam talis negatio dignitatem non importat. Capitur alio modo ingenitum pro eo, quod oīno non est ab alio, & ita Patris notio est, quia inter oēs diuinās personas soli conuenit Patri, non esse ab alio, & ita secundum Doctores assignantur due propriae notiones Patris, qui est principium non ex principio, ut paternitas. Altera dicitur secundum quam non est ab alio principio, ut ingenitum, vel innascibilitas. His ita positis, ad primum dici poterit argumentum, qđ ingenitum prae vi Patris

P

conuenit

conuenit, tanquā notio, dicitur in se includere improceffibile: nam ingenuus dicitur, quia non est ab alio, nec per modum geniti, nec procedentis. Ad secundum argumentum respondetur, quod nec essentia, nec Spiritui sancto conuenit ingenuū esse, ut notio Patris ponitur: nā Spiritus sanctus est ab alio, essentia uero diuina, licet absolutē non sit ab alio, tamen ut est in filio, est in ipso per generationem, non quidem producta, sed communicata. Et hec de primo quesito. Queritur secundo, num ingenuum Patris proprietates constitutiuas debeat dici. Mihi sanē uidetur, quod sic; nam prima persona per primam habet proprietatem cōstitui, sed Pater est prima persona, innascibilitas uero prima proprietates: igitur, &c. Minor quadruplici posset manifestari uia, at quia hanc oēs, ut ueram supponunt, iccirco probationes omitto. Ex alio latere uidetur, quod diuina persona per se relationibus constituantur, at innascibilitas non est relatio, nisi reductiue: quare, &c. Pro intellectu huius quesiti uelimus scire, duplicem dicendi modum circa presens negotium dari, unus est opinantium in diuinis, quod Pater per prius constituatur in esse personali per innascibilitatem, quā per paternitatem; alius modus dicendi est eorum, qui uolunt, Patrem in esse personali primo constitui, per paternitatem, & ita primi argumenti minor interrimenda, & non concedenda. Sic paucis ruit secundum quesitum uerbis. Superest tertium examinare, deinde erit finis. Solet ergo queri de imagine in diuinis. Vtrum essentialiter, aut personaliter dicatur. Primo aspectu uidetur dici essentialiter: qđ enim tribus conuenit personis, illud essentialiter est, sed imago tribus diuinis personis competit per illud Genesis, Facia-

mus hominem ad imaginem, & similitudinem nostram; hoc idem
fatetur D. Aug. de fide ad Petrum, quod una est sanctæ trinitatis
diuinitas, & imago, ad quam factus est homo: ergo, &c. In oppo-
situm se habet Aug. qui ita satur, Quid est absurdius, quàm imagi-
nem dici ad se; igitur dicitur relatiuè, ac relatiua in diuinis perso-
nalia sunt: quare, &c. Pro rationum solutione tria videnda
sunt. Primò, quid sit de ratione imaginis. Secundò, num diuinis
conueniat. Tertiò, num sit filij proprium. Quantum ad primum, de
ratione imaginis duo sunt, unum similitudinē respicit, ita ut illud,
quod imago dicitur, ei assimiletur, cuius est imago. Insuper quòd
sit effectiuè, vel exemplariter ab eo productum. Quantum ad se-
cundum, videtur, qđ propriè imago diuinis non conueniat, prout
tamen competit, ac videtur, quod personaliter id fiat, non essentia-
liter. Quantum ad tertium, potest dici, qđ imago tam filio, quàm
Spiritus sancto cōueniat, magis tamen filio, per appropriationem:
nam licet Spiritus sanctus sit Patri similis in natura, non tamen
ut filius, qui per modum natura procedit, & Spiritus sanctus per
modum voluntatis. Imago ergo filio, non Spiritui sancto aptetur,
per appropriationem: & quādo sacra pagina loquitur de imagine,
idest de filio Dei docendo solum filium esse imaginem, debet
intelligi, quantum ad appropriationem sub quo sensu
D. Aug. loquutus est septimo de trin. dicens,
quod solus filius est imago Patris, &
sic ex dictis, quid ad argumenta
dicendum de facili in-
tuenti patebit.

DE PRINCIPIO, QVOD RELATIVE DICITVR.

Distinctio XXIX.

Lectio LXXXVII.

EX quo Magister sent. loquutus est de innascibilitate, ut in hesterna audiuiſtis lectione, conſequenter de communi ſpiratione ſub ratione principij agendum, & circa hoc tria faciemus: nam primò qualiter per hoc nomen principium ſe habeat trinitas ad creaturas, docebimus. Inſuper quo modo ſe adinuicem diuina perſona per illudmet nomen principij habeant. Demum notandum ponemus. Circaprium, videtur hac via eſſe procedendum, quòd Pater, & filius, & Spiritus ſanctus ſint unum temporaliter creaturarum principium. Nam hoc nomen principium, ſecundum quod relatiue in diuinis dicitur, relationem Dei tantum importat ad creaturas, vel relationem perſonarum adinuicem: primo modo tota trinitas oĩum rerum per creationem principium dicitur, quantum ad eſſe, non quantum ad vitia rerum, nec ab eterno, ſed in tempore, & hoc eſt diſcrimen inter principium eorum, quæ ab eterno ſunt, V. g. ad intra Pater ab eterno filij principium dicitur, & Pater, & Filius Spiritus ſancti, ſed hoc non ex tempore, neq; eſſentialiter, ſed notionaliter. Huic particula prima neſcitur altera ſub his verbis, dũ dicitur, quòd Pater eſt filij principium, inſuper qđ Pater, & filius ſunt unum principium ipſius Spiritus ſancti, ut teſtatur D. Aug. lib. v. de trin. capite 14. His tertio venit addendum loco notandum, ſub his verbis, qđ relatio, qua Pater, & filius referuntur ad Spiritũ ſanctum,

sanctum, proprium vsualiter aliquod nomen minimè habet: nec id mirum videri debet, quoniam temporibus Magistri nondum erat in vsu, nec inuentum illud nomen scilicet communis spiratio, quo Doctores illam notionem nominant. Sed dicetis, libenter sciremus, num hoc nomen principium in predicationem diuinorum transiens semper uniformiter se habeat: ad hoc dici potest, qd non semper uniformiter sumitur; solet enim quādoq; sumi personaliter, V. g. dūm dicitur, Pater, & filius sunt unum principium Spiritus sancti; quandoq; etiam essentialiter, ut cum dicitur, Pater, & Filius, & Spiritus sanctus unum sunt creatura principium. Et hæc de tota distinctione hac pauca sufficiant.

VTRVM PERSONA DICÍ POSSIT PRINCIPIUM IN DIVINIS ALTERIVS, ETC.
Lectio LXXXVIII.

AD vberiore[m] doctrinam eorum, qua in proxima declarata sunt distinctione, ne quis vestrum me sugillare audeat, tria quesita examinanda proponam, & primò. Num in diuinis persona alterius possit dici principium. Præterea, Num Pater, & Filius Spiritus sancti unum sint principium. Tertio, Num Pater, & filius plures dici queant spiratores. Quantum ad primum. Ad partem declinantes negatiuam, sic arguemus. Principium, & causa idem sunt, ut habetur diuinorum libro quinto, sed in diuinis una persona alterius causa minimè dicitur, quia ibi nihil est causatum: igitur, &c. Deinde sicut Deo

competit esse principium, ita & esse finē, iuxta illud *Apocalipsis* primo. Ego sum alpha, & omega, idest principium, & finis, sed una persona finis non est alterius: quare &c. In oppositū se habet *Aug. iiii. de trin.* dū ait, quod Pater est principium totius deitatis: ergo. Pro determinatione huius difficultatis duo scire debetis, & primò. Vtrū ratio principij in diuinis ponenda sit. Deinde, Verum talis principij sit uniuoca. Quantum ad primum, dicitur, quod in diuinis respectu diuinorum debet poni principium, sed non causa. Quod aut ibi ponendum sit principium, patet: nam una persona est ab alia: ergo una erit principium alterius dicenda. Cur aut in diuinis non debeat concedi causa, ratio assignatur, quoniam causa, & causatum per essentiam distinguuntur, quæ distinctio in diuinis non admittitur, propterea neq; causa, neq; causatum ibi. Quo ad secundum, duæ sunt opiniones: prima est eorum, qui opinantur hoc principij nomen uniuocè dici, V. g. dū dicitur, qđ Deus est creaturarum principium, rursus dū dicitur, quod una persona sit alterius principium. Quo isti fundamento nitantur, audite; dicunt enim, hoc principij nomen non variare conceptam magis, vel minus cōmune. Altera opinio totum sentit oppositum, & hoc, quia principiare in natura sua, & in aliena, principij rationem variare, non solum variatione secundum quid, verū etiam simpliciter dicitur; sed queso hæc missa faciamus, & ad soluenda argumenta accedamus, & primò ad primum ita dicamus, quod principium, & causa sint idem secundum superius, & inferius: iccirco alicubi ratio principij poterit admitti, ut in diuinis, ubi tamen minimè ratio causæ erit; vel dicatis, hæc duo idem re esse.

at finitione non. Ad alterum argumentum similitudo interrimisur de fine, & de principio, nam principium in diuinis originis ordinem respicit, & finis importat prægeminentiam bonitatis, quæ in diuinis respectu diuinorum non ponitur, at respectu creaturarum tantum, quarum Deus est principium, & finis. Et hæc de primo dubio satis. Queritur secundò. Vtrum Pater, & filius sint unū Spiritus sancti principium. Mihi certè videtur, quòd non. Nam si unum, hoc uel esset ratione essentia, uel proprietatis, nullum horum dici debet: ergo, &c. Minor quibusdam videri posset suspecta, propterea sic probatur. Si respectu essentia, eodem modo Spiritus sanctus suimet principium dici posset: nec mirum, quia cum Patre, & filio in essentia unum est; nec videtur posse dici, respectu proprietatis communis spirationis, quia cum proprietates sui suppositi, sicut subiecti, non uidetur possibile, quòd duorum suppositorum una sit proprietas. Deinde si propter unitatem proprietatis Pater, & filius unum dicantur principium, tunc per oppositum ubi plures proprietates erunt realiter differentes, scilicet paternitas, & spiratio actiua, & ita Pater posset dici plura principia, sed hoc non dicimus: ergo neq; primum. Ex alio latere, D. Aug. vi. de trin. ait, qđ Pater, & filius non sunt Spiritus sancti duo principia, sed unum: ergo, &c. Pro responsione, ne in equiuoco laboremus, duplicem principij in medium distinctionem afferemus. Quandoque enim sumi solet principium pro agente, & quandoque pro forma, quæ ratio est agendi actū. Si principium sumatur primo modo, scilicet pro eo, quod agit, cum illud sit suppositum, Pater, & filius non erunt unum principium, quia non

P 4

sunt

sunt unum suppositū, sed plura. At si sumatur non pro agente, sed pro eo, quo agens agit, sic propriè loquendo, dici debet, quòd in Patre, & filio unum sit principium, quo spirant Spiritum sanctū. His ita positis, nunc ad rationes duas formatas accedo, & ad primam desumptam ab unitate essentia, vel proprietatis communis spirationis sic dico, qđ Pater, & filius dicuntur unū principium Spiritus sancti ratione unius virtutis spiratiuae existentis in ambobus, quae una numero, non obstante suppositorum pluralitate in Patre, & filio est. Ad secundum argumentum dici potest, qđ ly principium non sumitur pro agente, quia sic plura cum sint supposita, unum minimè esset principium, sed plura, habet ergo sumi pro eo, quo agens agit, sic argumenta ruunt. Inquiramus modo, num Pater, & filius plures ualeant dici spiratores. Ausim ego dicere, quòd non, nam ut oēs diuina personae in actu causandi dicuntur conuenire, ita Pater, & filius in actu spirandi, atqui tres personae non uocantur tres creatores, sed unus creator: igitur Pater, & filius non duo, sed unus spirator. Insuper, si plures forent spiratores similiter, plures essent spirati, at hoc minimè dicitur: ergo nec primum admittendum. In oppositum se habet Hylarius secūdo de trinitate, ubi sentire uidetur, Spiritum sanctum à pluribus esse spiratoribus, quia est pluribus auctoribus. Pro intelligentia huius quesiti scire debetis, difficultatem hanc de re minimè esse, sed tantum de modo loquendi, ideo loquendū erit, ut plures; nunc ad argumenta respondere uolentes ita dicemus, quòd primi similitudo adducta nulla sit, nam licet plures substantiue nō dicantur creatores, adiectiue tamen sic. Ad secundum argumentum potest dici,

dici, non esse necesse, quod si plures darentur spiratores, ob id pluralitas spiratorum concedenda sit, nam spirandi ratio ad multiplicationem suppositorum minimè multiplicatur, licet hic pluralitas relationum se habeat in oppositum. Tandem ad Hylarij auctoritatem dicamus: Virum hunc usum fuisse substantiuo pro adiectiuo, & sic duo adiectiuè spirantes dici poterunt, & ita finiuntur quesita in eo, qui finis est omnium. Amen.

DE HIS, QVAE TEMPORALITER DE
DEO DICUNTUR.

Distinctio XXX.

Lectio LXXXIX.

HAETenus satis longo sermone de innascibilitate, nec non communi Patris, & si. ij respectu Spiritus sancti spiratione loquuti sumus: Nunc uerò obiter de quibusdā relationibus Deo ex tempore conuenientibus agemus. Diuidatur itaq; presens distinctio in segmenta tria, in quarum primo declaratur, Deum ad creaturas ex tempore referri, in altero ob id non mutari, tertio, & ultimò exemplo Spiritus sancti id manifestatur, ut in progressu nostri sermonis apparebit. Quantum ad primū, Arbitror uobis oībus esse motum, Deum ad creaturas temporaliter referri: quā enim de Deo relatiuè dicuntur, ex accidenti temporaliter dici fatendum, non quod in Deo ob id accidens aliquod debeat poni, sed in creaturis, V. g. huiusmodi nomina, creator, dominus, refugium, & similia, quā ab aeterno Deo conuenisse nō possunt,

possunt, & hoc, quia creaturam ad se refugientem, neq; seruum ab æterno habuit, sed tantum in tempore habere incepit: igitur, &c. Sed dicetis, Deus non iam incepit esse temporis Dominus, cum non inceperit in tempore, nec ex tempore esse: igitur non videtur posse dici Dominus, &c. Huic difficultati velim uos in hunc modum respondere, dicentes: Deum incepisse esse temporis dominum, quando scilicet tempus incepit esse. Vnde sicut tempus non dici ut incepisse in tempore, seu ex tempore, ita Deus non incepit esse Dominus temporis in tempore, seu ex tempore, sed cū tempore. Et quamuis Deus, ut auditis, ad creaturas temporaliter referatur, ob id non est, quod credatis, Deum per talem relationem mutari, nō enim mutatur, ut in secundo puncto detegitur. Nam ut perbellè in textu Magister sent. docet, ipsa relatio solū in creatura realiter ponitur, sed eius tantum appellatio in Deo, respectu creaturarum conceditur, quare nulla propter hoc in Deo mutatio est. Magis vulgato adhuc exemplo hoc idem à numo desumpto depromitur, ut enim numus incipit esse pretium sine sui mutatione ita Deus absq; sui mutatione fit creator. Et hæc de segmentis duobus. Superest tertium, ubi per exemplum Spiritus sancti corroboratur intentum. Nam ut Spiritus sanctus sine sui mutatione mentibus puris datur, ita & Deus ad creaturas refertur. Sed dicetis uos ingenio splendentes, q̄a hic est sermo de Spiritu sancto, libenter sciremus, quid tenendum sit de questione illa superius mota. Vtrum scilicet Spiritus sanctus dans se ipsum refervi possit ad se ipsum. Nobilissimi Auditores, sui ut memor Magister sent. ita respondet, qđ cum Spiritus sanctus datus à se, vel missus dicitur, tunc relatiuè ad

cum

eum, cui datur, debet dici, & est secundum nomen relatio, & non secundum rem, & fit in illo mutatio, cui datur nulla mutatione facta in ipso donante. Et hæc de pullicijis pro presenti lectione.

AN ALIQUID EX TEMPORE DE DEO.
Lectio XC.

HOdierna die pro maiori notitia eorum, qua in prædecla-
rata dicta sunt distinctione, quesita tria scrutabimur,
& primò. Vtrū aliquid ex tempore de Deo dici possit.
Insuper, nū relatio in creaturis realiter à suo differat fundamento.
Tertiò, an qua de Deo relationes dicuntur, reales nec ne. Circa
primum, pro parte negatiua, quid dicturus sim, audite. Quicquid
in Deo est, ab æterno dicitur esse, nihil ergo de Deo ex tempore
pronunciari potest. Insuper de re temporali ab æterno nil pōt dici:
igitur de re æterna nil ex tempore dicetur: quare nec de Deo.
Præterea, si quid ex tempore conueniret, hoc vel necessario, vel
contingenter. Non primo modo, quia quæ necessario insunt, semper
insunt. At quæ in tempore, semper minimè fuerunt: ergo, nec con-
tingenter, quia quæ sic se habent, per accidens insunt, sed in Deo
nullum est accidens: igitur, &c. In oppositum se habet Magister
sent. in textu, propterea pro veritate cognoscenda eorū, quæ præ-
dicantur, diuisio præmittenda, hæc enim in duplici d. scrimine in-
ueniuntur, nam quædam absolutè, siue essentialiter dicuntur, quæ-
dam alia relatiuè. Si primo modo, procul dubio de Deo nihil præ-
dicabitur ex tempore, at relatiuè quædam possunt prædicari de Deo.
Nunc

Nunc ad argumentum primum ut respondeatur, dicendum, quod quæ absolute res significant in Deo existentes, V. g. ut bonus, sapiens, & huiusmodi, extempore non dicuntur de Deo, at quæ relative, & sub habitudine ad creaturas sic. Ad alterum argumentum dicitur, aliquid posse de re temporali ab æterno, ut intellectum prædicari, ab æterno enim creatura fuit intellecta, similiter dicenti relationem rationis de Deo ex tempore dici possunt. Ad tertium argumentum distingo de accidente: nam duobus considerari solet modis. Vno modo, ut distinguitur contra substantiam, alio modo, ut per aliud. Primo modo, quid per accidens Deo non aptatur, secundo modo sic, & est habitude rationis, quæ secundum nostrum modum considerandi, siue intelligendi confurgit ad Deum cognoscendum per creaturas. Completo iam primo quesito, queritur secundo. Vtrum in creaturis relatio realiter à suo differat fundamento. Quod non, mihi videtur, nam quæ realiter differunt, in eodem supposito compositionem faciunt, atque relatio cum suo fundamento, nullam compositionem innuunt: igitur à suo non differt fundamento realiter. Minor à simili declaratur, quia album simile alteri albo non est magis compositum, quam si esset solum: ergo. Deinde illud, quod alteri aduenit sine eius mutatione, licet de nouo accidat, realiter ab eo non differt: sed relatio suo in hunc modum aduenit fundamento, non ergo realiter debet dici differre ab illo. In oppositum dicetis vos, nonne absolutum, & respectuum sunt diuersæ res? quo ergo modo vnum ab altero realiter non differt? circa hoc negotium variæ sunt Doctorum opiniones, quas breuitatis causa, nec non veritatis dimittam, & ad rationes adductas accedam. Potest

ergo

ergo dici ad primam, qđ maior propositio egeat declaratione: nam quęcunq; realiter differunt in eodem supposito, compositionem facere videntur, si utrunq; absolutum sit, at si unum sit absolutum, & alterum relatiuum, ut in proposito loquimur nos, tunc ratio nō concludit. Ad secundum argumentum dicitur, qđ realis respectus extrinsecus adueniens, bene potest alicui aduenire, sine eius mutatione, & tamen est alia res à suo fundamento, sicut modus rei dicitur esse alia res ab eo, cuius est modus. Et diū dicitur, qđ noua res minimē potest aduenire alicui sine eius mutatione, nisi per nouam actionem, hoc habet concedi de re absoluta, at de respectu extrinsecus adueniente, vel de respectiua denominatione neutiquā est verum. Ad argumentum uerò alterius partis dicendum est, qđ fundamentum, & respectus realis primis differentijs entis differunt, at denominatio respectiua à suo non differt fundamento directē, sed per differentiam entis, quare realiter à suo non differt fundamento. Iam duobus prelibatis quesitis, ad tertium ut accedamus, equum est. Solet deniq; queri. Vtrum relationes, quę de Deo dicuntur ex tempore, sint reales. Mihi sanē primo aspectu videtur esse dicendum, quod sic. Nam illud, quod est secundum rationem tantū cessante intellectu rationē formante, non manet, at cessante omni intellectu ratiocinante, adhuc Deus esset Deus, Dominus, & creator, quę tamen de Deo ex tempore relatiuē dicuntur: igitur, &c. Pręterea relationes illę reales sunt, quę fundamentum, & extremum reale habent, at relationes, quibus Deus refertur ad creaturā ex tempore, sunt huiusmodi: igitur. Minor sit declaratur, quia habent reale extremum, puta creaturam, & reale

reale fundamentum. Nam diuinum fundatur super diuinam potestatem, & creator super actionem: quare, &c. In oppositum dicetis vos, in Deo nihil videtur esse realiter, quod non sit ab eterno, sed tales relationes sunt minimè eterna, sed ex tempore, non igitur realiter in Deo ponenda. Hoc idem fatetur D. Aug. dum inquit, quod tales relationes sunt tantum appellationes relatiua. Pro determinatione huius questionis videndum erit, unde relatio habeat, quod sit realis: mihi procul dubio videtur, quod relatio habeat esse reale ex fundamento, & extremo realibus, vel denominatiue, & accidentaliter, non per se: accipiendo igitur primo modo relationem, Deus nequaquam realiter ad creaturam refertur, at secundo modo pro denominatione reali sic Deus ad creaturam referri dicitur. Nunc ad argumenta formata respondeamus. Ad primum ergo potest dici, quod circumscripto omni actu relationis, Deus est creator, & dominus, nec ista nomina dicunt relationem rationis, sed denominationem actionis extrinsecus aduenientem, quae est realis, sicut & illud extrinsecus adueniens, unde oritur. Ad alterum in ordine secundum dicitur, quod denominatio respectiua Dei ad creaturam realis est, habet enim reale fundamentum, & extremum. At in Deo nullus videtur esse realis respectus per comparisonem ad creaturam, nec ob id nego, quin Deo realis denominatio respectiua conueniat. Et haec satis.

QVO

QVO MODO FILIVS AEQUALIS PATRI

DICATUR.

Distinctio XXXI.

Lectio XCI.

Versaturi circa distinctionem presentem trigesimam primam in ordine huius primi libri, nexum primò ponemus, deinde ad diuisionem accedemus. Quantū ad primum. *Is nexus videtur. Postquam Magister sent. verba fecit de personarum proprietatibus proprijs, consequenter sibi erat agendum de appropriatis, & hęc de cōtinuatione una cum consilio Magistri. Diuiditur modo hęc distinctio in particulas tres: in quarum prima nomina quędam communia aliquibus personis appropriabilia declarantur, in altera significata quorundam nominum communium appropriabilium, scilicet secundum Hylarium. Tertiò prius dictorum appropriatorum ratio assignatur. Circa primi puncti declarationem supponit primo Magister equalitatem, & similitudinē in diuinis esse relationes tantum secundū rationes. Ad quam rē determinandā tria quesita excitabimus, & primò. Vtrū in diuinis hoc nomen eguale relationē, vel substantiam dicat. Insuper an equalitas penes essentiam, vel relationē debeat attendi. Demū qđ sit ipsa equalitas in diuinis. Quantū ad primum, dicitur, qđ eguale relatiuē se habet; nam sicut nihil ppriē sibi ipsi simile dicitur, ita nec ppriē eguale. Ad secundū quesitū de facili pōt responderi, nā penes substantiam, nō aūt penes relationem, equalitas attendenda est, quā veritas cōfirmari habet autoritate D. Aug. ita loquētis.*

Quærimus

*Querimus, secundum quid P atri sit equalis filius, nec secundum hoc, quod ad Patrem dicitur filius, equalis est Patri: igitur equalis erit, secundum quod ad se dicitur, at quicquid sic se habet, id est ad se dicitur, secundum substantiam dicitur, equalis ergo Patri, secundum substantiam, & ita patet, quo modo equalitas penes substantiam attendenda sit. Nunc ad difficultatem in ordinē tertiā accedo, & equalitatem in diuinis secundum nomen solum relationem esse dico; realiter enim nil aliud est, quā diuinarum personarum identitas; sed dicetis, quid de similitudine in diuinis erit dicendum? An qđ relatiuē se habeat, vel secundum substantiam? dicatis ad hoc, idem esse iudicium ferendum de similitudine, videlicet, quod dicat, & attendi debeat secundum substantiam, seu essentia unitatem, & qđ sit relatiuum secundum nomen. Insuper amore, ac sciendi desiderio ducti dicetis, libet sciremus, quo modo in diuinis simile, & equale habeant sumi, num positiuē, aut priuatiuē, siue negatiuē. Huic difficultati sic occurro, & dico, qđ negatiuē, propterea quod equalitas differentem magnitudinem excludit, & similitudo oēm diuersitatē. Et hęc de prima particula de tribus proposuis. Subsequitur altera, in qua quorundam nominum communium, scilicet appropriabilium secundum Hylarium significatio detegenda. Nam videtur, quod in diuinis secundum appropriationem eternitas, & unitas de Patre affirmetur. De filio verō imago, & equalitas, & de Spiritu sancto, amborum nexus, & charitas, quā oīa ex Hylario, nec non ex D. Aug. colligi possunt. D. enim Aug. ait, eternitatem Patri appropriari, quia cum eternitas pręuenit principium, ideo Patri cōuenit, qui ob principij
 priua-*

privationem innascibilis dicitur. Insuper fatetur, imaginem filio appropriari, nec non equalitatem, speciem, & pulchritudinem, propter perfectam, & proportionatam Patris representationem. Nam filius cū summa similitudine, nec non equalitate representat. Munus verò, & nexum charitatis, & usum Spiritui sancto attribuit, & hoc ideo, quia per ipsum, & ab ipsa nobis oīa donantur, ad nostramq; utilitatem infunduntur. Explanatis in hunc modum particulis duabus, relinquitur tertia, in qua ratio appropriatorum prius dictorum assignanda, quamvis ergo Pater, & Filius, & Spiritus sanctus unum sunt, ob id minimè dici debent unus, nisi cum additione, ita ut dicatur sic. Unus Deus, unus creator. Ratio aut huius assignatur, quia neutrum genus ad essentialitatem refertur, ideo cum dicitur Pater, & Filius, & Spiritus sanctus sunt unum, debet intelligi hoc essentialiter. Masculinum verò genus ad personam, seu hypostasim habet referri: unde cum dicitur, Pater, & Filius, & Spiritus sanctus sunt unus, nisi fieret additio, & diceretur unus Deus, vel unus potens, vel unus sciens, tunc procul dubio personarum tolleretur distinctio, vel saltem poneretur ipsarum confusio. Et hæc de pollicitis satis.

VTRVM IN DIVINIS AEQUALITAS
SIT RELATIO REALIS.

Lectio XCII.

Volentes nos hodierna die diligēter Magistri verba percurrere, tria in dubium reuocanda erunt, & primò. Vtrum in diuinis equalitas debeat dici relatio realis.

2

Insuper,

Insuper, Virtù positiuè, vel priuatiuè ibi sumenda. Tertiò, Virtù attributa essentialia diuinis debeant appropriari personis. Circa primum, pro parte affirmatiua sic potest argui. Illę relationes, quę sic se habent, quod earum est idem fundamentũ, & eadem extrema sunt, si una est realis, & altera quoque: at relationes originis idẽ fundamentum habent, & extrema eadem cum rel. si ne equalitatis (virobiq; enim est essentia diuina fundamentum) & persona diuina sunt extrema; cum itaque originis relationes sint reales: igitur, & equalitatis relatio erit realis. Insuper, veluti diuina essentia perfectio requirit, quod à Patre filio communicetur, ita requirit, quod sit eadem in Patre, & filio, sed propter principium Pater realiter ad filium originis relatione refertur, quia essentiam habet à Patre: igitur propter secundum Pater realiter refertur ad filium equalitatis relatione, quia eadem cum Patre essentiam habet. In oppositum dicetis vos. Si equalitas in diuinis esset relatio realis, tunc plures relationes, quàm quatuor, concedenda forent, at pro inconuenienti hoc habetur: ergo & illud ex quo sequitur. Pro responsione, nec non difficultatis terminatione supponendum est primò, quod equalitatis relationes, & similitudinis in diuinis minimè sint reales, sed illę tantum originis: quo posito, ad rationes formatas duas respondendum erit, & primò ad primam sic, quod relationes illę, quę habent, & idem fundamentum, & eadem extrema sub eadem reali ratione exigentia extremorum, omnes sunt equaliter reales, ut in proposito patet: nam in essentia diuina, ut est fundamentum originis relationum, est sufficiens exigentia extremorum ratio, V. g. natura secunditas. At in ipsa, ut est equalitatis,

Et similitudinis fundamentum, nō est talis exigentia ratio, unitas enim essentia non requirit, qđ ipsa sit in pluribus suppositis, quare argumentum unit. Ad alterum dicitur, quod essentia diuina perfectio, ut secunda est, quod sit à Patre in filio, requirit, at diuina essentia perfectio, ut una est, nequaquam requirit, quod in eis sit una, quoniam ut una non exigit, qđ in pluribus sit, Et ita patet, quod tota necessitas exigentia provenit ex secunditate natura, secundum quam relationum originis est fundamentum, Et non ex eius unitate, secundum quam equalitatis, Et similitudinis ponitur fundamentum. Post primam à nobis questionem explicatam sequitur altera, diu queritur. Vtrum equalitas in diuinis positiue, vel priuatiue dicatur. Pro parte affirmatiua videtur posse probari, qđ equale priuatiue se habeat: nam quae sic priuatiue opponuntur, alterum dici debet positiue, Et alterum priuatiue; at auctore Aristotele decimo diuinorum equale opponitur magno, Et paruo priuatiue, sed magnum, Et paruum positiue dicuntur: ergo equale dicitur priuatiue. Pro quesiti determinatione tria consideratae occurrunt, fundamentum equalitatis primum, qđ est ipsa quantitas, Et similitudinis qualitas. Insuper relationis extrema, quae sunt equalia, vel similia: tandem habiundo relatiua equalitatis, aut similitudinis. Quibus positis, dici potest, quod equalitas, quantum ad suum formale significatum, positiue sumitur; nam secundum rem ponitur in predicamento, priuationes uerò reductiue solum. Nunc argumēto adducto, Et Arist. auctoritati poterit satisfieri in hunc modum, si dixerimus: Philosophum loquentum esse de oppositione aequalis magni, Et parui communiter, siue sub ratione formali, at

fundamentaliter de magno, & paruo non sic euenit, fundamentaliter enim identificantur. Et hęc de duobus quesitis. Quibus ne-
ctitur tertium in ordine, dũm quęritur. Vtrum attributa essentia-
lia diuinis debeant appropriari personis. Mihi prima fronte vi-
detur, quod non: nam eque communia in diuinis videntur esse
attributa essentialia, sicut essentia, sed essentia nulli appropriatur:
ergo, &c. Pręterea sic arguitur, prius est proprium, quā appro-
priatum, nam appropriatũ per similitudinẽ dicitur ad proprium,
at propria personarũ nõ sunt priora attributis essentialibus, immo
secundum rationem posteriora, non igitur video, quo modo attri-
buta essentialia diuinis sint approprianda personis. Pro intellectu
huius ardua difficultatis tria supponenda occurrunt: primum est,
quod in diuinis datur appropriatio possibilis. alterum, quod utilis.
Tertium, quā ratio in diuinis de diuersis appropriationibus reddi
potest. Quo ad primum videtur non appropriari, nisi commune,
possibilis ergo. Quo ad secundum utilitas patet, quia aliquo modo,
per appropriata in personarum diuinarum cognitionem manudu-
cimur. Quo ad tertium, de facili reddi potest ratio de diuersis ap-
propriationibus: nam Patri Hylarius eternitatem attribuit,
speciem ipsi filio, & usum Spiritui sancto, sic dicens. Aternitas,
qua mensura est, ex sui ratione carens principio, iure merito ap-
propriatur Patri, qui est principium, non de principio. Species
verò filio, qua quandoq; sumitur pro imagine, & quia filius est
imago Patris: ideo, &c. Vfus deinde Spiritui sancto, quia largẽ
loquẽdo, uti est aliquid assumere in voluntatis facultatẽ, Spiritus
aut sanctus per modum voluntatis procedit: ideo, &c. Nunc diri-

gatur oratio nostra ad solutionem duarum prius allatarum rationū, quarum prima interimitur per non esse simile de essentia, & attributis essentialibus. Nam essentia, ut essentia est, maiorem non dicitur habere convenientiam cum proprio unius personæ, quàm cum proprio alterius: quare uni personæ magis, quàm alteri appropriari nequit, sed diuersa attributa maiore convenientiam habent cum proprio unius personæ, quàm cum proprio alterius, propterea magis uni, quàm alteri appropriantur. Ad rationem secundam dicitur, in diuinis nihil prius, aut posterius secundum rem dari, sed secundum rationem tantum, & hoc modo quedam essentialia videntur esse priora proprijs personarum, nō tamen appropriata, nisi ratione propriorum, & sic possunt dici posteriora proprijs personarum secundum rationem talis nominis; nec inconueniens videtur, quod aliquid sit prius, & posterius altero secundum rationem, quantum ad considerationes diuersas. Et hæc satis.

VTRVM PATER, VEL FILIUS, ETC.

Distinctio XXXII.

Lectio XCIII.

Postquam in superiori distinctione de nominibus communibus appropriabilibus diuinis personis, nec nō de significatione quorundam nominum communium appropriabilium secundum Hylarium loquuti sumus, consequenter hoc in parte arbitror agendum fore de quibusdam difficultatibus, originem ducentibus ex prædeclatis. Habita his verbis continuatione huius

*distinctionis cum precedenti, nunc diuidi habet de more in tres partes, in quarum prima declaratur, qualiter persona diuina Spiritui sancto secundum proprium, & appropriatum comparentur. Insuper circa filij appropriatū. Tertiò, & ultimò penes utrunq; simul. Circa primum, ut magis intentum nobis Magister sent. detegat suum querit. Num Pater, & filius diligant se mutuo, Spiritu sancto ab ipsis procedente. Primo aspectu ad partem negatiuam declinando sic arguit, in diuinis diligere, & esse identificantur, si ergo Pater, & filius diligunt se Spiritu sancto, &c. Tunc haberent esse per Spiritum sanctum, at hoc absurdum est, non ergo primum videtur posse concedi. Hic Magister sent. ne toto videatur aberrare cōlo, ita fatur, Patrem, & filium se diligere Spiritu sancto, sumendo ibi diligere notionaliter, pro ut idem est, quod communis spiratio, & sic intuenti patebit, quo modo diligere ab essentia secundum rationem differat, & formatum prius argumentum nullius ponderis existat. Et hæc pro primo segmento. Huic necti potest secundum, ubi Doctor inquit. Vtrum Pater sapiens sapientia, quam genuit, dici possit. Insuper, utrum filius sapiens sapientia genita, vel ingenita nuncupandus. Tertiò, utrum filius sapiens sapientia genita, idest se ipso dicendus. Circa questionem in ordine primam, videtur, quòd Pater sit sapiens sapientia, quam ipse genuit: nam amore diligit Pater, qui ab ipso procedit: igitur, &c. Hic queso diligēter perpendite Nobilissimi Audiōres, ne circa hoc aliquis ob inēxperientiam contingat error. Nam hæc posuio minimè concedenda est, Pater est sapiens sapientia genita, idest illa sapientia, quam genuit, ne filius, qui est sapientia genita
videatur*

videatur esse causa sapientia in Patre, qui sapiens est sapientia inge-
nita. Ad secundam nunc venio questionem propositam, &
paucis dico, quod filius dicitur sapiens sapientia inge-
nita, sicut & Pater. Hic tamen notandum, quo modo haec due proposi-
tiones verae, Pater est sapiens sapientia inge-
nita, & filius est sapiens sapientia inge-
nita. Nam hi ablativi in eis positi diuersimode vi-
dentur posse construi, videlicet vno modo in habitudine formalis
principij, sub quo sensu Pater est sapiens sapientia inge-
nita, & tunc huius sensus propositionis est, quia sapientia inge-
nita est ipse Pater, & sic se ipso formaliter est sapiens, cum idem sibi esse, &
sapere sint idem, secundum quem sensum intellectus erit falsus,
quando dicitur, quod filius sit sapiens sapientia inge-
nita, quia sic denotat filium esse formaliter sapientem Patre, & ex consequenti
Patrem esse formaliter filium propter identitatem sapientia, &
esse in filio. Alio modo ablativus ille videtur construi posse in ha-
bitudine principij effectiui, tunc temporis ista erit falsa. Pater est
sapiens sapientia inge-
nita, quia significat Patrem esse de sapientia
ingenita, & ita esset à se ipso, quod est falsum. Illa verò, filius est
sapiens sapientia inge-
nita isto modo vera est, quia sensus est, quod
filius sit de sapientia inge-
nita. Et hæc de questionibus duabus. Su-
perest tertia superius proposita. Vtrum filius possit dici sapiens sa-
pientia genita, id est se ipso, cui difficultati sic habet responderi, quod
sic formaliter, at effectiue non. Nam verbum non est à se ipso effe-
ctiue, nec sapiens à se ipso hoc modo potest dici, nisi formaliter, &
hec de duabus principalioribus huius distinctionibus partibus factis.
Superest tertia, & vltima, qua in duas subdividitur partes, iuxta

duas quæstiones, quas proponit Magister. Querit enim primò. *Utrum tantum una sit sapientia Patris, & filij. Mihi videtur, quòd non, quia alia est sapientia genita, & ingenita: igitur non est tantum una: nam quando sumitur cum his terminis genita, & ingenita sapientia, tunc temporis trahitur ad standum pro persona, ac quando simpliciter sine ulla additione, tunc supponit pro essentia, & sicut in deitate datur dilectio, quæ est Pater, & Filius, & Spiritus sanctus, scilicet ipsa diuina essentia, ita in Deo videtur una sapientia esse, quæ est Pater, & Filius, & Spiritus sanctus, scilicet diuina essentia, & sapientia genita, quæ nec est Pater, nec Spiritus sanctus, sed filius: ob id non plures sapientia, sed una tantum, & ex consequenti sapientia ingenita est ipsius Patris, per quam ipse formaliter sapit, sapientia ei genita dicitur Patris, non quia ea formaliter sit sapiens, sed quia eam genuit, nec ob id sequitur, ergo sunt duæ sapientia, sed benè una essentialiter, quare idem re, & ratione differunt. Accedit tandem ultima quæstio manifestanda, querit enim Magister sent. cur ipse Pater in diuinis non dicatur sapere sapientia genita, vel ab ipso procedente, cum ibi sit idè sapere, & esse similiter diligere, & esse? ad hoc respondere nõ erit difficile pmissa prius bimembri ipsius, diligere, distinctione solet. n. capi quãdoq; essentialiter diligere, & quãdoq; notionaliter. Si primo modo, tunc & secundũ rē, & secundũ significãdi modũ, absolute diligere non est aliud, q̃ esse, & q̃ diuina essentia, & sic capiendò diligere, Pater nullo modo pōt se diligere Spiritu sancto, seu amore procedente à se. At si notionaliter sumatur, scilicet pro sp̃iratione passiuā, licet sic non sit aliud, quā essentia diuina secun-*

dum

dum rem, non tamen secundum modum significandi: idem dici debet, quod essentia diuina, seu esse, quia essentia, seu esse absolute dicitur, diligere autem relative, & ideo non sequitur, Pater Spiritu sancto, vel amore diligit: igitur Spiritu sancto, vel amore procedente est. Sicut non sequitur, Pater paternitate est Pater: ergo Pater paternitate est. Sic non sequitur, homo diligit hominem amore ab ipso procedente: igitur homo amor est: cum ergo sapere in diuinis semper sumatur essentialiter, & nunquam notionaliter, sicut diligere: igitur Patrem sapientia genita sapere sequeretur ipsum esse sapientiam genitam. Ad diligere autem non semper sequitur diligere dilectione producta, & per consequens licet Pater non dicatur sapere sapientia genita, dici tamen potest diligere dilectione producente, seu producta. Et hoc satis.

AN PATER, ET FILIVS DILIGANT SE
SPIRITV SANCTO.

Lectio XCIII.

EX enarratis in superiori distinctione duo in presenti sermone examinari posse, oculis cerno: quorum primum. *Vtrum Pater, & filius diligant se Spiritu sancto. Insuper, Vtrum filius possit dici sapiens sapientia genita. Circa primum arguunt quidam pro parte negativa dicentes. Aut diligere sumitur essentialiter, aut notionaliter; nullum horum debet dici: ergo, nec primum: quare, &c. Minor probatur, quia si essentialiter eadem ratione hoc uera esset, Pater intelligit filio, at hoc ab*

Aug.

Aug. negatur: igitur essentialiter diligere in proposito non sumitur, nec notionaliter, quia similiter hæc uera foret, Pater generat se filio, vel Pater, & filius spirant se Spiritu sancto, sed hæc non conceduntur; neq; igitur, quod Pater, & filius diligant se Spiritu sancto. Ex alio laque, D. Aug. lib. vii. de trin. in oppositum se habet, dùm inquit, qđ Spiritus sanctus est, quo genitus à generante diligitur, genitoremq; suum diligit. Pro intellectu itaq; difficultatis scire debetis, omnes difficultates circa materiam hanc contingentes non esse de re, sed tantum de modo loquendi, circa quem modum per plures extant opiniones, quas breuitatis causa omitto, & ad prenominateas ppositiones accedo, & dico, has esse simpliciter falsas, si diligere sumatur notionaliter, at si essentialiter, tunc veras, licet sint impropria, quare exponenda. Quandocunq; ergo aliquid sumptum cū determinatione de aliquo predicatur, poterit ei dici de alio, vel illo sumptio sine determinatione, nisi forte determinatio sit distrahens, V. g. Iulius est homo mortuus: ergo est homo? nō sequitur, quia esse mortuum dictio est distrahens. Idem iudicium de similibus ferendum ppositionibus: sumendo igitur diligere essentialiter, tunc oēs ueræ erunt ppositiones, sed improprie, ideo exponenda. Cum itaq; hæc sit uera, & propria, Pater diligit filium se ipsum, & nos amore essentiali, consequens est, qđ hæc sit uera: Pater diligit filium se ipsum, & nos Spiritu sancto, impropria tamen est, ideo exponenda, ita ut sit sensus, Pater diligit filium se ipsum, & nos Spiritu sancto, id est amore essentiali, qui Spiritui sancto appropriatur, & ita ex his argumentum primum adductum notum, & dilucidum apparet. Ad autoritatem uerò

Aug.

Aug. pro parte opposita dicitur, quod Spiritus sanctus est amor per appropriationem, non per proprietatem. Et hoc de primo dubio. Queritur secundo. Vtrum filius sit sapiens sapientia genita. Pro parte negativa sic potest argui primo. Eadem est sapientia Patris, & filij, sed illa Patris non est genita, quia nihil tale habet Pater: ergo nec filij sapientia eius est genita. Deinde in diuinis nihil essentialiter genitum dicitur, at sapientia est quid essentialiter, non ergo genita, & ita filius haud dici poterit sapiens sapientia genita. In oppositum se habet, quia filius est per se sapiens, & est sapientia genita: quare, &c. Hylarius quoque fatetur, quod filius nihil habet, nisi genitum, vel natum, at sapientiam habet, qua sapiens dicitur: igitur ipsa, vel genita, vel nata. Pro determinatione huius negotij, velim notetis, istum ablatiuum tripliciter posse sumi; uno modo, ut quandam habitudinem in tali principij efficientis, tunc est falsa locutio. Nam nihil genitum efficit sapientiam in filio, & in eodem sensu posset concedi, quod filius sit sapiens sapientia ingenta, quia habet à Patre, quod sit sapiens, sed Pater dicitur sapientia ingenta: quare, &c. Potest insuper ablatiuus ille habitudinem notare principij formalis, V. g. quando dicitur, corpus coloratum albedine, & sic adhuc ista erit falsa, filius est sapiens sapientia genita, quoniam sapientia, per quam filius est sapiens essentialiter dicitur, quae non est genita, licet comunicata; postremo iste ablatiuus, potest dicere habitudinem causae subiectivae, suae materialis, V. g. quando dicimus, corpus esse coloratum superficie, vel superficiem se ipsa esse coloratam, sub quo sensu existimant quidam, quod hoc concedenda sit, filius est sapiens sapientia genita subiectivè, sed

queso

queso animadvertant improprietatem loquendi, in diuinis enim subiectum nec materia ponitur propriè, insuper filio non conuenit esse genitum, secūdum quod est sapientia, quia ly sapientia genita, videtur esse determinatio prædicati, & nō subiecti conditio, sicut primum videtur probare argumentum. Ad aliud verò dicitur, qđ filius, nihil habet, nisi genitum, idest, quod non acceperit per generationem, non quod essentia, vel essentialia sint genita, sed solum per generationem communicata, & ad argumenta probantia, qđ hec sit falsa, filius est sapiens sapientia genita, dici potest, quòd de formali prædicatione loquantur, & ita concedenda. Sic habetis paucis verbis illa q̃ sita duo iā explicata. Et prius à nobis pposita.

POST SVpra DICTA, ETC.

Distinctio XXXIII.

Lectio XCV.

Interpretaturi trigessimā tertiam in ordine distinctionē huius libri, quo modo habeat necti cum superioribus, primò docebitur, insuper ad diuisionem accedemus. Ex quo ergo loquutus est Magister sent. de proprijs, & appropriatis, consequens erat de differentia communium, & priorum verba facere, qđ præstabit in presenti tria pollicendo, unitatem primò, ad contrarias rationes respondere secundò, tertio ad authoritates contrarias. Quo ad primum, licet proprietates personales idem sint cum personis, & natura diuina, ad maiorem tamen euidentiam, querendū est. Vtrum p̃prietates sint ipsa persona, & Vtrū sint ipsa diuina essentia

*essentia. Pro solutione difficultatis propositae scire debetis, triplici-
ter proprietates inueniri in personis iuxta illud Gregorij in prae-
satione dicentis, & in personis proprietates, & in essentia unitas,
&c. fuerunt ergo ab aeterno proprietates: nec est dicendum, quod
sine subiecto fuerint: ergo in personis. Insuper proprietates sunt
ipsa persona: nam sunt in personis, & in his nulla datur diuer-
sitas; proprietates ergo sunt ipsa persona; sunt et ipsa diuina essen-
tia, siue natura ipsa proprietates, quod sic de facili habet persua-
deri. Deus enim est quicquid habet, ubi tamen non repugnat re-
latiua oppositio, sed essentia diuina proprietates habet: igitur haec
sunt diuina essentia, siue natura, quod varijs habet confirmari di-
uersorum autoritatibus ut in textu Magistri videre est: quare,
&c. Declarato iam primo puncto, accedit ad alterum in ordine
secundum, ut contrarijs respondeat Magister rationibus, inquit
ergo, quod errant illi, qui volunt essentiam diuinam generare ex
hoc, quia proprietates personales sunt in ipsa, sed antequam probe-
tur, quod dicit Magister, primo quorundam error ponendus di-
centium, quod licet in personis proprietates sint, non tamen sunt ipsa
persona, sed summa quasi extrinsecus affixa. Insuper post errorem
hunc tres rationes inducunt, quarum prima sic se habet, si proprie-
tates sint persona, non ergo distinguunt, neque personas determinant,
patet consequentia, quia nihil distinguitur, neque determinatur se
ipso. Ad hoc dici potest, nullum sequi incommodum, idem distingui,
seu se ipso determinari, ut patet autoritate beati Hier. Propterea
si proprietates sunt essentia diuina: ergo ut persona conueniunt in
essentia, ita et in proprietatibus conueniunt, quod est falsum, ergo.*

MAST

Hic

Hic Magister materiam hanc dimittit: ob sui nimiam altitudinē humanum enim videtur excedere intellectum, quod Hylarij comprobatur auctoritate. hinc tertio addit, qđ in quocunq; est paternitas in diuinis, hoc generare dicitur, at in essentia ponitur paternitas, ergo generat. A simili de filiatione potest argui, ut intuenti patet, ad quas cauillationes tollendas distinctione vititur Magister, dū inquit, quod proprietates esse in aliquo dupliciter potest intelligi, uno modo illud, in quo sunt determinando, & distinguendo, quo modo tale in quo inuenitur, idest paternitas generare hoc potest. Alio modo illud, in quo sunt, non determinando, nec distinguendo, & sic in diuina sunt essentia, ideo non generat. Idem dici poterit ad illud de filiatione: nam stante illa distinctione argumentum aduersariorum nihil concludit. His tandem tertia pars distinctionis addenda venit, ubi auctoritatibus contrarijs est respondendum, falluntur etenim illi, qui ex paternitatis, & essentia identitate concludunt, paternitate Patrem esse Deum. Huius ratio de facili assignatur, quoniam proprietates in diuinis sunt, ut determinantes, & distinguentes, cuiusmodi sunt etiā in personis, & licet proprietates quid ab essentia diuersum non dicant, est tamen quedam diuersitas secundum rationem. Quare allucinantur aliter opinantes. Et hęc de tota distinctione facta.

VTRVM

VTRVM PROPRIETATES RELATIVAE SINT
IN ESSENTIA, ET IN PERSONIS.

Lectio XCVI.

AD uberiores doctrinam eorum, qua in prædeklarata
 distinctione tacta sunt hodierna die, quæsum unum
 proponemus de proprietatibus relativis cognoscendi gra-
 tia, num sint in essentia, & in personis. Pro parte negativa agunt
 quidam duobus modis, & primò sic. Omne, quod est in aliquo, in
 eo esse secundum modum essendi in debet dici, at nullus illorum vo-
 dorum essendi in, qui determinantur ab Arist. quarto physic. Assi-
 gnari pòt, vel convenire modo, quo proprietates dicuntur esse in
 essentia divina, vel personis igitur, &c. Deinde sic instatur, oẽ
 illud, in quo est relatio refertur, at essentia divina minime refertur
 igitur ad minus in essentia non debet poni relatio. In oppositum se
 habet Gregorij authoritas dicentis, quòd in personis proprietates, &
 in essentia unitas. Pro determinatione huius rei tria considera-
 tione digna occurrunt, primum est, quod tam in essentia, quàm in
 personis sunt proprietates, alterum est, per quem modum sunt in
 eis. Tertium, & ultimum, in quo sint prius. An in essentia, aut
 in personis, vel vice versa. Quantum ad primum, sciendum est,
 quòd relationes sunt in personis, & in essentia, de personis duobus
 declaratur modis: primò quia in divinis per relationes in esse con-
 stituuntur: ergo. Deinde nihil realiter refertur, nisi per id, quod
 est ipso, at divina persona realiter referantur, in ipsis ergo sunt
 ponendæ relationes reales, qđ aut in essentia divina sint ponendæ,
 sic

sic declaratur, omnis relatio est in supposito relato mediante aliquo
 absoluto, qđ relationis fundamentum est, sed essentia sic se habet,
 igitur, &c. Quātum ad secundum, id est ad quem modum essendi
 in reduci debeat, pōt dici, quōd ad illum modum, quo sanitas est in
 calidis, & frigidis, in quibus habet esse, ut in fundamento. Quan-
 tum ad tertium, in quo sint prius, est sciendum, quod relationes non
 videntur per prius esse in essentia, quā in diuinis personis, neq;
 secundum rem, neq; secundum rationem; non secundum rem, quia
 in diuinis nihil est prius, aut posterius, nec secundum rationē, aut
 secundum modum intelligendi: nam impossibile est principia in-
 trinseca alicuius rei p̄intelligere, ut vnita ante constitutum ex
 talibus principijs, sed relatio, & essentia sunt personā constituen-
 tia, igitur erit impossibile p̄intelligere relationem in essentia, an-
 tequā intelligatur persona constituta, sed necessario simul vtrunq;
 intelligitur. His ita positis, iam primum patet argumentum ex di-
 ctis. Ad secundum dicitur, qđ omne illud, in quo reperitur relatio
 ut in supposito relato refertur, non aut illud, in quo est tantum, ut
 in fundamento, quo modo in essentia diuina ponuntur relationes,
 & in personis, ut in suppositis sola ob id persona referun-
 tur, & per consequens distinguuntur, ut dicit Da-
 masceus, quōd proprietates sunt determina-
 tiua, & distinctiua hypostaseos, id est
 personarum, non autem essen-
 tia. Et hęc satis.

LECTIONES LIB.PRIMI. 257
PRAEDICTIS AVTEM, ETC.
Distinctio XXXIIII.
Lectio XCVII.

Hucusq; loquuti sumus de proprietatum comparatione ad personas, propterea ex consequenti nunc agendum erit de proprietatum collatione ad ipsam essentiam, ubi tria in ordine consideratione digna perpendemus, & primò persona, & essentiae diuersitatem, insuper causalitatem essentiae ad personas, tertio de attributorum congruitate recapitulationem. Nos catholici circa primum punctum versaturi tenemur diuinas personas asserere cum diuina essentia idem esse, & solae ratione differre, contra quosdam hereticos peruersos negantes essentiam, & personam idem esse: nam si esset eadem essentia Patris, qua filius, igitur eadem res, & generaret, & generaretur, at hoc minimè dicendum: ergo nec primum. Confirmari potest hoc autoritate Hylarij dicentis, quòd res natura, & natura non sunt idem, at persona diuina est res natura diuina, essentia autè dicitur ipsa natura: igitur differunt; ad hoc pòt facile responderi, si dixerimus Hylarij autoritatem locum habere in creaturis, non in diuinis, ubi natura, & res natura sunt idem, ut perbellè docet Hylarius his verbis dicens, quòd Deus non est aliud ab his, quae insunt, idest attributis, & personis. His pòt addi, quòd essentia, & hypostasis secundum rationem differant, ob id negari minimè debet, quin generans, & generatum in substantia conueniant, licet in personalitate differant, & sic ratio nulla est. Iam prima de tribus partibus

enucleata parte superest, ut secunda mani fessetur. Quemuis ergo tres personas unius essentia esse dicere debeamus, non propterea unum Deum trium personarum usitata locutione debemus asserere. quia, si sic, tunc Deus in aliqua principij habitudine respectu personarum significaret, at hoc dici non debet, neq; primum admitteri. Nec est simile de essentia, quia aliud est significandi modus nomine Dei, & aliud nomine essentia: namly Deus, significat in ratione principij effectiui, essentia verò non, quare nulli mirum, si dicatur una essentia trium personarum, & tres persona unius essentia, & non unus Deus tres persona, nec unus Deus trium personarum, nec tres persona unius Dei. His tandem ultima pars enodanda huius distinctionis additur paucis, & hæc est, qd Patri potentiam attribuimus, filio sapientiam, & Spiritui sancto bonitatem, non obstante, quòd eque omnibus essentialiter sine distinctione simul conueniunt. Patri ergo potentiam, quia in patribus creaturis inesse consuevit debilitas. Filio sapientiam, quia in creaturis filij solent esse ignari. Spiritui sancto bonitatem, quoniam in creaturis spiritus tumorem, nec non inflationem importat. De nominibus verò translatiue sumptis, nil dicam, nisi quòd assignanda sit ratio, secundum quam transferuntur, & de Deo dicuntur, V. g. ut speculum, ut splendor, ut character, & figura, quæ lectori consideranda traduntur. Et hæc satis.

VTRVM SUPPOSITVM, ET NATVRA DIFFE-
RANT REALITER IN CREATVRIS, ETC.

Lectio XC VIII.

Volentes personam ad diuinam essentiam comparare co-
gnoscendi gratia, quo modo adinuicem se habeant, ar-
bitror exordium esse à supposito creato, nec non à
natura in creaturis, ut recludatur aditus ad ea, qua intendimus.
Queremus igitur primò. Vtrum suppositum, & natura realiter
differant in creaturis. Insuper, Vtrum persona, & essentia sint
idem in diuinis. Circa primum pro parte affirmatiua sic primò
argui pòt. Illa, quorum uni aliquid reale attribuitur, qd nō alteri,
proculdubio realiter differunt, at natura, & suppositum sic se ha-
bent: igitur, &c. Minor, quia p̄batione eget, iccirco sic p̄batur,
supposito enim agere ascribitur, & non natura, igitur realiter dif-
ferunt. Deinde suppositum, & natura videntur se habere, ut ha-
bens, & habitum: nam homo est, ut habens humanitatem, &
humanitas habita, siue id, quod habetur; at hæc in solo Deo sunt
idem, non ergo in creaturis, & ita quod realiter differant non ne-
gandum. Præterea, si ius Dei humanam naturam assumpsit, &
non suppositum humanum, signum est ergo, quòd suppositum, &
natura non sunt idem, sed realiter differunt. In cōtrarium dicetis
vos: nonne idem importatur per hominis nomen, & eius diffini-
tionem? at per hominis finitionem non importatur, nisi quidditas,
& natura, & deinde per hoc nomen hominis, quod est suppositum:
quare, &c. Pro determinatione huius difficultatis, velim nōtetis

suppositum, & naturam duobus posse accipi modis, uno modo,
 ut suppositum concretum, ut homo, & natura abstractum, ut
 humanitas. Tunc querere, quo modo se habeat suppositum ad na-
 turam, est nil aliud querere, quam quo modo se habeat quidditas
 ad id, cuius est, siue habens quidditatem. Possunt alio modo capi
 sic, ut suppositum singulare, V. g. ut hic homo, & natura, ut qd
 commune, siue vniuersale, V. g. ut homo, vel humanitas, sub quo
 sensu suppositum quid super naturam addit. His premis-
 sis, nunc ad primum dico argumentum, quod agere est suppositi, non naturae,
 ob id non sequitur, ergo suppositi, & natura sunt realiter diuersa,
 sed quia suppositi significatur, ut quod, & natura, ut quo est, aut
 quid est, & quia agere correspondet ei, quod est esse, ideo sup-
 posito ascribitur actio, ut quod, & natura, ut quo, idest tanquam
 ei, quo agens agit, utrunq; tamen realiter agit, &que vnum, sicut
 alterum: non enim duo sunt, sed vnum, quamuis vni magis, quam
 alteri attribuatur secundum loquendi modum, nec non propter di-
 uersum significandi modum. Ad secundum argumentum dicitur,
 quod in nulla creatura habens, & qd habetur, vniuersaliter sunt
 idem: nam in omni creatura praeter suppositum, & naturam dan-
 tur aliqua, quae realiter differunt ab utroque, nihil tamen prohibet,
 quin in creatura sit aliquid habitum, quod non differat realiter ab
 habente, ut diximus de supposito, & natura. Ad tertium argu-
 mentum dici potest, quod natura humana in Christo, natura est, &
 non suppositum non propter hoc, quod natura, & suppositum, vel
 concretum, & abstractum diuersa important de principali signifi-
 cato, sed quia concretum ex modo significandi intelligitur, ut ha-
 bens,

bens, quòd aut alterinitur, non dicitur habens, ut sit, sed potius habitum, propter quòd humana natura in Christo nò dicitur homo, sed humanitas. Completo primo quæstio, alterum examinandum relinquitur, queritur enim, Vtrum in diuinis suppositū sit idem, quod essentia. Boetius partem hic tuetur affirmatiuam, dū ait, in diuinis, quod est, & quo est, identificari, sed quod respicit suppositum, & quo naturam: igitur, &c. Pro intellectu huius rei debetis scire, aliqua identificari tripliciter posse sumi, uno modo realiter, non conuertibiliter, alio modo realiter conuertibiliter, tertio formaliter. Nunc his ita positis, ad formā argumenti Boetij dicitur, personā, & naturā identificari realiter, sed nò conuertibiliter, siue adequatè, nec formaliter, & ita ruit Boetij authoritas.

VTRVM CONVENIENTER DICATUR, QVOD

SINT TRES PERSONAE VNVS ESSENTIAE.

Lectio XCIX.

NE probro affici posse videar omitendo, quæ mihi occurrunt per necessaria, statui hodierna die in dubium duo reuocare, & primò. Vtrum conuenienter dicatur, quòd tres sint personæ vnus essentia. Deinde, Vtrum aliqua nomina de Deo conuenienter translatiue dici queant. Quantum ad primū, negatiue sic arguitur, eadem est ratio vnus solius, & simpliciter auctore Arist. primo Elenchorum, V. g. vnus hominis, & hominis: similiter videitur, quòd eadem ratio sit essentia, & vnus essentia, sed nò bene dicitur, quòd sint tres personæ essentia: igitur

nec, qđ sint tres persona unius essentia. At quia oppositi ū vidimus in textu, ideo videtur esse dicendum, quod bene, & conuenienter dici possit, quod tres persona sint unius essentia, illud enim bene, & conuenienter dicitur, quod verè, & congruè dicitur, at quod tres persona pronuncientur esse unius essentia verè, & congruè profertur: igitur, &c. Nunc his ita positis, ad argumentum primum pōt sic responderi, quod licet sit eadem ratio essentia, & unius essentia, attamen quidam modus habendi essentiam designatur, cum additur unius, qui non designatur absq; eius additione, & quia talis modus construendi est ad designandam proprietatem essentia habitæ, propterea primus modus cum additione unius, non aut secundus recipitur. Et hæc pro primo dubio. Sequitur alterum, dum queritur. Vtrum aliqua nomina de Deo conuenienter dici possint translatiue. Mihi sanè, quod non, apparet, quia enim aperta continent falsitatem, de Deo minimè habent pronuciari, sed nomine translatiue sic se habent, ergo de Deo dici minimè debent. Minor sic declaratur, quia aperte falsum est dicere, Deum esse agnum, leonem, vel lapidem: quare, &c. Ex alio latere in oppositum se habet sacra scriptura, quæ pluribus in locis huiusmodi nomina Deo ascribit: igitur, &c. Pro determinatione itaq; huius difficultatis sciendum est, oīa nomina, quæ Deo ex creaturis ascribuntur, translatiue dici: nam nullum nomen Deo, nisi ex creaturis ascribimus, & hoc, quia ipsum adamussim non intelligimus. Nunc ad formatum argumentum dicamus, tales propositiones falsas minimè esse, si tamen debito intelligentur modo, videlicet in sensu, quem primo aspectu faciunt: nam intelligenda sunt, non penes proprietatem,

prietatem, sed penes similitudinem, nec non proportionem, & ita vera sunt, sicut parabolica locutiones. Et hæc de personarum diuinarum distinctione sufficiant.

DE QVIBVSDAM, ETC.

Distinctio XXXV.

Lectio C.

Versaturi circa trigesimam quintam in ordine distinctionem pendentiam primò considerabimus, insuper ad diuisionem accedemus. Quantum ad primum, ex quo Magister satis abundè loquutus est de Deo, nec non de conditionibus ipsum in essendo concernentibus, consequenter nunc acturus de ipso secundum conditiones eundem in operando respicientes. Diuiditur modo, siue usurpatur in partes tres hæc distinctio, in quarum prima declaratur, quo modo Dei scientia multipliciter dicatur, in altera inquiritur, num eius scientia à rebus scitis pendeat. Tertiò, & ultimò rimatur Magister, quæ à Deo sint scita, & qualiter. Quantum ad primam partem, arbitror vos scire, Dei unicam, & inuariabilem esse scientiam, quæ tamen propter varios rerum status diuersa nomina sortitur: nam quandoq; scientia de attributis essentialibus, quæ ut una, specialem quoq; tractatum requirit, nec solum scientia, sed et præscientia, dispositio, prædestinatio, & prouidentia. Præscientia enim est respectu omnium futurorum, siue bonorum, siue malorum. Dispositio verò respectu agendorum. Prædestinatio est de hominibus saluandis, & de bonis,

qui hic à malo liberantur, & in futuro coronabuntur. Prouidentia est de gubernandis similiter, & dispositio, sed cum discrimine. Nam dispositio spectat ad fieri, & esse: prouidentia verò ad bene habentem, & ad rei conseruationē. Hic tamen notandum est, quod interdum solet accipi prouidentia p̄ prescientia, at scientia, siue sapientia illa est, quæ dicitur respectu omnium vniuersaliter, siue presentium, pręteritorum, futurorum bonorum, & malorum, & non solum respectu temporalium, verum et respectu eternorum. Et hæc de prima parte. In altera inuestigaturus Magister, num Dei scientia à rebus scitis pendeat, ita fari videtur. Vtrum si nulla essent futura, nec fuissent, an adhuc prescientia dispositio, & predestinatio in Deo fuissent? videtur, quod non, & ratio est, quia omnia hæc p̄ respectu ad futura dicuntur, si ergo nulla futura fuissent, locum in Deo procul dubio non habuissent. Sed video vos hic ingenio pollentes dicere predestinatio Dei, dispositio, & prescientia nonne idem sunt, quod scientia Dei? at scientia, & Dei essentia idem à primo: ergo ad ultimum prescientia Dei, & scientia idem erunt, at Dei essentia esset dato etiam, quod nullum futurum esset, igitur Dei prescientia fuisset, in ipso Deo circumscripto omni futuro: quare licet Dei prescientia tolleretur, quantum ad respectu, quem importat ad futura, non ob id, quantum ad essentiam: ablato ergo rerum respectu, adhuc remanet Dei scientia, quæ sibi ab eterno competit, nec augetur, nec minuitur, p̄pter creaturarum existentiam, siue differentiam, nec à rebus scitis causari dicitur, sed causa rerum existit. Et hæc de secunda parte. In tertia, & ultima inquirendum est, quæ à Deo sint scita, & qualiter: videtur enim,

quod

quod Deus oīa presentialiter, & simul perfectè, & immutabiliter cognoscat, presentialiter dico, hoc est ita limpide, ac si cuncta presentialiter forent in essentia. Simul ē: sicut cū, qui intuenso se, qui sibi presens est, oīa videt. Perfectè quoque, quia cognitio eius nec pōt augeri, nec minui. Scit & immutabiliter, quia oīa nouit per naturam sui intellectus, qui est immutabilis. Deus igitur cognoscit temporalia eternaliter, mutabilia immutabiliter, contingentia infallibiliter, futura presentialiter, dependentia independentiter, creata increatè. Alia verò à se, in se, & per se, & hæc satis. In sequenti perpulchra intelligetis originem ducentia ex Magistri sent. verbis. valete interim.

DE PRAESCIENTIA, ETC.

Lectio Cl.

Circa diuinam praescientiam versaturi differentiam primò considerabimus: nam Magister sent. vi patuit in textu, ponebat differentiam inter attributa diuina, quae sunt, sapientia, scientia, prouidentia, vel praescientia, dispositio, prouidentia, praedestinatio, & reprobatio. Notandum ergo, qd in istis diuinis nominibus, vel attributis talis ponitur differentia, q̄a unum se habet ad additionem per aliud, non quod sit ibi additio ex parte scientis, sed scitorum tantum, quae diuersimodè ad scientiam se habent. V. g. Hoc nomen scientia, vel sapientia absolute cognitionem dicit cum conditione certitudinis. Vnde scientia, vel sapientia Dei est respectu oīum, siue praesentium, siue futurorum, siue

tempo-

temporalium, siue æternorum. At prævidentia, siue præscientia addit
durationis ordinem, quæ pōt esse æternitatis ad ipsum tempus, &
ideo est tam respectu temporalium bonorum, quàm malorum.
Dispositio adhuc ordi ē causæ addit ad causatum in essendo, unde
dispositio diuina est respectu faciendorum. Providentia adhuc
plus addit, scilicet ordinem causæ conseruantis, & ordinantis in
finem, & ideo ad gubernationē pertinet, unde Dei providentia
est respectu gubernandorum. Prædestinatio verò addit supra pro-
videntiam determinatum finem, unde dicitur respectu eorū, quæ
ad gloriam ordinantur, & ideo de bonis salubribus dicitur esse,
quare prædestinatio Dei est respectu saluandorum, reprobatio
verò, cum sit respectu malorū, nihil ad scientiam pertinens addit
supra præscientiam ex parte reprobati, cuius ratio est, quia nihil
causatur in ipso reprobato, per qd malus fiat, addit tamen aliquid
ex parte reprobantis ipsius Dei, scilicet voluntatem ordinis pænæ
ad culpam, ita quod reprobatio est tantum præscientia culpa, &
non causa, quia culpa est tantum præscita, & non intenta, neque
causata: bene reprobatio est præscita, & pænā quoq; intenta cau-
sata, & ordinata, & hæc differētia est præscientia ab alijs diuinis
attributis. Nunc secundo loco fiat sermo de exigentia præscientiæ:
solet enim queri. Vtrum si nulla futura fuissent, præscientia in Deo
fuisset. Pro parte negativa, qd primo dicturus, audite. Præscientia
est futurorum cognitio, at si nulla fuissent futura, neq; in Deo præ-
scientia fuisset. Ex alio latere videtur esse tenendum, qd fuisset in
Deo præscientia, licet futura nulla fuissent: nam Dei præscientia
quid est, nisi Dei scientia? & scientia eiusdem nonne idem, quod
Dei

Dei essentia? at hæc à futuris minimè dependet, igitur si futura n^o fuissent, adhuc præscientia Dei fuisset; hanc veritatem confirmo hac distinctione præmissa: nam præscientia tribus capitur modis, primò, ut assignata abstractè, tunc idem est, quod Dei essentia. Secundò signata concretè, & verbaliter, V. g. cū dicitur, Deum præscire: idem enim est, quod esse Dei. Tertiò præscientia Dei signata concretè, & nominaliter, V. g. dū dicitur Deus præsciens, idem enim est, quod Deus; ergo licet futura nec essent, nec fuissent, adhuc præscientia Dei esset, licet ille respectus ad futura cessasset, & hæc paucis dicta sint verbis de exigentia præscientiæ Dei. Superest modo, ut tertio agamus loco de propria huius materia: Nam duplex Dei videtur esse præscientia, una approbationis, & sic est respectu bonorum, de qua Apost. ad Rom. viii. Quos præsciuit, & prædestinavit conformes fieri imaginis filij sui. Vbi Aug. in glosa sic ait, quos præsciuit, i. ab æterno præordinavit conformes fieri imaginis filij sui, id est filij, qui est imago Patris. Datur alia præscientia reprobationis respectu malorum, unde communiter dicimus, malos præscitos, & bonos prædestinatos, & hoc per appropriationem, non quia Dei præscientia sit magis propriè de bonis, quàm de malis, sed quia bona habent aliquid aliud respondens in Deo, quàm præscientiam, id est causam: mala autè culpa nil aliud in Deo habent, nisi præscientiam, unde bonorum habet Deus præscientiam, & causam; malorum autè culpa, ut fiant, Deus habet præscientiam tantum, & non causam. Et hæc satis pro præsentia.

QVOD

QVOD DEI PRAESCIENTIA NON EFFICIT, ETC.

Lectio CII.

AD maiorem praedictorum euidentiam perpulchra quaedam, nec non vtilia de praescientia hodierna die speculabimur, de more igitur nostro sermonē hunc in puncta quatuor diuidemus. In quorū primo docebimus, praescientiam non efficere, in secundo non cogere, in tertio non deficere, in quarto, & ultimo non causare. Quo ad primum, quia diuina praescientia non dicitur inducere, vel inferre causalitatem, nec imponere necessitatem, sed includere infallibilitatē, & ex consequenti certitudinē, ideo dicendum erit, quod nec efficiat, nec cogat, nec deficiat. Quid causalitatem non inducat, de facili suaderi potest: nam praescientia Dei scientiam includit, quia absoluti est omnium, nec tamen dici potest causa rerum, nisi ut voluntati diuinae coniuncta. Insuper res naturalis, ut lapis, vel quid aliud, ad suum non mouetur locum, nisi mediante naturali inclinatione, ita naturalis intelligentia non mouetur per scientiam ad productionem effectuum, nisi mediante inclinatione voluntaria. Praeterea duplex datur scientia speculativa, & practica, si de prima loquamur, hoc modo rerum non est causa, quia finis eius est scire, non operari. Altera practica, & haec est causa rerum. Unde Dei scientia speculativa, quae est simplicis intelligentia, siue notitia, non est rerum causa, quia tam est entium, quam non entium, tam bonorum, quam malorum, respectu quorum non est causa. At Dei scientia, quae beneplaciti est, vel approbationis,

tionis, est rerum causa, & talis scientia dicitur ad similitudinem artificis, ut enim artificis scientia est causa artificiarum, ita Dei scientia causati omnis, id est creati causa, & ut in productione artificis seruetur iste progressus; primò enim artificis scientia finem ostendit, secundò voluntas eius illum finem intendit, tertio eius voluntas precipit, ac imperat actum per quem deducatur opus ad finem, sic Deus facit, primò enim suam bonitatem cognoscit, & finem omnium, secundò suam bonitatem intendit, ut finem ultimum, omnibus communicare, tertio precipit, vel imperat actum, per quem id, quod cognoscit, & intendit, ad finem deducat. Et hoc de primo. Nunc circa secundum, quod nec cogat, siue necessitatem imponat rebus, audite: si enim cogeret, liberi arbitrij facultas colleretur, quod non est dicendum, non ergo cogit. Insuper Dei prescientia saluti meae quam infert necessitatem? nullam certè: nam salus mea non pendet à prescientia, quia est prescitta: nam, qui fecit me, non saluabit me sine me. Dei ergo prescientia rebus necessitatem non imponit. His addi potest tertium, quod non deficiat: nam Deus infallibilis est: ergo. Deinde, Dei prescientia idem est, quod essentia sua: quare, &c. Tertio cognitionem prescientia includit: infallibilis ergo. Post hoc ut in sequenti magis accuratè hoc percurramus, quae maxima egerit consideratione, ad quartum enodandum accedemus probantes Dei prescientiam rerum minimè esse causam, alioquin, cum mala etiam Deus presciat, videretur causa, & author mali, quod non debet dici, non ergo prescitorum causa Dei prescientia censenda.

Et hoc satis.

VTRVM DEI PRAESCIENTIA SIT

RERVM CAUSA, ETC.

Lectio CIII

VT recentiorum valeatis euitare scommata, existimaui tria hodierna die fore examinanda de Dei praescientia, & primò. Vtrum rerum causa queat dici. Insuper, Vtrum rebus necessitas imponat. Tertiò, Vtrum certitudinem habeat. Circa primum pro parte affirmatiua videtur posse monstrari, qđ Dei praescientia sit rerum causa: nam illa dicitur causa secundum philosophum, ad quam sequitur effectus: at sequitur, qđ si Deus aliquid praescit, hoc erit, igitur Dei praescientia causa futuri. Ad hanc instantiam doceo vos duobus modis respondere, primò per distinctionem: nam aliquid sequi pōt ad aliud dupliciter, vno modo secundum esse, & sic sumitur in finitione causa, quia causa est illa, ad quam sequitur effectus. Alio modo secundum rationem, vel ordinem consequentis, scilicet quando in antecedente includitur consequens, V. g. cum dico, si homo est animal, est: sequitur enim animal ad hominem, quia in homine includitur animal, & hoc non requirit causam essendi, sed solum consequendi, quia concomitatur illud. Similiter in proposito, Deus praescit aliquid, illud est futurum, quia in hoc antecedente, quod est, si Deus praescit aliquid, includitur consequens, scilicet, qđ illud futurum sit, sicut in homine includitur animal, ut supra. Secundò, dum dicitur. Si Deus scit aliquid, illud erit, consequens habet sumi, non secundum rei dispositionem in se ipsa, sed solum secundum

modum

modum cognoscentis, quamvis res in se ipsa futura sit, tamen secundum modum diuinæ cognitionis præsens est, & idcirco magis dicendum est, si Deus scit aliquid, illud esse, quàm illud erit. Deus enim intuetur ab æterno unumquodq; contingentium, non solum pro ut in causis suis, sed pro ut est in esse determinato, quod quidem qualiter sit, evidenter ostendit Boetius in fine de consolatione. Cum igitur Deus sit æternus, portet, quod eius cognitio æternitatis modum habeat, quæ est totum simul sine successione: unde quamvis tempus successivum sit, æternitas tamen præsens est tribus temporibus, & una est, ita cognitio sua intuetur etiam temporalia, quamvis sibi succedentia, ut sibi præsentia, nec aliquod futurum est respectu ipsius, sed bene respectu alterius. Unde melius eius cognitio de futuris, & magis propriè diceretur providentia, quàm prævidentia, potest nihilominus vocari præscientia, in quantum cognoscit illud, quod est futurum nobis, non sibi. Et hæc de primo puncto. In subsequenti videtur posse probari, quod Dei præscientia rebus necessitatē imponat: Anselmus enim Doctor celeberrimus in libro de concordia præscientiæ Dei, & liberi arbitrii ita fatur. Quia scit, necesse est esse futura: ergo. Insuper ratione sic. Præscit à Deo, aut impossibile est non evenire, aut possibile, si primo modo, ergo necesse est evenire, si verò possibile sit non evenire ponatur, quod non eveniat, & est præscitum, ergo præscientia Dei fallitur, at hoc est inconueniens, igitur præscitum à Deo impossibile est non evenire: ergo necesse est evenire. Ad hoc respondeo, & dico, quod aliud conuenit rei absolutæ secundum se considerata, & aliud in quantum res est cognita, id est secundum modum cognoscentis, V. g. si

ego intelligo aliquid, oportet illud esse immateriale, non enim oportet quod illud, quod intelligitur sit immateriale, nisi secundum quod est in intellectu. Unde licet Deus sciat aliquid, istud consequens, quod est, illud erit, debet sumi non secundum rei dispositionem in se ipsa, sed secundum modum cognoscentis. Quamvis enim res in se ipsa considerata sit futura, tamen secundum modum cognoscentis, vel cognitionis diuina praesens est; ideo magis dicendum est, si Deus scit aliquid, illud est, quam hoc erit, non enim intellectus diuinus intuetur, vel fertur in rem aliquam sub hac conditione, ut est praeterita, vel futura, sed ut praesens, quia intellectus diuinus, unico actu cum sit aeternus, omni tempore praesens est. His ita premisis, respondeo ad auctoritatem Anselmi dicentis: Quia praescit Deus, necesse est esse futura. Duplex datur necessitas, una consequentiae, & haec est conditionata, V. g. si homo est, animal est. Alia est necessitas consequentis, & est absoluta, quae est in causando, vel in essendo, & non in consequendo. Si ergo sub primo sensu necessitas sumatur, verum dicit Anselmus, at si secundo modo, nequaquam: non enim sequitur, Deus praescit: ergo necessario eueniet: nam Deus scit, quod in se est, futurum contingens, sed non sub illa conditione, sed pro ut est praesens, & necessarium. Ad illam verò rationem, qua probatur, praescitum à Deo impossibile non euenire: ergo necesse, duobus hic respondeo modis, vel coniunctim, vel diuisim. Si primo modo, concedo verum, at si secundo modo, nego. Exemplum primi, V. g. impossibile est, quòd scit Dei scientia, vel praescientia simul, & euentus rerum contrarius. Exemplum secundi, V. g. si dicas, Deum non potuisse praescire omne, quod fit, falsum dicit,

potuit

potuit enim facere, ut non fieret, & ita esset non prescitum, vel aliter dicatur, omne scitum, vel prescitum à Deo, impossibile esse non euenire, & ex consequenti esse necesse fieri, vel esse, hoc dupliciter summi, vel de dicto, vel de re. Si primo modo capiatur, tunc cōposita est, & vera, hoc enim dictū est necessarium, scilicet scitum à Deo esse necessarium verū, & euenire. Si verò secundo modo sit de re, sic est diuisa, & falsa: nam hanc rem, quæ ponitur scita à Deo, non est necesse fieri, quia contingenter fit. His tertio loco addenda venit illa quæstio de Dei prescientia. Vtrum certitudinem habeat. Pro parte negativa sic primò arguitur. Posito possibili nullum sequitur impossibile, possibile autē est, aliquem predestinatum, ut Petrum, peccare, & tunc occidi, & ita predestinationis effectus frustrabitur: non ergo Dei prescientia certitudinem habet. Insuper, aliquis predestinatus quandoq; est in peccato mortali, ut patet in Paulo, quando Ecclesiam Dei persequabatur, pōt autē talis, vel perseuerare in tali peccato, vel tunc temporis interfici, & ita Dei prescientia nullius erit certitudinis. Ad primū argumentum de Petro respondeo, & dico, quòd Petrus, vel quilibet alius predestinatus dupliciter considerari potest, vno modo secundum se, alio modo ut est predestinatus. Primò argumentum habet concedi, sed secundo modo negari; impossibile enim est, qđ ut predestinatus ruat, licet secundum se aliter appareat; non ergo predestinatio falli potest. Ad illud verò Pauli respondeo, & dico, quòd quis aliquid dicitur posse dupliciter, vno modo cōsiderando potentiam, quæ est in ipsa, V. g. cum dicitur, quòd lapis pōt deorsum moueri. Alio modo considerando potentiam alterius, idest

proijcientis. Cum ergo dicitur, quòd Paulus, vel quis alius, pòt in mortali mori, si consideretur potentia ipsius, verum est, at si loquamur de predestinato secundum ordinem, quem habet ad predestinandum Deum, sic ille ordo non patitur istū euentum, qui est predestinatum damnari. Habet ergo Dei prescientia certitudinem, & infallibilitatem. Et hæc de ppositis satis. In sequenti alia scitu digna apponemus.

DE DEI PRAESCIENTIA SECUNDVM

BOETIVM.

Lectio CIIII.

ADhuc quatuor de prescientia Dei considerata nobis sese offerunt, & primò eius proprietas. Secundò quo modo excludat à rebus necessitatem Dei prescientia. Tertiò, quòd includat infallibilitatem. Quartò, quòd concludat simul arbitrij libertatem. Quantum ad primum, ut nobis exprimat prescientia proprietatem Boetius, ita ait, quòd cognitio diuina magis debet dici scientia, quàm prescientia, & ratio assignatur, quia scientia dicit notitiam presentium, prescientia verò notitiam futurorum: nam prescire est ante futura scire. Et hæc de primo puncto. Quod verò Dei prescientia à rebus prescitis necessitatem excludat, nunc dicendum: nam triplici via id comprobari potest, primò ratione, secundò exempli inductione, tertiò distinctione. Ut ergo Dei scientia, vel prescientia non causat rem, ita nec perturbat, i. mutat, vel variat naturam rei, quo ad necessitatem, &

contin-

contingentiam, quæ secundum naturam contingens est, non ergo rebus necessitatem imponit. Secundo hoc idem probari potest exempli similitudine, quia sicut nos id, quod de se necessarium est, puta solem oriri in cælo, & quod de se contingens est, & voluntarium, scilicet hominem ambulare super terram, ita Deus, vel intuitus diuinus minimè perturbat, id est mutat, vel variat qualitates rerum necessitate, vel contingentia: ergo. Tertio idem distinctione probari potest: datur enim duplex necessitas, una est simplex, vel absoluta, quæ determinatur ex causa materiali, V. g. necesse est omnes homines esse mortales; alia est conditionata, siue secundum quid, V. g. si videas aliquem ambulare, necesse est eum ambulare; primo modo, Dei prescientia nullam ponit in rebus prescitis necessitatem, secundo modo sic, quia in quantum videt Dei prescientia, est necesse, id esse, quamuis de se nullam habeat necessitatem nature. His tertio loco ad mentem Boetij addenda est consideratio de Dei prescientie infallibilitate, certa enim est. Nam rei euentum Deus cognoscit presentia. Unde, quæ nobis contingentia sunt, & futura, Deo sunt presentia. Sed dicetis, ponamus Socratem presciturum à Deo, cras ad forum iturum, cum sit in eius hoc potestate, nonne poterit mutare sententiam, & ita non ire. quare Dei prescientia euacuata videbitur, & non certa. Ad hoc respondetur, quod Deus presciuit, ac presciuit utrunque, videlicet & propositum, & potestatem non eundi, & mutationem propositi, & actum eundi, & ita non poterit aliquo modo Dei prescientiam effugere, & licet utrunque mutetur in Socrate, ob id non debet dici, quod diuina prescientia mutationi subdatur, quia omnia simul cognoscit

Deus tanquam presentia. Et hæc de tertio puncto. In quarto videndum est, quo modo Dei præscientia arbitrij libertatẽ includat, non enim quis necessitatur, siue cogitur ad bonum, vel ad malum faciendum, sed manet in omnibus viatoribus libera voluntas; ne ergo penas incurrais, sed assequamini præmia, exercete virtutes, subleuate animum in Deum, ut qui est finis omnium, det vobis, & mihi vitam æternam. Amen. Et hæc de pollicitis satis.

AN SIT DEI PROVIDENTIA.

Lectio CV.

Circa providentiam post diuinam præscientiam versaturi, hodierna die unũ tantũ percurremus quærentes, Num sit Dei providentia concedenda. Ad cuius evidentiam primò considerandum erit, quosdam Dei providentiam negasse, & oĩa à casu, & à fortuna procedere voluisse. Quibus verò motiuis, ac rationibus niterentur, audite: nam primò ratiocinabantur dicentes, omne à Deo provisum, est & rectum, & ordinatũ, & per oppositum oẽ inordinatum, & confusum, est improvisum, V. g. quod mali præferantur bonis, & stulti prudentibus, & qđ servus regnet, non ergo videtur, quòd sit Dei providentia. Hoc autoritate Ecclesiast. x. confirmatur, dñ dicitur, Vidi, quasi aliud malum sub sole, stultum positũ in dignitate sublimi, &c. Propterea, si Dei providentia esset eorum, quæ sunt in mundo, & bonis bona, & malis mala redderentur, at hoc non videmus, sed totum oppositum, propter quod conqueritur Hier. xii. Quare via impiorum
prospe-

prosperatur? similiter Abacuc: Quare taces deuorante impio iustiores se? non ergo videtur esse Dei prouidentiam. Præterea, si Deus prouidentiam habet, cur imaginem, quam menti hominum impressit, deturpari permittit? at quia in peccatoribus oppositum videmus, non ergo, &c. Tandem si Deus prouidentiam habet, cur ergo tot damnari permittit? His ita positis, nunc argumenta diluenda, deinde erit finis. Dicitur igitur potest ad argumentum primum, quod licet multa in mundo nobis confusa, & inordinata videantur, respectu tamen diuina prouidentia sunt ordinata. Nam, & si quandoque pluuia in aliqua parte appareat inordinata, nec non loco, ubi pluit nociua, est tamen hoc ordinatum à Dei prouidentia respectu uniuersi. A simili, licet de se videatur malum, & inordinatum, quod mali, & stulti, & serui sint in loco supremo, attamen quia hoc est à Dei prouidentia ordinatum, ex qua isti, qui sunt in loco superiori, & prosunt bonis, & possunt prodesse malis, ideo bonum. Ad alteram rationem sic dico, quod quamuis videatur inordinatum nobis, quod bonis mala, & malis bona eueniant, tamen id totum est ex Dei prouidentia, ut bonis mala pœna eueniant, & aduersitates multe, ut scilicet ex eis maius bonum eliciant. Similiter ex diuina prouidentia est, quod malis eueniant bona prospera, ut ex eis reuocentur à malo: tales enim Dei beneficium considerantes, citius à malis reuocantur. Ad rationem tertiam potest dici, quod deturpatio imaginis Dei, quæ menti est impressa à Deo, non est ex Dei prouidentia defectu, immo ab ipsis malis, & peccatoribus, qui cadunt. Hoc malum tamen ordinare, scilicet imaginem deturpatam, vel in bonum misericordia, si peccator à sua malitia

recedat, & conuertatur ad Deum, vel in bonum iustitia, si in sua perseueret malitia, à Dei prouidentia est. Ad ultimam superius allatam rationem de tot damnatis, &c. respondetur, hoc non ex Dei defectu prouenire, immo ex illorum defectu, quoniam sensualitates potius, quàm rationem sequuntur. Sed unde hoc? certe ex libertate arbitrij deficiente, qđ liberū arbitrium de se sufficiens est ad cadendū, sed non ad proficiendū sine Dei gratia. Et hęc satis.

DE DEI PROVIDENTIA, QVO AD QUID SIT:

Lectio CVI.

EX quo vidimus dari Dei prouidentiam, nec iure posse negari, consequenter circa eandem, quo ad eius quid, versandū erit. Nam Hugo de sancto Victore uerba faciendo, de Dei prouidentia sic dicebat: Prouidentiam esse illam, qua Deus de omnibus curat, qua fecit, & nihil relinquit ex omnibus, qua pertinent ad ipsum, & qua subiecta sunt ipsi, & ut prouidet singulis, & habeat unumquodque, qđ sibi debetur, & conuenit, qua in definitione videntur quatuor tangi ad prouidentiam necessaria. Quorum primum est præcognitio finis, alterum dispositio ordinis, intentio mentis tertium, & operis executio quartum. Nā Deus primò rei fienda finem præconcepit, secundò eiusdem rei ordinem ad illum finem disponit, tertio proponit, & intendit dare ea, qua uilia sunt ad illum finē, & oīa nociua excludere. Quartò omnia, qua præmisit, actualiter facit. A simili in artificialibus id habet manifestari: nā artifex circa artificium, qđ facere intendit,

ut circa Domum, hęc quatuor facit, primò enim cogitans de domo faciendâ finem Domus præconcepit, scilicet habitationē, propter quem finem Domum intendit edificare, secundo disponit ordinem partium Domus adinuicem, & ad finem Domus, puta quod fundamentum sit sub parietibus, & paries sub tecto. Tertiò in mente sua disponit, vel proponit dare oīa, quę conferunt ad hunc finem, & excludere oīa, quę impediunt. Vnde cogitat Domus sustentamenta, & fenestras, & aliquas appenditias, quibus Domus sit apta ad habitandum. Quartò artifex actualiter exequitur, & perficit oīa, quę præmisit. Dēus similiter hęc quatuor facit: nam primò præcognoscit finem, propter quem oēs creaturas produxit, qui finis diuersimodè est Dei bonitatem participare. Secundo disponit ordinem creaturarum adinuicem, & ad Deum: distinxit enim vniuersum secundum status diuersos producendo corporales, & spirituales. Tertiò proposuit, & statuit dare cuilibet creaturæ illud, per quod quęlibet creatura finem possit attingere suum, scilicet dare Angelo intellectū, quo Deū intelligere possit, & cęlo stellas, per quas inferiora produceret, & homini sensum, & rationem, quibus perscrutetur; & ista præconsideratio dicitur prouidentia, quę supponit curā, & dispositionē. Quartò Deus hęc, quę proposuit, & disposuit actualiter facit, cuilibet dando necessaria, & hoc dicitur administratio, siue gubernatio, quę est diuina prouidentie effectus. Ad cuius euidentiam notanda hic sunt tria, primum est, quòd ista quatuor, præcognitio, dispositio, intentio, & executio, adinuicem dupliciter distinguuntur, scilicet in significatione, & in duratione; primò in significatione, quia præcognitio solum ra-

tione cognitionis dicitur, & non ratione alicuius operationis. Dis-
 positio verò dicitur ratione ordinis excogitati in re operanda.
 Gubernatio verò est providentia executio, & conservatio provi-
 dentia est actus. Differunt secundò in duratione, quia hæc tria,
 præcognitio, dispositio, intentio in Deo sunt ab æterno: at guber-
 natio solum est in tempore, quæ supponit creaturam esse in actu.
 Secundum est, quod providentia melius dicitur, quàm prævidentia,
 Deus enim uno æterno intuitu videt oïa temporalia, non ut ab-
 sentia, nec ut succedentia sibi, sed presentia simul: ergo debet dici
 providentia, non prævidentia. Tertium est, quod diuina provi-
 dentia quinq; attribuitur, scilicet scientia, sapientia, bonitati,
 voluntati, & potentia Dei. Scientia Dei primò, ut præcogno-
 scentis: nam providere, est procul videre, videre aut procul ad
 scientiam spectat: ergo, &c. Sed dicetis, cui scientia debet pro-
 videntia ascribi? An speculativa, aut practica? respondetur, quod
 practica: nam Deus de se scientiam habet speculativam, & de
 oïbus rebus, at practicam solum de rebus, de quibus est providen-
 tia. Aliquando est Dei providentia sapientia Dei, ut ordinantis
 attribuitur, sapientis enim est oïa ordinare: quare, &c. Tertio
 attribuitur bonitati Dei, ut se omnibus rebus communicanti, &
 diffundenti; providens enim communicat se omnibus. Quarto ascri-
 bitur Dei voluntati, ut proponenti, vel intendenti, vel mouenti.
 Quintò eius potentia ascribitur, ut exequenti: prædicta ergo quin-
 que Dei providentia includit scientiam in præcognitione, volun-
 tatem in præcogniti intentione, bonitatem in sui communicatione,
 sapientiam in dispositione, & ordinatione, tandem potentiam in
 præcogniti,

præcogniti, communicati, dispositi, intenti executione, qua est gubernatio omnium. Nam Dei scientia est, ut dirigens voluntas, ut imperans potentia, ut exequens. Et hæc satis.

QVORVM SIT DEI PROVIDENTIA.

Lectio CVII.

EX quo de quidditate providentiæ Dei hætenus satis abunde sumus loquuti, superest, ut quorum sit, enodetur in presenti. Habebit itaq; sermo noster duas partes, in quarum prima, quorum sit providentia Dei declarabitur, in altera dubium cum solutione ponetur. Quantum ad primum, Dei providentia est casualium est malorum, voluntariorum, vilium, & singularium de quibus, vel respectu quorū aliqui, Dei providentiam negaverunt. Circa primum audite, quid dicturus sim. Dei enim providentia est, ut tales causæ ad tales effectus concurrant, & licet casualia respectu alicuius particularis causæ, non ob id sic evenit respectu universalis causæ, V. g. duorum concursus servorum, licet quo ad eos, sit casualis, quia concursum hunc ignorant: est tamen præquisus à Deo, qui eos scienter misit ad talem locum, ubi unus ignorabat de alio. Sub quo sensu respectu divina providentiæ, nihil est casuale. Secundo Dei providentia est non solum bonorum, sed et malorum, quod primo patet, quia non tollit bona à rebus, nec excludit mala, & hoc ne multa bona semoveantur à rebus: ergo, &c. Sed hic notetis, quòd aliter est de prouisorio particulari, & aliter de universali: particularis enim prouisor

omnem defectū, & omne malum à rebus, ac vniuersalis prouisor
 permittit defectus quosdam esse, & quedam mala, ne bonum uni-
 uer si impediatur. Differenter tamen de bonis, & de malis Deus
 prouidentiam habet: nam tripliciter bona prouidentia Dei sub-
 duntur, scilicet, quia bona sunt à Deo pręuisa, & intenta, &
 ordinata, habent enim ordinem bona adinuicem, mala aut duobus
 subduntur modis diuina prouidentia, scilicet, quia sunt pręuisa,
 & ordinata, non aut intenta: sunt enim mala à Deo ordinata,
 malum enim natura Deus ordinat in bonum natura, & malum
 culpa per bonum iustitie. Non ob id dicit, quod mala sint à Deo
 intenta, quia malum, ut malum, non habet, qđ possit intendi. Bene
 diuina prouidentia vtitur malis, & hoc ppter tres causas: prima
 est ad eorum utilitatem, quibus mala eueniunt, ut sunt infirmi-
 tates corporales, quas Deus imittit, & infirmitates spirituales,
 quas Deus permittit: hæ enim resulant in utilitatem eorum, qui
 patiuntur, eò quia corriguntur. Altera est ratio, scilicet utilitas
 alterius hominis particularis, ut. v. cū ex pna unius alius emen-
 datur. Tertia ratio, quare Deus bene vtitur malis, est ad utilita-
 tem communitatis, sicut cum pna malefactoris ordinatur ad pa-
 cem communitatis. Tertio Dei prouidentia est ordinatiorum,
 immo voluntariorum, nō enim Dei prouidentia tollit libertatem
 arbitrij, alioquin bona nq̃ multiplicarentur, immo tollerentur,
 ut laus humana virtutis primò, secundò iustitia pñiantis, &
 punientis, si homo liberè non ageret. Tertio circumspectio in con-
 silijs. Quarto diuina prouidentia uti vtiliū est, non enim solum
 Deus sua prouidentia nobiles gubernat creaturas, ut Angelos, &
 homines,

homines, sed et cules, ut antroalia, pisces, vermes, & huiusmodi, quod si non ita esset, omnia in nihilum tenderent. In specie tamen curam habet de hominibus. Et hęc de prima parte. In altera ex dictis dubium proponitur, & statim diluitur, dubitatur ergo, quod Deus de homine providentiam non habeat, quod enim sibi dimittitur, alicuius providentia non subditur, sed homines sibi ipsis dimittuntur à Deo; non ergo, &c. Minor patet secundum illud Ecclesiastici xv. Deus ab initio constituit hominem, & reliquit eum in manu consilij sui; ergo. Respondetur ad hoc, quod ex illo verbo non ostenditur, Deum hominem sibi omnino dereliquisse, sed bene ostenditur, quod non prefigitur ei virtus determinata ad unum: quare, &c. Demum Dei providentia est etiam singulare, quia horum est causa, ideo curam, & providentiam habet. Et hęc satis.

DE QUATVOR VTILIBVS CIRCA PROVIDENTIAM DEI NOTATV DIGNIS.

Lectio CVIII.

Desiderio sciendi allekti predictis de Dei providentia quatuor ualde utilia addemus, quorum primum est, quod nulla creatura sine Deo potest se gubernare. Alterum est, quod Deus per se ipsum sine aliquo alio creatura providet. Tertium est, quod Deus creature per aliam creaturam providet. Quartum est, quod Deus aliquando providet bonis per bonos, & aliquando bonis per malos. Quod autem nulla creatura possit se ipsam gubernare

gubernare sine Deo, queso audite. Nam id quod non est ex se, sed semper dependet ab alio, quo modo ex se poterit se gubernare? at creatura pendet à Deo, non ex se: igitur sine Deo se gubernare, & conseruare minimè poterit. Sed dicetis, cum Deus sit omnipotens, nonne poterit creatura regendi potentiam conferre? si sic, ergo se ipsam poterit regere, &c. Ad hoc dico, quòd Deus hoc non pòr, nec propter hoc impotens dici debet, quia hoc totum pendet à creatura, quæ tantam virtutem capere non potest, ex impotentia ergo creatura à Deo dependentis prouenit, quòd se ipsam sine Deo regere non possit, quare Dei prouidentia oïa subijci non negandum, & fienda, & iam facta. Vt fienda subduntur Deo, per quæ ipsa bona fiunt. Vt iam facta, sic mala diuina subduntur prouidentia, quatenus per ipsam in bonum aliquod ordinantur. Insuper uidendum est, quomodo Deus per se ipsum prouidentiam habeat de omnibus creaturis: quatuor enim modis id euenit, scilicet pducendo, gubernando, ordinando, & conseruando oës per se ipsum creaturas. Ratio huius sic assignatur, quia immediatè Deus res producit, & cognoscit: igitur per se ipsum illas gubernare habet. Sed dicetis, cur ergo, si ita est, vna creatura prouidentiam habet de altera? Respondetur, hoc ex Dei defectu non prouenire, sed benè ex creatura defectu non valentis recipere immediatè prouidentiam ex ipso, nisi mediante aliquo. Quo modo diuina sua prouidentia administrat Deus, & gubernat creaturas inferiores, scilicet irracionales per homines, & homines per Angelos, eo quia inferiores creatura propter defectum earum non sunt immediatè susceptiua actionis, vel prouisionis diuinae. Tertiò sic administrat
propter

propter utilitatē eius, propter quem sit promissio, & sic Deus vult administrari, prouiderique pauperibus à diuitibus p p utilitatem diuitum. Vult ēt doceri quosdam propter utilitatem docentium. Sed hic scitu dignum considerare oportet, quòd dūm dicitur, qđ Deus uni creatura prouidet per alteram, hoc habet duobus accipi modis: nam illa particula, per, vel refertur ad auctoritatem, uel subauctoritatē, si primo modo, falsum est, quia Deus per se ipsum regit, atq; gubernat. Si secundo modo, concedi potest, quia Deus sic creaturas per alias administrat, & regit ut Rex ciuitatem per prepositum. At dubitabitis nos ingenio splendentes sic. Qui solus mundum creauit, solus ipse regit, non ergo per creaturas. Respondetur, quòd aliud est loqui de creatione, & aliud de regimine, siue gubernatione, bene solus Deus, cui soli, & non alijs competit actio creationis, mundum creauit, & solus ipse gubernat principaliter ad differentiam, siue ad distinctionem aliarum creaturarum, per ordinationem diuinam gubernantium instrumentaliter. Ly ergo solus dictio capitur dupliciter, uno modo, ut sonat solitariē, sub quo sensu sumus primo loquuti, de creatione verba facientes, alio modo solus sumitur ad distinctionem alterius, ut in proposito loquimur: nam creatio, qua Deus res producit, solius est Dei, at gubernatio, & Dei, & creatura est, Dei immediatē, & creatura mediatē. Cum itaq; Deus aliquando bonis per bonos, & aliquando bonis per malos prouideat, ut ait Aug. lib. Lxxxiii. questionum, quid nam melius erit? Respondetur, quòd est melius bonis per bonos prouidere, quia, qui prouidet, melior est, at prouidere bonis per malos, licet eis melius non sit, qui prouident, melius

tamen

tamen est, quo ad uniuersum, quia magis ad uniuersi pulchritudinem facit, & ad maiorem laudem Dei, & beatorum gloriam. Sed dicetis, cur Deus ista malis concedit? respondetur, quod quandoque Deus malis talia concedit in penam eorum, & in utilitatem aliorum, ut patet in Balaam, qui licet malus esset, tamen fuit illuminatus à Deo, non propter se ipsum, sed propter alios, quibus prophetauit de Christo. Hoc idem patet in Caypha, qui cum esset summus Pontifex, prophetauit, quod Christus erat moriturus pro genere. Et hæc satis,

PROPTER QUID, VEL AD QUID SIT

PROVIDENTIA DEI.

Lectio CIX.

VT ea, quæ à sacris solent dici Theologis, aut memmus, hodierna die de tribus verba faciemus. Primò de modo prouidentia Dei. Secundò de septem differentijs diuina prouidentia. Postremo aliud esse ordinare bonum in malum, aliud facere malum propter bonum, & aliud permittere docebimus. Circa primum versaturi, ut diuina prouidentia modum cognoscere valeamus, à Damasceno non recedemus, qui assignat triplicem diuina prouidentia significationem: nam triplex est prouidentia, scilicet acceptationis, vel approbationis, concessionis, vel permissionis, derelictionis, vel desperationis. Primò prouidentia, qua Deus prouidet bonis, per bonos est, qua elicit bonum ex bono. Secundò prouidentia concessionis est, qua Deus bonum ex malo elicit, vel ex malo pena, quam mittit ad utilitatem sui, vel communis, vel

ad

ad gloriam Dei, vel ex malo culpæ, quæ permittit. Tertiò providentia derelictionis est, quando Deo faciente oïa, quæ sunt ad salutem hominis, homo insensibilis, & incurabilis in proprio proposito perseverat, & tunc in finem perditionis tendit, & ex hoc malo æternali Deus elicit bonum scilicet iustitiæ Dei, & sanctorum legitiæ, quæ in beatis oritur ex cognitione ultionis diuinæ in damnatis. Et hæc de primo puncto satis. In altero Damascenus providentiam cognitionis, siue concessionis, vel permissionis, in septem differentias diuidit. Prima est, cum Deus permittit, iustum in calamitates incidere, ut in eo latentem virtutem faciat alijs manifestam, ut patet in Iob. & hoc modo Deus ex malo pænæ unius bonum elicit aliorum. Secunda est, quando Deus aliquid inconuenientium fieri permittit, ut quid maius inde eliciat, quo modo ex malo pænæ unius Deus bonum multorum operatur, vel oïum ex parte Dei. Tertia Dei providentia est, cum sanctum pati concedi, ne vel ex sibi gratia data, vel ex recta conscientia in superbiam cadat, ut in Paulo, cui dictum fuit, Sufficit sibi gratia mea, & hoc ex reuelatione diuina. Quarta Dei providentia est, quando quis ad tempus derelinquitur in directione aliorum, ut alij intuentes in ipso instruantur, & sic Deus ex malo culpæ, quæ permittit, vel ex malo pænæ, quæ uni immittit, aliorum elicit bonum. Quinta Dei providentia est, quando quis derelinquitur, & punitur à Deo non propter peccatū proprium, vel parentum, sed propter gloriam Dei, ut patet in cæco nato, sic Deus ex malo pænæ elicit gloriam sui. Sexta Dei providentia est, cū permittitur quis pati in Zelum alterius, ad exemplum, ut gratia eius, qui passus est, considerata in pugna,

pugna, alijs fiat leuior passio, ut in martyribus, & sic Dei prouidentia ex malo pena unius aliorum elicit bonum. Septima Dei prouidentia est quando quis permittitur à Deo incidere in operationem nefariam, in detestationem deterioris culpa commissæ, ut elatum in virtutibus permittit ruere in adulterium, ut ex casu humilietur, & sic Dei prouidentia ex malo culpa, qđ permittitur, bonum elicit misericordiæ, cum quis de peccato penitentiam facit, & bonum iustitiæ, si perseueret in peccato: ubi ẽ notandum venit, quòd prouidentia approbationis est tantum bonorum, & hoc tribus modis, primò est aliquorum bonorum immediatè, quæ bona ipse Deus per se, & immediatè operatur. Secundò est aliquorum bonorum consensu alterius mediante, uel non resistente, ut in virgine patiente. Tertiò est aliquorũ bonorum lib. arbitrio mediante, ut actus nostri boni, qui adeo sunt boni, quia conformes rationi. Si verò non sint rationi conformes, tunc boni minime dicuntur, sed apparentes boni. Et hæc de duobus punctis. Superest tertium examinare cognoscendi gratia, aliud esse ordinare bonum in malum, & aliud facere malum propter bonum, & aliud permittere, uel sustinere malum aliquod propter aliqđ bonum. Primo modo, ordinare bonum in malum non videtur bonum, nec aliquis bonus prouisor hoc facit, quod duplici ratione probatur. Prima est, quia nullum contrarium per se suum inducit contrarium, sicut calidum non frigefacit, nec vice uersa. Altera ratio est, quia bonum de se semper ordinem hẽt ad finem bonum, non ad malum: & ideo hoc, scilicet ordinare bonum in malum, non videtur posse diuina aptari prouidentia. Secundum verò, scilicet malũ facere propter bonum,

bonum, non licet, quia hoc facere in homine reprehensibile est; multo magis hoc esset in Deo, quare diuina hoc non debet attribui prouidentia. Tertium scilicet permittere, uel sustinere malum aliquod propter aliquod maius bonum, hoc licet, unde cum Deus prouidentissimus sua prouidentia non prohibet, sed aliqua mala permittit, hoc precipue triplici ratione facit. Prima est, quia Dei prouidentia permittit unumquodq; agere secundum naturam suam, sed natura quarundam rerum, & conditio est, quod possit male agere, & deficere. Secunda ratio est, quia nisi diuina prouidentia mala sustineret, & permetteret, multa bona tollerentur à rebus. Tertia ratio est, quia diuina prouidentia sustinet aliquod paruum malum, ne impediatur aliquod magnum bonum; quodlibet enim particulare malum dicitur esse paruum respectu boni uniuersalis, & ideo diuina prouidentia aliquod malum particulare permittit, uel sustinet, ut bonum aliquod magnum uniuersale, uel totius uniuersi inde eliciat. Sed dicetis, uidetur, qđ diuina prouidentia non debeat aliqđ malum permittere, ut inde eliciat aliqđ bonum tali ratione. Bonū est malo potentius: ergo magis bonū ex bono elici pōt, quā bonū ex malo. Ad hoc dici pōt, dari aliqđ bonum, qđ minime pōt elici, nisi ex aliquo malo, V. g. sicut bonum patientia, qđ tunc elicitur, nisi ex malo psecutionis, & bonū penitentia, nisi ex malo culpa, nec hoc impedit infirmitas mali respectu boni, qđ a huiusmodi eliciuntur ex malo, non quasi ex causa p se, sed per accidens, & materialiter, & hęc de pollicitis ad mentē diui Thomae in qđstione disputata de ueritate. q. vii. de prouidentia articulo viii. Vtrum motus, & actiones horū inferiorū diuina subiiciantur prouidentia.

290 IO. PAVLI PALANTERII
DE DIVINAE PROVIDENTIAE EFFECTIBVS.
Lectio CX.

Effectus diuinae prouidentiae in particulari sunt à nobis innumerabiles, in generali tamen quatuor esse dicuntur, Scilicet creaturarum conseruatio, ordinatio, inclinatio, uel directio, & gubernatio: nam diuina prouidentia haec quatuor facit in creaturis, has enim primò in esse conseruat, ne ab esse deficient. Secundò disponit, & ordinat, ut finem attingant. Tertiò ad debitum finem dirigit creaturas, uel inclinat. Quartò creaturas oēs gubernat, ut quod necesse est habeant. Quod autem Deus in esse creaturas conseruet, audite: nam est causa creaturarum, nec non continuationis esse earum: igitur & conseruationis. Insuper, ut impossibile est res moueri cessante motione, uel uirtute mouentis, ita & res sine Dei prouidentia cōseruari: quare, &c. Postremò, ut se habet sol ad aerem, ita Dei prouidentia ad rerum conseruationem, sed sole presente lumine suo aer fit lucidus, ita actione diuina prouidentiae creaturae conseruantur in esse. At dicetis, assignetur ratio, quare actione agentis cessante, cessat conseruatio rei, ad hoc dici potest, quòd est triplex, uel id fieri, & euenire propter tria, scilicet, propter modum, propter subiectum, & propter respectū. Primò propter modum, scilicet agendi, quia actio agentis est causa fieri rei, & non esse rei, V. g. subtracta actione domificatoris non subtrahitur conseruatio domus, eo quod domificator est causa fieri domus, sed nō esse domus, quia esse domus, sequitur eius naturam à qua non separatur actione domificatoris cessante.

Praeterea,

Præterea est altera ratio, propter recipiendi modum, quæ quando id, quod recipitur in materia ab agente, dicitur habere eundem ordinem essendi, tunc cessante actione agentis, non propter hoc statim cessat effectus in subiecto receptus, V. g. cessante actione ignis ab aqua, adhuc remanet calefacta. Quod autem non recipitur secundum eundem modum in subiecto, tunc oppositum dicitur evenire, V. g. cessante lumine solis ab aere, claritas aeris statim desinit esse. Postremo hoc idem evenit propter respectum, scilicet quando effectus productus habet ordinem, vel respectum ad causam aliam, V. g. candela, quamvis habeat lumen ab alia candela, non tamen extinguitur extincto lumine candela, à qua recipit, & hoc quia habet respectum non ad iam extinctam candelam, sed ad motum, & ad celi virtutem. Sic de Dei providentia est dicendum, quod omnium creaturarum sit causa, non per motum, & quod sine Deo res conservari nequeant. Secundus divina providentiæ effectus est ordinare creaturas, ideo in rebus talis à Deo creatis apparet ordo, primo, quia una est superior, nobilior, & melior, secundum quod una movetur ab alia. Inde divina cognoscitur sapientia, cuius est omnia ordinare. Sed dicetis, licet is ordo rerum videatur, quod Deus præmiserit creaturam intellectualem rationali, & spiritualement corporali, & corporalem corruptibili, cum non se extendat Dei providentia ad corporalia corruptibilia, quo modo eius saluari poterit providentia? quod autem ad corruptibilia non se extendat divina providentia, docet Dam. lib. ii. dum inquit, esse necesse, res fieri melius, sicut fieri possunt secundum Dei providentiam, & rationem necessariam, sed corporalia, vel corruptibilia possunt

fieri meliora: ergo. Respondetur ad hoc, quod quamuis res corruptibilis fieri possit melius, quàm sit, tamen uniuersum melius, quod constat corruptibilibus, & incorruptibilibus, quàm ex incorruptibilibus tantum; nec id mirum: in mundo enim melius est duo esse bona, quàm unum tantum. Sed dicetis, unde corruptio provenit? Respondetur, quod talis non provenit ex Deo agente, sed ex Deo non agente, sicut tenebrae sunt ex sole non influente. Tertius diuina prouidentiae effectus est creaturas omnes in finem debitum inclinare, dirigere, & producere: mouet enim Deus creaturas ad sui similitudinem: nam ipse in se, ut est bonus, sic omnis creatura bona est. Secundo Deus est causa bonitatis in alijs, ita etiam una creatura respectu alterius. Tertiò Deus alia ad participationem bonitatis mouet, sic creatura aliam ad hoc inducit, & mouet. Quartus diuina prouidentiae effectus, est creaturas omnes gubernare, ut patet experientia: nam ut Regis officium, & domini temporalis est suo imperio regere, & ordinare, & subditos gubernare: ergo multo magis Regis æterni, scilicet Dei erit sua prouidentia omnia gubernare conferrendo illis, quod est utile, & necessarium ad finem consequendum. Et hæc satis.

AN DEVS SE TANTVM COGNOSCAT,
VEL ETIAM ALIA A SE.

Lectio CXI.

Post prædicta arbitror ad maiorem euidentiam præcedentis distinctionis hodierna die duo examinanda fore quesita, & primò. Vtrum Deus cognoscat se tantum, an alia à se.
Insuper,

Insuper, utrum propriam, perfectamq; nec non distinctam habeat
 cognitionem de alijs à se. Circa primum duplici via pro parte ne-
 gatiua pōi argui, & primò sic. Quæcūq; sunt alia à Deo (ut no-
 runt oēs) dicuntur esse extra Deum, at secundum Aug. lib. lxxx.
 iii. q. Deus nequaquam extra se ipsum intuetur: igitur alia à se nō
 cognoscit. Deinde secundum ordinem obiectorum dicitur esse ordo
 nobilitatis in operationibus, ideo Arist. in Ethicis quarto felici-
 tatem ponebat respectu nobilissimi obiecti, auctore enim eodem
 felicitas nobilissima ponitur operatio, at quicquid est aliud à Deo
 vilius, & imperfectius est eo, quare si Deus alia à se cognosceret,
 illius intellectus vilesceret, at hoc absurdum est, non ergo alia à se
 intuetur. In oppositum se habet Apostolus ad Heb. capite quarto
 dicens, qđ oīa uida, & aperta sunt oculis eius. Hoc idem habetur
 apud D. Aug. xv. de trin. Deus ergo non tantum se, verum et alia
 à se cognoscit. Pro determinatione huius quesui tres erunt ponen-
 da conclusiones, quarum prima hęc. In Deo est ponere scientiam,
 seu certam aliorum à se cognitionem. Altera est, quod Deus co-
 gnoscit se, & alia à se perfectè, & comprehensiuè. Tertia, quod
 Deus alia à se cognoscit, sed non per aliud à se. Prima iam patet,
 supposito, qđ Deus sit prima causa, & nobilissima, cui modus cau-
 sandi competit nobilissimus, qui est per intellectum, & voluntatē.
 Secunda similiter clara est, quia Deus perfectè, & comprehen-
 siuè se cognoscit, nec non alia à se, quia sub eius obiecto oīa cadunt.
 Tertia non secus manifestari pōi, quia Deus alia à se, in se, & per
 suam essentiam cognoscit, non per aliorum esse: nec id mirum, nam
 potētia intellectiua in Deo est suamet essentia: quare, &c. Nun

ad primum argumentum venit in hunc modum danda responsio, quòd Deus alia à se non extra se, sed in se cognoscit: nam essentia diuina ratio cognoscendi alia à se dicitur esse, & est. Dùm verò Deus alia à se intuetur, ne credatis, quòd talia, ut obiecta principalia cognoscat, sed benè, ut secundaria, & ita primum ruit argumentum. Ad secundum potest dici, quòd secundum ordinem nobilitatis obiectorū principalium, & per se attendatur nobilitas, vel ignobilitas in operatione, non autē secundum ordinem secundariorum obiectorum, alioquin eadem operatio simul esset nobilior, & vilior cum contingat eandem operationem; simul esse respectu plurium, quorum unum est minus nobile altero. Sed tunc utrunq; eorum non pōt esse obiectum principale; quando autē utrunque est obiectum principale, impossibile est, eadem esse operationem, propter qđ minus nobile intelligendo impeditur ab intellectu rei, magis nobilis, & sic vilescit intellectus; cum ergo diuina essentia, & creatura nō sint eque obiecta principalia diuina intellectiōis, nec Deus intelligendo creaturas impediatur à sui cognitione, propterea alia cognoscendo non eius intellectus vilescit. Et hęc de dubio primo. Huic nectitur alterum dūm queritur. Vtrum Deus propriam distinctamue habeat cognitionem de alijs à se. Pro parte negatiua quidam solent argumentari, & primò sic. Ex oīum consensu certum est, quòd per causam primam, & remotam distincta, atq; perfecta cognitio de rebus haberi minimè pōt, at quicquid Deus cognoscit, per suam essentiam cognoscit, quæ est rerū prima causa, & remota: quare, &c. Præterea Deus alia à se nō cognoscit, nisi quatenus in eo præexistunt; at non videntur præexistere distinctè,

distinctè, sed unitè, & indistinctè, non ergo, &c. Id est, quòd distinctè cognoscat. In oppositum se habet veritas, quæ est, quòd Deus est agens producens distinctè: ergo èt distinctè cognoscit, cõtra illum maledictum Aueroem in sua Metaphysica dicentem, Deum alia à se non intelligere, nisi in vniuersali, id est in quantum sunt entia, quæ opinio, ut falsa penitus, si admitteretur, proculdubio esset concedere, aliquam in Deo ignorantiam: nam hoc modo Deus secundum Aueroem huius non haberet entis cognitionem, verum quia opinio hæc purus est error, ideo dimittenda, ut ipse Aueroes ad debitas luendas pœnas est dimissus. Dicamus igitur nos pro veritate, quòd essentia diuina, ut oïum rerum sufficiens causa prima res distinctè representet, & specificè oïa, quæ cõinet in se virtualiter: quare diuinus intellectus, qui perfectissimè, & comprehensiuè suam nouit essentiam, nouit èt oës res creatas perfectè, quantum ad earũ distinctionem specificam. Nunc argumenta diluenda, & erit finis. Ad primũ ergo de causa vniuersali distinguendum est: nam causa vniuersalis tribus sumi põt modis. V. no modo in prædicando, & talis causa dicitur vniuersalis vniuersalitate prædicationis, V. g. quando artifex ponitur causa artificiat, & particularis, ut stat uisica respectu statuae, & singularis, ut hæc stat uisica est causa huius statuae, & hoc modo, per causam vniuersalem non cognoscitur effectus particularis, vel specificus, nec per causam particularem, vel specificã singularis effectus cognoscitur. Alio modo sumitur causa vniuersalis, non per prædicationem, sed quia se extendit ad plures effectus, tamen secundum aliquid est eis commune, & non secundum id, quod est eis proprium, nisi deter-

minetur per aliud, & sic sol causa dicitur oīum generabilium; nec adhuc per talem causam res sufficienter, & distinctè cognosci pōt, & neutro horum modorum Deus debet dici causa vniuersalis. Dicatur igitur tertio modo, dari causam vniuersalem, qua se extendat ad plura secundum propriam vniuscuiusq; rationem absq; hoc, quòd per aliud determinetur, & ita Deus est causa vniuersalis oīum, quoniam uel producit, uel producere pōt per se, & immediatè absq; hoc, quòd per aliud determinetur, & per talem causam sic vniuersalē possunt distinctè cognosci effectus: est enim causa vniuersalis, quia oīum causa, propria tamen vniuscuiusque, quia vnumquodq; producit, uel producere pōt per se ipsum, & ita cognoscere. Ad alterum argumentum secundum dicitur, qđ Deus creaturas non cognoscit, nisi secundum quod existunt in ipso. Sed hic notetis, quòd ly secundum, dupliciter habet sumi, vno modo formaliter, alio modo representatiuè. Si primo modo, sensus falsus est, quòd Deus res cognoscat, secundum quod sunt in illo, non enim insunt formaliter: nam secūdum Anselmum essentia diuina creatura causatrix est, formaliter ergo solū se tantū cognosceret Deus. Alio modo, ly secundum, potest notare rationem intelligendi, tunc sensus bonus est, V. g. quod Deus res creatas non intelligat, nisi quia preexistunt in eo, sicut in causa representante, & sic propositio est vera. Tunc non sequitur, qđ non intelligat alia à se, sed bene, quòd non intelligat per aliud à se. Et hæc satis.

AN DISTINCTE DEVS SINGVLARIA

COGNOSCAT.

Lectio CXII.

Priusquam ad subsequenter tranſeamus diſtinctionem, decreui duo alia uobis in preſenti enodare queſita ex Theologorum uoto. Quorum primum erit. Vtrum Deus diſtinctè ſingularia cognoscat. Insuper, utrum Dei ſcientia uniuerſalis, aut particularis cenſenda ſit. Circa primum duplici via pro parte negatiua poteſt argui, & primò ſic. Dei cognitio ſcientifica eſt, cum in Deo non ſit opinio, nec ſuſpitiò, at de ſingularibus non eſt ſcientia, immo ab ante reiſcienda: igitur Dei cognitio nequaquam ſe extendit ad ea. Deinde Boetij autoritate ſic inſtaur. Singulare eſt, dùm ſentitur; uniuerſale autem, dùm intelligitur, at cognitio ſenſitiua in Deo non admittitur: nõ ergo ſingularia Deus cognoscat. Ex alio latere, cum illud, quod magis habet de entitate, ſit magis cognoscibile, & ſingularia plus habeant de entitate, quàm uniuerſalia: ergo cognoscuntur à Deo. Pro determinatione huius queſiti uidendum eſt, quo modo Deus ſingularia cognoscat, ut ergo iſſis tradidit eſſe, eo modo talia cognita ſunt ab illo, & ſi qd in rebus eſſet incognitum ab eo, oporteret fateri, quòd circa illud tale vacaret diuina operatio, id eſt, quòd non eſſet operatũ ab ipſo. Nunc ad argumenta reſpondendum, & primò ad primum ſic, qđ licet cognitio, qua ſe cognoscat, & oĩa alia, una ſit ſecundum rem, eſt tamen plures, ſecundum rationem, in quantum in plura tendit obiecta, & ſic plura ſortiuntur nomina. Nã in quantum Dei cognitio

in essentia sua quidditatem tendit, vel alterius rei simplex intelligentia vocatur, quatenus verò in suam tendit essentiam, sibi rerum causalitatem attribuendo vocatur intellectus, V. g. cum se rerum causam cognoscit, dici et potest cognitio principiorum, quia causalitas sua alijs rebus est causa essendi, siue ratio cognoscendi. In quantum verò ex sua causalitatis cognitione in aliarum rerum cognitionem tendit, atque proprietatum eis conuenientium, secundum tamen rationem earum generalem, vel specialem, scientia, vel scire, quòd est rem per causam cognoscere. In quantum verò in singularium cognitionem tendit secundum rationem suam singularitatis, tunc dicitur quasi cognitio significatiua, siue experimentalis, qua in nobis dici nequaquam potest scientifica cognitio. Cum ergo dicitur in primo argumento, quòd ois Dei cognitio est scientifica, dicendum est, quòd licet Dei cognitio, qua una est, scientifica sit, non tamen respectu oium, quia non respectu sui ipsius, nec respectu singularium. Ad illud Boetij dicitur, quòd de nobis sit loquutus, in quibus sensitiua cognitio viget, qua solum est singulare, & nullo modo vniuersale. At cognitio intellectiua, ut perfectior, tam singulare, quam vniuersale, & multo magis cognitio Dei intellectiua ob suam perfectionem, non solum vniuersale, verum et singulare, includit enim oium perfectionem. Et hoc pro primo puncto. Queritur secundo, num Dei scientia possit dici vniuersalis, vel particularis. Mihi certè videtur primo aspectu vniuersalis: nam illa scientia, qua per causam habetur vniuersalem, vniuersalis est, sed Dei scientia sic se habet: ergo vniuersalis. Preterea illa scientia non solum vniuersalis censenda, immo vniuersalior, qua
ad

ad plura se extendit, sed Dei scientia ad omnia se extendit: igitur
 vniuersalior. Ex alio latere totum oppositum uidetur esse dicen-
 dum: nam cognitio rerum secundum proprias rationes específicas,
 & singulares particularis est, at Dei cognitio, quam ipse de rebus
 habet, sic se habet: ergo, &c. Pro intellectu huius questionis
 velim uos scire, nos duobus modis de Dei scientia verba posse fa-
 cere, uno modo pro re informante diuinum intellectum secundū
 nostrum modum intelligendi, alio modo, pro ut talis Dei scientia
 comparatur ad obiectum. Si primo modo loquamur de scientia,
 nulla est vniuersalis, sed est singulare quoddā, vniuersalia enim
 sunt tantū in intellectu obiectiue, at nusquam subiectiue secundū
 rationem suā vniuersalitatis, & sic Dei scientia non pōt dici uni-
 uersalis, sed benē quēdam singularitas, sicut & essentia diuina.
 Alio modo pōt considerari scientia, pro ut comparatur ad scibile,
 vel ad obiectum, & sic vniuersalis, vel particularis ab obiecto
 dici potest. His ita positis, dicitur, qđ Dei scientia est vniuersalis,
 quatenus ad oīa scibilia se extendit, non tamen una secundum ra-
 tionem dici potest, sed plures, quia scientiæ, quæ sunt in nobis se-
 cundum rem diuersæ, in Deo sunt diuersæ secundum rationem.
 Cum itaq; in nobis non sit una scientia, quæ se extendit ad omnia
 scibilia, sed plures secundum rem, consequens est, qđ Dei scientia,
 quæ una est secundum rem, sit plures secundum rationem. V. g.
 ut se ad oīa scibilia extendit, penes aut illam primam assignationē
 scientiæ vniuersalis, & particularis erit dicendum, quod Dei
 scientia sit, & vniuersalis, & particularis, & non vniuersalis
 tantū, nec particularis tantū. Nunc ad rationem primā prius
 formatam

formatam de causa vniuersali, &c. habet sic responderi, quòd illa scientia, quæ est per causam vniuersalem prædicatione, vel per causam vniuersalem, quæ se ad plures effectus extendit, solum secundum illud, quòd est eis cõmune, vniuersalis est, pro ut vniuersale distinguitur contra particulare secundum primam acceptionem, & ita Dei scientia vniuersalis est, quam habet de rebus alijs, nec solum vniuersalis, verum et particularis penes primam acceptionem, & penes secundam vniuersalis. Altera ratio adducta ab aduersarijs solum probat, quòd Dei scientia sit vniuersalis iuxta acceptionem secundam vniuersalitatis, ut iam concessum fuit: est ergo Dei scientia partim particularis, ut rescognoscit secundum specificas rationes, est etiam vniuersalis, in quantum res secundum suas generales, & communes rationes cognoscit.

VTRVM CONCEDENDVM SIT, ETC.

Distinctio XXXVI.

Lectio CXIII.

Satis longo sermone de Dei scientia secundum se verba fecimus in distinctione superiori, cui uidetur herere subsequens trigesima sexta in ordine, & iure merito. Ex quo enim ibi de scientia Dei absolute actum, hic verò nunc respectiue, quia res seita ad scientem comparanda. Nam primò speculandum, non oĩa esse in Dei essentia, ut sunt in eius scientia. Secundò qualiter Dei scientia se habeat ad bona, & ad mala. Demùm concludendum, non omnia, quæ ex Deo sunt, de ipso posse dici. Quantum ad primum,

primum ita fandum. Licet oīa sint in Dei scientia, non ob id oīa debent dici esse in eius essentia. Huius ratio assignari pōt in hunc modum: nam oīa, quæ in diuina sunt essentia, eiusdem natura cum Deo esse dicuntur, at ea, quæ sunt in eius scientia minimè, quare oīa cognita à Deo poterunt dici esse in diuina scientia, licet nequeant esse in eius essentia. Et hæc de primo puncto. In subsequenti secundo membro videndū est, qualiter Deus cognoscat, intueatur uè bona, & mala: non enim bona eodē modo, & mala cognoscit, sed bona oculo probationis, & mala oculo reprobationis. At dicetis, ut bona sunt in Deo, num & mala eodē modo? respondetur ad hoc, qđ non. Nam illa sola in Deo esse dicuntur, ad quæ Deus se habet in ratione principij, ut ad bona. Ad mala verò non sic se habet, quare nec in Deo esse, ut bona dicendum est. Rursus dicetis, cur ergo dixit Paulus, Ex ipso per ipsum, & in ipso? respondeatis, hanc authoritatem intelligendam fore de positiuis, non de priuatiuis, nisi sub modo cognitionis reprobationis. Et hæc de duobus segmentis. In tertio, & ultimo speculandum venit. Num omnia, quæ sunt de Deo, queant dici ex se ipso, & vice uersa: mihi sanè, quòd non, apparet: nam illa dicuntur esse de Deo, quæ habent esse ab ipso secundum substantialitatem, at esse ex Deo denotat generalem principationem; nihil ergo propriè loquendo dici potest de Deo, nisi quod est de eius substantia, at ex Deo dicuntur esse oīa, quæ quouis modo principiata: si ergo omne illud, quod est ex Deo, dicitur esse de Deo, tunc oēs creatura dicerentur esse substantiales ipsi Deo, quod est falsum, quia solum personæ filij, & Spiritus sancti, quæ sunt de Patre, ipsi propterea consubstantiales dici possunt,

sunt, & hæc de presenti distinctione satis, quam paucis enodas am
verbis habetis.

AN DEVS MALA COGNOSCAT.

Lectio CXIII.

VT hominis vita panis, & aqua, quæ componi videtur
ex à, & qua, quasi aqua viuamus, ita contemplatiui
vita dubitatio est, & dubitationis resolutio. Quapro-
pter, ne sicco pertransire pede videamur uelle ea, quæ in textu à
Magistro tacta fuere, duo in presenti perpulchra proponemus
quesita, quorum primum erit. Virum mala Deus cognoscat. Al-
terum. Virum creatura sint in Deo. Circa primum negatiue argu-
unt quidam, & primo sic. Intellectus in actu semper existens pri-
uationem minimè cognoscit, ut habetur tertio de anima, at intelle-
ctus diuinus semper est in actu: igitur malum, ut est priuatio que-
dam cognoscit minimè. Confirmari potest id, quod diximus nunc
nunc exemplo à sensu visus, uel auditus desumpto, qui si semper
forent in actu, nec silentium perciperet auditus, nec tenebras vi-
sus: ergo eodem modo est circa intellectum: quare, &c. Vt iterius
arguitur. Omnis cognitio, vel est rerum causa, vel à rebus causata,
sed Dei scientia nec malorum (saltem culpa) causa est, nec cau-
sata ab eis: igitur, &c. Demum, intellectum in intelligente est,
sed malum in Deo non est: igitur nec intellectum ab eo. In opposi-
tum se habet illud Iob. xi. ipse nouit hominum vanitatem, & vi-
dens iniquitatē eorum, nonne considerat? & in Psalmo, Delicta

mea

mea non sunt à te abscondita. Circa questionem hanc tria consideranda occurrunt, primum distinctionem communem scientiae Dei respicit. Alterum pertinet ad illud, in quo moderni oēs concordant. Postremū ad illud, in quo quidā discordant inquirentes quid sit verius. Quo ad primū, sciendum est, qđ quamuis scientia Dei una sit secundum rem, tribus tamen solet accipi modis: nam dicitur scientia simplicis notitiae visionis, & probationis, sed dicetis, quid est scientia simplicis notitiae? Respondetur, qđ est illa, qua Deus scit oīa, qua sunt, fuerunt, & erunt, vel possibilia sunt secundum infinitatē diuinā potentia: scientia uerō visionis dicitur eadem scientia, in quantum eorum est, qua sunt secundum aliquam differentiam tēporis solum, qua pro tanto dicitur scientia visionis, quia apud nos ea, qua videntur, habent esse distinctum extra videntem, propter quod ea, qua à Deo prodeunt inesse proprio, quod habent in sua natura pręter esse, quod habent in Deo, tanquam in causa dicuntur pertinere ad visionis scientiam. Approbationis uerō scientia dicitur eorum, in quibus diuina voluntas sibi complacet, & hęc sunt bona, & mala pēna, quatenus sortiuntur rationē boni moralis. Per oppositiū uerō mala nescire dicitur, dico mala culpa, eo quia ea tanquam à sua bonitate discordantia reprobant. Si ergo questio intelligatur de malis culpa, & de scientia approbationis, patet, quod Deus mala culpa nescit, quia ea non approbat, sed reprobant, & punit. Quantum ad secundum, sciendum est, quod moderni oēs concedunt, Deum cognoscere malum, cuius ratio est, quia partes uniuersi cognoscit, & earū habitudines, sed inter uniuersi partes talis est habitudo, quod generatio unius est corruptio alterius, in

terius; in corruptione aut malum cōsistit pēna, quo ad animata, & malum natura, quo ad oīa; quēdam ēt alie partes uniuersi deficere possunt à rectitudine rationis, in quo malum culpa consistit: ergo Deus cognoscit, ac intuetur omne malum, natura, pēna, & culpa. Quantum ad tertium, in quo quidam discor dant, sciendum est, qđ de mali cognitione per bonum est duplex opinio, quidam enim volunt, qđ Deus malū cognoscat per speciem boni, non cuiuscunq; boni, sed tantū boni, qđ priuat. Vt ut sit de hac opinione, nihil refert, aut saltem parum curandum est. Soluamus nos itaq; argumenta adducta, ex quibus, quid tenendū sit, patebit. Dicitur ergo ad primum, quod Deus malum approbando minimē cognoscit, at puniendo sic. Ad secundum argumentum potest dici, qđ quamuis Deus non sit causa mali culpa, est tamen causa mali pēna, & hoc ad mali cognitionem sufficit. Ad ultimum respondetur, quod & si Deus non prehabeat in se malum, ob id non sequitur, quin illud cognoscere valeat: nam ratio cognoscendi, tam bona, quam mala, est diuina essentia, proxima tamen ratio cognoscendi mala, sunt bona creata, que per mala priuantur, & hęc de primo segmento de duobus à me propositis. Queritur insuper, num sint in Deo creatura. Videtur prima fronte, quod non: nam si in Deo essent, aut hoc esset per suas essentias, aut per similitudines, non per essentias suas, q̃a quicquid est in Deo, dicitur ab eterno in ipso, essentia aut rerū non sunt eterna: igitur, &c. Nec per suas similitudines, quia qđ est in aliquo secundum suam similitudinem tantū, in illo propriam minimē habent operationem, at res in Deo proprias habent operationes, iuxta illud actuum xvii. In ipso viuimus, mouemur,

uemur, & sumus: ergo. Anselmus in oppositum se habet, & tenet Monologion xxxvi. dūm ait, quod res verius sunt in Deo, quā in se ipsis: ergo. Pro veritate cognoscenda duo sunt dicenda, & primo, quod oēs res sunt in Deo, alterum est de modo, quo sunt in eo. Quantum ad primum, quid de rebus creatis sit dicendum, patet, ut enim ab aliqua dicuntur procedere causa, ēi pōt dici q̄ aliqua-
 - liter p̄existant in ea, pōtate salē & virtute, at oēs creatura à Deo procedunt: igitur, &c. Insuper sciendum est, qđ res creata dupliciter cōsiderari hēt, uno modo secūdū esse suū formale, & naturā proprii generis, alio modo secūdū esse uirtuale suae causae, secūdū qđ aliquamiter p̄existunt in sua causa. Si verò res creata primo modo consideretur, sic ipsa in Deo esse dicitur, quoniam est in Dei scientia, & potentia, sed non in Dei essentia, cuius ratio est, quia creatura sic cōsiderata, cū non sit idem, qđ Deus, solum se habere pōt ad Deū in habitudine obiecti terminantis eius operationem, & non in habitudine identitatis. Verum, quia hoc nomen Deus suppositū significat, cuius est agere; scientia verò, & potentia significant principia actionū se extendentium ad creaturas re, vel ratione, ideo creatura dici pōt esse in Deo, & in eius scientia, & potentia, eò quia Deus scit eam, vel pōt producere eam, vel productā destruere. Essentia verò nihil importat per respectū ad creaturas, quia sicut à posse dicitur potentia, & à scire scientia, sic ab esse dicta est essentia, unde sicut aliqua in Deo esse dicuntur potentia, quia Deus pōt illa, & in Dei scientia, quia Deus scit illa. Ita in Dei essentia dici possunt, quia Deus est illa, vel quia subsistunt in illa. Verum quia Deus non se habet ad creaturam in habitudine
 V identitatis,

identitatis, neque secundum essentiam, neque secundum naturalem existentiam, ideo dici non potest, quod res sic consideratae sint in Dei essentia seruando locutionis proprietatem, licet Dei essentia non sit aliud, quam sua potentia, vel scientia. His ita premisis, argumento formato superius ita respondebimus dicentes, res creatas in Deo esse per suas essentias non formaliter, nec per identitatem, sed obiectiuam tantum, quoniam subsunt diuinae potentiae, nec non scientiae, & hoc modo sunt aeternae, quia ab aeterno scientiae, & possibiles. Hoc etiam modo viuimus, in ipso mouemur, & sumus in ipso, ut in conseruante, à quo est nostrum viuere, & esse, & operari. In sequenti, num res creatae omnes, vel aliqua in Deo sint per suas similitudines, patebit. Et haec suis.

AN IN DEO SINT CONCEDENDAE IDEAE.

Lectio CXV.

DVO vobis in hesterno sermone meo notatu digna enodabam, duo quoque alia desiderio sciendi allectus vobis hodie proponam: quorum primum pertinebit ad Ideas, alterum verò ad Idearum pluralitatem. Quantum ad primum, solet queri. Vtrum in Deo sint concedendae Ideae. Hic pro parte destructiua consueuerunt quidam in hunc modum primò ratiocinari. Si Idea essent in Deo ponenda, hoc pro tanto esset, ut forent principium essendi, vel cognoscendi, at dici non potest, quod sint cognoscendi principium, quoniam per idem cognoscit se Deus, & alia, sed non cognoscit se per ideam: ergo nec alia: neque debet dici, quod

quòd sint principium essendi, quia cū Deus sit causa creaturarum, per intellectum, Idea nequaquā poterunt esse principium essendi creatura, nisi sint cognoscendi principium: quare, &c. Præterea arguitur per Aug. ita dicentem: melius, ac perfectius res cognosci per suas essentias, quàm per suas similitudines, sed Deus res perfectissimè cognoscit: igitur eas cognoscit per suas essentias proprias, & non per Ideas, quæ sunt quædam rerum similitudines. In contrarium alibi se habet D. Aug. dicens, quòd tanta est vis in Ideis, ut sine his intellectis sapiens esse nemo possit; constat autē Deum sapientissimum esse: quare, &c. Pro quesui igitur determinatione tria consideranda erunt, & primò, quid per Ideam intelligendum sit. Deinde num Idea sint in Deo ponendæ. Præterea, quo modo se habeant ad intellectum diuinum, nec non ad actum intelligendi. Quantum ad primum, sic Aug. ait, quòd si idea de verbo ad verbum transferatur, tunc apud nos forma, vel species dicetur. Si uerò ratio dicatur, hoc non erit secundum nominis proprietatē: volentes igitur Ideam sumere propriè, dicemus, quòd sit forma intellectualis, ad cuius similitudinem aliquid producibile est. Dionisius Cap. v. de diuinis nominibus, Ideas appellat exemplaria, exemplar autē id est, ad cuius similitudinem aliquid fit, vel est fabricabile, quare ex his de facili est colligere, quid sit Idea: nam est forma, siue ratio ad cuius similitudinem agens per artem aliquid pōt producere. Hinc secundum apparet, quòd Idea sunt in Deo, & propriissimè. Nam Deus, ut est artifex vniuersalis, res producit per artem, & intellectum, habet igitur penes se rerū rationes, quas cognoscit, & iuxta quas res pducit, has autē Ideas vocamus:

ergo, &c. Hoc idem confirmari pōt, quòd Idea sint propriissimè in Deo, ex consideratione esse ipsarum rerum, res enim quasi sex modis habent esse, uno modo in potentia materia, alio modo in suis causis agentibus naturalibus, unumquodq; enim præexistit aliquammodo in omnibus suis causis, ex quibus, vel à quibus educitur, vel passivè, vel activè. Tertio modo res habent esse in se ipsis, cū iam producta sunt. Quarto modo habent esse in intellectu nostro, anima enim nostra est quodā modo oīa per Arist. in libris de anima. Quinto habent esse in intellectu motorum orbium, quoniam opus natura est opus intelligentia. Sexto modo habens esse in intellectu entis primi, Deus enim per intellectum suum est causa oīum entium, quo modo Ideæ ponuntur in Deo. De modo verò, quo se habeant Ideæ ad intellectum diuinum, varis sunt opiniones, quas breuitati, utilitatiq; inserviens missas facio, & una cū Aug. dico, quòd Ideæ, non sunt causa, vel principium producendi creaturas, tantum Ideæ rerū rationes sunt, secundum quas oriri, & interire dicitur omne, quod oritur, & interit, & talis ratio potest esse, & est creatura, ut à Deo præcognita, q̄ a talem Deus producit creaturam, qualem præconcepit producere. Si verò velitis concedere, Ideam quandoq; esse principium, seu causam remotam rei producta in artifice, id minimè respuam. Se habet ergo Idea ad intellectum diuinum, ut obiectum representans res producibiles, non ut obiectum primum, sicuti est essentia diuina respectu intellectus diuini. His itaq; præmissis, primo respondere argumento in hunc modum audeo dicendo, quòd in Deo non ponuntur Ideæ, ut sint principium cognoscendi, quia Idea vel est ipsamet res cognita,

qua

quæ est exemplar sui ipsius ut fienda, & tunc non est principium cognoscendi, sed bene ipsum cognitum non principale, sed secundarium, vel est essentia diuina, ut imitabilis à creatura: non ergo Idea potest poni principium cognoscendi, nec producendi, nisi per modum exemplaris, ad quod artifex inspiciens operatur. Vnde licet Deus per essentiam suam cognoscat se, & alia, non tamen per Ideam, sed tantum alia. Ad secundum argumentum dicitur, non esse ad propositum: nam Deus non cognoscit per essentias rerum, cum illæ non sint ab æterno, licet cognita ab æterno, nec etiam eas cognoscit per proprias similitudines, sed ut est causa earum. Et hæc de primo dubio. Queritur secundo, Vtrum in Deo pluralitas Idearum sit concedenda. Mibi primo aspectu videtur, quod non, nam ut Idea relatiuè dicitur ad Idearum, ita scientia dicitur relatiuè ad scibile. At Dei scientia una est: ergo una Idea in Deo, quamuis sint plura ideata. Preterea, si in Deo Idearum pluralitas esset admittenda, vel hoc esset ex parte diuinæ essentiæ, vel ex parte creaturarum, at nullum horum admittendum: ergo, &c. Minor quo ad utrunq; declaratur: nam una est essentia diuina, & summe una: non ergo Idearum pluralitas ex parte diuinæ essentiæ ponenda, nec ex parte creaturarum, quia ut res inequales, ita Idearum ingualitas esset dicenda, sed hoc subterfugimus: igitur, &c. Id est neq; illud dicere debemus. In oppositum se habet D. Aug. ubi de Ideis (pluraliter enim loquitur de ipsis): ergo. Pro intellectu huius questionis duo notare debetis, & primò. Vtrum plures in Deo sint admittende Idæ. Insuper, utrum pertineant ad speculatiuam cognitionem, vel practicam. Circa primum est sciendum,

dum, quòd Idea res creabilis dici pòt, ut intellecta, qua imitabilis est à se ipsa, ut effecta, vel essentia diuina, ut imitabilis est aliquatiter à creatura. Si primo modo vocetur Idea, clarum, dilucidum, nec non manifestum, plures in Deo Ideas dari, quia res plures creabiles sunt à Deo ab eterno intellectu, & ita sunt in Deo obiectiue, secundum quem modum Ideas pertinent ad intellectum. Si verò Idea secundo modo sumatur pro diuina essentia imitabili à creatura in Deo propriè loquendo, una erit Idea ponenda, licet rerum respectus plures non negentur. Quantum verò ad secundū, paucis dicitur, quod Ideas per se, & simpliciter consideratæ pertinent ad rationem, vel cognitionem practicam, & ratio assignatur: nam ut est in habitibus, sic suo modo debet esse in actibus. At in habitibus scientia simpliciter videtur dici practica, vel speculatiua ex natura scibilis: ergo non secus erit circa actuale considerationem ipsius Dei dicenda simpliciter, vel speculatiua, vel practica, ex natura cogniti, secundum quid aut, idest ex intentione scientis, vel considerantis. At quia consideratio, qua Deus Ideas per se considerat de regulis operabilibus, est à Deo, quia Idea est exemplar, ad quod inspiciens artifex operatur, quæ consideratio per se erit, & practica, secundum quid verò speculatiua, inquantum Deus considerat Ideas aliquorum operabilium, quæ non intendit operari, seu producere, vel quia sunt iam producta, vel quia ex beneplacito suo, non vult ea producere: ex quibus de facili solutio primi argumenti pòt deduci, si dixerimus, quòd nos propriè non loquimur dicētes plures in Deo esse Ideas, sumentes tamen Ideam pro essentia diuina imitabili à creatura, sed solum, quæ sint plures rationes

rationes Ideales. Ad secundum argumentū dici pōt, inconueniens minimè esse inguales Ideas esse, pro ut Idea sunt res ipsæ intellectæ, nec ob id aliqua ingualitas sequitur in Deo subiectiue, & secundum rem, sed tantum obiectiue, & secundum rationem, quod non videtur absurdum. Et hæc satis.

QVIBVS MODIS DICATVR DEVS ESSE

IN REBVS.

Distinctio XXXVII.

Lectio CXVI.

Satis abundè hætenus docuimus, quo modo res in Deo esse dicantur: Nunc ex consequenti speculandum erit, quo modo Deus in rebus esse dicatur. *Distinctio hæc in tria usurpari potest segmenta, in quorum primo modi veri declarantur, quibus Deus habeat esse in rebus, in altero in ordine secundo excluduntur non veri, sed falsi modi, quibus Deus in rebus non dicitur esse. Tertio, & ultimo exarratur, qualiter Deus de nouo incipiat esse, nec non desinat esse in ipsis creaturis. Quantum ad primum, arbitror, vos scire cognoscere, Deum esse in oībus creaturis presentialiter, potentialiter, & essentialiter, in solis tamen iustis, tanquā in propria habitatione; Deus enim, vel est in rebus omnibus communiter, vel specialiter. Si primo modo, ecce presentialiter, potentialiter, & essentialiter in omnibus, ut diximus, rebus inuenitur, scilicet in omni natura, & essentia, sine sui dispositione. In cō loco sine sui circumscriptione. In omni tempore,*

sine sui mutabilitate. Alio modo specialiter dicitur in sanctis, quos per gratiam inhabitans templum suum ipso est efficiens. His duobus modis addite vos tertium specialissimè dictum, quo dicitur Deus esse in homine Christo, in quo plenitudo diuinitatis corporaliter habitat per gratiam unionis, ut in libro magis abundè intelligetis tertio. At dicetis, si Deus est in omnibus rebus, ergo eius diuina natura posse maculari aliquo modo videbitur, cum in rebus habeat esse immundis, at si rectè perpendatis, totum continget oppositum, ut enim spiritus humanus per unionem ipsius ad leprosum corpus minimè inquinatur, nec sol radijs suis sèda attingens defedatur, siue inquinatur, sic nec Deus præsens rebus oïbus maculatur. Et hæc de primo puncto. In secundo modi non veri amouentur, quibus Deus nō dicitur esse in rebus, V. g. diuina natura licet sit in loco, non tamen circumscribitur, vel à loco diffinitur, qđ patet per hoc, quia duplex in natura mutatio inuenitur, creatura enim corporalis loco diffinitur, & circumscribitur, spiritalis verò solū diffinitur. Præterea corporalis creatura p̄ tēpus, & locū mouetur; spiritalis verò p̄ tempus, aut secundū tempus mutari pōt secundū affectiones temporis subiacentes, licet Deo minimè conueniat mutatio, nec circumscriptio. Vnde de loco ad locum transire, ita qđ diffiniatur, & non circumscribatur, hoc spiritibus conuenit; at de loco ad locum circumscriptiue transire eis minimè conuenit, & hæc de puncto secundo. In tertio declaratur, qualiter Deus incipiat esse de nouo in creaturis, & desinat pariter esse in ipso sine sui mutatione, V. g. quando res esse desinunt, vel quando incipiunt esse. Et hæc satis.

AN DEVS SIT IN OMNIBVS REBVS.

Lectio CXVII.

DE more nostro examinaturi prædeclaratam distinctionem duo in præfenti proponemus, & primò. *Vtrum in oïbus rebus sit Deus.* Deinde, *utrum sit ubique.* Circa primum, pro parte negativa duobus quis posset instare modis: nam inter causas illa sola intrinseca sunt, quæ rem inesse constituunt, ut materia, & forma, de quibus Arist. libro primo, & secundo physica auscultationis. Finis verò, & agens sunt causæ extrinseca, ut idem docet Arist. in secundo physicorum, at Deus ad creaturas non se habet, ut materia, vel ut forma, sed solum ut finis, & agens: igitur Deus non est in rebus, sed potius extrares. Deinde agere in rem præsentem solum limitata, finitq; causæ, suæ virtutis esse dicitur, sicut agere aliquo supposito, at Deus non est virtutis limitatæ: igitur non solû agit in præsens, sed indistans, & ita non est in omnibus, sed à quibusdam distans. In oppositum legere est apud Ioan. xxxii. Cælum, & terram ego impleo: quare, &c. Pro determinatione huius negotij duo nobis considerata occurrunt, primum est. *Vtrum Deus sit in oïbus rebus.* Alterum est de modo essendi in eis. Quantum ad primum, quod Deus in omnibus sit rebus, probatur: nam causa singularis, & immediata actûq; operans simul est cum suo effectû, quam diù res est: ergo, &c. Præterea, diù dicimus, Deum esse in omnibus rebus, non intelligimus, quòd sit in eis per modum partis intrinseca, sed quòd sit præsens rebus. Quantum verò ad secundum, de modo essendi;

in rebus

in rebus animaduertendum est: datur enim triplex modus in genere, quo Deus in rebus dicitur esse: nam unus generalis est, & duo speciales; generalis modus ille est, quo Deus dicitur esse in rebus per essentiam, p presentiam, & p potentiam, de alijs verò duobus modis heri egimus, & ideo non est, quòd eadem sine causa repetamus. His ita dispositis, ad rationes adductas ut respondeamus equum est, dicamus ergo ad primam, qđ Deus non est in omnibus rebus, per modum partis intrinsecæ rem componentis, sed extrar: in eis tamen dicitur esse per immediatam presentiam, quam habet ad quamlibet rem à se ipso pendentem, quo ad esse, & conservari. Altera ratio sic diluitur, dùm dicitur, quòd facere rem presentem esse, quæ prius oīno non erat, vel conservare iam factā, non arguit imperfectionem, vel potentiæ limitationem, sed potius perfectionem, dùm absq; eius presentia cetera, nec esse, nec permanere possunt, negatur ergo similitudo de agere aliquo modo supposito: nam tale agere non se extendit ad oīa, ex quo aliquid supponit, quod imperfectionis est, & hæc de primo quesito, cui alterum necitur, dùm queritur. Vtrum Deus sit ubique. Mihi videtur, quòd non: se enim habent permanentia ad locum, ut successiva ad tempus, at in successivis unum indivisibile in diuersis non potest esse simul temporibus: ergo nec indivisibile permanens, ut Deus poterit esse in diuersis locis simul, si sic, ergo non est ubique. Ex alio latere, si Deus est in omnibus rebus, cum quilibet locus sit aliqua res, erit dicendum, quòd in omnibus sit locis. Pro determinatione igitur quesiti scire debetis, qđ locus duobus pōt considerari modis, uno modo pro re quadam creata, idest ut est quædam res
creata,

creata, & ita Deus ponitur in omnibus locis, ut iam dictum est, in omnibus scilicet esse rebus. Alio modo potest considerari locus, ut est locati contentiuus, sub quo sensu Deus dicitur esse secundum se nusquam, at secundum suos effectus ubiq; est: nam sola virtus diuina se extendit ad producendū oēs res existentes, vel possibiles esse in loco, & hoc est replere locum suis effectibus, & sic esse ubique Deo conuenit, non tamen ab eterno, sed ex tempore. Nunc ad argumentum adductum oportet considerare, triplex dari indiuisibile, unum successiuorum, ut nunc, vel mutatum esse, & tale minimè esse potest in pluribus partibus temporis, vel motus. Aliud est non de genere successiuorum, ut eternitas, vel æuum, & tale pōt coexistere toti successioni motus, aut temporis, sic est quoddam indiuisibile, quod est aliquid quantitatis, ut punctus, & tale non potest esse in pluribus magnitudinis partibus, siue in pluribus locis. Postremò datur aliud indiuisibile, quod est penitus extra naturam quanti corporalis, ut Deus, de quo loquentes dicimus, nihil prohibere, quin præsens sit oībus locis, & oībus rebus. Et hæc satis.

VTRVM ANGELICAE NATURAE COMPETAT IN LOCO ESSE.

Lectio CXVIII.

QUO modo Deus in loco esse dicatur, autumo satis clarè id dictum à nobis, propterea, quia obiter de natura spiritali quædam diximus, nunc duo de tali quæstia proponemus, & primò. Vtrum natura Angelica competat esse in loco.

loco. *Insuper, utrum localiter moueatur. Circa primum, partem negatiuam quidam tenentes, ita ratiocinantur. Si esse in loco Angelo conuenire posset, hoc maximè esset ratione sua essentia, vel virtutis, siue operationis, at nullum horum pōt dici: ergo neq; primum. Minor, ut vobis suspecta, quo ad singulas partes, probatur, & primò, quòd ratione sua essentia nequeat esse in loco. Auicena enim ait, quòd locus ratione substantia corporalibus minimè conuenit: ergo multo minus spiritualibus, qualis est Angelus. Nec ratione virtutis, quia Angeli virtus, vel est eadem cum sua essentia, vel non minus abstracta à conditione quantitatis, & loci: unde si ratione essentia non ponitur in loco, neq; ē virtutis, siue operationis. Insuper arguitur autoritate Boetij de Hebdom. ita dicentis, qđ communis conceptio est, incorporalia non esse in loco, sed Angeli sunt incorporei: igitur, &c. In contrarium se habet Damascenus lib. i. capite xvi. Angelica igitur natura in loco ponenda. Pro determinatione huius questionis hæc conclusio admitenda. Angelus in loco est per suam essentiam, ita qđ ratio essendi in loco sit eius essentia primo non operatio. Nunc ad rationes adductas, & primò ad primam respondeo sic, qđ Angelo competit esse in loco ratione sua essentia, non merito virtutis, nec operationis primo, nec circumscriptiue, sed finitiue tantū. Ad illud Boetij dicitur, qđ loquebatur de esse in loco occupatiue, siue circumscriptiue, sub quo sensu incorporalia certè in loco minimè sunt. Tam primo enodato questio, subsequitur alterum in ordine secundum, dūm queritur. Vtrum Angelus localiter moueatur. Mihi certè apparet, quòd non, nullum enim impartibile dicitur moueri, at*

Angelus

Angelus sic se habet : igitur , &c. In oppositum Magister sent. in textu se habet, quare, quid de hac re tenendum, indagandum erit, scitis enim, quòd moueri localiter , & successiue de loco ad locum transferri, proprie ascribi solet corpori naturam habenti, sed Angelus non sic se habet : igitur nec ei motus localis conuenire potest. Nunc ad argumentum formatum potest dici , quòd motus Angelo non conueniat, ut subiecto, sicut probabat ratio, negari tamen deinde non habet , quod ei , ut principio effectiuo per effectum manifestato motus non conueniat, secundum quem modum Magistri dicta in textu exponenda sunt. Et hæc satis.

NUNC ERGO AD PROPOSITVM, ETC.

Distinctio XXXVIII.

Lectio CXIX.

Postquam Magister sent. superius verba fecit de scientia Dei secundum se, nec non de rerum scitarum comparatione, nunc intendit ad propositum redire, & loqui de comparatione scientia ad res scitas, ubi tria nobis pollicetur. Dubium primò, determinationem dubij secundò, demùm nouam dubitationem cum solutione ex questionis determinatione emergentem. Quantum ad primũ. Querit Magister. Num Dei scientia, vel prescientia causa sit rerum scitarum, uel uice uersa. Vbi affirmatiue procedendo dicit, qd sic, alioquin nec aliqua futura essent, nisi Deus presciuiisset, & quæ presciuit, impossibile uidetur, ea non conuenire : igitur, &c. At hic uideo uos ingenio pollentes, totum opus

positum sentire dicentes. Si Dei scientia rerū scitarum esset causa, sequeretur, Deum malorum esse causam, eò quia mala ab eo sunt præscita, at hoc est falsum: ergo, & primum: ex quo sequitur conclusio. Nec dici debet, quòd res sint causa scientia Dei, quia si sic, tunc creatum, ac temporale foret æterni causa, quod stare, nec admitteri pòt: quare, &c. At dicetis, quid, si darentur auctoritates oppositum tenentes, erit dicendum? Respondeo, oēs tales intelligendas esse de causa, sine qua non, idest quod res scitæ sint causa Dei scientiæ, idest sine quibus præscientia non diceretur. Hinc ex dictis distinctione uelim notetis talem de scientia Dei, qđ scilicet Dei scientia, uel cognitio, ut superius tetigimus, duobus pòt accipi modis, vno modo pro simplici Dei notitia, & hæc nullius propriè loquendo dicitur esse causa, nisi forte, sine qua nō: nam Deus non cogit quemquam peccare per hoc, quod præscit eum peccaturum. Insuper secundo potest accipi Dei scientia pro notitia simul, & beneplacito, & ita accepta rerum causa esse dicitur. Ex his, quid ad instantiam adductam de malo sit dicendum, patet, Deus enim, licet malum cognoscat, hoc tamen non nouit, nisi scientia simplicis notitiæ, sed hæc non est rerum causa: igitur nec Deus mali causa. Et hæc de primo puncto. In altero secundo in ordine pro determinatione q̃stionis iam mota paucis utitur uerbis Magister sent. dicendo, qđ Dei ineffabilis præscientia est causa oīum bonorum, & malorum, non ut talia efficiat, & causet, sed benè dicitur causa sine qua non, idest sine quibus præscientia non diceretur. Et hæc de duobus punctis satis. Superest tertium, ubi iterum dubitatur, & ratio dubitationis ex prædeclaratīs nascitur. Ex quo ergo de Dei
scientia

scientia aliquantulum hic sumus loquuti, propterea quis dubitare posset. Num Dei scientia sit fallibilis, nec ne? mihi sane videtur, quòd sic. Nam futurum contingens vel est prescitu à Deo, vel non, si primum vel potest aliter se habere, quàm prescitu, vel non. Si non, ergo Dei scientia rebus suis necessaria est imponit, & per consequens contingentiam tollit. Si potest aliter euenire, quàm prescitu est, ponatur in esse, quod aliter eueniat, tunc statim sequetur, quod Dei scientia fallibilis sit, & incerta. Ad hanc dirimendam difficultatem Magister in textu distinctione perpulchra viitur de sensu composito, atq; diuisio. Inquit ergo, si talis propositio, impossibile est non euenire, quòd Deus presciuit euenturum, & possibile est non euenire, quod Deus presciuit euenturum, & cõsimiles intelligantur in sensu composito, falsa sunt, ideo quia impossibile sit prescientiam Dei esse, de re aliqua euenienti simul cum euentu contrario. Si verò huiusmodi propositiones diuisim, vel in sensu diuiso concipiantur, tunc verae sunt, & posibles, pro ut cõsiderantur absq; Dei respectu ad prescientiam. Et hæc satis.

AN DEI SCIENTIA SIT RERVM CAUSA.

Lectio CXX.

EX voto Theologorum (Nobiliss. Audit.) circa predeclaratam distinctionem duo principalia examinanda se se nobis offerunt, quorum primum est ad Dei scientiam pertinens, alterũ ad enunciabilia. Circa primum queritur, virum Dei scientia sit rerum causa. Insuper, virum Deus enunciabilia sciatur.

sciat Quantum ad primum, pro parte negativa sic arguitur, omnis causa aliquem actum habet, per quem potest producere effectum, si tamen sit causa perfecta, vel cooperatur ad effectus productionem, si sit imperfecta, sed Dei scientia nullum habet actum, quo producere possit, vel cooperari ad rerum productionem: ergo, &c. Quia minor non satis clara videtur, iccirco probatur: nam actus scientiae non est, nisi scire, sed scire diuinum, principaliter se extendit ad ea, quae factibilia non sunt, scilicet ad essentiam diuinam, & ad ea, quae sunt in essentia diuina, quam ad creaturas: igitur scire non est actus operans, nec cooperans ad rerum scitarum productionem. In oppositum se habet Aug. v. de trin. ubi ait, quod uniuersas creaturas corporales, & spirituales, non quia sunt, ideo Deus eas nouit, sed ideo sunt, quia nouit. Pro responsione itaque nullus est, qui dubitet, quod Deus non sit rerum causa, & quod eius scientia similiter non sit causa; certum enim est, quod eius scientia essentia- liter Deus est, licet questio hoc non intendat, sed virum Dei scientia sit ei ratio res scitas causandi, ubi dicendum venit, quod Dei scientia rerum creatarum sit causa per modum dirigentis, voluntas verò per modum inclinantis, & inducentis. Neutra tamen causa immediata est, potentia verò rerum est causa, sicut exequens, & immediate mouens. His in hunc modum positis, ad argumentum adductum dici potest, quod eo modo, quo aliquid est causa, habet actum, quo operatur, vel cooperatur ad effectum producendum, scientia autem non est causa alicuius immediata, sed solum remota, & per modum dirigentis, ideo actus eius, qui est scire, non operatur, nec cooperatur immediatè ad alicuius rei productionem mediatè, & directiue.

directiue. Et hęc de prima questione. Post quam queritur secundo,
Vtrum enunciabilia Deus sciat. Posita questione quidam ad
 partem negatiuam declinantes sic arguunt. Si Deus enunciabilia
 cognosceret intelligeretue, hoc componendo, vel diuidendo fieret,
 at Deus non sic intelligit: igitur nec enunciabilia. Deinde illa
 cognitio videtur Dec esse attribuēda, in qua error nō est possibilis,
 at circa enunciabilium cognitionem possibilis est error, non autem
 circa simplicem quidditatum cognitionem, sola itaq; simplicium
 quidditatum Deo ascribenda, & non alia. At oppositum legitur
 in Psalmo: Deus scit cogitationes hominum, quoniam vana sunt,
 &c. Pro responsione tria prelibanda erunt, primum in ordine
 est, quod Deus enunciabilium cognitionem habet. Alterum est,
 quod non habet componendo, ac diuidendo sicut nos. Demum, qđ
 Dei scientia minimē discursiua est. Quō ad primum patet, quod
 Deus perfectissimē res oēs nouit, & oīum rerum habitudines, sed
 in rerum habitudinibus ratio enunciabilium consistit: Deus igitur
 oīa enunciabilia nouit tam affirmatiua, quā negatiua. Insuper
 Deus scit quicquid in nostri intellectus potestate est, sed formare
 de enunciabilibus enunciationem in potestate nostri intellectus
 est: igitur Deus utrunq; cognoscit, scilicet enunciationem, &
 enunciabilia. Quantum ad secundum speculari venit, quid sit
 intelligere componendo, & diuidendo, & qua causa est sic intel-
 ligendi; intelligere ergo componendo, ac diuidendo non est solum
 composita speculari, aut diuisa, quia hęc Deus et intelligit, licet
 non per compositionem, aut diuisionem: oportet ergo accipere di-
 uisionem hanc, aut compositionem ex parte intellectus. Quantum

ad tertium apparet luce clarius, quòd Deus discurrendo minimè intelligit, quia intellectus discurrens, non oĩa intelligit simul, at ex noto in cognitionē ignoti venit, intellectus verò diuinus simul oĩa intuetur, non ergo discurrit. Insuper discursus, siue actus intelligendi discursus, actum intelligendi supponit componentem, ac diuidentem; at iste modus intelligendi componendo, ac diuidentem Deo minimè conuenit: ergo, &c. His ita premissis ad primum argumentum dicendum venit, quòd concludit, & probat Deum enunciabilia componendo, ac diuidentem minimè intelligere, ut intellectus noster, cui hoc propter sui imperfectionem competit. Ad secundum argumentum potest dici, quòd omnis cognitio tam simplicium, quam enunciabilium Deo attribuendo, cum hoc sit perfectionis, modi tamen imperfectionem includentes, penitus ab eo remouendi: nam in his error inueniri potest, merito compositionis, ac diuisionis, quod est imperfectionis virtutis intellectualis, quare talis à Deo modus amouendus. Et hæc satis.

VTRVM DEVS FUTURA CONTIN-

GENTIA SCIAT.

Lectio CXXI.

NObis aditus, ut sit magis facilis ad subsequentem distinctionem, in presenti quæremus. Vtrum Deus futura contingentia sciat. Mihi sanè videtur posse dici, quòd non, & ratio, qua me mouet est ista: nam omne scitum à Deo ex necessitate eueniret, sed nullum futurum contingens de necessitate euenit:

euenit : igitur nullum futurum cōtingens est scitum à Deo. Minor
 ut suspecta sic probari potest exemplo desumpto à Sorte, qui cras
 possit currere, & velit currere, tunc vel necessariò curret, aut erit
 possibile, eum non currere, si necessariò curret, habetur intentum, si
 non necessariò, sed possibile sit eū non currere, ponatur tunc in esse,
 quia secūdū Arist. Regulam, possibili posito in esse, nullum sequitur
 impossibile, sed Deus scit, quòd curret, & pōt non currere : Dei
 ergo scientia videtur falli, quòd est impossibile : quare, &c. Præ-
 terea oīs conditionalis, cuius antecedens necessarium est, & con-
 sequentia necessaria, ipsum quoq; necessarium est consequens, at
 hæc est quēdā conditionalis, si Deus præsciuit B. fore, B. erit cuius
 antecedens necessarium est, tum quia æternum, cum ēt, quia præ-
 teritum, & consequentia necessaria: verum quia consequentiis op-
 positum minimè stat cum antecedente : igitur consequens est neces-
 sarium, eodem modo de quolibet futuro contingente possumus ar-
 guere in hunc modū ex maiori de necessario, & minori de in esse,
 ubi videtur sequi conclusio de necessario, ut habetur primo Prio-
 rum, & ita omne scitum à Deo necessario erit verum, sed D. fore
 est scitum à Deo : igitur necessario verum est, quòd D. erit, &
 sic idem, qd prius. In oppositum videtur esse dicendum, quoniam,
 quæ ab agente libero, & habente sui actus dominium possunt non
 fieri. Si sic : ergo fiunt contingenter, sed talium Deus cognitionem
 habet, cum merita remuneret, & demerita puniat, & antequam
 ea fiant, ab æterno cognoscit Deus : igitur futura contingentia,
 &c. Pro solutione quæstionis duo nobis consideranda occurrunt:
 primum est, quid futurum vocamus contingens, quotq; sint modi

contingentis futuri. Alterum est de modo cognoscendi contingens. Quantum ad primum. Sciendum est, quòd antiquiores si in actu, secundum esse suæ existentia, solum habet esse in suis causis, & futura dicitur. Causarum verò gradus, siue modus triplex inuenitur: nam quædam in se necessaria sunt, & in ordine ad suum effectum, ut Cæli motus in comparatione ad Eclipses, nec non ad alios effectus ex orbium motu necessario euenientes, qui effectus præexistentes in suis causis futuri quidem sunt, sed non contingentes, immo necessarij. Præterea alia dantur causæ, quæ non sunt necessariae, saltem per comparationem ad effectus, ut eos necessario producant, immo possunt non producere, & effectus præexistentes in causis huiusmodi sunt futuri, & contingentes, & harum triplex dicitur esse differentia: nam quædam causæ contingentes sunt ad suos effectus, ut frequenter producendum, nec desiciunt, nisi raro, V. g. quòd homo generetur cum pluribus digitis, quàm cum quinque, vel cum paucioribus. Harum verò causarum effectus præexistentes in ipsis causis futuri, & contingentes sunt, licet quidam frequenter, & quidam raro eueniant. Insuper dantur alia causæ nullam de se ad hunc effectum producendum determinationem habentes, vel non producendum, se tamen indifferenter habent ad utrumque, ut liberum arbitrium, V. g. Sortes pòt currere, vel non currere. Unde tales effectus præexistentes in causis talibus futuri sunt, & ad utrumlibet. Et hæc de primo satis. Nunc fiat sermo de modo cognoscendi contingens ubi notandum venit, quòd contingens, & quælibet res alia dupliciter cognosci pòt, uno modo in sua causa, alio modo in sua existentia: nam alio modo cognosco de Socrate, quòd
debeat

debeat pugnare, quando ipsum armari video, & alio modo, dùm actu certare cum video. His ita premissis, dici pōt, qđ de futuris contingentibus certa non habeatur cognitio, nisi ex causis solum, & coniecturaliter tantum. Deinde dicitur, quòd Deus futura contingentia cognoscit, quantum ad eorum actualem existentiam, quam temporis processu sunt habitura, non quo ad actualem existentiam, ita ut ea actu existere cognoscat, sed ut nunc nunc dixi. Super sunt modo argumenta diluenda, & erit finis. Dùm ergo primo dicebatur, omne scitum de necessitate euenturum, &c. Hoc est falsum loquendo de necessitate absoluta, & simpliciter. Immo sicut scitum est euenire, sic eueniet, quare qđ scitum est necessariò euenire, necessariò eueniet, & quod scitum est euenire contingenter, eueniet contingenter, alioquin Dei scientia falleretur, qđ est absurdum. Ad illud Arist. dicentis, si ponatur in esse, nullum sequi impossibile, hoc tanquam verum habet concedi, si tamen ponatur in esse illo modo, quo est possibile, aliter Arist. dictum non esset verum. Ad secundum argumentum, quando dicebatur, qđ omnis condicionalis, cuius antecedens est necessarium, & consequentia necessaria, id habet concedi, si tamen antecedens necessarium sit simpliciter, ita ut ex ipso consequens inferatur. Et quādo dicitur, quod hęc est necessaria, Deus presciuit B. fore. Dicendum est, qđ sic, & qđ non. Si enim est necessaria adiuncto necessitatis modo, tunc vera erit, V. g. sic dicēdo: Deus presciuit necessariò B. fore, & hęc adhuc duplex est, quia si modus necessitatis determinet cōpositionem verbi ad subiectum, vera est, & composita sub hoc sensu; necessarium est, Deū prescire B. fore. Adhuc talis necessitas,

non est, nisi ex suppositione, & non simpliciter. Ad tertium argumentum responderi potest, uti argumentando iam fuit responsum. Et hoc satis.

VTRVM DEI SCIENTIA, ETC.

Distinctio XXXIX.

Lectio CXXII.

E Docebat superius Magister sent. nos modum cognoscendi, qualiter Dei scientia se haberet causaliter respectu rerum creatarum. Nunc consequenter eius cōsiliū est de ipsius scientia immutabilitate verba facere. Diuidatur igitur primo de more presens distinctio in tria puncta. In quorum primo inquiri-
tur. Nunc Dei scientia possit augeri. Insuper, Num Deus queat scire, quā modo nescit. Demum dubium cum solutione. Quantum ad primum supposito, quōd Deus unica, & inuariabili scientia intueatur presentia omnia, pręterita, atq; futura, querendum est. Num Dei scientia queat augeri, vel minui, & ex consequenti mutari. Pro parte affirmatiua videtur posse probari, quōd sic. Nam Deus hodie aliquid scire potest, quod nunquam ante sciuit, V. g. Iulium legere, vel mori, qui nunquam ante legit, vel moriebatur, signum ergo est euidens, quōd Dei scientia crementum suscipere valet, nec non decrementum. Deinde, nonne hodie aliquid scire potest Deus, quod nunquam postea sciet, V. g. Antonium ire in forum, quem nunquam post hoc sciet iturum? minui ergo Dei, atq; mutari eius scientia potest. Ex alio latere recte perpendenti i appa-
rebit

rebit Dei scientia oīno immutabilis. Nam nihil aliud est Dei scientia, quā eius diuina essentia, qua minimè variari pōt: igitur neq; eius scientia. Benè poterit dari inueniriq; aliquod subiectum scientia Dei, quod prius ei non fuerit subiectum, cum non fuerit. Præterea pōt ē dari aliquod subiectum scientia Dei, quod postea sibi minimè erit subiectum, eo quia deinde esse cessabit, & non erit: ob id non video, quo modo ex hoc debeat sequi crementum, vel decrementū, seu variatio ex parte scientia Dei, cum sic Deus possit scire, qua nescit, & nescire, que scit. Est hęc pro primo puncto. In subsequenti secundo cognoscendi gratia, num Deus possit scire, quod modo nescit, hac via procedemus dicentes, Deum scientia visionis (licet non ex tempore) posse plura scire, quā scit, atq; pauciora; possibile enim est dari aliquod subiectum diuina scientia, quod prius non fuit sibi subiectum, Deus ergo aliquid de nouo scire potest ex tempore. Vt respondeamus ad hoc vna cum Magistro in textu dicemus, Deum scire posse, quod nescit, & qđ non vult posse velle absq; sui mutatione. Vnde propositiones istæ, quæ de ipso Deo solent pronunciari, nisi sano intelligentur modo, erroris in animo erunt causa nostro; dū ergo dicitur. Deus pōt scire, quod nescit, & consimiles, habent intelligi duobus modis, vel coniunctim, vel diuisim. Si primo modo, falsa sunt. Nam ista Deus potest scire, qđ nescit, sic intellecta, Deum aliquid scire posse designat, quod nunc minimè scit, vel ante nesciuit. Diuisim verò intellecta vera sunt. Vnde ista Deus scire pōt, quod nescit, in isto sensu capta est vera, quia Deum libertatem, nec non potentiam aī sciendi, vel non sciendi, sicut ab æterno habuit perbellè desi-

gnat. Omnes ergo res sunt scibiles, & non scibiles loquendo de scientia approbationis, & hęc de segmento secundo satis. Postremo obijcitur loco autoritate Hier. super Abacuc, qđ Deus nou sciat omnia, & quod sua non sit oĩum prouidentia. Posita in hunc modum obiectione, nunc diluenda. Dũ ergo D. Hier. loco citato de Dei scientia, nec non eius prouidentia loquitur, non vult dicere, quod Deus aliquid nesciat, sed quod sua scientia non mutatur per temporum momenta, & quod non equaliter prouideat rationabilibus, & irrationabilibus: nam vt videre est, Deus sua prouidentia ad vitam eternam rationabilia ordinat, & bruta non, sed ad vsum rationabilium. Et hęc satis.

VTRVM DEVS POSSIT NESCIRE, QVOD

SCIT, ETC.

Lectio CXXII.

NE sico videar velle pertransire pede, qua dicta fuere à Magistro sent. in proxima præterita distinctione, duo in presentiarũ quęram, & primò. Vtrum Deus possit nescire, qua modo scit. Insuper, Num infinita cognoscere valeat. Quantum attinet ad primum, pro parte negatia sic argui potest. Quicunq; scire ualet, quod nescit, vel nescire, qđ scit, eius proculdubio scientia augmentabilis, & minuibilis est, sed Dei scientia non sic se habet: igitur non poterit scire, quod nescit, & nescire, quod scit. Deinde, Deus ab eterno oĩa ēt possibilis scit, at per hęc oĩa nihil potest scire præter illud, qđ scit, & illa nequit obliuisci:

obliuisci: igitur non potest nescire, quòd scit. In oppositum se habet illud, quòd dicitur de Deo nesciente Antichristum natum, & quandoq; sciet ipsum natum: ergo videtur, quòd quandoq; sciet, quòd modo nescit. Rursus, Deus scit Antichristum nasciturum, sed quandoq; nesciet ipsum nasciturũ (scilicet quando natus erit) Deus ergo quandoq; nesciet, qũ modo scit. Ad euidentiam huius questionis admodum difficilis duo preponenda sunt, primum quorum ad actuum diuinorum distinctionem spectat, alterum ad propositi declarationem. Circa primum est sciendum, quòd actus diuini in triplici consideratione sunt, quidam enim, nec in exteriori transseunt materiam, nec aliquem respectum ad extra dicunt, V. g. ut actus notionales, scilicet gignere, & spirare, & quo ad hos actus in Deo non est libertas, vel potentia ad opposita, tales enim actus ad intra in diuinis secundum se, & ex summa necessitate immutabilitatis ponuntur, & sunt. Alij dantur actus diuini à Deo effectiue, qui sunt, & ad extra cognoscuntur per creaturas, V. g. ut creare, non secus temporales ex tempore Deo conuenientes conceduntur. Demum actus in Deo admittuntur modo intrinseco se habentes, licet connotent extrinsecum, vel habitudinem ad res extra obiectiue, V. g. ut uelle, & scire: Deus etenim scit, & vult non solum se, verum et alia à se. His sic positis, secundo loco propositum declarari habet, deinde soluenda rationes. Dicamus itaque, quòd huiusmodi actus considerari possunt, vel secundum id, quòd sunt, vel penes respectum, quem ad obiectum habet. Si primo modo in Deo non est libertas, neq; potentia ad opposita respectu talium actuum: nam nullum intelligere, aut uelle est in Deo,

Deo, quod possit, vel potuerit nō esse in eo, ē de potentia absoluta. Si verò considerentur penes respectum ad obiectum, tunc distinctione opus erit: nam duplex datur obiectum, scilicet scientia, & voluntatis diuina, unū est primum, & principale, qđ est essentia diuina, & eius diuina bonitas respectu cuius obiecti in Deo libertas, vel potentia ad opposita minimē datur; nec id mirum, quia scit essentiam, & suam diligit bonitatem. Aliud extat secundarium obiectum scientia, & voluntatis diuina, ut res creata, respectu quarum duplex est cognitio in ipso Deo, una est, qua entium possibilitum quidditates apprehendit, altera, qua rerū habitudines in-
tuetur secūdam compositionē, & diuisionem, & est scientia enunciabilem. Hęc adhuc duplex est, una scilicet, qua res per solam compositionem, ac diuisionem possibilem apprehenduntur, altera, qua secundum compositionem, & diuisionem non solum possibilem, sed ut deductam, vel deducendam ad actum pro tempore aliquo, & hęc est, per quam res esse, vel fore cognoscitur, & pertinet ad visionis scientiam, de qua postea dicitur. Quantum ergo ad primā, & secundam cognitionem, Deus non potest nescire, qđ scit, vel scire, quod nescit. At quantum ad tertiam pōt; & ratio assignatur, quia Deus necessariō scit non solum essentiam, verum ēi oīa, quę per ipsam representantur. Nunc ad soluēdas rationes festinemus; deinde erit finis huius primę questionis. Dicitur ergo ad primam, quod augmentatio, & minutio scientia duobus habet considerari modis, uno modo in natura scientia, alio modo extrinsecē. Si primo modo loquamur, argumentum formatum currit, ac si secundo modo, nullum est: nam respectu plurium alicuius scientia augetur
dicitur,

dicatur, sed non merito diuina scientia. Ad secundum ratiocinium dici potest, quod Deus ab eterno scit omnia, quantum ad quidditates, & hoc necessario. Insuper dicitur scire ab eterno res omnes futuras in tempore, quas minime scit necessario, sed absolute loquendo potuit eas ab eterno nescire, & hoc de primo quesito, cui alterum necesse est, dum quæritur. Vtrum Deus infinita cognoscat. Pro parte negativa solent rationes quædam formari, quarum prima in hunc modum se habet. Vt scientia nostra mensuratur à rebus, ita Dei scientia rerum mensura est, sed contra infiniti rationem est esse mensuratum: igitur erit contra eiusdem infiniti rationem esse scitum à Deo. Deinde, quicquid scitur, scientia comprehenditur, sed infinitum comprehendere nequit, quia semper est aliquid extra: quare, &c. Pro intellectu huius difficultatis de infinito distringendum erit: nam infinitum solet quandoque dici per finis priuationem, finis verò duobus sumitur modis: uno modo finis est secundum quantitatem, intra quod tota rei quantitas, & extra nihil. Alio modo dicitur finis generalius, illud scilicet, quod totam rei essentiam includit, quo modo finis rei finitio dicitur. De primo infinito alias (si rectè recolitis) sumus loquuti, propterea plura nunc de hoc dicere esset inutile. Infinitum autem quantitatis adhuc duplex est secundum magnitudinem, & multitudinem, iuxta duplicem quantitatem continuam, & discretam, quorum utrumque duobus accipi potest modis, vel secundum actum simpliciter, vel secundum actum potentia permixtum; ad hos autem modos habent omnes modi infiniti reduci proprie accepti, infinitum enim diuisione, vel appositione reducitur ad infinitum secundum multitudinem, & infinitum in tempore,

tempore, & in motu reducuntur ad infinitum secundum magnitudinem, ad hos ergo modos sufficit questionē deducere. His itaq; positis, nunc ad argumenta respondendum, & primò ad primum sic, quòd Dei scientia est quidem rerum mensura, quo ad esse, & veritatem naturæ, sed non mensura quantitativa, quia sic mensurata essent infinita, si essent. Ad alterum argumentum pòt dici, qđ si infinitum actū esset, à Dei scientia certè comprehendi posset, nec ab id finiri posset, qđ a scientia infinita est: quare, &c. Et hęc satis.

VTRVM DIVINAE PROVIDENTIAE

OMNIA SVBSINT.

Lectio CXXIII.

Quoniam in calce prædeclaratæ distinctionis facta fuit mentio de providentia Dei, iccirco in animum induxi meū aliquantulum circa hanc morari, ut conoscere valeatis, num omnia divina providentiæ subsint. Deinde, Vtrum providentia, & fatum debeant dici idem. Quantum ad primum, declinantes quidam ad negativam partem ita fantur. Quorum non est prudentia, neq; erit providentia, quæ pars est prudentia; at necessariorum minimè prudentia est, quæ solum est de contingentibus, de quibus est consilium, & electio, ut patet sexto Ethicorum. Cum ergo in entibus multa sint necessaria, videtur, quòd oīum minimè sit providentia. Deinde, ad providentiam pertinet remotio eorum, quæ impediunt à finis consecutione, sed mala sic se habent: nā à fine impediunt: igitur ad Dei providentiam pertinet mala

mala à rebus amouere, at constat in rebus multa mala esse, nō igitur omnia diuina subduntur prouidentia. Opposium legitur Sapientia duodecimo, qđ equaliter est ei cura de omnibus, at nomine cura, vel sollicitudinis prouidentia intelligitur: quare, &c. Pro determinatione itaq; huius quesiti tria sunt preponenda, quid primò sit Dei prouidentia, secundò, utrum sit de omnibus, tertio, num equaliter de omnibus. Quantum ad primum. Prouidentia est diuina voluntas, secundum quam oīa, quæ sunt in finem conuenientem deductionem accipiunt, & sic primum patet. Alterum in ordine secundum est, quòd diuina subesse aliquid voluntati dupliciter euenit, uno modo sicut illud, cui prouidetur, quo pacto solum diuina prouidentia subsunt subsistentia, vel supposita, alio modo aliquid dicitur subesse diuina prouidentia, non sicut illud, cui prouidetur, sed sicut illud, de quo prouidetur, utrumq; tamen dicitur cadere sub prouidentia. Quantum ad tertium, facile est enunciare, qđ Deus equaliter non prouideat omnibus, hæc tamen inæqualitas desumenda est ex creaturarū parte, non ex parte Dei, qui una ratione simplici scit, quod unicuiq; rei expedit ad sui finis consecutionem. At dicetis, unde talis inæqualitas oritur? respondetur, quòd hinc: nam executio prouidentia respectu aliquorum dicitur à Deo immediate, scilicet respectu Angelorum, & eorū, quæ sic à Deo producuntur. Respectu verò aliorū est mediantibus causis secundis, propterea Dei prouidentia de omnibus equaliter non dicitur. His ita positis nunc ad primū argumentum de facili pōi responderi, quòd humana prudentia nō se extendit, nisi ad contingentia, nec ad illa oīa, sed solum ad illa, quæ per hominē fieri,
vel

vel impediri possunt. Verum, quia homo factor non est rerū, quas necessarias dicimus, licet libere, & non necessariò sint à Deo producta: ideo res necessariae diuinae subsunt prouidentiae, inquantū sciens eis, & liberè volens contulit ea, quae sunt expedientia ad sui finis consecutionem. Ad secundum argumentum dicitur, quòd ad prouisorem particularem pertinet finis particularis, quem intendit impedimenta remouere, at nō sic ad vniuersalem prouisorem amouere ea, quae finis vniuersalis consecutionē impediunt, quare Deus omni creaturae rationali auxilia contulit, per quae mala culpa, nec non salutis sua impedimenta posset euitare: ideo, &c. Ad illud verò Sapientiae duodecimo dicitur, quòd ei de oībus est equaliter cura, quare tantū in rebus prouisis non in Deo prouidente ponenda ingqualitas. Et hęc de primo dubio. Superest modo speculari, num prouidentia sit idem, qđ fatum. Primo aspectu videtur, quòd sic. Nam alicuius comparatio ad diuersa eius essentiam non plurificat, at prouidentia, & fatū nō videntur differre, nisi penes comparationem ad diuersa: quare, &c. Ex alio latere D. Aug. v. de ciuitate Dei in oppositum se habet, dū inquit, nihil fieri fato dicimus, nihil autē fieri diuina prouidentia, est erroneum, non ergo fatum, & prouidentia diuina sunt idem. Pro determinatione huius questionis sciendum est, fatum duobus accipi posse modis, vno modo pro vi syderum inconsiderata, vnde cum homines vsitata loquendi consuetudine fatū audiunt, non intelligunt, nisi vim quandam syderum. Capitur alio modo fatum pro ordine causarū, & earum connexionē, pro ut habent reduci in diuinam voluntatem, & scientiam oīa ordinantē, & conuertentem, & hic modus

magis

magis proprius est, quā primus. Nam fatum à fando dicitur, illud autem, quod diuina præscientia ordinatum est, causarum quadam connexionē effatur, sicut vocale verbum dici solet quoddam effatū interioris conceptus, sub quo sensu fatum si sumatur, procul dubio in multis à prouidentia differre patebit, & primò ex parte subiecti, in quo est, sunt enim illa diuersa, quæ in diuersis habent esse subiectis, sed prouidentia, & fatum sic se habent: igitur, &c. Minor clara est, quia prouidentia in Deo est, & fatum in causis secundis, quia dicitur causarum ordo reductus in Deum, ordo autē est in ordinatis: ergo, &c. Differunt secundò, quoniam fatum pendet ex prouidentia, & in hanc habet reduci, non vice versa. Tertiò, quia prouidentia æterna est, & fatum temporale: ideo, &c. Postremo, quia fato non oīa subduntur, at diuina prouidentia sic, ideo differunt. Ad argumentum verò in oppositum dicitur, quod prouidentia, & fatum non solum penes modos diuersos differunt, siue respectus, immo et penes multa alia, ut visum fuit. His additur, quod diuina cognitio respectu talium prouidentia est, at executio est fatum. Ad illud verò Aug. potest dici, nihil fato fieri, sumendo fatum pro syderum virtute necessitate imponente his, quæ fiunt à libero arbitrio aliter non. Et hæc satis.

QVID SIT PRAEDESTINATIO.

Distinctio XL.

Lectio CXXV.

Innata est nobis via, ut à cōmuniōribus, notioribusq; ad minus communia tendamus, hinc Magister sent. cum hætenus de

de scientia Dei in genere sit loquutus, ad speciem ut transeat in presenti de Dei predestinatione, qua est quedam eius species intendit sermonem habere. Distinctio hæc posita nexu in partes diuidi habet tres. in quarum prima inquiritur, quod quid est predestinationis. In altera ponitur comparatio quedam predestinationis, & predestinatorum. In tertia, & ultima tanguntur, & predestinationis, & reprobationis effectus. Quantum ad primū. Predestinationis definitiones assignantur ab Aug. quatuor. Prima est. Predestinatio est p̄scientia beneficiorum Dei. Altera est. Predestinatio est alicuius ad gloriam p̄ordinatio. Tertia est. Predestinatio est propositum miserendi. Quarta est. Predestinatio est preparatio gratiæ in presenti, & gloriæ in futuro. In prima definitione notatur diuina cognitio, ut perbellè docet Magister in textu. In secunda electio. In tertia voluntas. In quarta directio in finem. Predestinationis verò causa efficiens Deus est, quantum ad effectus notatos in nomine predestinationis. Materialis autē causa ille est, qui predestinatur. Formalis est modus, siue ordo predestinationis, primò enim gratia datur, & post hoc gloria. Causa finalis duplex est, ut scilicet simus sancti, & immaculati in conspectu Dei. Hic obiter notetis differentiam inter hæc, quæ ponit Aug. scilicet vocationem, iustificationem, predestinationem, & magnificationem. Nam vocatio retrahit à malo. Iustificatio respicit initiale bonum gratiæ. Predestinatio respicit gratiæ bonum finale. Magnificatio verò est bonum gloriæ futura. Vel dicatis, quod predestinatio p̄ gratiam, gloriam preparat. Vocatio gratiam offert. Iustificatio illam confert magnificatio per gratiam gloriam multiplicat.

triplicat. Sed dicetis, quia hic sermo est de prædestinatione, & præscientia, quo modo duo hæc differunt inter se? Respondeo sic differre; quoniam prædestinatio est tantum saluandorum, & præscientia dicitur respectu reprobandorum. Et hæc de primo puncto. In secundo comparatur prædestinatio ad prædestinatos: nã dicitur, quòd numerus prædestinatorum adeo certus est, ita ut nullus damnandus possit saluari, neq; quicumq; prædestinatus possit damnari, qđ auctoritate beati Aug. probatur, ut patet in textu Magistri. At video, vos hic iure merito dubitare posse his verbis, vel Deus liber est, vel non. Si primum verum est, quia verum: ergo Deus poterit dare gratiam illis, quibus minime dat, & subtrahere illis, quibus dat: igitur prædestinatorum numerus poterit augeri, vel minui, & ex consequenti non erit certus. Ad hanc difficultatem tollendam una cum Magistro dicemus, huiusmodi propositiones, V. g. prædestinatus potest damnari, & præscitus saluari, duobus accipi posse modis, vel coniunctim, vel diuisim. Si intelligantur primo modo, id est coniunctim, tunc sunt falsa, quoniam designant, illum posse saluari, quem Deus præiudicat damnandum. Ne ergo certitudo diuinæ providentiæ tollatur, propositiones prædictæ similes sano modo intelligendæ. Si diuisim intelligantur, vel si prædestinatus consideretur, non ut prædestinatus, sed ut hic homo absolute, tunc veræ erunt oēs tales propositiones, quia nihil aliud denotant, nisi quod talis homo possit damnari, & talis saluari. Vel pro maiori declaratione, dilucidationeq; huius difficultatis dicendum erit, quòd prædestinatus, in quantum prædestinatus nunquam possit damnari, & quòd præscitus, in quantum talis, nunquam possit saluari,

uari, qđ in sensu composito totum id verũ est, licet in sensu diuiso oppositum euenire contingat. Et hęc pro secundo segmento. In postremo vtriusq; scilicet p̄destinationis, & reprobationis tanguntur effectus, qui sunt, scilicet p̄destinationis saluatio, & reprobationis damnatio. In sequenti velim pro comperto habeatis, me vobis perpulchra dicturum de his. Hęc intantum.

DE PRAEDESTINATIONIS QVINQVE

ACTIBVS.

Lectio CXXVI.

VT valeam me à Momorum latratibus tueri, circa p̄destinationem actus quinq; necessarios perpendam hodierna die, qui de eiusdē p̄destinationis essentia nuncupantur, V. g. p̄scognoscere, diligere, eligere, proponere, vel velle dirigere, vel iuuare. Primo ad p̄destinationem requiritur p̄scognoscere, sicut enim nescire Dei est nō approbare, sed potius reprobare, iuxta illud, quod dicitur Mathēi xxv. Amen dico vobis nescio vos, scilicet notitia approbationis, ita Dei scire est causa p̄destinationis, vt dicit Apostolus ad Romanos viii. Quos p̄sciuir, non notitia simplici, vel speculatiua, quæ est non solum bonorum, sed et malorum hominum, sed notitia approbationis, scilicet ab æterno approbando, conformes fieri, nō diffformes imaginis filij sui, hos & p̄destinauit, vt scilicet eis gratiam in p̄senti daret, & gloriam in futuro. Vnde primo solet sic diffiniri p̄destinationis, dum dicitur, quod est p̄scientia beneficiorum Dei. Requiritur

quiritur secundo ad prædestinationem diligere: nam sicut odisse Dei est reprobare, ut dicitur *Malachie primo*: *Esau odio habui*, id est reprobavi gratiam meam non apponendo, ita diligere Dei est approbare, & eligere: nam dicitur *ibidem*: *Iacob dilexi*, id est mea charitate elegi, & vocavi. In Deo enim dilectio præcedit electionem, ex eo enim, quod diligit, eligit. Ideo tertio ad prædestinationem requiritur eligere: nam electio est segregatio, non ab irrationalibus, sed ab his, qui nati sunt participare eundem finem. Vnde *Apostolus ad Ephesios primo*: *Elegit nos in ipso ante mundi constitutionem*; & ideo *Ioann. xxv.* dicitur, *Ego elegi vos*. Vbi *Aug.* sic dicit, electi sunt itaque, id est præordinati, & à reprobis separati ante mundi constitutionem ea prædestinatione, qua Deus futura facta præsciuit. Electi autem de mundo ea vocatione, qua Deus id, quod prædestinavit, implevit. Subdit deinde *Aug.* & videte quemadmodum non eligat bonos, sed quos elegit facit bonos, sicut enim dilectio Dei non causatur à bonitate, sed est causans eam, ita electio Dei non præsupponit bonos, sed facit bonos, & ideo solet secundo sic diffiniri. Prædestinatio est præordinatio alicuius ad gloriam. Quarto ad prædestinationem requiritur proponere, vel velle, ita dicit *Apostolus ad Rom. nono.* *Cuius vult miseretur, & quem vult, indurat.* *Ambr.* ita fatur, cuius vult gratuite miseretur dando gratiam in presenti, & gloriam in futuro, & quem vult indurat, scilicet iusto iudicio gratiam non dando, & si habet aliquam subtrahendo. *Aug.* verò ait: cuius vult miseretur, id est nullus sit saluus, nisi quem Deus velit, & ideo rogandus est, ut velit, quia necesse est fieri, si voluerit. Vnde sic solet diffiniri. Præ-

Destinatio est propositum miserendi. Quinto ad prædestinationem requiritur dirigere, ubi notandum, quod sicut artifex, vel Magister in suo opere attendit quinque, ita Deus in prædestinatione. Primo enim artifex percipit, vel excogitat opus, quod producere intendit, secundo opus diligit, quod facere intendit. Tercio eligit, & deliberat facere. Quarto omnia remouet, quae opus faciendum impedire valent. Quinto omnia, quae ad perfectionem operis iuuant, & conferunt eligit. Ita facit Deus. Nam primo præconspicit, & præcognoscit, secundo diligit, tertio eligit, quarto proponit, quinto ad vitam æternam dirigit excludendo omnia impedimenta, & conferendo omnia promouentia necessaria. Vnde Aug. lib. viii. de sanctorum prædestinatione diffiniens prædestinationem sic ait: Prædestinatio est præparatio gratiae in presenti, & gloria in futuro. In qua finitione tria tanguntur, primo id, quod est ante tempus, dum dicitur: Præparatio, scilicet aeterna. Secundo tangitur, quod tempus concomitatur ibi, & gloria in futuro, ita ut prædestinatio tria includat, V. g. principium à quo, cum dicitur præparatio: secundo medium in quo, cum subditur gratiae in presenti: tertio terminum includit ad quem, cum subiungitur, & gloria in futuro. Ad cuius euidentiam est sciendum, quod aliud est prædestinatio, & aliud destinatio: nam destinatio directionem importat in aliquam rem, quam homo ex proprijs minimè valet consequi naturalibus, sicut in gratiam, & gloriam. Sed hæc propositio præ, importat antecessione, ita quod prædestinatio importet antecessione, id est præcognitionem illius directionis, quam destinatio importat. Nam idem est prædestinatio, quod cogitatio de creatura intellectuali mittenda in

vitam

vitæ eternam. Cuius ratio talis, cum enim aliquid est ordinatum ad finem aliquem, quem sua nequeat virtute attingere, tunc necessario indiget alio ipsum ad finem dirigente, & perducente, ut patet de sagitta: modo ita est, quod creatura intellectualis est ordinata ad finem supernaturalem, scilicet ad Dei visionem, quam propria virtute non potest attingere, sicut nec sagitta ad signum sua virtute sine sagittante, & ideo sicut missio sagittæ à sagittante in signum dicitur destinatio, ita præcogitatio de creatura intellectuali in vitam eternam mittenda dicitur prædestinatio. Unde convenienter solet finire sic. Prædestinatio est, propositum conferendi gratiam, & gloriam creaturæ intellectuali. Et hæc satis pro presenti.

HIC PRAEDESTINATIONIS CAUSA

INQUIRITUR.

Lectio CXXVII.

Circa prædestinationem ratio superans notitiam in presenti consideranda venit: Nam ratio, siue causa principalis, quare Deus aliquos saluat, & aliquos reprobat, vel damnat, non videntur esse propria merita, nec merita aliena, sed voluntas, & bonitas diuina. Quod autem non sint propria merita, ratio principalis prædestinandi, ac reprobandi patet primò ratione sic; quia gratia non est ex meritis: ergo minus gloria, vel sic. Infusio gratiæ in presenti, non pender à meritis: ergo nec adeptio gloriæ in futuro, quæ est effectus prædestinationis pendebit ex meritis. Quod autem infusio gratiæ non sit ex meritis, probat Apostolus ad

Rom. xi. dicens. Quòd si gratia saluati sunt, iam non ex operibus, alioquin gratia nõ esset gratia, si ex operibus. Insuper opera nostra, siue merita temporalia sunt, at prædestinatio ab æterno, non ergo causa æterni, ut temporalia, nec ex consequenti prædestinationis. At diceris, licet merita propria prædestinationis causa dici nequeant, nec aliena, nonne saltem aliquo modo valent, & iuuant ad beatitudinem obtinendam? respondetur, quòd sic, sed non principaliter. Ad cuius euidentiam est sciendum, quòd aliquis vitam æternam dicitur consequi quinque modis. Scilicet merendo, orando, suadendo, disponendo, & coadiuuando. Primo merendo, sicut aliquis habens gratiam meretur ex suo opere vitam æternam de condigno. Secundò orando, V. g. dùm sanctorum precibus quis in presenti adiuuatur ad gratiam consequendam, deinde in suuero gloriam. Tertiò consequitur, vel obtinet quis vitam æternam suadendo, V. g. dùm quis alteri suadet, & ad bonum cooperatur, ita dicit Apost. ad Corinth. iii. Dei enim coadiutores sumus non propter diuina virtutis indigentiam, vel defectum, quia Deus cum sit infinita virtutis, pòt sine adiutorio alieno gratiam, & gloriam exhibere: sumus ergo duplici de causa dicti coadiutores, primò propter ordinis conseruationem, ut scilicet saluetur ordo, & conseruetur, quem diuina sapientia instituit. Insuper propter dignitatis, vel bonitatis cõmunicationem, ut scilicet diuina bonitas creaturis cõmunicaretur, & diffunderetur. Quarto quis vitam disponendo æternam obtinet, dùm se præparat, atq; disponit ad gratiam, tunc Deus de congruo illi gloriam concedet, licet sua virtute quis gratiam causare nequeat, quia hoc est solius Dei. Quintò quis vitam
æternam

eternam obsequendo obtinet, & hoc naturali iuamento obsequendo, sicut oēs causa naturales iuuant suo officio, & electum ad posse suum sustentant. Cur autem Deus aliquos prædestinet, & aliquos damnet, in generali potest assignari perfectio bonitatis diuinæ, & iustitia. Si ergo prædestinat, hoc ex Dei mera bonitate, nec non misericordia eius provenit, iuxta illud, Neque volentis, neque currentis, sed misereentis est Dei: ergo causa prædestinationis Dei bonitas, & eius misericordia. Cur verò hunc trahat Deus; & non illum, noli diiudicare, si non ius errare. Si non traheris ora, ut traharis inquit Aug. super Ioan. Et hæc de primo puncto. In altero secundo in ordine circa prædestinationem presumptio adiuvans, & eleuans fiduciam considerata venit, quilibet enim plus tenetur presumere, & sperare de sua saluatione, quàm reprobatione, quod duplici potest via comprobari. Nam ut quis tenetur fidem, & charitatem habere, ita tenetur spem habere, sed spes est certa expectatio futura beatitudinis: ergo quilibet tenetur sperare, se habiturum beatitudinem. Præterea, qui remedia vite æterna habet de vita debet æterna confidere, sed quilibet salutis æterna remedia efficacia, id est mandata, & sacramenta habet: ergo magis sperandum est de salute futura, quàm de reprobatione. Sed dicetis, quid si quis pro certo haberet se esse prædestinatum? num adhuc laborare pro salute, ac operari debet? dico, quòd sic.

Nec mirum, quia promissum est à Deo, quòd per huiusmodi media habeat saluari.

Et hæc de materia prædestinationis satis.

IN tractatu de prædestinatione dicebamus, præscientiam reprobandos respicere, propterea consilio hic, agendum erit de reprobatione. Duo ergo vobis pollicor in presenti meo sermone, essentiam primò reprobationis, insuper, quo modo prædestinatio, & reprobatio præscientiam differenter includant. Pro intellectu primi tria præmittenda, & primum est hoc, quòd reprobatio, & approbatio sunt opposita, ut ipsa nomina sonant: approbare enim, vel reprobare, aut dicunt actum intellectus solum, vel voluntatis, vel dicunt actum utriusq; simul. Primò videntur dicere actum intellectus solum, dicimus enim approbare aliquod dictum, quādo iudicamus, illud esse verum, & reprobare, quādo respiciamus, quando iudicamus, illud esse falsum. At iudicare pertinet ad intellectum: ergo. Secundò hæc videntur duo dicere actum voluntatis solum, & sic approbatio idem est, quòd acceptatio, & reprobatio idem, quòd refutatio, V. g. acceptantes dicimur approbare id, quod acceptamus, & reprobare, quod refutamus. At acceptare, & reprobare actus ipsius voluntatis sunt, & electionis partes: ergo, &c. Postremò hæc duo videntur dicere actum utriusq; potentia, scilicet intellectus, & voluntatis, V. g. approbatio est præiudicium aptitudinis alicuius ad vitam æternā, & acceptatio illius ad eam, reprobatio verò est præiudicium, uel præcognitio ineptitudinis alicuius ad uitam æternam. His præmissis, patet definitio reprobationis esse conueniens, quā attulit D. Aug. in libro de malo persecuerantia sic dicens.

Reprobatio

Reprobatio Dei est prescientia, vel cognitio malitia in quibusdam non finienda, & preparatio pena non terminanda. Reprobatio ergo est prescientia iniquitatis quorundam, & preparatio damnationis eorundem, in quibus uerbis tria tanguntur, primum est prescriptio, siue prescriptio culpa, uel malitia, & hoc ab eterno. Secundum est obduratio, idest subtractio gratiae, & hoc in presenti, quae est reprobationis effectus. Tertium est preparatio pena aeterna, quae erit in futuro: quorum primum est causa secundi, & secundum est causa tertij. Et haec pro primo segmento. Nunc in secundo videndum est, quomodo praedestinatio, & reprobatio prescientiam differenter includant: nam ut providentia diuina respectu boni, quod est per consecutionem gratiae, & gloriae cum prescientia euentus, dicitur praedestinatio, ita providentia diuina respectu mali oppositi cum prescientia defectus, dicitur reprobatio. Verum quia bonum diuinae prescientiae subiacet, ut intentum causatum, & ordinatum, ideo dicitur, quod praedestinatio est causa gratiae, & gloriae, ad quam ordinatur. At quia malum non subiacet diuinae providentiae, & intentum, vel ut causatum, sed ut prescriptum, uel ordinatum, ideo reprobatio est tantum prescientia culpa, & non causa culpa, sed pena, per quam culpa ad diuinam ordinatur iustitiam: inde reprobatio est, & prescientia, sed non causa, unde bonorum Deus habet prescientiam, & causam malorum autem culpa, ut fiant: Deus habet notitiam simplicis intelligentiae, & non causam, sed malorum culpa, ut ordinentur ad penam. Deus habet prescientiam approbationis, & hoc nomen reprobationis importat. Unde reprobatio ex parte Dei reprobantis super prescientiam addit uolunta-

tem ordinis pēna ad culpā: Deus ergo ab eterno alterū praescit, & non preparat, scilicet iniquitatem, alterum verò praescit, & preparat, scilicet eternam pēnam. Et hęc de pollicitis satis.

DE REPROBATIONIS DECENTIA, ETC.

Lectio CXXIX.

Loquturi in presentia de reprobationis decentia, Deum aliquos reprobare, & hoc decere triplici via manifestabimus, & primò ratione sic. Sicut decet iustos premiari propter meritum suum, sic decet malos à bonis excludi, atq; puniri propter suum demeritum pręsum. Pręterea idem confirmari potest ex uniuersali prouisione sic. Ad bonum prouisorem attinet in communitate permittere mala aliqua circa aliquas personas, ex quibus plura bona eliciuntur in illa ciuitate, sed Deus est totius uniuersi prouisor, & gubernator: ergo ad ipsum pertinet permittere aliqua mala quorundam reproborum, ex quibus plura bona eliciat, scilicet iustitiā punientis, & patientiā bonorum tolerantium mala ab eis illata, sed hoc est reprobare: ergo, &c. Tertio inductione exempli hoc idem confirmari potest, quia sicut Pater familias sapienter vult mortem pulli galinacei ad sustinendam familiarian, ita Deus sapientissimè, nec nō iustissimè permittit aliqua mala in uniuerso, ex quibus multa eliciat bona, decet ergo Deum aliquos reprobare. Et hęc de primo capite, cui alterum necētur ad confirmandum id, qđ prius est dictū, scilicet Deū reprobare aliquos: habet enim primò, ut nitatur autoritate Malachia i. Iacob dilexi,

dilexi, Esau autem odio habui. Sicut ergo dilectio Dei est causa predestinationis, ita odium Dei est causa reprobationis aliquorum. Insuper ad providentiam diuinam ut pertinet permittere aliquem defectum in rebus, quæ providentia subduntur, ita aliquos ab isto fine vitæ æternæ deficere, sed hoc est reprobare: ergo, &c. Et hæc de secundo. Accedit tertium ubi uidendum, quo modo Dei reprobatio sit causa trium, & quorum. Est ergo primò reprobatio Dei causa obdurationis excæcationis secundò, & aggrauationis tertio. Vbi notandum, quòd obduratio, & excæcatio duobus modis dicuntur: nam primò sunt actus uoluntatis obstinata in malo, & auersa à lumine diuino, quo modo Deus non dicitur esse causa obdurationis, & excæcationis, sicut non est causa peccati, sed homo per liberum arbitrium. Secundò obduratio, vel excæcatio dicitur ipsa gratia priuatio, & quātum ad hoc duplex causa assignari pōt, prima est homo, qui per peccatum obstaculum ponit. Altera est Deus, qui obstaculum peccati inuenit, & sic vel gratiam non influit, vel gratiam infusam subtrahit, quo modo Deus dicitur esse causa excæcationis mentis, & aurium aggrauationis, & obdurationis mentis, quæ quidem penes duos distingui habet effectus gratiæ: nam gratia perficit intellectū dono sapientiæ, & emollit affectum charitatis igne. Verum quia ad cognitionem intellectus maxime deseruiunt duo sensus, scilicet visus, & auditus, quorū unus deseruit intentioni, scilicet visus, alius verò deseruit instructioni, vel disciplina, ut puta auditus, ideo, quantum ad visum effectus reprobationis, ponitur excæcatio. Isa. vi. Excæca cor populi huius. Quantum ad auditum aurium ponitur aggrauatio, ibi, & aures eius

cuius ag graua, & quantum ad effectum ponitur obduratio, ibi, ut corde nō intelligat, neq; conuertatur, & sanem eum, & hæc satis. In sequenti loquimur de effectibus diuinæ reprobationis.

QVOT SINT EFFECTVS DIVINAE

REPROBATIONIS.

Lectio CXXX.

AD maiorem euidentiā auctoritatis prædictæ Isa. vi. Exceca cor populi huius, &c. Quatuor in præse: i reprobationis effectus tanguntur. Obusio, vel intellectus excecatio, ag grauatio auditus, obduratio affectus, & auersio cogitatus. Quæ imprecationes istorum quatuor modorum, vel aliorum, quæ in sacra scriptura inueniuntur, quo ad præsens, duobus intelligi possunt modis, uno modo per modum prænunciationis, non per modum optationis, sicut illud Psal. Conuertantur i. conuertentur peccatores in infernum. Alio modo per modum optationis, ita tamen, quod desiderium optantis ad hominum penas nō referatur, sed ad punientis iustitiam, secundum illud Psal. Letabitur iustus, cum viderit vindictā. At dicetis, quo modo Deus excecationis est causa, cum ab alijs dicatur diabolus, & proprium peccatum? Respondetur, quod hæc tria sunt excecationis causa, sed differenter, primò Deus dicitur causa excecationis illorum, quos reprobat non quidē imittendo culpam, sed nō impertiendo, inflando, vel conferendo gratiam. Secundò subtrahendo gratiam infusam, & hoc propter obstaculum, quod in habente inuenit. Tertiò permittendo ruere in culpam.

culpam. Secundo diabolus est causa excogitationis suggerendo, vel seducendo, scilicet in quantum suggerit seducit, & inducit in culpam, & sic excogitat. Tertio propria malitia, siue peccatū est causa excogitationis obstaculum gratia illuminantis existendo, & ex hoc penam hanc, scilicet cecitatis merendo, sicut culpa est causa meritoria pena: patet ergo expressis, qđ excogitatio intellectus, qđ est primus reprobationis effectus, est à Deo, à diabolo, & à peccato, sed differēter. Primo à Deo, ut à nō influēte gratiam, ut à subtrahēte gratiam, ut à permittēte culpā, ut à iusto iudice faciente iustitiam, scilicet à puniente culpā. Secūdo est à diabolo, ut à suggerēte, ut à seducēte, & ab inducēte: inducit enim ad culpā, sed nō cogit. Tertio excogitatio est à peccato, ut à causa ponente obstaculum scilicet gratia, ut à prohibente influxum gratia, ut à merente hoc supplicium, scilicet cecitatem animae, ut culpa est causa meritoria pena. Secūdus effectus reprobationis dicitur aggrauatio auditus. Isa. vi. Et aggraua eius aures, & oculos eius claude. Vbi glosa sic ait. Aures interioris cordis aggraua, idest in peccato permittes, & oculos eius interiores claude, idest claudi permittes ostio peccatorum. Hic notetis, qđ excogitatio pōt, uel ad p̄destinatos referri, uel ad reprobos, si quantum ad p̄destinatos, dici pōt, quòd ad eorum salutem ex Dei misericordia ordinetur; quantum uerò ad alios dicitur, quòd ordinetur ad eorum condemnationem ex Dei iustitia, & ita ex his patere pōt, quo modo excogitatio semper ordinetur ad bonum salutis, uel diuina iustitia. Tertius effectus reprobationis est induratio affectus. Exodi iiii. Ego enim indurabo cor Pharaonis. Si iam cor Pharaonis per se erat induratum, quo ergo modo

modo dicitur, Ego indurabo cor Pharaonis? nunq̃ d̃ Deus est maiorū causa? certum est, quòd cor Pharaonis erat propria malitia, atq; peccato induratū, & inflexibile cor illius, nihilominus adhuc legitur, Indurabo cor Pharaonis, scilicet Deo permittēte iusto iudicio. Secundò Deo gratiam, quæ cor emollit, subrahente, tertio Deo signa, & prodigia ostendente, quarto Deo non misicante: his ergo quatuor modis à Deo cor induratum est Pharaonis. Quisquis ergo obduratus est, se debite obduratū arbitretur, & quisquis adiuutus est, se adiutū gratis cognoscat: nam miseretur magna bonitate, & obdurat nulla iniquitate. Quartus effectus reprobationis est auersio cogitationis à Deo, ita concluditur Isā. vi. Excæca cor populi huius, ne forte oculis videat, & auribus suis audiat, & corde intelligat, & ecnuertatur, & sanem eum. In quo verbo tangitur triplex effectus reprobationis, primus est non credere. Secundus est non obedire. Tertius est non penitere. Quantum ad primum, dicitur excæca eum, ut oculis suis interioribus nō videat veritatē. Quantum ad secundum subditur, & auribus suis interioribus non audiat, id est non obediat, sed contradicat. Quantum ad tertium infertur, & conuertatur quasi dicat excæca, & non conuertatur ad me, neq; conuersum sanem eum à peccatis suis, scilicet à morte culpa, à vulnere concupiscentiæ à cecitate ignorantia: rogemus ergo nos Deum benedictū, ne excæcet, & induret cor nostrū deserēdo, & nō adiuuando, ex quo sumus certi, qđ nos nō dereliquit Deus, nisi nos voluerimus, secundū illud Osæ iiii. Oblitus es legis Dei, & ego obliuiscar tui. Causa ergo derelictionis, & perditionis nostra nos sumus, ut ex dictis satis abunde patet.

AN

LECTIONES LIB.PRIMI. 351
AN PRAEDESTINATIO HABEAT
CERTITVDINEM.

Lectio CXXXL

NE quid ad nostrā spectans utilitatem silentio pretermittamus, in presentia quesita duo rimaturi sumus. Quorum primum ad praedestinationem attinet, alterū verò ad reprobationem. Solet ergo primo queri. Vtrum praedestinatio certitudinem habeat. Pro parte negativa aduersarij solent in hunc modum ratiooinari dicentes. Vel Deus, quod ab eterno potuit, nunc potest, vel non. Si sic, tunc dicendum, quòd sicuti ab eterno potuit non praedestinare, ita & nunc, quare non oīno certa videbitur esse praedestinatio. Deinde aliqui de libro vitae deleri dicuntur, at in tali libro vitae non scribuntur, nisi illi, qui ad gloriam sunt praedestinati, praedestinatio ergo oīno non est certa. In oppositum se habet Anselmus de concordantia praedestinationis, & gratiae, quapropter pro difficultatis terminatione sciendum est primo, oīa in suos dirigi fines per diuinam prouidentiam, per quā cuiuslibet rei illud confertur, qđ expedit ad sui finis consecutionem, qui duplex est, ad quem res creata diriguntur, unus est natura proportionatus, ad quem per virtutem natura propria res creata pōt pertingere, alius finis est, qui natura procreata facultatē excedit, & hic finis est vita aeterna beata, ad quam oportet, quod natura creata transmittatur ab alio sibi dante, unde possit ad talem finem deuenire, talis autē transmissio vocatur praedestinatio, & quia rationes rerum praexistunt in Deo, antequam fiant, ideo ratio talis destinationis

destinationis creatura in finem supernaturalem dicitur predestinatio, sicut ratio ordinis rerum absolute loquendo dicitur providentia. Solius ergo Dei est predestinare, & solius creatura intellectualis predestinari, nec id mirum, quia talis creatura huius capax finis est. Insuper notandum est providentiam, & predestinationem dupliciter differre, uno modo secundum magis, & minus commune: nam providentia est omnium rerum respectu cuiuscunque finis, predestinatio vero solum est creatura rationalis, atque respectu finis supernaturalis. Preterea providentia non includit consecutionem finis, at predestinatio requirit consecutionem finis, differunt ergo secundo. Tertio notandum, quod predestinatio infallibilem habet certitudinem, & in generali, & in speciali; in generali, quia predestinatus infallibiliter saluabitur, in speciali vero qui, & quot saluabuntur. Nunc ad argumenta diluenda accedamus, & primo ad primum dicentes, quod Deus nunquam potuit non predestinare, quem predestinavit, aut predestinare quem non predestinavit in sensu composito, in sensu autem diviso, & loquendo de potentia absoluta, Deus nunc potest vere predestinare, quem non predestinavit, & non predestinare, quem predestinavit, hoc enim posse sonat solum Dei libertatem respectu talis obiecti: nec ex hoc tollitur predestinationis certitudo, quae ponitur in sensu composito. Ad secundum argumentum dici potest, quod liber vitae dupliciter sumi potest, quo ad praesens, uno modo, ut Dei vocatur cognitio de illis, qui ad vitam aeternam habendam simpliciter, & absolute eliguntur, atque ad gloriam assumuntur, & sic soli predestinati in libro vitae scribuntur, & qui sunt ita scripti, nunquam ex eo delentur, sed

infallibiliter

infallibiliter saluabuntur. Alio modo solet dici liber vitæ cognitio diuina de illis, quæ ordinantur ad habendam vitam æternam, non simpliciter, sed secundum iustitiam præsentem, & sic scripti sunt oēs in libro vitæ, qui quandoq; sunt in gratia, & qui sic se habent, delentur quandoque. Auctoritates verò de prædestinationis necessitate debent intelligi de necessitate suppositionis, quæ cōtingentiam minimè tollit. Et hæc de primo quesito. Post cuius declarationem quæritur, deinde, vtrum ad Deum pertineat reprobare aliquem. Pro parte negativa solet sic primò instātia adduci; nulli debet imputari, quòd vitare minimè pōt, at si quis à Deo sit reprobatus, quin pereat, vitare non pōt, at inconueniens hoc dicitur: ergo Deo non conuenit aliquem reprobare. Insuper quemadmodum se habet prædestinans ad prædestinatos, sic reprobans ad reprobatos, verū Deus prædestinans est causa salutis prædestinatorū: ergo si Deus sit aliquos reprobans, erit causa damnationis eorum: at hoc falsum est dicente domino Osee xiii. Perditio tua ex te Israel est, tantummodo ex me auxilium tuum; Deus ergo minimè reprobatur aliquem. In oppositum se habet illud Malachie i. Iacob dilexi, Esau autem odio habui. Pro determinatione igitur huius quæstionis supponēdum crit, quid sit reprobatio: est enim refutatio alicuius à cōsecutione vltimi finis, idest vitæ æternæ; quo stante de facili ruent rationes, & maximè prima, si dixerimus, quòd reprobis absolutè, & simpliciter valeat culpas euitare, quia ab eo non aufertur liberi arbitrij potestas. Ad secundum dicitur, quòd Deus causa est damnationis malorum (non tamen merito) meritum enim damnationis est culpa, quæ à nobis est, non à Deo, sub quo sensu Osee autho-

ritas intelligenda venit. Deus nihilominus causa ponitur damnationis effectiua, quo ad penam ordinatam ad culpam; est et causa subtractionis gloriæ eo modo, quo diximus alias. Et hæc satis.

VTRVM SIT ALIQUOD MERITVM, ETC.

Distinctio XXXXI.

Lectio CXXXII.

IAM edocti estis prædestinationis essentiam una cum suis effectibus; nunc consequenter causa ipsius inquirenda, ubi tria faciemus. Nam primo veritatis sententiam ponemus. Secundo falsitatem elidemus. Tertiò nullam in scientia Dei fieri mutationem aperiemus. Circa punctum primum, inutile minimè erit fateri una cum Magistro sent. prædestinationem sub merito non cadere, sicut obduratio: sed hic notetis, quòd sub nomine obdurationis non videtur intelligi posse, nec debere ipsa diuina præscientia, quæ ab æterno est, quare nullam habebit causam: non nego tamen, quin per eam possimus intelligere subtractionem, vel gratiæ carentiam, quæ suis demerentur peccatores peccatis, qualiter non est de prædestinatione, quæ nec, quo ad illud, quod in eo æternum est, scilicet diuinam electionem, nec quo, ad illud, quòd in ipsa temporale est, scilicet gratiæ appositionem mereri potest, saltem intelligendo, quo ad primam gratiam, quæ sub proprio merito non existit; nulla ergo prædestinationis causa assignari potest, nisi Dei mera bonitas, & misericordia. Et hæc de primo puncto. In secundo falsitatem reiecturi, in hunc modum loquemur dicentes, Deum propter nulla merita, vel demerita

rita futura, sed liberè ab eterno elegisse, & reprobasse, & hoc contra quorundam sententiam existimantium perperam, aliquos propter merita futura prædestinari, ac reprobari à Deo. Pro corroboratione cuius nuntur D. Aug. auctoritate dicentis, qđ futura fides in Iacob fuit causa sua prædestinationis; at rectè intuenti patebit, quo modo deinde se retractauit D. Aug. quare horum ratio nulla. Explanatis iam punctis duobus de tribus à me ppositis, accedit tertium, & ultimum ad videndum, quo modo nulla in Dei scientia mutatio sit ponenda. Quicquid enim Deus sciuit, nunc scit, & ideo nulla mutatio ponenda in Dei scientia est. In sequenti dicta Magistri examinantes, qua digna consideratione erunt non omitemus. Et hęc satis.

VTRVM ELECTIO PRAECEDAT

PRAEDESTINATIONEM.

Lectio CXXXIII.

VT maiorem eorum, qua in superiori sermone dicta sunt à Magistro sent. cognitionem habere valeatis, quesita duo in presenti parte examinabimus, & primò. Vtrū electio dici possit prædestinationem præcedere, an è conuerso. Insuper, Vtrū prædestinationis sit assignanda alia causa à mera Dei voluntate. Circa primum arguunt quidam rationcinjjs duobus ad probandum prædestinationem præcedere electionem: nam actus voluntatis circa finem eorū, qua sunt ad finem præcedit voluntatē, sed prædestinatio est de fine, electio aut eorum, qua sunt ad finē:

prædestinatio ergo præcedit electionem. Præterea certum est, quod
 electio diuersitatem supponit inter illa, inter quæ est electio; at di-
 uersitas, quæ in hominibus inuenitur ad beatitudinis consecutionem
 præcipue attenditur secundum gratiam, quæ prædestinationis effectus
 est: prædestinationem itaq; supponit electio. In contrarium illud se
 habet, quod dici solet, scilicet, quod prædestinatio est directio, siue
 transmissio rationalis creaturæ in finem supernaturalem; ut ergo
 ad prædestinationem pertinet directio, ita ad electionem segregatio:
 quare videtur, quod electio prædestinationem præcedat. Pro
 determinatione huius quesiti tria perpendemus, & primo qualiter
 Deo conueniat electio, insuper quo modo se habeat ad actus intel-
 lectus, & voluntatis generaliter. Demum, qualiter se habeat in
 specie ad prædestinationem. Quantum ad primum, in Deo duobus
 modis dicitur electio, primò quia in ipso est, & ponitur acceptio
 vnius illorum, quæ sunt ad finem alio reiecto. Secundo ubi consi-
 lium, ibi electio, at in Deo consilium est: ergo & electio. Quan-
 tum ad secundum est sciendum, quod inter electionem, & ceteros
 alios actus intellectus, & voluntatis in Deo non est assignare or-
 dinem prioris, & posterioris penes rem, sed tantum secundum ra-
 tionem, ex his patet tertium, quod electio præcedit secundum rationem
 ipsam prædestinationem. Nunc diluenda sunt argumenta formata,
 finis deinde erit primi quesiti. Ad primum ergo potest dici, quod sicut
 ex prædictis patet, non est prædestinatio de fine, sed de promouen-
 tibus in finem, quorum ratio sumitur ex eorum conditione, qui p-
 mouendi sunt, & ij electi sunt; electio igitur prædestinationem præ-
 cedit. Ad secundum argumentum respondetur, quod electio gratia
 diuersi-

diuersitate non supponit in re, sed solum in diuina cognitione, unde facit diuersitatem gratia per effectum sequentis p[er] destinationis. Et hoc pro primo dubio satis. Queritur deinde. Vtrum p[re]destinationis sit aliqua causa p[re]ter Dei meram voluntatē. Mihi sanē videtur, quod sic. Nā iniustum, immo irrationabile est ē qualibus inqualiter dare: at homines sunt ēuales, quo ad gratia, & gloria susceptionem, nisi fiant inēuales per aliqua ipsorū opera, vel aliorum: iniustū ergo, & irrationabile esset velle gratiam, & gloriam quibusdam conferre, & non alijs, nisi ob operum differentiam, atqui diuina uoluntas iniusta, & irrationabilis esse non p[ot]est: diuersitas ergo operum erit cāsa p[re]destinationis aliquorum, & repr[es]entationis aliorum. Deinde quis videtur posse alteri primam mereri gratiam: ergo & finalem pari ratione, at finalem habere gratiam est esse p[re]destinatum: igitur p[re]destinatio cadit sub merito, quare alia causa p[re]ter diuinā uoluntatem p[re]destinationis assignanda. Oppositum tamen legitur in textu apud Magistrum, & apud D. Aug. dicentem, quod p[re]destinatio est ex gratuita Dei uoluntate, quam nulla merita aduocant: ergo. Pro intellectu huius difficultatis uelim sciatis, quod hic non est intentio de causa p[re]destinationis, ut cognitionē dicit in Deo, quia hoc modo p[re]destinatio essentialiter, & formaliter in uno consistit, idest in actū intellectus, & aliud habet adiunctum, scilicet propositum conferendi auxilia. Intentio ergo est de causa adiuncti, quare scilicet Deus uult electis huiusmodi auxilia conferre. His ita p[re]missis, nunc rationes soluendae, & erit finis. Dū ergo in primō dicebatur argumento, quod iniustum esset, &c. Respondetur ad hoc maiorem esse

esse veram, ubi aliquid redditur ex debito, at ubi tribuitur quid ex sola liberalitate, ut fit in proposito, tunc nulla est formata ratio, quare Deo nulla ascribenda erit iniustitia, si hunc, uel illum non prædestinet; sibi enim facere, quod vult, licet. Aliud argumentum solum probat, quòd aliquis effectus particularis prædestinationis (puta prima gratia, vel finalis) pòt habere causam, sed non totalis effectus; primum ergo iam concessum, sed alterum negatum, non itaq; prædestinationis alia debet assignari causa præter meram Dei voluntatem. Et hæc satis.

VTRVM SANCTORVM PRECIBVS PRAE-
DESTINATIO INVARI POSSIT.
Lectio CXXXIII.

CVM sanctorum intercessio maximè sit necessaria, ut hinc inde ex sacra colligitur pagina, iure merito in presenti nostro sermone quæremus. An sanctorum precibus adiuvari prædestinatio possit. Pro parte negativa quidam insurgentes ita faciunt. Prædestinatio totaliter à Dei voluntate dependet, sed diuina voluntas cuiuscunq; precibus limitari minimè pòt: frustra igitur pro prædestinatis, vel non prædestinatis oratur. Præterea, oratio aut pro omnibus vniuersaliter funditur, aut pro quibusdam specialiter, si primo modo, fit frustra, nec exauditur, quia certum est, qd non oēs saluabuntur; si pro quibusdā, vel hoc est indefinitè, scilicet ut aliqui saluentur, & hoc similiter fit frustra: nam certum est, quòd quidam saluabuntur, aut hoc est determinatè, quòd iste, vel

vel ille, ut Petrus saluetur, qđ nec conueniens videtur, quoniam hoc rationem non habet, sed admirationem tantum; frustra ergo fiunt orationes, &c. Ex alio latere oppositū legitur Iacobi ultimo, dūm dicitur, Orate pro inuicē, ut saluemini, sed nullus saluabitur, nisi p̄destinatus: precibus itaq; sanctorū p̄destinatio iuuatur. Pro ueritate cognoscenda uelim sciatis, p̄destinationem precibus duobus posse iuuari modis, vno modo, qđ preces iuuent ad hoc, qđ aliquis non p̄destinatus p̄destinetur, & hoc minimē concedi habet, alio modo intelligi pōt, quod p̄destinatio iuuetur ad hoc, quod p̄destinatus effectum p̄destinationis consequatur; tunc distinctione opus erit, vel enim loqui volumus de totali p̄destinationis effectū, & sic dicendum, cuiuscunq; precibus minimē iuuari, vel pōt accipi p̄destinationis effectus non secundum sui totalitatem, sed secundum aliquam sui partem, quod est gratia, uel salus huius, quo pacto sanctorum iuuatur precibus p̄destinatio. Nunc ad argumenta soluenda accedamus, & erit finis. Ad primū ergo dici pōt, esse p̄destinatum totaliter à Dei uoluntate dependere, & sic p̄destinatio non iuuatur, cū non sit causam assignare p̄destinationis, nec effectus huius ex parte nostra pendentis. Si uerò sumatur aliquis particularis effectus, ut aliquo modo pendet ab aliquo ex parte nostra, tunc concedendum erit, quod proprijs iuuetur, & alienis precibus. Vnde quādo oramus, hoc non facimus, ut Dei uoluntas mutetur, sed benē ut diuinū uolūtū per orationes nostras, vel alienas, ut per causas medias impleatur. Ad alterū in ordine secundum argumentum respondetur, quod siue fiant orationes pro omnibus uniuersaliter, siue pro quibusdam in generali

ad certas non descendendo personas frustra non fieri : nam cū pro omnibus generaliter oramus intelligendum est ꝑ illis, quorum nomina in libro vite scripta sunt, & licet pro comperto habeamus, quòd isti saluabuntur, eorum tamen salus ordinata euenire dicitur mediantibus orationibus. Hoc idem pronuciari poterit, quando oratio fiet ꝑ quibusdam in genere non descendendo ad certas personas, in his ergo oībus, in quibus non est causam assignare effectus prædestinationis mera Dei voluntas dicetur, at in particularibus multis effectibus assignari poterit causa, mediante qua impleantur. Et hæc satis.

DE OMNIPOTENTIA DEI.

Distinctio XLII.

Lectio CXXXV.

EX quo satis abundè de scientia Dei verba fecimus superius ex voto Magistri sent. nunc de potentia eius loquendum, ubi tria perpendenda : nam primò inquirendum. Nū Deus omnipotens sit. Insuper, veritas quesiti determinanda. Postremò confirmanda. Circa primum solet queri. Vtrum Deus sit omnipotens, ubi uidetur posse dici, quòd non, quia tales actus sibi nequeunt attribui, ut mentiri, & male velle, ut metuere, & dolere, ut comedere, & dormire, ut facere maiorem se. Insuper facere aliquid simul esse, & non esse, vel præteritum esse futurum, non ergo Deus omnipotens, quia simpliciter oīa possit ; nec uidetur dici posse oīpotens eo, quia oīa possit, quæ vult, quoniam hoc modo
sancti

sancti in celo omnipotentes essent, cū quilibet eorū possit, quicquid vult: non igitur prima via sufficiens videtur, neq; secunda ad Dei omnipotentiam detegendam. Et hęc de primo puncto. In altero ut veritas detegatur, ita dicendum, quod Deus adeo sit cōpotens, quia oīa sub sua potentia actiua factibilia quę cadunt, possit, & ad argumenta in oppositam partem adducta respondere difficile minime erit: nam huiusmodi non cadunt sub nomine illius potentie, sed potius infirmitatis sunt, Deus itaq; oīa pōt, quę sunt potentie, non quę infirmitatis. Insuper Deo competit perfectum posse, non imperfectum: ex his unum velim colligari in diuinis, solum Patrem dici omnipotentem à se filium verò, & Spiritū sanctum ab alio, nec ob id tres omnipotentes, sed unus omnipotens substantiue, licet adiectiue queant nuncupari omnipotentes. In sequenti magis, quo ad tertium segmentum, distinctione confirmabitur veritas de omnipotentia Dei. Hęc in tantum dicta sint.

VTRVM IN DEO SIT PONENDA POTENTIA.

Lectio CXXXVI.

DE more nostro percurrere volentes distinctionem prædeclaratā, ne probro affici posse videamur, duo hodierna die consideratione digna cōtemplabimur, & primò. Vtrum in Deo sit concedenda potentia. Insuper, Vtrum se extendat ad oīa. Quantum ad primum, duplici via probari habet pro parte negatiua, qđ in Deo minime sit potentia, & primò sic. Si in Deo esset admittenda potētia, tunc talis, vel actui foret coniuncta,

iuncta, vel non. Nullum horum dici potest: igitur in Deo potentia non admittenda. Minor ut suspecta declaratur sic, quo ad utrumque membrum. Nam si actui talis potentia non semper sit unita, cum potentia per actum perficiatur, tunc Dei potentia foret imperfecta, at hoc est absurdum; ergo et illud, ex quo hoc sequitur. Si est semper actui coniuncta sit, sequeretur, quod ab eterno creatura fuisset, at hoc similiter est inconueniens: quare, &c. Præterea auctore Arist. nono Metaphysices, in bonis actus est potentia melior, at Deo, quod est melius ascribendum venit, actus ergo, et non potentia in Deo erit. In oppositum se habet illud Luca primo, Fecit mihi magna, qui potens est; in Deo ergo potentia. Ad euentiam itaque huius questionis scire debetis, potentiam ab Arist. lib. v. diuina Philosophia in actiuam, et passiuam secari, actiuam verò potentia principium est transmutandi aliud, secundum quod aliud. Passiuam est transeundi principium ab alio, secundum quod aliud. Vnde actiuam potentia ad aliquid influendum alteri ordinatur, et passiuam ad aliquid in se recipiendum, non influendum alteri quid. Insuper est sciendum, has duas inter se multum differre potentias, una enim scilicet actiuam perfecta est, altera imperfecta, ut passiuam. Quibus suppositis, nunc talis conclusio ponitur à nobis: In Deo est potentia actiuam. Ad argumenta modo ut accedamus, ad primum primò dicemus, quod Dei potentia: essentialiter accepta, ad excludendum potentiam spirandi, et generandi, de quibus hic non loquimur, actui semper coniuncta non dicitur, alioquin sequeretur, quod res ab eterno fuissent semper. Insuper, dum dicitur, quod potentia actui non coniuncta est imperfecta, debet hoc intelligi de passiuam potentia, quæ apta nata est ad aliquid

in se

in se recipiendum, ut patet de materia respectu formarum. Ad secundum argumentum patet, quid ad Philosophum sit dicendum: nam loco citato loquebatur de potentia passiva, quæ est in potentia ad actum recipiendum, quã in Deo minimè collocamus, sed actiuam. Et hæc de primo dubio. Post quod solet queri secundo. Vtrũ Dei potentia se ad oĩa extendat, quæ alijs possibilia sunt. Mihi, qđ nõ, apparet, & primò hac ratione utor. Ager e (ut norunt periti) sequitur esse, at Deus non est, qđ alia sunt: igitur nec poterit, quæ aliij possunt. Deinde, Deus nec cieri, nec mori pöt, & tamen creaturæ talia possunt: igitur Deus non pöt, quicquid alia possunt. Sed contra, oīs potentia deriuatur à diuina, quicquid ergo est in effectu verius, & perfectius habet in causa concedi, quare quicquid pöt quęcunq; potentia creata, illud verius, perfectiusue diuina potetia poterit. Pro dilucidatione itaq; questionis presentis duo consideranda occurrunt, primum est, qualiter Deus possit ea, quæ natura possibilia sunt. Alterum est, qualiter ea possit, quæ natura impossibilia. Quo ad primum penes potentiam actiuam in Deo erit dicendum, quod Deus quicquid actiuam respicit potentiam, tantum possit. Quæ verò potentiam passiuam respiciunt, imperfectionemq; sonant, in Deo minimè sunt. V. g. ambulare, & similia facere. Quantum ad secundum, num Deus, quæ natura impossibilia sunt, facere possit, dũ hoc queritur, p solutione distinctione erit opus. Datur ergo duplex possibile, unum secundum potentiam actiuam, alterum penes passiuam, V. g. dũ dicimus possibile esse ignem calefacere manum, nec non possibile esse manui, ut ab igne calefiat, ubi in uno est potentia actiua, & in altero passiuæ. Per oppositum
verò

verò aliquid solet dici impossibile ppter defectum talis potentia, V. g. impossibile est hominē volare. Alio modo possibile solet dici quid, non secundum aliquam potentiam, sed secundum habitudinem terminorum sibi inuicem non repugnantium. V. g. dūm dicimus esse possibile hominē esse animal, vel triangulum habere tres. Per oppositum verò aliquid solet dici impossibile ex terminorum repugnantia, ut ternarium esse parem, vel idem simul esse, & non esse, tandem quęcunq; ex terminorum natura repugnant. His ita pmissis, nunc dicendum, quòd Deus possit, quęcunq; sunt possible secundo modo, quamuis impossibilia sint primo modo, & natura impossibilia, non propter diminutionem, siue imperfectionem diuinę potentia, sed solum propter impossibilitatem existentem in re. Nunc ad argumentum primum dicitur, quòd agere supponit esse, ex quo habet concludi, quòd Deus prius intelligatur habere esse, quàm alia producere, quod nō negamus. Et licet Deus sit alia virtualiter, non tamen formaliter. Et hęc de solutione primi argumenti. Secundū iam est ex corpore quęstionis solutum, ut intuenti, intelligentiue patet. Et hęc satis.

OPINIO QVORVNDAM.

Distinctio

XLIII.

Lectio CXXXVII.

EX quo sermonem fecimus in superiori distinctione de omnipotentia Dei, ut magis hęc veritas confirmetur, sicuti tangebamus in ultimo segmento præcedentis distinctionis, hodierna

hodierna die quanta Deus possit ostendemus, in ordine tria considerantes: quorundam primò errorem, auctoritatem secundò, veritatem rei tertio. Quantum ad primum. Quidam Dei potentiam limitantes ita dicebant. Deus non videtur posse facere, nisi illud, quòd bonum, & iustum est fieri, at nihil tale bonum, & iustum est, nisi id, quod facit; Deus ergo minimè poterit facere, nisi quòd facit: sua ergo potentia limitatur, & ita non omnipotens. Præterea, Deus, ut oēs fateri videntur, non potest facere, nisi quod sua exposulat iustitia, at talis iustitia non exigit, nisi quod facit: igitur, &c. His in hunc modum ab aduersarijs addictis ut respondere valeatis, considerare debetis, huiusmodi propositiones duplicem posse habere sensum, unum primò, ut iustitia, & iustum referantur ad præsens tempus, sub quo sensu, si dicatur, quod Deus non possit facere, nisi quod modo iustum est, vel quod iustitia sua exigit modo falsa sunt. Alio modo possunt referrì ad tempus confusum, ita ut dicatur, quòd Deus non possit facere, nisi quod iustum est modo, vel idest quod nisi iustum esset, non faceret, tunc vera sunt, & dum dicunt aduersarij, quòd Deus non potest facere, vel dimittere, nisi quòd debet facere, vel dimittere, ad hoc est respondendum, quòd verbum debiti in diuinis, locum non habet. Et hæc de primo puncto. In subsequenti speculandum venit, quo modo Deus plura possit, quàm velit, absque tamen inæqualitate potestatis, & voluntatis, sed dicetis, nonne Dei potentia, & voluntas sunt idem? si sic, ergo æquales: igitur non poterit, nisi quòd vult: ad hoc potest dici, quòd sint æqualia Dei potentia, & voluntas in Deo, & quod sint idem; plura tamen subesse potestatis, quàm voluntati in presenti non negandum, quod confirmari potest

potest auctoritate Matthæi xxvi. ubi dicitur. *An putas, quia non possum rogare Patrē meum, &c.* Similiter Aug. in *Enchiridion* ait. Omnipotentis uoluntas multa potest facere, quæ non uult, nec facit. Idem in libro de natura, & gratia, Dominus Lazarum suscitauit in corpore; Nunquid dicendum est, non potuit Iudam suscitare in mente? plura ergo diuina subduntur potentia, quàm uoluntati. Dilucidatis hæcenus punctis duobus, superest tertium in ordine detegendum. Si ergo Deus alia uellet, & faceret, quàm uult, & facit, alius tamen ipse nõ esset, idest in eius uoluntate nulla esset mutabilitas, quia quod modo uult, ab æterno potest uoluisse. Insuper dixit ipse, Ego Deus, & nõ mutor: patet ergo error quorundam primò, auctoritas secundò, & ueritas tertio, sub alijs tamen declarata uerbis. Et hæc satis.

VTRVM DEI POTENTIA SIT INFINITA.

Lectio CXXXVIII.

PRO uberiori dilucidatione eorum, quæ dicta sunt à Magistro sent. in superiori distinctione, duo in presenti examinanda erunt, & primò. *Vtrum Dei potentia sit infinita.* Insuper, *Vtrum Deus aliquid actu infinitum facere possit.* Quantum ad primum attinet, negatiuè quis argumentari poterit. Illud, quod melius est, Deo ascribi debet, at finitum est melius infinito, quia primum dicit habitum, & alterum priuationem: ergo. Deinde omne, quod ab alio exceditur, finitum est, at Dei potentia exceditur à sua scientia; superius enim dictum fuit plura scire, quàm possit

possit facere : nam mala scit, quæ tamen facere nequit : ergo, &c.
 In cōtrarium se habet illud Psal. dūm dicitur, Magnitudinis eius
 non est finis : quare, &c. Pro intellectu quesitū scire debetis, qđ
 questio non querit de infinitate penes durationem, sed tantū in-
 telligitur de infinitate potentiæ in vigore, quæ in nulla reperitur
 creatura, at illa prima sic, V. g. in Angelis, in sole, & celo conce-
 ditur, quibus suppositis, nunc ad argumenta dicendum, & primò
 ad primum, duplex dari infinitum, priuatiuè, & negatiuè. Illud
 vocatur infinitum priuatiuè, quod finiri natum est, licet nondum
 finem habeat, V. g. ut celi motus, qui dici potest infinitus, & oīs
 motus circa terminum; tale infinitum possibile quidem est, sed im-
 perfectum, ideo Deo minimè ascribendum, de quo formatum cur-
 rebat argumentum primum. Alio modo datur infinitum negatiuè
 carens omni limitatione, quæ competit rebus creatis, quo modo per-
 fectius est esse infinitum, quam finitum : nam perfectior est negatio
 imperfectionis saltem naturæ subtractæ, quam sui affirmatio, &
 hoc modo infinitum competit Deo. Ad secundum argumentum di-
 citur, quòd minimè potentia à scientia exceditur, nec vice versa,
 quia sunt idem, licet obiectū excedatur ab obiecto; utriusq; tamen
 obiectum infinitum est in potentia, respectu actus successiui, & in
 huiusmodi unum benè pōt excedere alterū. Iam primo explanato
 dubio accedit alterum, ubi uidendum. Vtrum Deus aliqđ actu
 infinitum facere possit, ad partem negatiuam declinantes tribus
 vijs probabimus, quòd non. Primò ergo sic. Infinitū à finito per-
 trānsiri nequaquam pōt, nec ab infinito, ut colligitur ex vi. Physic.
 Sed si infinitum esset productum, quodammodo foret pertransiū:

non

non ergo, &c. Præterea impossibile est, effectum sua causa equivo-
 uoca equari, sed si Deus produceret infinitum, tunc talis effectus
 sua cause equiuoca, idest Deo adæquaretur; at hoc non potest dici,
 quia infinito nil maius: ergo, &c. Demum infinitum illud est,
 cuius quantitatem accipientibus semper est aliquid sumere extra,
 contra ergo infiniti rationem est esse in actu, & sic accidit idem,
 qd prius. Ex alio latere, quis ire infinitas audebit, Deum non posse
 sub qualibet specie indiuiduum aliquod producere? sed si sub qualibet
 specie figuræ esset producta aliqua figura, tunc illæ figuræ infinitæ
 forent: ergo. Vt rem acu attingere valeamus (Nobilis. Audit.)
 considerandum erit, questionem hanc intelligendam minimè esse
 de infinito secundum essentiam: non ergo hic queritur, Vtrum
 Deus possit aliquid tale infinitum producere, cū constet necessariò
 oëm creaturam limitari: intelligenda igitur venit dubitatio de in-
 finito secundum quantitatem, quod est duplex, vel penes magnitu-
 dinem, vel multitudinem, uti duplex datur quantitas continua
 scilicet, & discreta. His ita præmissis, nunc ad argumentorum so-
 lutiones properandum. Dici ergo pòt ad primum, quòd Deus sub
 qualibet specie figurarum diuisim accepta, producere potest aliquod
 indiuiduum, at sub oïbus coniunctim speciebus acceptis, non, quia
 figurarum species procedunt, sicut numerorum species, ut trigonũ
 tetragonum. Species numerorum simul oës accipi nequeunt, cum
 causentur ex continui diuisione, qua in infinitum successiue, & in
 potentia tantum in infinitum procedit. Ad secundum argumentum
 dicitur, quòd rationi quantitatis finitum, & infinitum non repu-
 gnat, scilicet appositione, & diuisione successiue, & in potentia, eo
 modo,

modo, quo determinat *Arist.* tertio *Physic.* infinitum verò actu repugnat non quantitati, sed benè cuilibet entitati productæ, siue creatæ; quare nullo modo producibile. Tertium argumentum, & ultimum patet ex prædictis: nam actu tale non admittitur infinitum, rationes verò in oppositum se habentes possunt concedi ratione conclusionis. Et hæc satis.

AN DEI OMNIPOTENTIA CREATVRÆ
COMMUNICARI POSSIT.
Lectio CXXXIX.

PRædeclaratīs in præsentiarū tria cōsideratione digna erunt addenda, quibus expeditis ad quadragesimam quartam in ordine huius libri primi distinctionē festinabimus. Quæremus itaq; primò. Num creatura Dei oīpotentia communicari possit; deinceps, num Deus ex natura necessitate agat, demùm, an ex necessitate iustitiæ. Quantū attinet ad primum, formari solent rationes pro parte affirmatiua quædam, quarum prima sic, ut se habet scientia, ita & omnipotentia, sed scientia est Christo communicata, quantum ad animam, idest animæ Christi: igitur, & omnipotentia pōt communicari: nec mirum, quia si id, qđ se ad plura extendit, communicatur: ergo & id, quod in minus, at scientia plura respicit, quàm potentia: ergo, &c. Insuper, quis virtutem expellendi dæmones dedit hominibus, nisi Deus? Idem ergo poterit dare, siue omnipotentiam creaturæ cōmunicare: quare, &c. Pro intellectu huius questionis notanda quædam erunt, & primò,

num Christo fuerit cōmunicatum, quicquid ei potuit cōmunicari. Præterea, quo modo Deus dicatur oīpotens, vel oīpotentia. Quo ad primum, certum est, ut dicitur lib. tertio: Christo fuisse cōmunicatum, quicquid potuit ei communicari, nō ob id sequitur, qđ omnipotentia sit creatura communicabilis. Quantum ad secundū; omnipotens dupliciter accipitur, vno modo, quia est agens, quod pōt in oē possibile mediatē, vel immediatē; Alio modo accipitur propriē theologicē pro illo, qui pōt in oēm effectum immediatē, & in quocunq; possibile, quod non est ex se necessarium, nec contradictionem includit, vel modo intelligatur omnipotens, quo ad effectum, vel quo ad efficiendi modum, scilicet quia se solo possit in oēm effectum, utroq; modo Deus oīpotens dicitur, & est. Vnde Exodi xv. dicitur Omnipotens nomen eius. Deus ergo omnipotēs à potentia actiua, non passiva, cum nihil pati queat. Intransmutabilis enim est, Iacobi i. Apud quem non est transmutatio, nec vicissitudinis obumbratio. His ita positis, suppositoq; absolutē, quod creatura minimē possit omnipotentia communicari, ad argumentū primò formatū ita dicendum, nullam esse similitudinē de scientia, & omnipotentia, quia hæc non est cōmunicabilis, ut scientia; vel dicatis, qđ scientia animæ Christi scientia Dei non equiparetur, nec quo ad limpiditatem sciendi, neq; quantum ad scitorum multitudinem, & licet concedi posset, quod oīs scientia, quo ad numerum scitorum communicabilis sit, non ob id omnipotentia, & sic ratio nulla. Ad secundum argumentum facillimē respondetur: nam aliud est loqui de potentia ministerij, & aliud de omnipotentia. Primo modo conceditur, sed hoc secundo modo negatur. Enu-

cleato

eleato in hunc modum dubio primo, accedit secundum percurrent-
 dum; solet enim inquiri. *Utrum Deus ex necessitate natura agat.*
Hic quidam sunt arguentes pro parte affirmatiua dicentes, illud,
quo in agendo sic est determinatum, qđ non pōt non agere, videtur
ex necessitate agere, q̃a rationales potestates ad opposita se habent,
at naturales minime, sed Deus ita dicitur esse determinatus ad
agendum, quod agit, ita ut illud non agere non possit: quare, &c.
Minor forsitan ut suspecta sic declaratur: nam Deus res per uo-
luntatem producit, at Deus de necessitate vult, quicquid vult: igi-
tur, &c. Deinde Dionysii autoritate de diuin. nomin. ii. Cap. sic
instatur: nam vir iste assimilat diuinam actionem illuminationi
dicēs, sicut sol nō ratiocinans, nec eligens suos diffundit radios, ita
diuina uoluntas se in oīa entia diffundit, atqui sine ratiocinatione,
& electione dicitur ex necessitate natura agere: igitur, &c.
Pro intelligentia huius quesiti significata natura primò ponemus,
insuper necessarij distinctionē, tertio difficultatis verū intellectū,
postremò argumenta diluentur. Circa primum, natura capitur
quadrupliciter secundum Boetium in libro. de duabus naturis, &
una persona. Vno modo pro eo, quod pōt distīctē, & perfectē
intelligi ab intellectu nostro, & positiuē, quo modo omnis natura
positiua est natura, sic Deus, & Angeli dicuntur natura. Secūdo
capitur pro aliqua substantia, quā pōt agere, vel pati, non solum
instrumentaliter, sed ēt tanquam principale agens, sic sola substan-
tia de genere substantie dicitur natura, quo modo Deus natura
dici non pōt, nec accidens. Tertio pro differentia specifica consti-
tuente unam speciem specialissimam, vel subalternam, ut ratio-

nale respectu hominis. Quarto modo sumitur natura prout est principium motus, & quietus, & sic diffinit Arist. secundo Physic. secundum Bonauenturam tripliciter accipitur natura, uno modo pro re, quæ naturaliter est, vel proprietas, quæ naturaliter inest. Secundo modo dicitur natura largius de omni eo, quod naturam conseruat. Tertio modo dicitur natura largissime omne ens, quod est in aliquare naturali, siue sit naturaliter inherens, siue nõ, siue conseruatiuum, siue non. Natura verò diuina teste Damasceno in primo suo, est pelagus infinitæ substantiæ, & capitur quinque modis, uno modo pro ipsa natura diuina, siue deitate, in qua tres personæ coexistunt, quæ est increabilis, & sic est prima entitas communis Patri, & Spiritui sancto. Alio modo capitur personaliter, siue notionaliter, & sic capitur pro aliquo includente, & habente diuinam naturam, sic Pater dicitur diuina natura, similiter Filius, & Spiritus sanctus; & sic diuina natura valet, sicut persona diuina, quæ naturam includit. Tertio modo capitur, prout est principium naturale productiuium naturaliter diuinæ personæ, quo modo intellectus in Patre diceretur natura similiter, & memoria secunda. Quarto modo pro qualibet vi existente naturaliter in natura diuina, sub quo sensu omnia attributa dici possunt natura, scilicet intellectus, voluntas, & sapientia, quia Deus naturaliter habet sapientiam. Quinto, & ultimo capitur, prout idem est, quod incommunicabilis necessitas, & sic dicit solum conditionem circa actum elicitum. Quo ad secundum duplex datur necessitas, scilicet coactionis, & immutabilitatis. Quo ad tertium, de sano huius questionis intellectu est sciendum, Deum agere ex necessitate nature dupliciter

dupliciter intelligi posse penes illa duo, in quibus naturale agens ab agente per artem, siue à proposito differt : nam unum est agens per artem, qđ pręcognoscit, quod agit, naturale verò non. datur aliud agens per naturam, & tale, quantum est de se non pōt non agere, agens verò à proposito agit liberè, & ideo pōt non agere ; quare si questio intelligatur, quo ad primum modum, scilicet, an Deus ex necessitate natura producat, sic quod eius natura sit principium res producendi secundum se, non ut eas pręcognoscens, hoc venit negandum. Si verò questio, quo ad secundū intelligatur modum, V. g. utrum Deus res producat necessariò, idest necessitate natura, non quidē absq; pręcognitione, & volitione, sed quia eas vult producere, hoc modo Philosophorum quidam posuerunt, Deum res ex necessitate natura agere, & producere, quod nec est verum, nec fidei consonum. Nam si Deus vult alia à se de necessitate, vult ea tanquam finem, aut propter alium finem, non primo modo, quia Deus est finis oīum, nec secundo modo, quia ea vult liberè, & non propter alium finem, ita ut non possit ea non velle. His ita pręmissis rationes due soluenda, deinde erit finis. Prima ergo peccat in materia, quia minor est falsa; Nam pōt Deus non facere, & non uelle, quod vult, ita quod eius uoluntas indifferens sit ad uelle, & ad nolle quodcunq; aliud à se. Altera ratio Dionysii intelligēda venit, nō enim intendebat vir iste assimilare diuinam actionem illuminationi, quantum ad necessitatem, sed quantum ad uniuersalitatē. Vnde ly sic. Non reduplicat, quod dixerat, videlicet non ratiocinans, neq; eligens, sed benè assimilat in hoc, qđ bonitas Dei se ipsam diffundit, quia ipsa in oīa tendit, ut lux solis, quę in oīa

sensibilia sibi subiecta, quare ratio nulla. Demū queritur, Vtrum Deus ex necessitate iustitia agat, mihi certè, quòd sic, apparet; nam Deus se ipsum negare nequit, at qui si secundum iustitiam non ageret, cum ipse sit iustitia, se ipsum proculdubio negaret, hoc non est dicendum, sed bene, qđ iustum est, agat: quare, &c. Pro determinatione huius questionis notandum erit, quod agere ex necessitate iustitia dupliciter euenit, vno modo, quod nihil fieri possit, quin si factum esset, iustum esset, alio modo, quod ex sua iustitia sic determinetur ad aliquid faciendum, quod nequeat illud omittere, vel oppositum facere. Si primo modo, rursus distinctione opus est, vel enim sumitur large, vel stricte, scilicet prout obligationis debitū respicit. Si primo modo, sic Deus ex necessitate operari dicitur iustitia, at si stricte sumatur iustitia, quatenus scilicet obligationis debitum includit, sic Deus ex necessitate nil agit. Nunc ad argumentū in oppositum pōt dici, qđ quicquid Deus facit, id totū secundum iustitiam facit, qđ est cōdecencia quēdam, & hoc modo iustus est, quoniam non facit, nisi qđ cōdecet, quare se ipsum minimè negat, nihil tamen fieri dicitur secundū iustitiam, qđ obligationis debitū importat, qđ a nemini est obligatus, nullo igitur modo ex necessitate iustitia agit Deus, qđ a cogi non pōt. Et hæc de pollicitis satis.

NVM DEVS QVID MELIVS FACERE POSSIT.

Distinctio XLIII.

Lectio CXL.

Circa quadragesimā uersaturi quartam in ordine huius primi libri distinctionē, nexum in primis perpendemus, secundò
ad

ad diuisionem accedemus; tertio singulas enodabimus partes. De continuatione, siue serie non multum insudandum. Ex quo enim Magister sent. superius ostendit, quanta omnipotens Deus possit, nunc consequenter, qualia possit, explicare intendit. Presens igitur distinctio in puncta tria principalia usurpari habet, in quorum primo inquiritur. Num Deus valeat res meliores facere, quam fecit. In altero in ordine secundo, num meliori modo, quam fecit. Demum, an modo oia possit, qua olim potuit. Circa primum, ut Magistri sent. propositum, atq; consilium faciliori via cognoscere valeatis, cōclusionem primò ponemus affirmatiuam dicentes. Deū posse res meliores facere, quam fecerit. Nam si non posset, vel hoc esset, quia simpliciter, & summè bona est creatura, qđ funditus est falsum, quia sic creatori creatura equalis foret, quod non est dicendum, vel quia creatura non est capax huiusmodi perfectionis: sed hoc non obstat; Deus etenim dare posset capacitatē meliorem creatura, & ita meliores res facere, quam fecit. Et hæc de primo puncto. In altero ut cognoscamus, num Deus meliori modo res facere possit; quam fecit, ita procedemus dicentes, totum hoc ad duo posse referri, vel ad scientiam summi artificis, vel ad res ipsas. Si ergo modus talis ad scientiam artificis conferatur, nulli dubium est, Deum non posse mundum, siue totum uniuersum, quam fecit, meliorem facere. At si modus factiōis, siue faciendi ad rem factam referatur, tunc dicendū eris, qđ Deus eque bona, & minus bona, nec nō meliora facere queat. Et hæc de secunda particula. Superest tertia, & ultima huius distinctionis, ubi speculandū venit. Num Deus ea modo possit, qua olim potuit. Mihi sanè videtur posse

dici, quòd sic. Nam eadem semper est potentia, quare, quod prius potuit, & modo dicendum est, quòd possit. At dicetis; potuit non incarnari, & non nasci, quæ modo minimè pōt: quare, &c. Pro intellectu huius rei velim sciatis, qđ veluti oēm scientiam, quam habuit, modo habet, sed non eodem modo, ita respectu cuiusq; rei potentiam, quam habuit dicitur & modo habere, licet talis potentia non semper eodē modo se habeat. Vnde Dei potentia semper se extendit ad carnis assumptionem, quæ cum semel assumpta sit, iterum de nouo nequit acquiri, sed per eandem potētiam, per quam potuit incarnari, pōt modo incarnatus fuisse, sicut homo per eandem potentiam potest hodie videre, & heri vidisse. Et hæc satis.

NVM DEVS ALIQVAM VNAM, ET
EANDEM CREATVRAM MELIOREM
facere potuerit, quàm fecerit.
Lectio CXLI.

PErpulchra quidem solent circa dicta Magistri sent. excitari quesita, è quorum numero nos duo tantum in presentiarum percurreremus, quærentes primò. Num Deus benedictus, & omnipotens, ut dictum fuit superius, aliquam vnā, & eandem creaturā meliorem facere potuerit, quā fecerit. Præterea, Num data quacunq; creatura, Deus aliam secundum speciem perfectiorem producere, siue facere possit. Quantum ad primum, arguitur negatiuè, & primò sic. Effectus, qui ab aliqua causa secundū totam virtutem causa producit, non videtur posse ab ipsa meliorari,

rari: at quolibet creatura producitur à Deo secundum suam virtutem: quare, &c. Insuper, quod optimum est, quo modo magis perfici poterit? at q̄ Deus fecit, sunt optima, Genesis primo, Vidi Deus cuncta, quæ fecerat, & erant valde bona: igitur, &c. Ex alio latere totum videtur dici posse oppositum: nam quicquid p̄t natura, & Deus adhuc amplius, & melius, sed natura opere res magis perficiuntur, quia videmus hominem de pueritia in melius mutari, scilicet in iuventutem: ergo, &c. Pro ultimæ rei resolutione sciendum est, duplicem dari bonitatem, uti duplex datur entitas, videlicet essentialis, & accidentalis: loquendo ergo de bonitate accidentali nullus est, qui dubitet, quin Deus multas facere valeat creaturas meliores, quàm fecerit, dummodo natura rei nõ repugnet plures perfectiones accidentales habere. Si verò loquamur de bonitate essentiali, tunc distinguendum erit, aut enim loqui volumus de creatura propriè dicta, quæ est substantia completa per se sumpta, aut de creatura largè sumpta, quæ oẽm naturã includit creatã, siue sit substantia, siue accidens. Si primo modo accipiaturs creatura pro substantia completa, & per se subsistente, tunc dicendum erit, quod talis meliorari nequaquam possit, quantum ad bonitatem essentialem, & intrinsecam: at si capiatur creatura largè, idest pro omni re creata naturaliter, tunc fatendum, quod aliqua creatura possit meliorari accidentaliter: nam possibile est, qđ talis res de gradu imperfectiori ad perfectiorem deducatur. Nunc ad argumenta dicamus, & primò ad primũ, totum currere de causa agente ex necessitate naturæ, non aut liberè, uti Deus est; vel dicatis ad maiorem proposuionẽ, qđ si talis effectus ab aliqua pendeat
causa

causa secundum oēm suam virtutem minimè meliorari posse, nisi ex parte subiecti. Ad secundum argumentum respondetur, quod una quæque res à Deo producta secundū se bona est, non tamen optima, quin potius meliorari queat, oīa ergo ad vniuersum collata bona sunt. Et hæc de primo quesito. Solet queri secundo. Vtrum data quacunque creatura, Deus aliam facere possit perfectiorem secundū speciem, ita ut non sit status in perfectionibus specificis, sed bene processus in infinitum. Arguunt hic quidam partem affirmatiuam defendentes, & primò sic. Res à Deo videntur procedere, ut numeri ab unitate, at ab unitate numeri tendunt in infinitum, ita ut data quacunque specie numeri, adhuc maior habeat, possitque cōcedi: igitur, &c. Id est data quacunque specie, quantumcunque perfecta, adhuc perfectior poterit inueniri. Deus ergo videtur posse producere creaturam meliorem, quàm fecerit procedendo in infinitum. Præterea, Deus oē illud, quod minimè implicat contradictionem, facere potest, sed infinitas esse species saltem in potentia successiue, nullam videtur contradictionem admittere: igitur, &c. Circa questionem hanc duas inuenio opiniones, una quarum admittit talem progressum in infinitum, altera verò non, de quibus parum curando argumentis adductis respondebo, & erit finis. Ad primū ergo neganda venit similitudo de numero: non enim est ad propositum: nam in numeris processus in infinitum non est, nec fit per accessum ad unitatem: nam est dare numerum propinquissimam unitati (ut puta dualitatem) sed est per recessum à dualitate; è contrario verò processus, qui ponitur in speciebus rerum, non dicitur esse per recessum earum à Deo, cum sit dare infimam speciem ma-
ximè

ximè distatē ab ipso Deo : ponitur ergo per accessum ad Deum ; quapropter argumentum non est ad propositum : unde Dionysii dictum venit intelligendum, quod numeri sint ut species, quantum ad compositionem, non quantum ad infinitatem. Ad secundum argumentum, venit negandum, quod figurarum processus in infinitum arguat processum naturarum specificarum in infinitum. Et hæc de pollicitis.

NVM DEVS VNIVERSVM MELIUS PRO-

DVCERE POSSIT, QVAM FECERIT.

Lectio CXLII.

VT latius procedamus, quam fecimus hodierna die ; duo præter prædicta excitanda erunt quesita, quorum primum. Vtrum Deus uniuersum melius, quàm fecerit, facere possit. Insuper, nū Deus quid melius gloriosissima virgine Maria facere potuerit. Circa primum, quid nonnulli dicant, audite. Nam pro parte negatiua ratiocinantur ; & primò sic. Omne bonum (ut norunt omnes) nil melius esse potest, sed uniuersum omne bonum includit : igitur uniuerso nil melius. Præterea, bonitas eorum, quæ sunt ad finem, pculdubio ex fine habet pensari, at uniuersum ordinatur ad finem, scilicet ad Deum, quo nil melius : ergo à simili uniuerso nil erit melius. Ex alio latere, quia totius bonitas à partibus pender, quantum ad illarum bonitatem, & partes uniuersi meliores esse possunt, quàm sint, & extensiuè, quia plures, & intensiuè, quantum ad bonitates accidentales : ergo, &c. Pro re-
sponzione

Sponsione sciendum est, uniuersum tribus posse accipi modis, uno modo, prout includit omne ens creatum, & increatum, quod est actu, & quod in potentia, sub quo sensu non loquimur nos in proposito de uniuerso, quo certè nil melius esse pōt, quia omne bonum, quod est, & quod esse pōt, includit; de quo primum allatum argumentum currit. Alio modo capitur uniuersum, p̄ut includit omne ens actu creatum, & increatum, & sic dicunt quidam, uniuerso sic accepto, nil melius inueniri, nec dari posse, quia in eo includitur Deus, quo cum bonitate creabili nil certè melius. Postremò uniuersum videtur posse capi pro eò, qđ omne ens creatum includit, quod est actu, & creabile, quod est in potentia, & sic questio dupliciter habet intelligi, uno modo. Vtrum Deus possit facere uniuersum oīno aliud secundum speciem, quod isto mūdo sit melius, alio modo, utrū Deus possit facere uniuersum, qđ nunc est melius, quā modo sit. Si primo modo, dicendum est, quòd non; at si questio secundo intelligatur modo, tunc sic. Nunc ad argumentum secundum pōt dici, qđ bonitas eorum, qua sunt ad finem, non solum ex fine, verum et ex efficacia assequēdi finem pensari debent, unde licet finis extrinsecus ipsius uniuersi nequeat meliorari, restamen creatæ possunt ipsum efficacius assequi, & ita quo ad hoc pōt meliorari. Expleto primo quesito, ad alterum ut accedamus, equum est; arguunt ergo qđā p̄ parte affirmatiua sic, qđ Deus potuerit aliqđ melius beata Virgine facere, & qđ fecerit, V. g. quāū ad gradū naturæ, ut sunt Angeli, quantū verò ad dona gratiæ, ecce humanitas Christi, non potuit tamen facere, qđ ipsa, vel alia esset mater melioris filij, quo ad suppositum. Et hæc pro presenti satis.

DE VOLUNTATE DEI.

Distinctio XLV.

Lectio CXLIII.

Mirabili quidem usus est Magister sent. artificio, & ordine in disponendis hisce distinctionibus. Nam cum verba fecerit superius de Dei scientia, & de eius potestate, nunc incipit de eius voluntate agere, tria pollicendo. Quid primò sit Dei voluntas. Insuper, quid possit. Tertiò quot modis accipiat. Circa primum, Dei voluntas nihil aliud est, quàm ipsa met diuina essentia realiter, differens tamen sola ratione ab ipsa, sicut & scientia, ob quam diuersi modi considerationem, aliqua diuina solent ascribi voluntati, quæ non attribuuntur essentia; unde benè dicitur, Deus vult oïa, non tamen dici pòt, Deus est oïa, non obstante identitate voluntatis, & essentia. Et hæc de primo puncto. Quantum ad secundum cognoscendi gratia, quid possit Deus, arbitror, & pro còperto habeo, diuinæ voluntatis causam minime querendam esse, cum ipse Deus sit oïum causa, quæ producuntur in tēpore. At video vos hac in parte nimis curiosos dubitare, quare causa diuinæ voluntatis non sit querenda, cum scire sit rem per causam cognoscere? Ad hoc dici pòt, quod si causa voluntatis Dei querenda foret, tunc ipsa nō esset prima causa, & haberet aliquid maius se, quod est falsum: nam ipsa secundum rei veritatem est causa vniuersalis oïum, non solum quæ fiunt secundum cursum naturalem, sed et mirabiliter. Et hæc pro secundo puncto. Pro intellectu verò tertij pertinentis ad diuinæ voluntatis significata, quid

quid dicat *Magister*, queso audite, quamvis enim uoluntas beneplaciti Dei in se una tantum sit, nihilominus uoluntas signi in quinque signa solet usurpari. Nam accipitur quandoque pro precepto, pro prohibitione, pro consilio, pro permissione, & pro operatione uoluntatis diuinæ. Quæ omnia uoluntates Dei ideo dicuntur, quoniam Dei uoluntatis signa sunt, non tamen ita signa sunt, quia uelit Deus omnia fieri, sed quia se ad modum uoluntatis habent. Unde sciendum est, quod prima uoluntas beneplaciti dicitur, aliæ uero uoluntates signi nuncupantur, & differunt in hoc, quia beneplaciti uoluntas æterna est, reliquæ uero sunt temporales. Insuper beneplaciti uoluntas semper adimpletur, at aliæ non. Sed dicetis; cum uoluntas Dei sit ipsamet sua essentia, quæ una est, quo modo varijs sumitur modis? Respondetur, quod si propriè sumatur secundum quod ipsa diuina essentia, unum erit significatum, at si respectiue, tunc varijs dicitur accipi posse modis, ut iam dictum est. Et hæc satis.

DE VOLVNTATE DEI.

Lectio CXLIIII.

NE à uobis sugillari posse uidear, pro ueriori doctrina eorum, quæ in textu *Magistri* sunt tacta, hodierna die sum de uoluntate Dei loquuturus; solet etenim diuersimodè accipi in scriptura, nec mirum: nam licet Dei uoluntas una sit, & non diuersa, locutio tamen de Dei uoluntate dicitur diuersa, unde solet Dei uoluntas distinguì in uoluntatē beneplaciti,

¶

& voluntatem signi. Voluntas beneplaciti duplex est, scilicet antecedens, & consequens. Voluntas uero signi quintuplex, scilicet prohibitio, præceptio, consilium, impletio, siue operatio. Permissio, hoc est ille terminus uoluntas, aliquando est idem, quod prohibitio, quandoq; idem significat, quod præceptum. Vnde patet, quod hæc distinctio, non est rerum distinctio, sed est distinctio huius uocabuli uoluntatis, secundum diuersas suas significationes, quibus accipitur in scriptura. Voluntas Dei antecedens non est aliquid in Deo quomocunq; distinctum à uoluntate Dei consequente, sed ille terminus uoluntas antecedens, est terminus connotatiuus multa significans, Deum scilicet, & creaturam, & ita describi potest, uoluntas antecedens est uoluntas diuina dans alicui antecedentia ad consequendum aliquid cum præcepto, & consilio exequendi, sine reuelatione contrarij parata ei coagere, si uelit. Hoc modo Deus antecedenter uult omnes uiatores iuste uiuere, quia dat potentiam, intellectum, & affectum cum præcepto, nec ideo præcipit bona, quia bona sint, vel prohibet mala, quia mala sint, sed ideo hæc bona sunt, quia præcipiuntur, & mala, quia prohibentur. Item Deus non uult aliquem antecedenter peccare, quia nec præcipit, nec consulit peccare. Item Deus non uult Abraam antecedenter immolare filium, quia licet dederit immolandi potentiam cum præcepto, ei tamen oppositum reuelauit. Item Deus uult prescitos saluari, sed non uult demones, uel damnatos saluari antecedente uoluntate, quia illis minimè uult coagere ad opera meritoria, quibus salutem consequantur, neq; sine meritis conferre salutem, bene uult omnes uiatores saluos fieri uoluntate antecedente, quia dedit

potentiam

potentiam merendi cum præcepto paratus coagere, si uelint, nec
 reuelat contrarium; uult ergo Deus oēs, &c. idest præcipit, vel
 obligat, ut oēs salui fiant. Voluntas uero Deus, beneplaciti conse-
 quens est diuina uoluntas, sibi efficaciter in esse alicuius cōplacens,
 ipsum diligendo esse, aut pducendo, seu conseruando; hac uolun-
 tate immediate fertur in uoluitum, & sic dicitur Deus uelle omne
 positiuum, sine qua uoluntate nihil fieri pōt in mundo, quia ipsa
 (ut dictum est) prima est, & summa causa oīum causabilem, &
 hæc uoluntas beneplaciti semper impletur, de hac enim dicitur
 in Psal. Oīa quęcunq; uoluit dominus, fecit in Cēlo, & in Terra.
 uoluntas insuper signi nil aliud est, quam aliqua creatura, siue
 effectus diuinę uoluntatis significans, vel manifestans nobis diui-
 nam uoluntatem: unde Psal. Magna opera domini exquisita in
 oēs uoluntates eius, quamuis unica, & simplex sit Dei uoluntas:
 huiusmodi aut signa, quę uoluntates in Deo dicuntur, nobis occa-
 sionem præbent imaginandi, Deum aliquid uelle, & primo modo,
 quando uult aliquid debere fieri à creatura, & huius signum est
 præceptum. Secundo modo uult aliquid debere non fieri, & huius
 signum est prohibitio. Tertio modo, uult aliquid nec debere fieri,
 nec debere non fieri, sed expedire fieri, & huius signum est consi-
 lium. Quarto modo uult aliquid, nec debere fieri, nec debere non
 fieri, sed licitè fieri, & huius signum est indulgentia, vel permissio.
 Quinto modo, uult aliquid simpliciter esse, vel fieri, & huius
 signum est impletio, vel operatio. His ergo quinq; modis possumus
 imaginari, Deum aliquid uelle: nam quęlibet ad extra Dei ope-
 ratio dicitur esse signam uoluntatis diuinę, sicut effectus suę causę,
 sic

sic ergo diuina uoluntas precipit bona, sicut Deum honorare, proximum amare, & prohibet mala, sicut Deum odisse, proximum ledere. Insuper consulit maiora bona, sicut est uirginitas, & paupertas, &c. Hæc intantum de Dei uoluntate æterna.

VTRVM DEVS VELIT ALIA A SE.

Lectio CXLV.

NE videar laconico uti uelle sermone ad uberiores doctrinam eorum, quæ dicta sunt in proxima præterita lectione, ex uisceribus Magistri sent. arbitror in præsentia tria percurrenda esse quesita, & primò. Vtrū Deus optimus sphaera intellectualis alia à se velit. Deinceps, utrum immediatius agat per intellectum, quam per uoluntatem, uel uice uersa. Insuper, congruenter uoluntas in signi, & beneplaciti uoluntatem distinguatur. Quantum ad primum, negatiuè quidam arguentes ita fantur, unicuique uolenti aliquod uoluntum sufficit, & tale nihil uult præter illud, at ipsi Deo uidetur sufficere sua bonitas; nihil ergo aliud uult à se. Præterea, ois actus uoluntatis dicitur desiderium, uel delectatio, at nullum horum respectu creatura potest habere Deus: quare, &c. Minor ut dubia sic declaratur, quia rei non habita desiderium penam habet, quæ minimè in Deo est: quare, &c. Deinde delectatio rei de nouo habita noua est, quæ simpliciter à Deo remouenda; patet itaque minor paucis enodata uerbis, quæ prius erat dubia. In oppositum se habet id, quod apud Sapi. xi. legitur, Diligis omnia, quæ sunt, & nihil odisti eorum, quæ

fecisti: atqui diligere ad uoluntatē attinet, cum eius sit actus, Deus ergo uult alia à se, q̄ scilicet fecit. Pro intellectu huius questionis, nec non dilucidatione, illud Arist. dictum nō procul ab initio libri secundi posteriorum in memoriam renocandum, scilicet questionē unum supponere, & aliud querere, ut in proposito nostro sit: nam questio mota in Deo uoluntatē esse supponit, insuper aliud querit. Vtrum scilicet Deus uelit alia à se. His ita prēmmissis, nunc argumenta soluenda, ut consequenter festinemus ad alia quesita, ad primum ergo dicendum, aliquid posse esse uolitum, bifariam considerari, uno modo, quia est commodum uolenti, & hoc uelle ex indigentia uolentis oritur, V. g. ut esuries, quæ uult cibum, & auarus pecuniam, quod uelle pertinet ad amorem concupiscentiæ, alio modo, dicitur aliquid uolitum, non quia uolenti sit commodū, sed alijs: decet tamen uolentē, ut liberalis, qui uult dare pecuniam. Si primo modo, Deus non dicitur uelle alia à se, non enim bonorū nostrorum eget. At si secundo modo, tunc dicitur uelle: nam decet bonitatem diuinam cōmunicari rebus creatis, nec non manifestari in eis. Nunc ad formam rationis adductā dicendum est, quod cuiusq; sufficit aliquid uolitum, nil aliud uelit tanquam commodum suum, quia nullo alio uidetur egere; pōt tamen aliud uelle ob alterius commodum, nec non propter suam decentiam, & sic est de Deo, ut iam prædictum. Ad alterum argumentū debet negari, qđ oīs actus uoluntatis sit desiderium, uel delectatio, at ille tantū, qui ad concupiscentiæ amorem pertinet, qui dicitur esse amor com-
modi presentis, uel absentis habiti, uel non habiti, de quo argumen-
tum currit: at nos in Deo haud ponimus talem amorem, nec talem
actum

actum uoluntatis respectu creaturarum, sed solum amorem, quo
 vult eis bonū ob suam decentiam. Et hęc de primo quesito. Circa
 secundum versaturi leue quidem erit manifestare, Deum per in-
 tellectum agere: nam res opposito modo cōparari solent ad Deum,
 & ad nos, quia Dei scientia est rerum causa, & nostra à rebus
 causata, at in nobis, ut norunt periti in arte, est motus à rebus ad
 intellectum, & mediante intellectu ad uoluntatem: ergo è con-
 trario debet euenire, & esse in Deo, ut in ipso sit, secundum no-
 strum modum intelligendi primo motus à uoluntate in intellectu,
 deinde ab intellectu ad res. Si sic, ergo Deus dicitur immediatius
 agere per intellectum, quàm per uoluntatem. Pręterea, per illud
 unumquodq; immediatius dicitur agere, per quod magis effectui
 assimilatur, at Deus rebus magis similis dicitur, vel res ipsi Deo
 potius quantum ad intellectum, quam ad uoluntatem: igitur. In
 oppositum uidetur se habere ipsa ueritas: nam primus actus p̄du-
 ctionis rerum est ipsa uoluntas: quare, &c. Pro responsione argu-
 mentorum uelim uos scire, circa questionem duplicem inueniri mo-
 dum: nam quidam arbitrantur, Deum vel Angelum immediatius
 attingere effectum per intellectū, quàm per uoluntatem, alij uerò,
 quod in oī agente à proposito, idest cum electione, siue creato, siue
 increato, uoluntas magis de prop̄ se habeat ad rerum productio-
 nem, quàm intellectus, & hic modus illis melior apparet. His ita
 positis, nunc argumenta è medio tollantur, insuper ad aliud ques-
 itum properandum. Potest ergo dici ad primum, res comparari op-
 posito modo ad nos, & ad Deū, quo ad scire, quia cognitio nostra,
 siue scientia dicitur à rebus causata, scientia uerò Dei est rerum

causa ; at suppositio scire simili modo se habet Deus ad res creatas producendum, uti nos ad producendum res artificiales, & quantum ad hoc, utroque; immediatius se habet ad rerum productionem voluntas, quam intellectus. Ad secundum argumentum, quando dicebatur, quod per illud agit immediatius, per quod magis assimilatur effectui, vel effectus ipsi, potest dici, hoc minime veritatem habere in his, quae fiunt per artem: nam artifex non dicitur assimilare sibi, vel alicui, quod in ipso sit principium agendi effectum, quem facit: vel dicatis ad minorem, quod res non magis Deo assimilantur quantum ad intellectum, quam quantum ad voluntatem, & ita ruit argumentum. His duobus quesitis additur tertium, dum queritur. Vtrum voluntas congrue distinguatur in voluntatem signi, & beneplaciti. Mihi prima fronte videtur, quod non: nam Deus nihil operatur, nisi volens: igitur eius Dei operatio ad beneplaciti voluntatem pertinet, at voluntas signi distinguitur contra beneplaciti voluntatem: igitur operatio non pertinet ad signi voluntatem, cuius tamen oppositum habetur in textu Magistri sent. Insuper, aut illud, quod Deus vult voluntate signi, vult voluntate beneplaciti, aut non. Si non: ergo signa sunt falsa, quibus signatum non concordat. Si sic, frustra ergo una contra alteram distinguitur. Pro determinatione itaque huius difficultatis scire debetis, quod distinctio voluntatis divinae in voluntatem beneplaciti, & signi dicitur distinctio in voluntatem proprie dictam, & metaphoricè: nam beneplaciti voluntas, proprie dicitur voluntas, vel actus suus volendi, quo aliquid sibi placet, voluntas vero signi vocatur Dei voluntas metaphoricè, eo modo, quo signum nominatur metaphoricè nomine rei,

rei, cuius est signū, ut imago Herculis. His ita positis, argumēto primo in hunc modum erit satisfaciendum, quod uoluntas signi, quæ est operatio, non distinguatur à uoluntate beneplaciti, quasi non sint uniformiter de eodem, sed quia uoluntas beneplaciti est propriè uoluntas, & operatio Dei non dicitur uoluntas Dei, nisi metaphoricè, V. g. ut signum, sicut quando dicitur urina sana. Ad alterum argumentum potest dici, quòd illud, quod Deus uult uoluntate signi, quandoq; uult uoluntate beneplaciti, nec ob id frustra una contra alteram distinguitur: nam secundum eandem rationem uoluntatis nomen utriq; non conuenit, ut alias dictum fuit. Et hæc satis.

ILLI SENTENTIAE, QVA DICTVM EST, ETC.

Distinctio XLVI.

Lectio CXLVI.

QUam graphicè Magister sent. in superiori distinctione de Dei loquutus sit uoluntate secundum se, & absolutè, arbitror uos scire; ut ergo præsens choereat illi prædeclarata, intendit nunc uerba facere de Dei uoluntate quantum ad ipsum effectū. Diuidatur ergo hæc distinctio in tria segmenta, in quorum primo respectu bonorum diuina uoluntatis effectus tangitur. Insuper respectu malorum idem declaratur. Demum quarundam authoritatum determinatio ponitur. Circa primum moraturi aliquantulum dubitabimus, num Deus aliquid uoluerit, quod non sit factum. Mihi sanè uidetur, qđ sic. Nam uoluit, immo

vult Deus oēs homines saluos fieri, & tamen hoc nō est factū, nec fit, quia totū oppositum contingit, Deus ergo aliquid uelle dicitur, quod nec fit, nec factum fuit. Præterea voluit filios Israel congregare, quod ē non est factum; non ergo oīa, quæ vult Deus, facta dicuntur. Pro intellectu huius rei debet is pro comperto habere, beneplacitum diuinæ uoluntatis semper impleri, quo supposito, non illa duplici instantia obstante, quo modo obiecta intelligi debeant, audite. Dū ergo dicitur, qđ Deus vult oēs homines saluos fieri, sensus est, quod quicunque homines saluantur sola Dei uoluntate saluantur. Rursus quando dicebatur, quod uoluit filios Israel congregare, qđ tamen non est factum, sensus est, qđ qui de filiis Israel congregantur, sola Dei uoluntate cōgregantur. Quando uerò apud Io. primo dicitur. Illuminat omnem hominem uenientem in hunc mundum, hoc minime intelligi debet, qđ oēs ab ipso illuminentur, qui in hunc mundum uenerint, sed quod nullus ueniens in hunc mundum illuminari dicitur, nisi ab ipso. Et hæc de primo puncto. In altero secundo in ordine, ut quid sentiendum sit de Dei uoluntate respectu malorum, cognoscatis, in hunc dubitabimus modum, an scilicet mala fiant Deo uolente. Circa materiam hanc duæ sunt opiniones, quarum unam partem affirmatiuam tuetur, altera uerò negatiuam. Prima supponit, quod Dei uoluntati nihil resistere possit; tunc sic. Si Deus non uellet, mala fieri, & esse, tunc illius omnipotentia posset resisti; si sic, non ergo Deus esset cōpotens, sed hoc negare penitus falsū est; debet ergo cōcedi, qđ Deus uelit mala fieri, & esse. Præterea, uel Deus uult fieri, aut non uult fieri, sed non uult ea non fieri: igitur uult ea fieri. Minor sic declaratur,

nam

nam si Deus uellet non fieri, nunquam fierent, cum eius voluntati nihil resistere possit. Demum nonne Deus vult omne bonum? at mala fieri bonum est, & nisi esset bonum, proculdubio à Deo minime fieri permitterentur, Deus igitur vult mala fieri. Altera opinio negativa aperte docet, Deum non uelle, & esse, & mala fieri, ne auctor culpa uideatur Deus esse, ut rectè D. Aug. testatur. Insuper, si Deus mala fieri, & esse uellet, iniquus esse uideretur, quod esset causa, cur quis deterior fieret; non ergo concedendum est, quod Deus mala fieri uelit, nec quod uelit non fieri mala, quia sic mala nunquam fierent, sed quod non uult ea fieri, & quando dicitur, quod mala fieri sit bonum, respondeatis dari duplex bonum, & simpliciter, & ut elicited: primo modo negandum est, quod mala fieri sit simpliciter bonum, secundo uerò modo sic, quatenus scilicet ex malis bona elici possunt. Hic obiter queso unum notetis, in quotuplici scilicet discrimine bonum esse dicatur: nam aliquando datur bonum in se, & facienti, V. g. ut dare eleemosynam pauperi, sed non propter Deum: datur aliud bonum in se, & facienti, & ei, cui fit, V. g. ut predicare fidelibus propter Deum. Insuper dari solet aliquid malum in se, & facienti, ex quo tamen accidentaliter elicitur bonum, ut mala, quæ fiunt ad pulchritudinem uniuersi. Sed dicetis, omne uerum nonne à Deo est? sed malum fieri est uerum: ergo à Deo. Respondeo, quod hic duo consideranda sunt, & dictum, & res dicta. Bene ergo concedi potest, quod ueritas, quæ est in hoc dicto, sit à Deo, sed res dicta, scilicet ipsum malum, minime est à Deo, & hæc de particulis duabus presentis nostri sermonis. In ultima particula relinquētes inania multa præmissæ

questionis parti saniori fauentes, qua sanctorum testimonijs plenius approbatur, dicemus, Deum non uelle mala non fieri, nec tamen uelle non fieri, neque nolle fieri, omne ergo, quod uult fieri, non fit, & omne, quod uult non fieri, non fit. Fiunt autem multa, qua non uult fieri, ut omnia mala, licet quicquid fit, Deus fieri permittat. Et hoc satis.

VTRVM DEI VOLUNTAS SEMPER

EFFICACITER IMPLEATUR.

Lectio CXLVII.

Circa prædeclaratam distinctionem duo notatu digna quesita occurrunt, alterum quorum est. Vtrum Dei voluntas semper efficaciter impleatur. Insuper, Vtrum Deus fieri mala uelit. Quantum ad primum. Pro parte negativa sic arguitur. Effectus omnis à causa proueniens, qua impediri minimè potest, necessarius est, at non omnia, qua à Deo sunt, necessaria dicuntur: voluntas igitur Dei, qua mediante producit, quicquid producit, impediri potest, quare non semper efficaciter impleri dicitur. Præterea, nonne Deus uult omnes homines saluos fieri? atqui non omnes saluantur: igitur Dei voluntas non semper impletur. In oppositum se habet illud sapi. xii. Subest enim tibi cum uolueris posse, at voluntas illa, cui subest potestas, efficaciter impletur: ergo. Pro intellectu huius quesiti duo notanda erunt; primum est, quod Dei voluntas infallibiliter semper impletur, loquendo de beneplaciti uoluntate, non signi. Alterum est, quod quamuis infallibiliter impleatur, non ob id ulla rebus necessitatem

necessitatem imponit. Primum patet, quoniam diuina uoluntas agit per potentiam diuinam exequentem illud, quod scientia dictat, & uoluntas imperet, qua cum in se impediri nequeat, hinc semper impleri infallibiliter dicitur. Quantum ad secundum, quod diuina uoluntas nullam rebus necessitatem imponat, patet, tum quia res creata huius necessitatis capaces non sunt, tum quia, cum Deus sit agens liberè, non potest per talem actionem rebus creatis necessitatem imponere. Nunc argumenta soluenda, & primò primum, per distinctionem de duplici causa, agente una ex necessitate natura, & libera altera. Argumentum currit de effectu respectu cause agentis ex necessitate natura, non respectu libera. Ad secundum argumentum, dum dicebatur, Deum uelle oēs saluos fieri, sed non salui fiunt: ergo. Respondetur secundum Damascenum, auctoritatem hanc debere intelligi de uoluntate antecedente, non consequente, nec id mirum: nam in homine duo considerantur, natura primo, ut est ordinabilis in beatitudinem; insuper persona, cuius actiones sunt bona, uel mala. Si bona salui fiunt homines. Si mala damnantur, quia à fine ultimo per prauas actiones deuiant, & hoc modo Deus tales saluos fieri, minimè uult: quare, &c. Exposito primo his paucis uerbis quesito, accedit secundum, ubi queritur. An Deus mala fieri uelit. Primo aspectu uidetur esse dicendum, quod sic. Nam Deus uult omne bonum, & omne, quod ad uniuersi perfectionem confert, at mala fieri sic bonum est: igitur, &c. Minor patet per Dionysium iiii. de diuin. nomin. ergo. Deinde, si Deus est author gratia, ita & natura, at Deus uult mala pena fieri, quod tamen natura bonum priuant. Igitur à simili uidetur, quod

quid dicat *Magister*, queso audite, quamvis enim voluntas beneplaciti Dei in se una tantum sit, nihilominus voluntas signi in quinque signa solet usurpari. Nam accipitur quandoque pro precepto, pro prohibitione, pro consilio, pro permissione, & pro operatione voluntatis diuina. Quæ omnia voluntates Dei ideo dicuntur, quoniam Dei voluntatis signa sunt, non tamen ita signa sunt, quia velit Deus omnia fieri, sed quia se ad modum voluntatis habent. Vnde sciendum est, quod prima voluntas beneplaciti dicitur, aliæ verò voluntates signi nuncupantur, & differunt in hoc, quia beneplaciti voluntas æterna est, reliquæ uerò sunt temporales. Insuper beneplaciti voluntas semper adimpletur, at aliæ non. Sed dicetis; cum voluntas Dei sit ipsamet sua essentia, quæ una est, quo modo varijs sumitur modis? Respondetur, quod si propriè sumatur secundum quod ipsa diuina essentia, unum erit significatum, at si respectiue, tunc varijs dicitur accipi posse modis, ut iam dictum est. Et hæc satis.

DE VOLVNTATE DEI.

Lectio CXLIII.

NE à vobis sugillari posse videar, pro vberiori doctrina eorum, quæ in textu *Magistri* sunt tacta, hodierna die sum de voluntate Dei loquuturus; solet etenim diuersimodè accipi in scriptura, nec mirum: nam licet Dei voluntas una sit, & non diuersa, locutio tamen de Dei voluntate dicitur diuersa, unde solet Dei voluntas distingui in voluntatē beneplaciti,

¶

Et voluntatem signi. Voluntas beneplaciti duplex est, scilicet antecedens, & consequens. Voluntas uero signi quintuplex, scilicet prohibitio, præceptio, consilium, impletio, siue operatio. Permissio, hoc est ille terminus uoluntas, aliquando est idem, quod prohibitio, quandoq; idem significat, quod præceptum. Vnde patet, quod hæc distinctio, non est rerum distinctio, sed est distinctio huius uocabuli uoluntatis, secundum diuersas suas significationes, quibus accipitur in scriptura. Voluntas Dei antecedens non est aliquid in Deo quomodocunq; distinctum à uoluntate Dei consequente, sed ille terminus uoluntas antecedens, est terminus connotatiuus multa significans, Deum scilicet, & creaturam, & ita describi potest, uoluntas antecedens est uoluntas diuina dans alicui antecedentia ad consequendum aliquid cum præcepto, & consilio exequendi, sine reuelatione contrarij parata ei coagere, si uelit. Hoc modo Deus antecedenter uult oēs uiatores iuste uiuere, quia dat potentiam, intellectum, & affectum cum præcepto, nec ideo præcipit bona, quia bona sint, vel prohibet mala, quia mala sint, sed ideo hæc bona sunt, quia præcipiuntur, & mala, quia prohibentur. Item Deus non uult aliquem antecedenter peccare, quia nec præcipit, nec consulit peccare. Item Deus non uult Abraam antecedenter immolare filium, quia licet dederit immolandi potentiam cum præcepto, ei tamen oppositum reuelauit. Item Deus uult præscitos saluari, sed non uult demones, uel damnatos saluari antecedente uoluntate, quia illis minimè uult coagere ad opera meritoria, quibus salutem consequantur, neq; sine meritis conferre salutem, bene uult omnes uiatores saluos fieri uoluntate antecedente, quia dedit potentiam

potentiam merendi cum præcepto paratus coagere, si uelint, nec
 reuelat contrarium; uult ergo Deus oēs, &c. idest præcipit, vel
 obligat, ut oēs salui fiant. Voluntas uero Deus, beneplaciti conse-
 quens est diuina uoluntas, sibi efficaciter in esse alicuius cōplacens,
 ipsum diligendo esse, aut pducendo, seu conseruando; hac uolun-
 tate immediatè fertur in uoluntum, & sic dicitur Deus uelle omne
 positiuum, sine qua uoluntate nihil fieri pōt in mundo, quia ipsa
 (ut dictum est) prima est, & summa causa oīum causabilem, &
 hæc uoluntas beneplaciti semper impletur, de hac enim dicitur
 in Psal. Oīa quęcunq; uoluit dominus, fecit in Cēlo, & in Terra.
 uoluntas insuper signi nil aliud est, quam aliqua creatura, siue
 effectus diuinę uoluntatis significans, vel manifestans nobis diui-
 nam uoluntatem: unde Psal. Magna opera domini exquisita in
 oēs uoluntates eius, quamuis unica, & simplex sit Dei uoluntas:
 huiusmodi aut signa, quę uoluntates in Deo dicuntur, nobis occa-
 sionem præbent imaginandi, Deum aliquid uelle, & primo modo,
 quando uult aliquid debere fieri à creatura, & huius signum est
 præceptum. Secundo modo uult aliquid debere non fieri, & huius
 signum est prohibitio. Tertio modo, uult aliquid nec debere fieri,
 nec debere non fieri, sed expedire fieri, & huius signum est consi-
 lium. Quarto modo uult aliquid, nec debere fieri, nec debere non
 fieri, sed licitè fieri, & huius signum est indulgentia, vel permissio.
 Quinto modo, uult aliquid simpliciter esse, vel fieri, & huius
 signum est impletio, vel operatio. His ergo quinque modis possumus
 imaginari, Deum aliquid uelle: nam quęlibet ad extra Dei ope-
 ratio dicitur esse signam uoluntatis diuinę, sicut effectus suę causę,
 sic

sic ergo diuina uoluntas precipit bona, sicut Deum honorare, proximum amare, & prohibet mala, sicut Deum odisse, proximum ledere. Insuper consulit maiora bona, sicut est uirginitas, & paupertas, &c. Hec intantum de Dei uoluntate eterna.

VTRVM DEVS VELIT ALIA A SE.

Lectio CXLV.

NE uidear laconico uti uelle sermone ad uberiores doctrinam eorum, quae dicta sunt in proxima praeterita lectione, ex uisceribus Magistri sent. arbitror in praesenti inia percurrenda esse quae sita, & primò. Vtrū Deus optimus. Sphaera intellectualis alia à se velit. Deinceps, utrum immediatius agat per intellectum, quam per uoluntatem, uel uice uersa. Insuper, congruenter uoluntas in signi, & beneplaciti uoluntatem distinguatur. Quantum ad primum, negatiue quidam arguentes ita fantur, unicuique uolenti aliquod uoluntatum sufficit, & tale nihil uult praeter illud, at ipsi Deo uidetur sufficere sua bonitas; nihil ergo aliud uult à se. Praeterea, ois actus uoluntatis dicitur desiderium, uel delectatio, at nullum horum respectu creatura potest habere Deus: quare, &c. Minor ut dubia sic declaratur, quia rei non habita desiderium penam habet, quae minimè in Deo est: quare, &c. Deinde delectatio rei de nouo habita noua est, quae simpliciter à Deo remouenda; patet itaque minor paucis enodata uerbis, quae prius erat dubia. In oppositum se habet id, quod apud Sapi. xi. legitur, Diligis omnia, quae sunt, & nihil odisti eorum, quae

fecisti: atqui diligere ad uoluntatē attinet, cum eius sit actus, Deus ergo uult alia à se, q̄ scilicet fecit. Pro intellectu huius questionis, nec non dilucidatione, illud Arist. dictum nō procul ab initio libri secundi posteriorum in memoriam reuocandum, scilicet questionē unum supponere, & aliud querere, ut in proposito nostro sit: nam questio mota in Deo uoluntatē esse supponit, insuper aliud querit. Vtrum scilicet Deus uelit alia à se. His ita premissis, nunc argumenta soluenda, ut consequenter festinemus ad alia quesita, ad primum ergo dicendum, aliquid posse esse uolitum, bisariam considerari, uno modo, quia est commodum uolenti, & hoc uelle ex indigentia uolentis oritur, V. g. ut esuries, quæ uult cibum, & auarus pecuniam, quod uelle pertinet ad amorem concupiscentiæ, alio modo, dicitur aliquid uolitum, non quia uolenti sit commodū, sed alij: decet tamen uolentē, ut liberalis, qui uult dare pecuniam. Si primo modo, Deus non dicitur uelle alia à se, non enim bonorū nostrorum eget. At si secundo modo, tunc dicitur uelle: nam decet bonitatem diuinam cōmunicari rebus creatis, nec non manifestari in eis. Nunc ad formam rationis adducta dicendum est, quod cuiusq; sufficit aliquid uolitum, nil aliud uelit tanquam commodum suum, quia nullo alio uidetur egere; pōt tamen aliud uelle ob alterius commodum, nec non propter suam decentiam, & sic est de Deo, ut iam prædictum. Ad alterum argumentū debet negari, qđ oīs actus uoluntatis sit desiderium, vel delectatio, at ille tantū, qui ad concupiscentiæ amorem pertinet, qui dicitur esse amor com-
modi presentis, vel absentis habiti, uel non habiti, de quo argumen-
tum currit: at nos in Deo haud ponimus talem amorem, nec talem
actum

actum uoluntatis respectu creaturarum, sed solum amorem, quo vult eis bonū ob suam decentiam. Et hęc de primo quesito. Circa secundum versaturi leue quidem erit manifestare, Deum per intellectum agere: nam res opposito modo cōparari solent ad Deum, & ad nos, quia Dei scientia est rerum causa, & nostra à rebus causata, at in nobis, ut norunt periti in arte, est motus à rebus ad intellectum, & mediante intellectu ad uoluntatem: ergo è contrario debet euenire, & esse in Deo, ut in ipso sit, secundum nostrum modum intelligendi primo motus à uoluntate in intellectu, deinde ab intellectu ad res. Si sic, ergo Deus dicitur immediatius agere per intellectum, quàm per uoluntatem. Pręterea, per illud unumquodq; immediatius dicitur agere, per quod magis effectui assimilatur, at Deus rebus magis similis dicitur, vel res ipsi Deo potius quantum ad intellectum, quam ad uoluntatem: igitur. In oppositum uidetur se habere ipsa ueritas: nam primus actus productionis rerum est ipsa uoluntas: quare, &c. Pro responsione argumentorum uelim uos scire, circa questionem duplicem inueniri modum: nam quidam arbitrantur, Deum vel Angelum immediatius attingere effectum per intellectū, quàm per uoluntatem, alij uerò, quod in oī agente à proposito, idest cum electione, siue creato, siue increato, uoluntas magis de propē se habeat ad rerum productionem, quàm intellectus, & hic modus illis melior apparet. His ita positis, nunc argumenta è medio tollantur, insuper ad aliud questum properandum. Potest ergo dici ad primum, res comparari opposito modo ad nos, & ad Deū, quo ad scire, quia cognitio nostra, siue scientia dicitur à rebus causata, scientia uerò Dei est rerum causa,

causa; at supposito scire simili modo se habet Deus ad res creatas producendum, uti nos ad producendum res artificiales, & quantum ad hoc, utrobique immediatius se habet ad rerum productionem voluntas, quam intellectus. Ad secundum argumentum, quando dicebatur, quod per illud agit immediatius, per quod magis assimilatur effectui, vel effectus si si, potest dici, hoc minime veritatem habere in his, quae fiunt per artem: nam artifex non dicitur assimilare sibi, vel alicui, quod in ipso sit principium agendi effectum, quem facit: vel dicatis ad minorem, quod res non magis Deo assimilantur quantum ad intellectum, quam quantum ad voluntatem, & ita ruit argumentum. His duobus quesitis additur tertium, dum queritur. Virum voluntas congrue distinguatur in voluntatem signi, & beneplaciti. Mihi prima fronte videtur, quod non: nam Deus nihil operatur, nisi volens: igitur eius Dei operatio ad beneplaciti voluntatem pertinet, at voluntas signi distinguitur contra beneplaciti voluntatem: igitur operatio non pertinet ad signi voluntatem, cuius tamen oppositum habetur in textu Magistri sent. Insuper, aut illud, quod Deus vult voluntate signi, vult voluntate beneplaciti, aut non. Si non: ergo signa sunt falsa, quibus signatum non concordat. Si sic, frustra ergo una contra alteram distinguitur. Pro determinatione itaque huius difficultatis scire debetis, quod distinctio voluntatis divina in voluntatem beneplaciti, & signi dicitur distinctio in voluntatem proprie dictam, & metaphoricè: nam beneplaciti voluntas, proprie dicitur voluntas, vel actus suus volendi, quo aliquid sibi placet, voluntas vero signi vocatur Dei voluntas metaphoricè, eo modo, quo signum nominatur metaphoricè nomine rei,

rei, cuius est signū, ut imago Herculis. His ita positis, argumēto primo in hunc modum erit satisfaciendum, quod uoluntas signi, quae est operatio, non distinguatur à uoluntate beneplaciti, quasi non sint uniformiter de eodem, sed quia uoluntas beneplaciti est propriè uoluntas, & operatio Dei non dicitur uoluntas Dei, nisi metaphoricè, V. g. ut signum, sicut quando dicitur urina sana. Ad alterum argumentum potest dici, quòd illud, quod Deus uult uoluntate signi, quandoq; uult uoluntate beneplaciti, nec ob id frustra una contra alteram distinguitur: nam secundum eandem rationem uoluntatis nomen utriq; non conuenit, ut alias dictum fuit. Et hæc satis.

ILLI SENTENTIAE, QVA DICTVM EST, ETC.

Distinctio XLVI.

Lectio CXLVI.

QUam graphicè Magister sent. in superiori distinctione de Dei loquutus sit uoluntate secundum se, & absolue, arbitror uos scire; ut ergo præsens choereat illi prædeclarata, intendit nunc uerba facere de Dei uoluntate quantum ad ipsum effectū. Diuidatur ergo hæc distinctio in tria segmenta, in quorum primo respectu bonorum diuina uoluntatis effectus tangitur. Insuper respectu malorum idem declaratur. Demum quarundam autoritatum determinatio ponitur. Circa primum moraturi aliquantulum dubitabimus, num Deus aliquid uoluerit, quod non sit factum. Mihi sanè uidetur, qd sic. Nam uoluit, immo

vult Deus oēs homines saluos fieri, & tamen hoc nō est factū, nec fit, quia totū oppositum contingit, Deus ergo aliquid uelle dicitur, quod nec fit, nec factum fuit. Preterea voluit filios Israel congregare, quod ē non est factum; non ergo oīa, quae vult Deus, facta dicuntur. Pro intellectu huius rei debetis pro comperto habere, beneplacitum diuinae uoluntatis semper impleri, quo supposito, non illa duplici instantia obstante, quo modo obiecta intelligi debeant, audite. Dū ergo dicitur, qđ Deus vult oēs homines saluos fieri, sensus est, quod quicunque homines saluantur sola Dei uoluntate saluantur. Rursus quando dicebatur, quod voluit filios Israel congregare, qđ tamen non est factum, sensus est, qđ qui de filiis Israel congregantur, sola Dei uoluntate cōgregantur. Quando uerō apud Io. primo dicitur. Illuminat omnem hominem uenientem in hunc mundum, hoc minimē intelligi debet, qđ oēs ab ipso illuminentur, qui in hunc mundum uenerint, sed quod nullus ueniens in hunc mundum illuminari dicitur, nisi ab ipso. Et hęc de primo puncto. In altero secundo in ordine, ut quid sentiendum sit de Dei uoluntate respectu malorum, cognoscatis, in hunc dubitabimus modum, an scilicet mala fiant Deo uolente. Circa materiam hanc duae sunt opiniones, quarum unam partem affirmatiuam tuetur, altera uerō negatiuam. Prima supponit, quod Dei uoluntati nihil resistere possit; tunc sic. Si Deus non uellet, mala fieri, & esse, tunc illius omnipotentia posset resisti; si sic, non ergo Deus esset oīpotens, sed hoc negare penitus falsū est; debet ergo cōcedi, qđ Deus uelit mala fieri, & esse. Preterea, uel Deus uult fieri, aut non uult fieri, sed non uult eanō fieri: igitur uult ea fieri. Minor sic declaratur,

nam

nam si Deus uellet non fieri, nunquam fierent, cum eius uoluntati nihil resistere possit. Demum nonne Deus uult omne bonum? at mala fieri bonum est, & nisi esset bonum, proculdubio à Deo minime fieri permetterentur, Deus igitur uult mala fieri. Altera opinio negatiua aperte docet, Deum non uelle, & esse, & mala fieri, ne auctor culpa uideatur Deus esse, ut rectè D. Aug. testatur. Insuper, si Deus mala fieri, & esse uellet, iniquus esse uideretur, quod esset causa, cur quis deterior fieret; non ergo concedendum est, quod Deus mala fieri uelit, nec quod uelit non fieri mala, quia sic mala nunquam fierent, sed quod non uult ea fieri, & quando dicitur, quod mala fieri sit bonum, respondeatis dari duplex bonum, & simpliciter, & ut elicited: primo modo negandum est, quod mala fieri sit simpliciter bonum, secundo uerò modo sic, quatenus scilicet ex malis bona elici possunt. Hic obiter queso unum notetis, in quotuplici scilicet discrimine bonum esse dicatur: nam aliquando datur bonum in se, & facienti, V. g. ut dare eleemosynam pauperi, sed non propter Deum: datur aliud bonum in se, & facienti, & ei, cui fit, V. g. ut predicare fidelibus propter Deum. Insuper dari solet aliquid malum in se, & facienti, ex quo tamen accidentaliter elicitur bonum, ut mala, quæ fiunt ad pulchritudinem uniuersi. Sed dicetis, omne uerum nonne à Deo est? sed malum fieri est uerum: ergo à Deo. Respondeo, quod hic duo consideranda sunt, & dictum, & res dicta. Bene ergo concedi potest, quod ueritas, quæ est in hoc dicto, sit à Deo, sed res dicta, scilicet ipsum malum, minime est à Deo, & hæc de particulis duabus presentis nostri sermonis. In ultima particula relinquētes inania multa præmissæ

questionis parti saniori fauentes, quæ sanctorum testimonijs plenius approbatur, dicemus, Deum non uelle mala non fieri, nec tamen uelle non fieri, neque nolle fieri, omne ergo, quod uult fieri, non fit, & omne, quod uult non fieri, non fit. Fiunt autem multa, quæ non uult fieri, ut omnia mala, licet quicquid fit, Deus fieri permittat. Et hæc satis.

VTRVM DEI VOLUNTAS SEMPER
EFFICACITER IMPLEATUR.
Lectio CXLVII.

Circa prædeclaratam distinctionem duo notatu digna quesita occurrunt, alterum quorum est. Vtrum Dei uoluntas semper efficaciter impleatur. Insuper, Vtrum Deus fieri mala uelit. Quantum ad primum. Pro parte negatiua sic arguitur. Effectus omnis à causa proueniens, quæ impediri minimè potest, necessarius est, at non omnia, quæ à Deo sunt, necessaria dicuntur: uoluntas igitur Dei, quæ mediante producit, quicquid producit, impediri potest, quare non semper efficaciter impleri dicetur. Præterea, nonne Deus uult omnes homines saluos fieri? atqui non omnes saluantur: igitur Dei uoluntas non semper impletur. In oppositum se habet illud sapi. xii. Subest enim tibi cum uolueris posse, at uoluntas illa, cui subest potestas, efficaciter impletur: ergo. Pro intellectu huius quesiti duo notanda erunt; primum est, quod Dei uoluntas infallibiliter semper impletur, loquendo de beneplaciti uoluntate, non signi. Alterum est, quod quamuis infallibiliter impleatur, non ob id ullam rebus necessitatem

necessitatem imponit. Primum patet, quoniam diuina uoluntas agit per potentiam diuinam exequentem illud, quod scientia dicitur, & uoluntas imperet, quæ cum in se impediri nequeat, hinc semper impleri infallibiliter dicitur. Quantum ad secundum, quod diuina uoluntas nullam rebus necessitatem imponat, patet, tum quia res creata huius necessitatis capaces non sunt, tum quia, cum Deus sit agens liberè, non potest per talem actionem rebus creatis necessitatem imponere. Nunc argumenta soluenda, & primò primum, per distinctionem de duplici causa, agente una ex necessitate natura, & libera altera. Argumentum currit de effectu respectu causa agentis ex necessitate natura, non respectu libera. Ad secundum argumentum, dum dicebatur, Deum uelle oēs saluos fieri, sed non salui fiunt : ergo. Respondetur secundum Damascenum, auctoritatem hanc debere intelligi de uoluntate antecedente, non consequente, nec id mirum : nam in homine duo considerantur, natura primo, ut est ordinabilis in beatitudinem ; insuper persona, cuius actiones sunt bonæ, uel malæ. Si bonæ salui fiunt homines. Si malæ damnantur, quia à fine ultimo per prauas actiones deuiant, & hoc modo Deus tales saluos fieri, minimè uult : quare, &c. Exposito primo his paucis uerbis quesito, accedit secundum, ubi queritur. An Deus mala fieri uelit. Primo aspectu uidetur esse dicendum, quod sic. Nam Deus uult omne bonum, & omne, quod ad uniuersi perfectionem confert, at mala fieri sic bonum est : igitur, &c. Minor patet per Dionysium iiii. de diuin. nomin. ergo. Deinde, si Deus est author gratiæ, ita & natura, at Deus uult mala pena fieri, quæ tamen natura bonum priuant. Igitur à simili uidetur, quod

quod velit mala culpa fieri, quæ bonum gratia priuant. Pro dilucidatione huius difficultatis, tria notanda. Primum est, qd nullum malum culpa, nec pena dicitur uoluitum à Deo. Secundum est, qd mala natura, vel pena à Deo per accidens uolita esse possunt. Tertium est, quod nec per se, nec secundum accidens mala culpa possunt esse uolita à Deo. Nunc his ita præmissis, ad argumenta soluenda accedo, & ad primū dico, mala per accidens ad uniuersi perfectionē non per se pertinere, loquendo tamen de malo natura, & pena, non aut de malis culpa. Ad secundum, negatur similitudo de malo pena, quod priuat bonum natura, & de malo culpa, quod priuat bonum gratia, quia bonum natura, qd priuatur per malum pena, pōt recompensari per maius bonum natura, vel gratia, potest et esse consonum rectæ rationi. At bonum gratia, quod priuatur per malum culpa, recompensari non pōt per maius bonum natura, nec pōt consonum esse rectæ rationi, propter qd nunquam potest habere rationem boni, nec rectē uoliti. Et hæc pro presenti.

QVOD VOLVNTAS DEI, ETC.

Distinctio XLVII.

Lectio CXLVIII.

Circa quadragesimā septimā huius lib. primi distinctionem versaturi nexum in primis considerabimus; insuper ad diuisionem properabimus. De nexu, de serie, de ordine, quid dicturus, audite. Ex quo Magister sent. superius de quibusdam egit, quæ diuinæ voluntatis effectum impediri videbantur,

nunc

nunc consequenter de diuina voluntatis efficaci adimpletione lo-
quuntur. Diuiditur hæc distinctio, siue usurpatur, in tres partes,
in quarum prima ostenditur, qualiter Dei voluntas semper im-
pleatur, in altera exemplo desumpto ab his, qui hanc impugnant,
idem declaratur; in tertia, & ultima intentum concluditur, Deus
scilicet diuersimodè secundum eam precipere. Quantum ad pri-
mam in ordine partem attinet, dicendum ita est, quod Dei voluntas
sit semper efficax, ita ut nil contra eam inueniri queat, licet multa
preter eam fieri appareat. Quod autem Dei voluntas semper adim-
pleatur, difficile id probare minimè est: nam uel de creatura, uel à
creatura dicitur adimpleri, à creatura, V. g. quando ipsa benefa-
cit. De creatura verò quando Deus benedictus ordinat de mala
faciente, ut uult. Sed hic uos dubitare posse, ex excusso uideo, quo
scilicet modo aliquid fieri ualeat preter Dei voluntatem cum nihil
eius uoluntati resistat? Deinde, quo modo illud, quod contra Dei
uoluntatem fit, non est preter eam: pro cognoscenda ueritate distin-
ctione in medium de uoluntate adducemus: nam dupliciter accipi
solet, quandoque enim uoluntas Dei, ipsam essentiam diuinam no-
minat, precepta, uel diuina uoluntatis prohibitiones. Aliquando
verò diuina uoluntas nominat permissionem. His in hunc modum
presuppositis dici potest ad formam difficultatis, nihil fieri posse contra
Dei uoluntatem, ut nominat diuinam essentiam. At contra pre-
cepta, nec non prohibitiones, quæ signa sunt diuina uoluntatis, bene
aliquid fieri potest, ut mala. Nihil tamen possibile est fieri preter
eius permissionem, ut in hoc primo segmento sermonis nostrum uidere
est. In secundo, ut uobis dilucidum fiat, quo modo Dei et uoluntas
adim-

adimpleatur, quo ad eam impugnantes, ita dicemus, peruersos quidem contra eius præceptionem, uel prohibitionem facere, sed non contra eius uoluntatē, quæ ipse est, nisi uelitis dicere, peruersè agere, esse contra eam, & fieri, quia præter diuinam uoluntatem, ea fiant. Semper tamen diuina adimpletur uoluntas, quo ad male agentes, ac consilio, siue Dei præcepto cōtradicientes, quæ uoluntas appellatur, nō tamen eius uoluntati, quæ ipse est. Fecerunt itaque, quod ualuerunt, sed non contra Dei omnipotentis uoluntatē, quia non ualuerunt, nec ob id sempiterna Dei uoluntas inefficax dici debet, cō quia non semper adimpleatur, immo, quod sic, quia impugnantes, & male agentes contra Dei præcepta, & prohibitiones, eius uoluntas sempiterna adimpletur, quæ eos damnari uolebat: efficax ergo, semperq; adimpletur diuina uoluntas, & inuicta est. ut hac in parte secunda habetis. Postremo, ut claudatur præsens distinctio, notumq; uobis fiat, quo modo Deus diuersimodè præcipiat secundum suam uoluntatem, ita dicendum, quod non omnia, quæ Deus præcepit, uel prohibuit, ita fieri uoluit. Deus etenim aliquando ex aliqua ratione sibi nota quædam fieri minimè uoluit, sed benè se ad modum uolentis habuit, ut patet de imolatione Isaac, & huiusmodi. Et hæc satis.

AN QUID PRAETER DIVINAM FIERI
POSSIT VOLUNTATEM.

Lectio CXLIX.

CIrca prædeclaratam distinctionē quesita quatuor excitari possent, at ego breuitati inseruiens, duo tantum examinanda

da proponam, quorum primum erit. *Vtrum aliquid præter diuinam fieri possit uoluntatem. Insuper, Vtrum illud, qd fit contra Dei uoluntatem, diuina dicatur obsequi uoluntati.* Quantum ad primum, arguunt quidam negatiue procedentes, & primo sic. Nullus effectus uniuersalissima causa causalitatem subterfugere potest, at diuina uoluntas causa uniuersalissima est, quare nullus effectus hanc poterit subterfugere, & ita nihil dicitur fieri posse præter eam. Deinde, semper diuina uoluntas adimpleri dicitur, ut superius probauimus; nil ergo debet poni fieri præter eam. In oppositum, dicetis uos, experientia se habet; multa enim mala fieri uidemus præter diuinam uoluntatem: igitur quid contra ipsam fieri posse ponendum. Pro vera, claraq; determinatione huius difficultatis sciendum est, quid sit fieri præter, uel contra diuinam uoluntatem, ad quod uidendum, ita erit dicendum, quod ueluti in naturalibus euenit, ita aliquo modo in proposito nostro, in naturalibus aut aliquid fieri dicitur secundum naturam, uel esse secundum naturam, quod uel est, uel fit secundum inclinationem naturæ, V. g. quando lapis deorsum mouetur, contra uerò naturam id fieri dicitur, quod euenit præter naturæ inclinationem, V. g. dum lapis sursum mouetur: præter uerò naturam solet quid fieri, quando nec secundum inclinationem naturæ, nec cōtra fit, eò quia natura nullam inclinationem habet ad hoc, uel ad oppositum suum, ut cum ex ligno fit statua. Similiter accidit circa uoluntatem, illud enim dicitur fieri secundum uoluntatem, quod euenit secundum uoluntatis inclinationem; & cum inclinatio uoluntatis sit finis actus uolendi omne, quod fit secundum uoluntatem, uoluntatum fieri dicitur.

dicetur. At illud, quod fit contra uoluntatis inclinationem, contra uoluntatem fieri ponetur. Quando aut fit aliquid, quod uoluntas uult non fieri, tunc ubi talis non adest uoluntatis inclinatio, ut fiat, uel non, id præter uoluntatem fieri statuetur. Insuper sciendū, quod diuina uoluntas, ut alias dictum est, solet distingui in uoluntatem beneplaciti, & signi; deinde illa beneplaciti adhuc subdividitur in antecedentem, & consequentem. Si de prima proculdubio fieri multa, & præter eam, & contra eam dicemus, at de secunda, nihil, quia uoluntate consequente simpliciter dicitur uoluntum: quare, &c. His ita præmissis, ad solutiones argumentorum accedo, & ad primum dico, quod maior uera est de effectibus, at si loquamur de defectibus, aliter cōtinget: nam multi defectus, ut mala culpa, quæ quatenus mala, defectum important, diuina uoluntatis causalitatem effugiunt: uel aliter dicatis, quod nullus effectus possit subterfugere causalitatem uniuersalissima causa, quin ei subsit, uel mediata, uel immediata. Ad secundum argumentum iam ex superioribus patuit responsum: nam currit de uoluntate beneplaciti, non de illa signi, uel de antecedente, nō aut de consequente; nil enim fit contra, nec præter hanc. Explanato primo dubio, accedit secundum, ubi unico medio pro parte negatiua sic insto. Quicumq; Deo, uel eius uoluntati obsequitur, uoluntatem suam conformat uoluntati diuina, at qui facit contra Dei uoluntatem, minime suam, eius uoluntati conformat, non ergo ei obsequitur. Pro responsione sciendum est, aliquid obsequi diuina uoluntati bifariam considerari, uno modo, ut materia de qua, uel circa quam fit uoluntas diuina, penes quē modum lapides dicuntur obsequi

obsequi edificari de lapidibus. Alio modo, ut agens secundarium, cuius actio tendit ad illud, quod distat, & vult agens principale; secundum quem modum manu artifices uoluntati principalis agentis obsequuntur. His in hunc modum positis, ad argumentum adductum sic dicendum, quod procedat de eo, qui ex intentione obsequitur diuina uoluntati per modum agentis; talis enim non agit contra uoluntatem diuinam, sed se ei conformat: vel dicatis, quod possibile sit, aliquem facere contra Dei uoluntatem antecedentem, & obsequi diuina uoluntati per modum materiae, vel agentis, ut iam fuit declaratum. Insuper dicatis, quod qui facit aliquid contra Dei uoluntatem antecedentem, eiusdem tamen uoluntati obsequitur, scilicet consequenti, ut materia, de qua, vel circa quam fit uoluntas consequens, & hoc quantum ad secundum modum, quo scilicet, aliquid alteri dicitur obsequi, ut agens secundarium principali. Et hoc satis.

AN DEVS, QVOD NON VVLT PRAECIPERE POSSIT.

Lectio CL.

DE quatuor quesitis hactenus duo enodata habetis, super sunt alia duo in presentiarum dilucidanda, quorum primum est, Vtrum Deus, quod non vult fieri, praecipere possit. Deinde, Vtrum malum fieri praecipere valeat. Circa primum, arguunt quidam pro parte negatiua sic. Praeceptum iudicare dicitur praecipientis uoluntatem, at quicumque indicat se velle, quod minime

minimè vult, fictus est, hoc aut Deo ascribi non debet: ergo nec primū. Sed dicetis, cur ergo legitur Gen. xxii. qđ Deus pręcepit Abraha, ut filium immolaret, deinde noluit eius immolationem, ut patet ibidem? ergo, &c. Circa materiam hanc duplex modus assignari pōi, unus est uolentium, Deum aliquid posse pręcipere, sed tamen illud nolle, ut patet de Isaac immolatione, qua fuit pręcepta, sed non uolita. Alius modus est tenentium, nec Deum posse, nec pręcipere id, quod non vult. His sic dispositis, ad primum argumentum ita dicendum, qđ pręceptum non semper pręcipientis voluntatem indicat, qua pręcipiens uelit rem pręceptam fieri, sed illam tantum, qua pręcipiens vult obligare illum, cui pręcipit ad faciendum, quod pręcipitur, & hoc est semper. Vel dicatis, qđ Deus ratione materia, nihil pręcipit, quin illud fieri uelit (saltem voluntate antecedente) Ad illud verò in oppositum de immolatione Isaac est dicendum, quod talis immolatio fuerit voluntaria voluntate antecedente, non consequente. Et hęc pro primo dubio. quęritur modo secundo, Num Deus mala fieri pręcipere possit. Mihi certè videtur esse dicendū, qđ sic. Nam occisio innocentis mala est, similiter fornicationis cōcubitus; insuper alienum re sua spoliare, sed hęc oīa Deus pręcepit: igitur, & mala fieri uoluit. Sed dicetis vos, negamus minorē, scilicet Deū hęc fieri pręcepisse: probari possunt hęc tria testimonio sacra pagina, & primo primū, ut habetur Gen. xxii. de occisione Isaac. Secundum Osee primo. Accipe mulierē fornicariam. Tertium Exodi xi. Deus ergo mala fieri pōt pręcipere. Sed contra, nullus diuinis obediens pręceptis malè facit: quare, &c. Pro dilucidatione huius quęstionis sciendum

dum est, quæstionē hanc minimè intelligendam esse de malo pena, constat etenim, quòd tale cadit sub diuino præcepto, & humano: igitur de malo culpæ. Nunc ad principale argumentum dicendum venit, quòd innocentis occisio non sic mala est, quin mali ratio sit ab ea separabilis auctoritate Dei, qui est simpliciter dominus vitæ, & mortis; potuit ideo præcipi à Deo. De concubitu autem fornicario, nec non de rei alienæ ablatione pòt dici, quod minimè fuerint à Deo præcepta, cum includant intrinsecus, & inseparabiliter indebiti rationem: benè Deus pòt mutare naturas, & rerum conditiones, potuit itaq; facere, quod mulier, quæ non erat Osea per vinculum matrimonij perpetuum, esset eius ad temporaneum usum, & ita accessit ad suam, nec est fornicatus, quia fornicari est accedere ad non suam. Similiter Deus absolutè dominus potuit facere, qđ res, quæ erāt Aegyptiorum fierent Hebræorum, vel ex Dei mero dono, vel in recompensationem laboris, ac seruitij, qđ impenderant Hebræi Aegyptijs, & sic Hebræi non abstulerunt rem alienam, sed suam; quare nec sunt furati. Mala ergo fieri coniunctim, id est sub condicione mali, Deus nequaquam præcipit, sed solum, ut supra diximus. Et hæc satis.

QVOD ALIQUANDO HOMO BONA, ETC.

Distinctio XLVIII.

Lectio CLI.

VT ultimā imponamus manum huic lib. primo (Nobil. Audit.) nouissimam perbreuem, admodum utilem, & facilem enodabimus in presenti distinctionem; pen-

Cc

denitiam

dentiam huius primò considerantes; Insuper diuisionem. Quantum ad primum. Ex quo Magister docuit Dei uoluntatem semper adimpleri, nunc agere intendit de uoluntate humana, ut cognoscamus, quo modo in conformitate se debeat habere ad illam diuinā. Habito his paucis uerbis nexu presentis cum superioribus distinctionibus, nunc ad diuisionem accedo, usurpari enim hæc in tria puncta distinctio potest. In quorum primo declaratur, quòd uoluntas nostra bona diuinā non semper in uolito conformatur. Præterea, quando conformetur, detegitur. Demùm notandum ex prædictis colligitur. Circa segmenti primi expositionem Magister sent. ut doceat, quo modo nostra uoluntas bona non semper diuinā uoluntati cõformetur exemplo desumpto à bono filio utitur. Sit ergo Sortes Platonis filius, qui bona uoluntate uelit patrem uiuere, quē Deus bona uult uoluntate mori, hoc in casu expressè patet, qđ filij uoluntas materialiter non uult, quod Deus uult, nec ob id mala est; non ergo semper bona uoluntas nostra diuinā conformis est uoluntati, ut ex hoc primo colligi puncto potest. In secundo declarari habet, qđ quandoq; creata uoluntas diuinā sit uoluntati in uolito conformis, licet non semper bona sit, V. g. ponatur hic Ioan. qui uelit fratrem suum mori, hoc idem uelit Deus, tunc bona erit ne uoluntas Ioan. quæ in uolito est conformis diuinā uoluntati? certè non, quia Ioan. ex impietate uult fratris mortem, at Deus ex iustitia, nec non ex pietate. His segmentis duobus tertium addi pōt, quod circa notandum uersatur tale. Dei uoluntas bona quandoq; per hominū malas uoluntates adimpleri dicitur, ut fuit in Christi morte. Nam Deus Christum mortem sustinere uolebat, sed non
Iudeos

Iudeos inferre, & licet Christi passio Deo placeret, non tamen sibi placebat, in quantum pgnalis fuit, at in quantum salutifera. Non secus sanctorum passiones diuersis causis sanctis placere, & displicere possunt. Sic finitur liber primus in eo, qui est finis omnium, in secula seculorum. Amen.

VTRVM VOLUNTAS NOSTRA DIVINAE
VOLUNTATI POSSIT CONFORMARI.
Lectio CLII.

VT tandem extremā imponamus inanum huic lib. primo Magistri sent. duo circa dicta Magistri quesita examinabimus quærentes primo. Vtrū nostra uoluntas diuinæ possit conformari uoluntati: deinde, Vtrum omnes teneantur ad suam uoluntatem conformandum diuinæ. Quantum ad primum, pro parte negatiua primo sic arguitur: conformitas suorum in una forma conuenientia est, at diuina uoluntas, & nostra nequaquam possunt in aliqua una forma conuenire, nec secundū speciem, nec secundum genus, quare inter eas conformitas aliqua esse non pōt. Præterea, relatiua æquiperantiæ ad conuertentiam dicuntur, sed conformitas relatio dicitur æquiperantiæ: ergo si nostra uoluntas conformari diuinæ diceretur uoluntati, tunc ē: diuina nostra posset uoluntati conformari, at hoc minimè dicimus: ergo, &c. Ex alio latere quia uoluntas verè obediens conformatur uoluntati præcipientis: igitur multorum uoluntas diuinæ cōformabitur uoluntati. Pro determinatione huius negotij scire debetis, quæstionem hanc

de conformitate nostræ uoluntatis ad diuinam debere intelligi de conformatione in uolito, quo presupposito, dici potest ad principale argumentum, quod non omnis conformitas dicitur esse secundum participationem eiusdem formæ specificæ inherētis, vel non inherētis, sed secundum plures alios modos, ut puta secundum idem obiectum uolitum, vel secundum charitatis habitum, vel secundum causam efficientem, vel finalem. Ad secundum dicitur, quod conformari plus importat, quam esse conforme, quoniam conformari dicitur solum illud, quod habet quasi rationem imaginis, vel effectus proportionati respectu alterius; unde conformari est fieri quasi ad alterius formam, & istud diuina minimè potest uoluntati competere respectu uoluntatis nostræ, sed è conuerso, propter quod uoluntas nostræ uoluntati diuinæ dicitur conformari. Et hæc de primo quesito. Circa secundum quidam ad partem negatiuam declinantes arguunt sic. *U*t se habet uoluntas ad uoluntatem, ita intellectus ad intellectum, sed nos tenemur intellectum nostrum diuino intellectui conformare, alioquin omnis homo habens opinionem falsam peccaret, quod minimè verum est: ergo uoluntatem nostram diuina conformare minimè uoluntati tenemur. Præterea, ad impossibile nemo tenetur, sed quandoque uoluntatem conformare nostram diuinæ uoluntati impossibile est: ergo, &c. Minor patet de obstinatis, qui ob sui stitium, uti damnati hoc facere nequeunt: igitur, &c. Deinde, Deus multorum uult damnationem, sed nullus tenetur suam uelle damnationem: ergo, &c. Ex alio latere, quia amicorum conformis debet esse uoluntas, & nos tenemur esse amici Dei: ergo, &c. Pro dilucidatione huius quesiti scire debetis, omnes teneri confor-

conformari diuina uoluntati, his tribus seruatis, scilicet, iusto, cōgruo, & cognito. Quibus ita positis, dici potest nunc ad primum argumentum, qđ similitudo nulla est de intellectu, & uoluntate; ratio assignatur, quia intellectus defectus in nostra potestate minimē est, cogimur enim quandoq; rationibus ad assentiēdum falso, ideo non peccamus, sed deliberata uoluntas in nostra potestate est, ideo peccamus, nisi eam conformemus diuina uoluntati, prout & in quibus conformare tenemur. Similiter de intellectu quantum ad ea, quæ sunt fidei, & saluti expedientia: ne ergo peccemus, quantum ad illud, quod est in potestate nostra, diuina tenemur uoluntati conformari. Ad argumentum secundum dici potest, quod obstinati simpliciter, vel damnati uoluntatem non tenentur conformare suam diuina uoluntati, ideo nec de nouo merentur, nec peccant, at benē in peccato, in quo mortui sunt, perseuerant, nos etiam pro statu uie non tenemur nostram cōformare uoluntatem diuina uoluntati, nisi prout, & quantum nobis innotescit, siue quo ad uolūtum, siue quo ad finem, & ut superius notauimus. Ad tertium dici potest, quod in tali uolito sicuti est damnatio propria non tenetur quis conformare suam uoluntatem diuina uoluntati. Quid si alicui sua damnatio reuelaretur? dici potest, hoc debere accipi secundum comminationem, non autem secundum prescientiam. Rursus si constaret hoc esse dictum secundum prescientiam? Respondetur, quod ob id non decet aliquem hoc uelle, nec Deus uult nos hoc uelle, cum uelle oppositum, scilicet beatitudinem sit finis, propter quem debemus uelle omne aliud uolūtum. Ad illud uerò in oppositam partem debet dici, quod amicorum est conformis

*mis voluntas in illis solum, in quibus decet utrunque velle: idem
in quo casu voluntatem nostram voluntati diuinæ confor-
mare tenemur. Tunc appropinquamus ad illum, qui
summè bonus est, in quo finitur hic primus
liber. Amen.*

FINIS.

Marcescit sine aduersario virtus.

LIBRI PRIMI ERRORES, & defectus corrigendi.

Pag.	Linea,	Errori.	Pag.	Linea,	Errori.
15.	25.	diuinus, diuinis.	145.	13.	nuncupaturi, nuncupaſ.
17.	3.	Uti, cui.	154.	8.	quinque, quique.
20.	4.	principali, principalis.	157.	1.	acquiſitus, acquiſitos.
21.	20.	creatum, creatura.			ibidem. habitus, habitibus.
22.	6.	auſus, abuſus.	157.	7.	potenda ponenda.
34.	25.	pro hoc, pro hac.	157.	25.	ſ, at.
36.	26.	at, ad. ibidem. quo ad, at quo ad.	158.	1.	Deo Viſo, Deo.
38.	22.	ad primam, ad primū.	159.	8.	infallibiter, inſallibiliter.
40.	1.	depronitur, depromitur,	† 160.	9.	primo, & primo.
42.	20.	ſpirat, ſpirant.	† 160.	15.	fidem, fidem inſuſam.
44.	7.	creaturis, creatoris.	161.	18.	reſpondeamus, reſpon-
50.	3.	excellente, excellenti.	165.	2.	fides, filius. (deam.
50.	20.	ius, uis.	166.	10.	quod, quid.
† 61.	22.	ſonali. deſunt hæc ver- ba. non tamen è conuerſo nomen perſonale poſſe dici.	174.	11.	habet, habetur.
76.	5.	intellectiualcm, intelle- ctualem.	182.	4.	nona, noua.
84.	12.	cōmunicati, cōmunicat.	183.	3.	notiua, notiſia.
95.	12.	claritas, charitas.	185.	17.	hæc, hę.
102.	9.	ius, uis.	191.	8.	Vexum, Verbum.
104.	20.	propter hoc negauit, non negauit.	200.	5.	ſit, ſint.
† ibid. li. 24.		ſ, quandā, & p quandā.	207.	1.	Diſtincto, Diſtinſtio.
107.		agit, egit.	214.	3.	ſuperioribus, ſuperiori.
109.	11.	procedit, procedat.	† 215.	18.	nulla forma, quod nul- la forma.
111.	14.	eadem, eandem.	218.	4.	Nunc, Num.
119.	26.	quia, quin.	218.	26.	eſſentia, eſſentialia.
119.	15.	quam, qua.	219.	4.	noſtrum, noſtræ.
126.	19.	in oppoſito, in propoſito.	220.	6.	ſecum, ſecundum.
128.	7.	poſſe dicendum, eſſe di- cendum.	220.	20.	procedere, præcedere.
133.	3.	aliqua, aliqua.	225.	3.	Spiritus ſacſtus, Spiritui ſancto.
			† 232.	21.	pluribus, à pluribus.
			233.	5.	quarum quorum.
			233.	9.	motum, notum.
			235.	26.	pulcitiis, pollicitis.

ERRATA LIBRI PRIMI,

Pag.	Linea,	Errori.	Pag.	Linea,	Errori.
237.	26.	sit, sic.	307.	18.	est, est.
240.	22.	appropriatione, appro- priationem.	308.	10.	habens, habent.
241.	6.	ab ipsa, ab ipso.	313.	8.	idem, isdem.
245.	4.	boc, hac.	326.	6.	Nunc, Num.
247.	25.	Distinctionibus, Di- stinctionis.	328.	5.	negatia, negativa.
248.	21.	dilige, diligere.	331.	13.	discinguendum, dislin- guendum.
250.	15.	sorte, sorte.	332.	3.	conoscere, cognoscere.
253.	19.	extrinsecus, extrinsecus.	339.	12.	constitutionē, cōstitutionē
		ibidem. suma, sunt.	343.	9.	ius, uis.
270.	11.	causa, causa.	344.	19.	approbatis, approbatio.
† 270.	17.	Deus p̄scit, si Deus p̄scit.	345.	18.	Et intencum, ut intentis.
273.	25.	in ipsa, in ipso.	350.	23.	dereliquit, derelinquit.
277.	2.	prudentiam, prudentia.	351.	6.	ratioinari, ratiocinari.
† 279.	26.	duratione, in duratione.	353.	15.	falsum, falsum.
286.	13.	mittit, immittit.	365.	10.	addictis, adductis.
287.	16.	concedi, concedit.	384.	3.	Deus, Dei.
294.	13.	eadem, eandem.	390.	20.	Unam, Una,
297.	8.	ab ante, ab arte.	399.	2.	distat, distat.
304.	25.	habent, habet.	399.	5.	indicare, indicare.
			403.	6.	suorum, duorum.

F I N I S.